

სიუჟაზ  
ჭიჭინაქუ



ნაღირმოცა  
მოქროს  
მთეცვი



ძვირფასო მკითხველო, გარწმუნებთ, რომ რევაზ ჭიჭინაძის ამ წიგნის წაკითხვისთვის გახარჯულ დროს დაკარგულად არ ჩათვლით. თქვენ გელით ცნობისწადილიანი მოგზაურობა უადრესად საინტერესო სამყაროში, თქვენთვის იდუმალ დროსა და სივრცეში, შეხვედრები თავისებურ ადამიანებთან.

წიგნი, ამავე დროს, შემეცნებითი ხასიათისაა. ავტორი მარტო იმას კი არ აგვიწერს, რაც განუცდია, თავისი თვლით უნახავს და საკუთარი ყურით გაუგონია მთიანი ალთაის გზა-ბილიკებზე, არამედ იმასაც, რაც მატრიანეებში, ფოლკლორულ კრებულებში ამოუკითხავს, ერთი სიტყვით, ჩვენ ვგრძნობთ მთიანი ალთაის მკვიდრთა სულს, გონებით ვიცნობიერებთ მათი ყოფის არსს.

ამ წიგნის ავტორი ნადირობის დიდი ტრფიალი გახლავთ, ქვემარტივი მონადირე კი უპირველესად ბუნების დიდი ტრფიალიცაა, რაინდი და ნადირ-ფრანველთა ქომაგი.

მართალია, ეს წიგნი კონკრეტულ სივრცესა და გარემოში მოგზაურობაა, კონკრეტულ ეთნოგრაფიულ მასალას, გეოგრაფიას, ლეგენდებს, მითოლოგიურ მონაცემებს ეყრდნობა, მაგრამ მასში მთავარია ის, რაც ყველა ქვეყნისა და ერის შვილთათვის ძვირფასი და არსებითია — ეს ადამიანთა აზრიანი, ამაღლებული, მაღალწინეობრივი დამოკიდებულებები გახლავთ, დამოკიდებულებები ურთიერთთან და ბუნებასთან.

დარწმუნებული ვარ, რომ ეს წიგნი ბარეორ ჩვენს თანამემამულეს გაუყენებს მშობლიურ გზა-ბილიკებს და მთელი გულით შეაგრძნობინებს იმ დიად და ცნობილ ქვემარტივებს, რომ ბუნება ჩვენშია და ჩვენ ბუნებაში ვართ...

ჭუმბურ თითმერია

4702170201—244

ყ—266—88

M601 (08) 88

ISBN 5—529—00172—6

© გამომცემლობა „საბჭოთა საქართველო“, 1988



— ამ ქვეყანაზე მხარეა ერთი  
 ალთაი ოქროს ქედებიანი.  
 „ქოგუთეა“

ცისფერ ნისლში გახვეული მთის მაღალი ქედები, მოწმენდილ ცაზე თეთრად მოკაშკაშე თოვლიანი მწვერვალებით, კლდეებს სამართებელივით რომ ჰქრის, ისეთი მდინარეები, ფირუზისფერი ტბები, უკიდვგანო წიწვიანი ტყეები — კედარისა და სოჭის ფისის თავბრუდამხვევი სუნიით რომაა გაელენთილი.

ხეობები და ალპური საძოვრები ლურჯი წყალიკრეფივით, ოქროსფერი შროშანებით, წითელი და შინდისფერი ყაყჩოებითაა მოქარვული, ალაგ-ალაგ ტივის მაღალ ბალახში ცხენკაცი თავისთავად რომ დაიფარება.

ეს მთიანი ალთაია<sup>1</sup>. ჩვენი ქვეყნის ერთ-ერთი თვალწარმტაცი კუთხე, უმდიდრესი მხარე.

თითქოს თვით განგების მიერაა შექმნილი ეს საოცარი

<sup>1</sup> ალთაი ჩინურად და მონღოლურად ოქროს მთას ნიშნავ

მხარე თავისუფალი და ღონიერი ხალხის მხიარული, ბედნიერი ცხოვრებისათვის.

მთიანი ალთაის ოლქი მდებარეობს რუსული ალთაის მთებში, რომელსაც ასე ეწოდება გეოგრაფიულ, ალპინისტურ და მონადირულ ლიტერატურაში მონღოლეთის (ან გობის) ალთაისაგან განსხვავებით. რუსული ალთაი აღმოსავლეთიდან და სამხრეთიდან ისაზღვრება დასავლეთის საიანებით, ჩოხაჩევისა და საილუგემის უღელტეხილებითა და ტაბინ ბოგდო-ოლას მთების კვანძით. დასავლეთით და ჩრდილოეთით მდინარე ირტიშითა და ალთაისპირა სტეპებით, ხოლო ჩრდილო-აღმოსავლეთით ის ერთვის კუზნეცკის ალთაუს უღელტეხილებს.

ადმინისტრაციულად მთიანი ალთაის ოლქი ალთაის მხარეში შედის და მონღოლეთისა და ჩინეთის სახალხო რესპუბლიკებს ესაზღვრება.

მთიანი ალთაის ავტონომიური ოლქის მოსახლეობა შერეულია. ძირძველი მოსახლენი ალთაელები არიან. ისინი მთიანი ალთაის თურქულენოვანი უძველესი მოსახლეებია. რევოლუციამდე იყოფოდნენ რამდენიმე ჯგუფად და საგვარტომო სახელით იწოდებოდნენ. ალთაის სამხრეთ და ცენტრალურ ნაწილში იყვნენ ტელენგიტები, ტელესები, საკუთრივ ალთაელები ანუ „ალთაი-კიეი“ და ნაწილობრივ ტელეუტები; ჩრდილოეთ ნაწილში: ტუბალარები, ჩელკანები, კუმანდელები. საერთო სახელწოდება მათ არ ჰქონდათ. სამხრეთელ და ჩრდილოელ ჯგუფებს შორის აღინიშნებოდა დიდი განსხვავება მეურნეობაში, კულტურასა და ყოფაში. მათგან პირველნი ძირითადად მესაქონლე მომთაბარენი იყვნენ, მეორენი — ტაიგის მონადირეები. ჩამოთვლილი ჯგუფები, კუმანდელების, რომლებიც ალთაის მხარის კრასნოგორისა და სოლტონის რაიონებში ცხოვრობდნენ, და კემეროვოს ოლქში მცხოვრები ტელეუტების გარდა, შედიან მთიანი ალთაის ოლქის შემადგენლობაში, რომლის ფარგლებშიც ალთაელებად წოდებული მათი ერთიან ერად კონსოლიდაცია მოხდა. ოლქის მოსახლეობის უმრავლესობა რუსებია, რომლებმაც ალთაის მთებში XVIII საუკუნის შუა ხანებში დაიწყეს ჩასახლება.

აქ, ოკეანისაგან ამ დაშორებულ მხარეში, კლიმატი მკვეთ-

რად კონტინენტურია, ზაფხულში ცხელა და ზამთარში ძალზე ცივა.

მთელი ტერიტორია ულამაზესი მდინარეებითაა დასერილი. ლეგენდა გადმოგვცემს, რომ ადრე, თურმე, ამ მიდამოებში არ იყო მდინარეები. ბალახიც კი არ იზრდებოდა. იყო კლდეები და სიციხისგან დახეთქილი მიწა. როგორ ეცხოვრა, როგორ ეარსება ადამიანს? რით შეენახა საქონელი, რითი გამოეკვება თავი? ცოცხალი არსება უწყლოდ ვერ გაძლებდა. ჰოდა, განუმეორებელი ძალის, გამპრიახი გონებისა და უკეთილესი გულის კაცმა სარტაკპაიმ, რომელიც დღენიდაც გაპირკებული ხალხის ბედნიერებაზე ფიქრობდა, მოისაზრა გაეჩინა მდინარეები. საჩვენებელი თითი ძალუმად გაუსვა მიწას და მაცოცხლებელ წყლად წამოვიდა მდინარე ყადნი — მთიანი ალთაის მთავარი მდინარე, გაუსვა მეორე ადგილას და აჩუხჩუხდა ბია, მაგრამ ეს საკმარისი არ იყო. მაშინ სარტაკპაიმ დააჭირა ცერა თითი ერთ-ერთი მთის ძირას და მის ნათითარზე გადაიშალა მოლივლივე ტბა. აქედან სარტაკპაიმ ყველა მიმართულებით გაუსვა თითი და ყველა მიმართულებით დაიწყო დენა ულამაზესმა მდინარეებმა.

ასე დაიქსელა თურმე მთიანი ალთაი მაცოცხლებელი მდინარეებით.

მარადდათოვლილ მთა ბელუხადან მოექანება თვალწარმტაცი ყადნი, რომელსაც გადარეული არგუთი ერთვის. არკიტი—ეს სიტყვა ალთაურად ნიშნავს დიდი ტყავის ტომარას, რომელშიც დამკვავებულ რძეს და კუმისს ინახავენ, ხოლო ტინების ტომარაში მყინვარებიდან მომდინარე არგუთის წყალი სწორედ რძესავით თეთრია, რომლის ტალღებიც მთიანი ალთაის ოლქს ჰკვეთს სამხრეთიდან ჩრდილოეთით, საოცარი სილამაზის მწვანეწყლიანი ბია ყადნის მარჯვენა შენაკადია. მრავალ ლეგენდათა შორის არის ისეთი ლეგენდაც, რომელიც შემდგომში ჩვენ დაგვკვირდება და ამიტომ მოგვყავს ის აქ: „სახელწოდება ბია და ყადნი თარგმანში ნიშნავს „ბატონს და ქალბატონს“: ბიას და ყადნის დინების მიმართულება იმით აიხსნება, რომ ქალსა და კაცს სურდათ ერთმანეთს შესჯიბრებოდნენ, რომელი რომელს გაუსწრებდა. ყადნი შეეცადა, გაესწრო ბიასთვის, მაშინ შეურაცხყოფილმა კაცი,

ბიამ, მას გზა გადაუჭრა. იგი სათავეს ოქროს ტბიდან ალთინ-კოლიდან იღებს და რწყავს მთიანი ალთაის აღმოსავლეთ ნაწილს თავისი შენაკადებით — დებედითა და ნენიათი და მის სისტემაში შემავალი ჩოლუშმანითა და ბაშკაუსით.

ოლქის ჩრდილო-აღმოსავლეთით ტყიანი და მთიანი ტუნდრაა, რომელიც ციმბირის ველის ტაიგას უერთდება. აქ მბრძანებლობს ციმბირის სოჭი, ციმბირის კედრის ფიჭვი — ეგრეთ წოდებული ციმბირის კედარი, ამას ერთვის მცირე-ფოთლოვანი ჯიშები: ვერხვი, იშვიათად არყის ხე, ხშირად სოჭ-ნაძვის, ალთაიში „ჩერნად“ ცნობილი ტყეები. ნაძვი ამ მხარეში იშვიათად გვხვდება, მეტწილად მდინარეთა ხეობებში.

აქ ბლომადაა ტყის სხვადასხვა ბალახეული: მარიამსხალა, ენდრონიკა, გვიმრა, ტილჭირი, ანგელოზა, წივანა. ხავსიანი ტყეები, დამახასიათებელია დიდნალექიანი რაიონებისათვის 700 — 800 მეტრის სიმაღლეზე, ზევით კი იწყება კედარ-სოჭის ტყეები. ზევით და ზევით ეს ტყეები დაბლდებიან და მეჩხერდებიან. ჩრდილოეთ ალთაის მთის მწვერვალებზე კედარისა და რბილწიწვიანას მეჩხერი ტყეებია. ალთაის ჩრდილო-აღმოსავლეთისა და ცენტრალური მთიანი პლატოები (1800—2000 მეტრ სიმაღლეზე) დაფარულია მღიერი — ხავსიანი ტუნდრითა და ქონდარა არყით, ტირიფითა და ღვიას ბარდებით.

სხვაგვარია სამხრეთ-დასავლეთის მცენარეული, ველის, ტყის, სუბალპური და ალპური მდელოები. მთის ძირებში ფართოდაა გავრცელებული ვაციწვერა-ქუჩისა და ნაირბალახა მდელოების ველები, რომლებიც ერთვიან დასავლეთ ციმბირის ტრამალებს. უდაბნოს შვრია, ფრინტა, კესანე, ნემსიწვერა, ზამბახი; ველის ბუჩქნარები: ქაფუნა, ველის ნუში ანუ ქონდარა ნუში და სხვა. სამხრეთ კალთებზე და მთის ფართო ხეობებში (ჩუისა და კურაის ველებზე) უხვადაა გლერძა, აბზინდა, მარწყვაბალახი და ზოგიერთი მალალ-მთიანი სახეობები: ედელვაისი, ალთაური ია და სხვა. უფრო ზევით ყოლო, მოცხარი, ცხრატყავა. მაღალი ბალახებიდან: ტილჭირი, დიყი. სუბალპური და ალპური მდელოები გამოირჩევა მრავალფერი ნაირბალახეულით: ფრინტა, ალპური

წართხალი, უძოვარა, რომლებიც ყვავილობისას მკვეთრი ფერების ასპექტს წარმოშობენ. დაბალბალახა ალპურ მდელოებზე სჭარბობს ალპური ია, ყაყაჩო, ფურისულა, ნაღველა და სხვა. უფრო ზევით, 3.000 მეტრის სიმაღლეზე, ერთიანი მცენარეთა ფენა აღარაა, კლდეებსა და ნაშვავებში მხოლოდ ცალკეული ყვავილოვანი გვხვდება.

ეს ულამაზესი ტყეები სავსეა ნადირით. მათი მრავალფეროვნება მართლაც იშვიათია. ალთაის თითქმის ყველა ტყეში ბევრია შველი, ჩუის ჭალებში უამრავია ძერენეი — მთის ანტილოპა, მდინარეების — ყადნის და ჩოლუშმანს — შორის მდებარე ტაიგაში ბლომადაა ცხენირმები. იასატარის სათავეებში არხარების ფარები დადიან, ყადნის სათავეში და ტელეცის ტბასთან მრავალი მარალი და კეთილშობილი ირემია, ალთაისა და საიანის მოსაზღვრე ქედებზე ჩრდილოეთის ირემები დაეხეტებიან, ციცაბოებზე მდებარე ხშირი ტყეება ჭაბარღების თავშესაფარია, დაბლა ტყიანებში ბლომადაა ტაიგის მზრძანებელი აიუ-დათვი, მგელი, ფოცხვერი, იშვიათად გვხვდება წითელი მგელი და თოვლის ჭიჭი, ტყუილად როდი ქვია ერთ-ერთ, მარადდათოვლილ მთას ირბის-ტუ — ჭიჭის მთა, დაბოლოს, ყველაზე მიუვალ კლდეებში ციმბირული ტაუტეკეს — მთის თხის სადგომებია.

ამათ გარდა, მრავლადაა მხტომელი მიწის კურდღელი და თეთრი კურდღელი, ჩვეულებრივი და ალთაური ვირზაზუნა, ბურუნდუკი და კოლინოკოსი, კიდევ ალთაური თხუნელა, ციყვი და წავი, მუშკი და სიასამური, მელა და ყარაყუმი, სამურავი და ცამბირის კვერნა, ამერიკული წაულა, ენოტის მსგავსი ძაღლი და ონდატრა.

ასევე მრავალფეროვანია ფრინველთა სამყარო: ხმელნისკარტა და ინდური ბატი, მონღოლური კაკაჩა და ბატასინი, სოლო და როჭო, ერუნი და გნოლთეთრა, კალოს ბატი და ალთაური სონდული, სავათი და სავათტურფა, ალთაური მაღალმთიანი ინდაური და ტუნდრის გნოლთეთრა, შურთხა, წერო და წითელმუცლა ბოლოცეცხლა, გედი და იხვი, ტყისქათამი, კვირიონი და მთის არწივი.

სამაგიეროდ, საოცრად ღარიბია ალთაი ქვეწარმავლებით; მისთვის დამახასიათებელია ერთადერთი შხამიანი გველი „შიტომორდნიკი“.

მდინარეებსა და ტბებში ჭარბობს უგემრიელესი კაპოეტი, ტაიმენი, ჭანარი, უსკუჩი, ოლაბუტა, გოჭალა, ღორჯო, ნელმა, ქარიულაპია, ქორჭილა, ჩებაკი, სოროგა, ხაპარკინა, ციმორი, ძალიანი, თართი, ჩიქვი და მრავალი სხვა.

მე მგონი, შეუძლებელია ტბები ახსენო და ორიოდ სიტყვა არა თქვა აქაურ ტბებსა და მდინარეებზე.

ბევრი მთის ტბა მინახავს, რომელშიც ასახულია ცისფერი ცა და დათოვლილი მთები, მაგრამ, მერწმუნეთ, ყველა ისინი გაუფერულდნენ, როცა მწვანეწყლიანი მდინარე ბიას სათავე ვნახე. ხშირი ტყით დაბურულ მთებში ოთხმოცი კილომეტრის სიგრძეზე გაწოლილა ალთინ-კოლის (ოქროს ტბა) ტბა. დღე-ღამის განმავლობაში ტბა რამდენჯერმე იცვლება. აქეთ-იქიდან მდებარე ხეობებიდან შემოჭრილ დილის მზის სხივებში ტბა ჟოლოსფერია, თითქოს ტყის ყაყაჩოები მოუბნევიათო, მოწმენდილზე შუადღისას — ცისფერი, შებინდებისას — კუბრივით შავი, მთვარიან ღამეს კი ოქროს ზოდვით კაშკაშებს. უამინდობაში, ღრუბლის თეთრი ქულები რომ დაცურავენ, ქარში თეთრფაფარა ტალღები დარბიან, წყნარ ამინდში გარს შემოჭარული მთები იყურებიან შიგ და გაცეხას ეძლევიან თავიანთი სილამაზის გამო.

ამ ტბის გარშემო ყველაფერი უფრო ნაზია, ვიდრე სხვა ადგილებში, ზღვის დონიდან ასეთსავე სიმაღლეზე, ასე მაღალი მთების ხეობებში, მაგალითად, ჩუის ალპებში ან ყადნის ქედზე. აქ, ამ ტბის შემოგარენში, მეტი სიმწვანეა, მცენარეთა სამყარო უფრო მდიდარი, მრავალფეროვანია და კლდეებსაც ისეთი მკაცრი იერი არა აქვთ, როგორც იქ.

ალთინ-კოლის ტბის საშუალო სიღრმე 174 მეტრია, მაქსიმალური კი 325 მეტრს უდრის.

ჩრდილო-დასავლეთით ტბა ვიწროვდება და ნაჯახის პირივით ერჭობა მთებში. აი, აქ, ქვებზე ჭახებითა და ზათქით იბადება ბია. მისი ზურმუხტისფერი დინების სიგანე ორას მეტრს აღწევს. პროფესორი ვ. ვ. საპოჟნიკოვი აღნიშნავდა, ეს ციმბირის ლამაზმანი „ერთობ მაგონებსო ლურჯ რონას იმ ადგილზე, სადაც ის სათავეს იღებს ჟენევის ტბიდან“. მაგრამ ციმბირის ამ სწრაფი და მძლავრი მდინარისათვის, ჩემის აზრით, ჭერ კიდეც არ უმღერიათ პოეტებს და



ოქროს ტბას, რომელმაც ბია შვა, ჯერჯერობით ცოტა მოგზაური იცნობს.

დიღხანს ვერ ვაცილებთ თვალს ამ წარმტაც სანახაობას, ურიცხვი საღებავის სიმდიდრეს. ოქროსა და ლაყვარღში ბრწყინავს ლალი და ფირუზი, ზურმუხტი და ამეთვისტო, ტოპაზი და ბადახში. ვინ იცის, მერამდენედ მოვდივარ, დარსა თუ ავდარში, დილით თუ საღამოს და მაინც სულ მინდა მის მახლობლად ვიყო. ახლაც მათი სილამაზისაგან გავგნებული ვუსმენ ჩვენს მასპინძელსა და მეგზურს ვალერი ჩაბტინოვს:

— შორეულ წარსულში შიმშილობა მოედო თურმე ალთაის. საშველი არსაით ჩანდა, შიმშილისაგან ძალაგამოლეული, დასნეულებული ხალხი სივდებოდა და იხოცებოდა. მშიერ ხალხს გადარჩენილი ნადირ-ფრინველი ტყეებიდან გადაიხვეწა. რისი შექმაც კი შეიძლებოდა, აღარაფერი გადაურჩა მხეცადქცეულ ადამიანს. ტყე-ღრეს მოდებული ხალხი საშველს ეძებდა, ლანდადქცეულები დალასლასებდნენ ლუკმის საშოვნელად, საშველი კი არა და არ ჩანდა. ერთმა შიმშილისაგან ძალაგამოლეულმა ალთაელმა ცხენისთავისხელა ოქრო იპოვნა. გულში იმედის შუქი ჩაუდგა, ძალა მოემატა, ბრჭყვიალა, კეთილშობილი ლითონი გულში ჩაიხუტა და გზას გაუდგა. შემოიარა ალთაის ყველა ხეობა, სადაც კი ხალხი ეგულებოდა, მაგრამ ცხენისთავისხელა ოქროში ერთი მარცვალი ქერიც კი არავინ მისცა. მაშინ გამწარებულმა ალთაელმა ყველაზე მაღალი მთიდან წყველა-კრულვით ხევში გადაისროლა ცხენისთავისოდენა ოქრო. ერთბაშად ყოველი მხრიდან იხუვლა წყალმა, ქვეშ მოიქცია გლეხის მიერ ნატყორცნი ოქრო და ტბად გაიშალა. — ამთავრებს ვალერი.

მას შემდეგ ტბას ოქროს ტბა (ალთინ-კოლი) ჰქვია. მთას კი, რომლიდანაც ოქრო გადმოვადგეს — ოქროს მთა (ალთინ-ტუ).

მიუხედავად ამ შესანიშნავი ლეგენდისა, ტბა ყველა გეოგრაფიულ რუკაზე ტელეცის ტბადაა წოდებული.

მაგრამ ამ „ოქროს ტბას“ ხასიათი ყოველთვის ოქროსი როდი აქვს. ხანდახან ზღვასავით იქცევა. ჩრდილოეთისა და დასავლეთის ქარების დროს მისი ტალღები სამმეტრანახევარ სიმაღლეს აღწევს. და ეს ერთბაშად, მოულოდნელად

ხდება: მოწმენდილ ცას შავი, ხოლო ტბის ზედაპირს თეთრი ცხვრები შეესევა ხოლმე. ერთბაშად აცივდება, იწყება წვიმა ან თოვა, აქაფებული, დუქმორეული ტალღები ყალყზე შემდგარ თეთრ ბედაურებს ემსგავსებიან. ასეთ დროს მას ყველა უფრთხის.

იანვარ-თებერვალში თითქმის მთლიანად იფარება ყინულით, დიდი სიცივეების დროს ყინული ტბაზე ისე ტყვრება ხანდახან, რომ მისი ქუხილის გამოძახილი ახლო-მახლო სოფლებში სტუმრად ჩამოსულ უცხო კაცს ფეთიანივით წამოაგდებს ზეზე.

წყალი გათბობას მხოლოდ ივლისში იწყებს და ისიც 20-40 მეტრის სიღრმემდე. უფრო ღრმად, წლის ყოველ დროს მისი სიბო 4 გრადუსს არ აღემატება.

ზოგჯერ სპეციალისტები ტელეცის ტბას, ალთაის ბაიკალს, ან პატარა ბაიკალს უწოდებენ. ამ დროს მათ მხედველობაში აქვთ არა მარტო სილამაზე, არამედ წყლის შემადგენლობაც. ტბის ყველაზე დიდი შენაკადი მდინარე ჩელუმ-მანია, ამის გარდა, სამოცდაათამდე მდინარე და ნაკადული ერთვის ტბას. იქიდან კი, მხოლოდ ერთი, მდინარე ბია იღებს სათავეს.

— ლეგენდა ლეგენდად და 1633 წელს დანჯღრეული, ბრტყელიძირა ნავეებით მდინარე ობის სათავეებისაკენ დაიძრნენ მამაცი ტომსკელი კაზაკი მოგზაურები პეტრე სობანსკის მეთაურობით, — გვეუბნება ვალერი ჩაპტინოვი. ტომსკის ციხე-ქალაქიდან გასულებს მარცხნივ პირქუში ტყეები, ხოლო მარჯვნივ დაუსრულებელი მდელოები და ველები მიაცილებს. შიშისმომგვრელ მდუმარებაში გაწოლილა დიდი უცნობი ქვეყანა. სადღაც, იშვიათად თუ დაინახავ მარტოხელა მომთაბარის კარვიდან ამომავალ კვამლს, დროდადრო ბუჩქნარებში გაიელვებენ ცხენოსნები, რომლებიც ცხენთა რემებს მიერეკებიან სტეპებისა და ტყეთა სიღრმეში, უცნობი ხალხისაგან თვალსაფარავში, და ისევ უკაცრიელი დუმილი ისადგურებს.

სადაც მდინარეები ბია და ყადნი ერთვიან ერთმანეთს, სობანსკიმ თავისი კაზაკებითურთ მოინდომა ციხე-ქალაქის აშენება, მაგრამ იქ დაბანაკებულმა მომთაბარე ტელეუტებმა

ისრებით იფრინეს ბრტყელძირა ნავებით მოსული დაუპატი-  
ყებელი სტუმრები.

სობანსკიმ თავისი კაზაკებითურთ ბიას სათავისაკენ გა-  
ნაგრძო ცურვა. დიდის წვალებით გადალახა ყველა ჭორომი  
და მოგზაურობის დაწყებიდან მეთერთმეტე კვირას მიაღგა  
მთებს შუა მოქცეულ ტბას. ტბის პირას ტელესების მომთა-  
ბარე ტომი ბინადრობდა და სობანსკიმ ტბას ტელეცის ტბა  
დაარქვა. ბინადართ ხარკი დაადო და ტომსკში დაბრუნდა,  
ამთავრებს ამბის თხრობას ვალერი და ბუნების სილამაზი-  
საგან გაოგნებულთ სიხარულის ღიმილით შემოგვცქერის.  
უხარია, ბედნიერია თავისი კუთხის სილამაზით, რომელიც  
მნახველს ესოდენ ხიბლავს.

კიდევ კარგა ხანს გავცქერით გასაოცარ ტბასა და მის მი-  
დამოებს, მერმე მანქანებისაკენ მივდივართ. წარამარა მესმის  
ექვთიმე იურიჩიკისა და ევგენი იუდინის ხმა „...Чёрт подбе-  
рп, какая нижественная красота, чёрт побери“.

ქალაქ გორნო-ალთაისკის სასტუმროში ვართ: გადაწყ-  
და, სანადიროდ ხვალ მივემგზავრებით. დღევანდელი დღე  
თავისუფალი გვაქვს და, რაღა თქმა უნდა, ყველაფერი უნდა  
მოვასწროთ, ქალაქის დათვალიერებაც, მხარეთმცოდნეობის  
მუზეუმის ნახვაც და ჩვენს აურაცხელ კითხვებზე გაცემული  
პასუხების ჩაწერაც...

იმისათვის, რომ მოგზაურობის მთელი სილამაზე და ხიბ-  
ლი გაიგოს მკითხველმა, საჭიროა იცოდეს, თუ რა არის, რას  
წარმოადგენს მთიან ალთაიში კაიჩი. კაიჩი მომღერალი ანუ  
ორლარიან საკრავზე (ტოპშურზე) დევგმირებზე შეთხზული  
სადიდებელი სიმღერების შემსრულებელია.

საერთოდ, ზეპირსიტყვიერება ალთაიში მეტად მრავალ-  
ენაროვანია. ხალხს, რომელსაც დამწერლობა საუკუნეებქს  
მანძილზე არ გააჩნდა, არ შეიძლებოდა არ ჰქონოდა პოეტუ-  
რი ხალხური საგმირო ეპოსი, ფანტასტიკური და ცხოველთა  
ზღაპრები, ლეგენდები და თქმულებები, სიმღერები, ანდა-  
ზები, გამოცანები, რომლებიც, როგორც წესი, ღამ-ღამობით  
კარვებში ან მონადირეებისა და მწყემსების კოცონებთან  
სრულდებოდა. კაიჩი სიმღერას საღამოს იწყებდა და გამთე-  
ნისას ამთავრებდა. თუ თქმულება დიდი იყო, მეორე საღა-

მოს ისევ განაგრძობდა კაიჩი წინალამეს დაწყებულ სიმღერას.

ალთაიში ცოტა როდი იყო ისეთი თქმულება, რომლას შესრულებასაც კაიჩი რამდენიმე ღამეს ანდომებდა.

საგმირო თქმულება ფოლკლორის უთვალსაჩინოესი ქანრია და დახელოვნებული კაიჩის მოსასმენად ხალხი შორეული აილებიდან ჩამოდიოდა.

პატარ-პატარა საყოფაცხოვრებო ზღაპრებსა და ლეგენდებს მენლაპრეები (ჩიერჩიერკეხები) მუსიკის თანხლების გარეშე ჰყვებოდნენ. ისინი არანაკლები სიყვარულითა და პატივისცემით სარგებლობდნენ მსმენელთა შორის.

ბუნებრივია, განსაკუთრებული პოპულარობითა და სიყვარულით სარგებლობდა ის ნაწარმოები, რომელშიც უბრალო მწყემსები და მონადირეები შემდეგში დევგმირებად ქცეულნი, ამარცხებდნენ ბოროტ ბაიებსა და დაუნდობელ ხანებს, თავისუფლებდნენ დაბეჩავებულ ხალხს მონობისაგან.

ალთაური პეროიკული პოეტური ეპოსის იდეური მიმართულება რამდენადმე ერთგვაროვანია, რადგან იმ საზოგადოებაში იქმნებოდა, სადაც ხანგრძლივი დაუნდობელი კლასობრივი ბრძოლა მიმდინარეობდა. ძველთაძველი ხალხური ზეპირსიტყვიერება ასახავდა ამ ბრძოლას და, ამავე დროს, სწორედ ამ ბრძოლაში იყენებდნენ მას, როგორც იარაღს.

თავის მხრივ, ზაისანები, ბაიები და შამანები ცდილობდნენ, პოეტური საგმირო ეპოსი თავიანთ სასარგებლოდ გამოეყენებინათ; ამახინჯებდნენ, ცვლიდნენ ტექსტს, ადიდებდნენ თავიანთი კლასის წარმომადგენლებს. ასე იშვა ფეოდალების „გმირობის“ სადიდებელი ზოგიერთი ნაწარმოები.

ალთაურმა ენამ არ იცის მითების, ლეგენდების, თქმულებების ცნებათა ლექსიკური გამიჯვნა. მათ ყველას ერთი სახელი ჰქვია: „კუუჩინდარი“, რაც „მოთხრობას“ ან „მონათხრობს“ ნიშნავს. მაგრამ თუ გულდასმით დავაკვირდებით მათს ქანრულ შიდასტრუქტურას, დავინახავთ თითოეულას სპეციფიკურ თავისებურებას. უდავოა ერთი რამ, ყოველი „კუუჩინდარი“ მითოლოგიური შინაარსისაა. პირველყოფილი საზოგადოების ამ თავისებური ხელოვნების ცენტრალური ფიგურად გვევლინება მითიური პერსონაჟები. „კუუჩინდარი“

ზეპირი თქმულებებია, რომლებშიც ბუნებისა და სიკოცხლის მოვლენებს გამუდმებით ხვდებოდა პირველყოფილი ადამიანი. ისინი ხორცს ისხამდნენ მითიურ სახეებში, რაც ეხმარებოდა მას გარემო სამყაროს აღქმასა და ესთეტიკური გემოვნების დახვეწასა და განვითარებაში. შეუცნობლის შეცნობაში, ბუნების სტიქიურ ძალებთან ბრძოლის ხერხების ძიებაში.

აღთაურ მითოლოგიაში არიან ისეთი დევგმირები, რომლებიც დაეწყებას არ ეძლევიან საუკუნეების განმავლობაში და ლეგენდად ქცეული მათი სახელები ხალხს დღესაც პირზე აკერია. ასეთია, მაგალითად, სარტაკპაი.

მითები და ლეგენდები, რომლებიც მეტყველებენ ამ გმირის სახის უძველეს წარმოშობაზე, რამდენიმე ამთვან აღსანიშნავია გადმოცემები იმაზე, თუ სარტაკპაიმ თავის შვილთან ერთად როგორ გააჩინა მდინარეების: ყაღნის, ბიას, ბაშკაუსის, ჩელუშმანის კალაპოტები და შექმნა ოქროს ტბა.

იმაზე, თუ სარტაკპაიმ როგორ გასწია მთა სოგონატუუ და შექმნა მთა ბეშპეკი.

იმაზე, თუ სარტაკპაიმ შვილთან ერთად როგორ ააგო ხიდი მშფოთვარე ყაღნზე. იმაზე, თუ სარტაკპაიმ როგორ დაითანხმა მზე და მთვარე, რათა მათ ცაში აეთრიათ შვიდთავა ურჩხული — დელბეტენი.

მითები დედამიწაზე სარტაკპაის მიერ დატოვებულ კვალზე. მითები სარტაკპაის მონღოლეთში ყოფნაზე.

მითები სარტაკპაის სიკვდილზე.

ყველა ამ მითში მოთხრობილია ამ ლეგენდარული გმირის არნახული გმირობების ამბავი. მთელი მისი მოქმედება ემსახურება ხალხის ცხოვრების გაუმჯობესებას, ეხმარება ხალხს. მის საგმირო საქმეებს კეთილი საწყისი უდევს საფუძვლად: სარტაკპაის თითოთ შეეძლო მდინარის კალაპოტი იქით გადაეყვანა, საითაც ეს ხალხს სჭირდებოდა. შეეძლო ისრით გაეპო მთები და კლდეები, აეშენებინა ხიდები ბობოქარ მდინარეებზე.

სარტაკპაი — მშენებელი, სარტაკპაი — შემოქმედი, დაუღლელი შრომისმოყვარე! მან ცას ელვა მოსწყვიტა, ნაპრალში ჩაამაგრა და ასე გაანათა დედამიწა. სარტაკპაი იყო დევგმი-

რი, როგორც მოხუცები ჰყვებიან, — სადაც ის გაივლიდა, აქ ყველგან, მიწაზე თუ ქვევზე, ტიტანის მიერ წარუშლელ კვალს ტოვებდა. მთიან ალთაში ყველგან შეხედება ადამიანის სარტაკაის ნამყოფ ადგილებს. „აი, ის აქ ისვენებდა, აქ მისი ნაკვალევია, აქ იჯდა, აქ ნადირობდა“ და ა. შ.

ალთაელთა ხალხურ საწესჩვეულებო პოეზიაში მნიშვნელოვანი ადგილი უკავია „ალკის“, რაც პირდაპირ თარგმანში კეთილმოსურნეობას, დალოცვას ნიშნავს.

ალკის ადამიანის საზოგადოებრივი საქმიანობის ყველანაირ პირობებში მიმართავდნენ, იგი დაკავშირებულია საკულტო, საწარმოო და საოჯახო საყოფაცხოვრებო წეს-ჩვეულებებთან. ალკისების სპეციფიკა — ცხოვრების გამოცდილების განზოგადება.

ალკიში — ხალხური პოეზიის უძველესი, არქაული ეანრია, სიტყვის მაგიურ ძალას დაყრდნობილი, რომელიც მიზნად ისახავს თხოვნის თუ კეთილმოსურნეობის გზით მიღწიოს წარმატებას შრომაში, ცხოვრებაში, მატერიალურ უზრუნველყოფაში, მშვიდობიან და საბრძოლო საქმეებში. წარმატებას, როგორც ცალკეული პიროვნების, ასევე მთელი კოლექტივის (გვარის, ტომის) ჯანმრთელობასა და კეთილდღეობას. ალკისების ძირითადი დანიშნულებაა — გააუმჯობესონ ადამიანის ცხოვრება.

თემატურად ისინი შეიძლება შემდეგნაირად დაეჯგუფოთ:

1. საკულტო ან გვაროვნული ალკისები. ისინი ეძღვნება ტოტემებს — წინაპართა სულებს, ალთაის მთების პატრონებს (ტტუ ეეზი), ტაიგის, მდინარეების, ტბების, ცეცხლის და ა. შ. პატრონებს.

2. საწარმოო ალკისები დაკავშირებულია ადამიანების სამეურნეო საქმიანობასთან, ნადირობასთან, მესაქონლეობასთან, რეწვასთან და მიმართულია საქონლის, ნადირის, ფრინველის, ტაიგის მფარველებისადმი.

3. საოჯახო-საყოფაცხოვრებო ალკისები განეკუთვნება საოჯახო-საყოფაცხოვრებო წეს-ჩვეულებებს, როგორცაა ბავშვის დაბადება, საქორწინო რიტუალი, სტუმრის დახვედრა და გაცილება და სხვ.

აი, როგორ მოიმადლიერებენ ალკიშები გვიარის, ტომის მთავარ მფარველ „ეეზის“ „ალთაის სულს“.

შენს მთებზე დაედივართ, |  
შენი მდინარეებიდან და ნაკადულებიდან  
ესვამთ წყალს,  
შენთან ჩახუტებულნი ვათენებთ, ალთაი,  
შენზე ვსახლობთ და ვცხოვრობთ.  
ჩვენო ძვირფასო ავგაროზო, მდიდარო ალთაი  
ჩვენო ნათელო, მზიანო ალთაი  
თეთრ საქონელს მიეც საქოვრები.  
ამრავლე მათი დაბადება, რიცხვი,  
არარად აქციე ზარალი ჩვენი.

ალთაი — ეს სამშობლოა. ალთაის თავის თავში აქვს მოქცეული გვიარის, ტომის, მფარველის საკულტო ღვთაება. მასში შეიძლება აღიძვრას რისხვა და შერისხვა. ამიტომ მონადირეებმა, როცა რეწვისათვის ემზადებიან, შემდეგ კი უკვე ნადირობიდან დაბრუნებულებმა „ალთაის პატრონზე“ მხოლოდ კარგი უნდა ილაპარაკონ, ასიამოვნონ მას, ეცადონ, რომ რაღაც გაუთვალისწინებელი მოქმედებით არ განარისხონ იგი. მასთან სანადიროდ მზადების დროს იცავდნენ გარკვეულ რიტუალს.

როცა ნადირობაზე ლაპარაკობდნენ, დაუშვებელი იყო ზედმეტი ყოყოჩობა, ხუმრობა, უადგილო სიცილი, კვებნა, მონადირენი ერიდებოდნენ ერთმანეთთან კინკლაობასა და ჩხუბს.

რეწვაზე გასვლის წინ სრულდებოდა ცეცხლთაყვანისმცემლობის წესები, რასაც თან ახლდა ალკიშები.

ამის შემდეგ მონადირეები დალოცვას შესთხოვდნენ საცხოვრებლის პატრონ-მფარველს და გაუდგებოდნენ გზას. ტყეს რომ მიუახლოვდებოდნენ, ქუდებს მოიხდიდნენ და მუხლმოდრეკილნი შესთხოვდნენ „ტაიგის სულ-პატრონს“:

იღრე აქ დადიოდნენ ჩვენი მამები,  
ახლა ჩვენ, მათი ახალგაზრდა მარცვლები, მოვედით,  
გვაჩვენე შენი ნადირ-ფრინველნი.

სამონადირეო ალკიშები, საკულტო ალკიშებისაგან განსხვავებით, გაცილებით ლაკონური და კონკრეტულია. მათი

შესრულებისა და დანიშნულების სპეციფიკა დაკავშირებულია სამონადირო რეწვასთან, რომლის მიზანია, რაც შეიქლება მეტი ნანადირევის მოპოვება. როცა მონადირეები ისეთი მაღალი მწვერვალების უღელტეხილებზე ავიდოდნენ, როგორებიცაა სიმულტი, კულადი, კაიარლიკი, კადრინი (ონგუდაის რაიონის რეგიონი), მაშინ, უპირველეს ყოვლისა, ისინი ამ მთის „პატრონს“ მიაგებდნენ პატივს, ცდილობდნენ, მათი გული მოეგოთ შესაწირავებითა და ლოცვით. ისინი უღელტეხილზე ამოსულ ხის ტოტებზე ამაგრებდნენ ქსოვილის ბაბთებს (დალაძა) და წვავდნენ არჩინს, რათა უღელტეხილიდან განედევნათ ბოროტი სულები. შემდეგ კი ალკიშები მიმართავდნენ მთის „პატრონს“:

„დიდმა ტაიგამ, დე, გაგვიხსნას უღელტეხილი,  
მდინარეებმა გვიჩვენონ ფონი,  
ჩემმა ალთაიმ მოგვაგებოს ნაკადულები  
და გზანი ჩვენი იყოს დალოცვილ...“

რა თქმა უნდა, სამონადირო წეს-ჩვეულებები სხვადასხვაგვარია, იგი დამოკიდებულია. ნადირობის სახეობაზე, მონადირეების მიერ დასასვენებელი ადგილის შერჩევაზე და ა. შ. მაგალითად, აუცილებელია წმინდა ხის წინაშე ჩვეულებრივ კედრი. „გამასპინძლების“ რიტუალის შესრულება ხეს უმასპინძლებიან ტალკანით ან მონადირის სხვა რამ საგზლით. წმინდა ხის გამასპინძლებას თან სდევს ასეთი მიმართვა:

შენს კენწეროზე დე, ფრინველნი ათევდნენ ლაქს,  
ჩენს იმის ძირას გაგვითენდეს მშვიდობის დილა.

ამის შემდეგ თავმონადირო ღვინოს მოასხურებდა სადგომს და მიმართავდა ტაიგის პატრონს ალკიშით: „მოგვეც მშვიდობა და იღბალი, მოგვეც ნადავლი, მოგვაკვლევინე ციყვი, ჩოკ!“ ხშირად მონადირეთა სადგომებში გაიგებდი შოროის ჰანგებს ან ხორხისმიერ სიმღერას — კოომეის, აგრეთვე თქმულებას გოლიათებზე ტოპშურის აკომპანიმენტით. მონადირეთა სადგომებში „ტაიგის პატრონის“ საამებლად მიჰყავდათ მუსიკოსები და საგმირო ამბავთა მთქმელები. მონადირეებს სჯეროდათ, რომ „ტაიგის სულ-პატრონს“, ამა



თუ იმ ადგილის მფარველს უყვარს მუსიკის, თქმულებების მოსმენა და სამაგიეროდ იღბლიან ნადირობას დააბედებდა მათ. ამ უძველეს წეს-ჩვეულებათა ტრადიციებიდან დღემდე შემონახულია ბევრი რამ, განსაკუთრებით ჩრდილოეთ ალთაის ტომებს შორის, რის მოწმეც ჩვენ თვითონ არაერთხელ გავხდით.

მონადირეთა კოცონებთან და სადგომებში ნათქვამი ზღაპრებისათვის მთქმელი გულუხვად ჭილდოვდებოდა. ყოველი მონადირე მას თანაბრად უყოფდა თავის ნადავლს.

ალთაელ მონადირეებს აქვთ ტაბუ-აკრძალვები, რაც ავალდებულებთ, მხეცები არ ახსენონ თავიანთი სახელებით. მაგალითად, დათვის ეძახიან ბაბუას (ტაადაკ), მგელს — გრძელკუდა ბიძას (უზუნ კუირუკ ტააი), ციყვს — ძვლიან თავს (სოოკ ბაშ), სიასამურს — შავ მორბენალს (ყარა იუ-გურუთ) და ა. შ.

ალთაელი მონადირეების რწმენით, არ შეიძლება ცეცხლზე დაწვან ბეწვი, ფრინველის ბუმბული, ნადირის ძვლები. ჩადგან როგორც კი იგრძნობენ ნადირ-ფრინველები ამ სუნს, დაემალებიან მონადირეებს, ხოლო „სული-პატრონი“ შეიძლება ამით განრისხდეს. ამას გარდა, ცეცხლი, რომელიც წვავს ნადირს და ფრინველს, შეუძლებელს ხდის ამგვარი წესით განადგურებული ცხოველის აღდგენას. მონადირეთა წარმოდგენით, ნადირთა ძვლების, თავის ქალის, თვალების და ა. შ. შენახვა ხელს უწყობს მათს აღორძინებას.

აღსანიშნავია, რომ ალთაელი მონადირეები ნადირს არ ესროდნენ თვალსა და ყურში: გადმოცემით, ამით შეიძლებოდა მონადირეს უსიამოვნება შემთხვეოდა: დაბრმავებულიყო ანდა დაყრუებულიყო, ასეთი უბედურება მისი ოჯახის რომელიმე წევრსაც შემთხვეოდა. დათვზე ნადირობისას და ნანადირევის განაწილების დროს არსებობდა ქცევის განსაკუთრებული ეთიკა, და აგრეთვე, ცრურწმენა. პირველ რიგში მოკლულ დათვის ამოამტვრევდნენ კბილებს, იმისათვის, რომ კბენა აღარ შესძლებოდა, დასთხრიდნენ თვალს, იმისათვის, რომ მას ვეღარ დაენახა ხალხი, ამოთხრილ თვალს ტაივის მხარეს გადაყრიდნენ, სჯეროდათ რა, რომ დვთაებრივი ალთაი ამ თვალს სხვა ნადირს მისცემდა, ხანდახან

თვალეებს რომელიმე მონადირე გადაყლაპავდა, იმ მიზნით, რომ დათევებს მასში თავიანთი თავი დაენახათ ან არაფერი დაეშავებინათ მისთვის. მიიჩნევდნენ, რომ ის, ვინც თვალეებს გადაყლაპავდა, გამბედავი, ყოვლისმხედველი და ყისმათიანი მონადირე იქნებოდა.

ნათქვამიდან ჩანს, რომ უძველესი მონადირეების მაგიური წარმოდგენები მთლიანად და სავსებით დაკავშირებული იყო ნადავლთან, მის მოპოვებასთან.

სამონადირეო ლეგენდები და თქმულებები მიგვანიშნებენ, რომ მათი დანიშნულებაა ტაიგის „პატრონის“ გულის მოგება, რათა იღბლიანი ნადირობა დაებედოთ მონადირეებს. მოვიყვანთ მაგალითს:

„ცხოვრობდა ორი ძმა. ერთს ერქვა კოსტოჩი — ანუ ნათელმხილველი, მეორეს — კაიჩი — მთქმელი. ისინი ძალზე მდიდრულად ცხოვრობდნენ, რადგან ყოველთვის იღბლიანად ნადირობდნენ. ტაიგის პატრონი მათდამი კეთილად იყო განწყობილი.

ერთხელ, სამონადირეო სეზონის დროს მონადირეთა სადგომში კაიჩი ტყეთა სულებზე ჰყვებოდა ზღაპარს. ამ დროს მათთან გამოცხადდა თვით ტაიგის მპყრობელი „ეეზი“; შეუმჩნეველად დააჯდა მხრებზე კაიჩის და ყურადღებით დაუწყა მოსმენა. როცა მთქმელმა თხრობა დაასრულა, სულიმპყრობელი გამოეცხადა მათ და თქვა: „როგორ გავერთე მოსმენით! ახლა ჩემი კვიცი მკვდარიაო!“

ნათელმხილველმა, რომელიც ყოველივე ამას ხედავდა და ესმოდა, ის ვერ გაიგო, რომელ კვიცზე ლაპარაკობდა „ეეზი“.

დილით ძმები წავიდნენ თავიანთი ხაფანგების დასათვალიერებლად, მათ უამრავი და ძვირფასი ნადავლი დახვდათ, ხოლო ერთ ხაფანგში მკვდარი კოდალა იპოვნეს. ნათელმხილველი მაშინდა მიხვდა, რომ სწორედ ეს გახლდათ ტაიგის პატრონის „კვიცი“.

ჩრდილოეთელ ალთაელებს (შორცებს, კუმანდელებს, ჩელკანებს) აქვთ ანალოგიური ლეგენდები და თქმულებები, რომლებიდანაც ნათელი ხდება, რომ მონადირის ბედ-იღბალი დამოკიდებულია მთქმელის ხელოვნებაზე, იმაზე, თუ

რამდენად ენატკბილად აამებენ ტაიგის პატრონს — ნადირთა მფარველს.

ტაიგის პატრონს, თითქოს და მთქმელის ხელოვნებით მონუსხულს, ავიწყდება თავისი ხელქვეითები — სამწყსო და თავისი მფარველი „პატრონის“ ყურადღების გარეშე დარჩენილი ნადირი მონადირეების მსხვერპლი ხდება. ზოგჯერ კი ნასიამოვნები ტაიგის „პატრონი“ მონადირეებს ხანდახან თვითონ უგზავნის საჩუქრად ნადირ-ფრინველს კარგი სიმღერისა თუ ზღაპრის მოსმენის გამო.

ერთ-ერთ თქმულებაში, რომელიც შორტებთანაა ჩაწერილი, ნათქვამია: „მონადირე შორტთან, როცა ის საღამოს ტყის ბალაგანში კობიზზე უკრავდა, მივიდა წითური კაცი და ბოლომდე დიდი ყურადღებით მოუსმინა. ხოლო წასვლისას უთხრა: „ხვალ ისევ მოვალ“. მეორე დღეს ის მართლაც მოვიდა, ისევ დატება მისი მოსმენით და მერმე გაუმხილა იდბლიანი ნადირობის საიდუმლო, აჩვენა მთიდან ხეობაში ის ერთადერთი გამოსასვლელი, საიდანაც გამოდიოდნენ სიასამურები. მონადირე ჩასაფრდა იმ გამოსასვლელში, დახოცა იმდენი სიასამური, რამდენიც უნდოდა და უზომოდ გაღიდრდა“.

ანალოგიური თქმულება აქვთ მდინარე ბაიგოლის სანაპიროზე მცხოვრებ ჩელკანელებს. ჩელკანელების თქმულებებისამებრ მონადირეები ტყეთა პატრონების ყურადღებას შოროზე<sup>1</sup>, აგრეთვე ირმების მოსატყუებელ მონადირის ბუჯზე დაკვრით იმადლიერებდნენ. ამ ხმებით მოხიბლული ტყის „პატრონები“ მონადირეთა სადგომების გარშემო იკრიბებიან, ხოლო ნადირი მფარველის ყურადღების გარეშე რჩება და ადვილად ებმება მონადირის მიერ დაგებულ მახეში.

ამ თქმულებების საფუძველზე შეგვიძლია დავასკვნათ, რომ ტყის სულები უძველეს მონადირეებს ადამიანების მსგავსი სახით ჰყავდათ წარმოდგენილი. მათ ესმით ადამიანის ლაპარაკი, უყვართ ზღაპრების მოსმენა, დიდ სიამოვნებას ანიჭებთ მუსიკა.

დროთა განმავლობაში ლეგენდებსა და თქმულებებში

---

<sup>1</sup> შოროი — სალამური, სტვირი.

სულ უფრო შესამჩნევი ადგილი ეთმობა რეალურ ამბებს. მათში მითოლოგიური, ფანტასტიკური საწყისი ნელ-ნელა ქრება.

ალთაიში უამრავ ლეგენდას და თქმულებას მოისმენთ რეალურ გმირებზე, მთქმელებზე, მოქიდავეებზე, შამანებზე. მთქმელები დაწვრილებით აღწერენ მათს გარეგნობას და იმასაც კი მიუთითებენ, თუ რომელი საგვარტომოდან (სეოკოდან) იყვნენ ისინი.

არსებობს, აგრეთვე, უამრავი ლეგენდა და თქმულება ალთაელთა ტომების გენეალოგიაზე. აი, ერთი მათგანი:

„ეს იყო დიდი ხნის წინათ. კაცმა, რომელსაც ტოკპოკი ერქვა, იშვილა ბიჭუნა და დაარქვა სურას-კისკა. როცა გაიზარდა, დაქორწინდა და ეყოლა ხუთი ვაჟი. მათი სახელების დარქმევაზე მამამ დიდი ლხინი გამართა და უამრავი ხალხი მოიპატიჟა.

გაიმართა სახელების დარქმევის რიტუალი. თითოეულ ვაჟიშვილს მისცეს ხორცის ნაჭერი, რომელიც ცხენის სხეულის გარკვეულ ნაწილს წარმოადგენდა.

იმას, რომელსაც — შიგანის ქონი — ყაზი მისცეს, ყაზი-ყიფჩალი დაარქვეს, რომელსაც სწორი ნაწლავი — კარტა ერგო, კოტონშ-ყიფჩალი დაენათლა, რომელსაც ჭიდაო-დეალი ერგო, დეალჩი-ყიფჩალი დაარქვეს, მეოთხემ კანკები — ტაკიმ შექამა და ტანგა-ყიფჩალი შეერქვა, ხოლო მეხუთე შვილმა არ ინება ხორცის იმ ნაწილის შექმა, რომელიც მას ერგო და ამიტომ უსახელოდ დარჩა. მან დატოვა თავისი საგვარტომო და უგზო-უკვლოდ დაიკარგა“, — მოგვითხრობს ლეგენდა.

ჩვენი გულდია, მხიარული მასპინძლები და მეგზურები ვალერი ჩაპტინოვი, ბარაჩაკ მენდეჟოვი, ტე-ტე-ტკე ბაიდანოვი და მუდამ მხიარული, მართლაც დევგმირული აღნაგობის ალექსი კურაკინი რიგრიგობით გვიყვებიან თავიანთი საყვარელი მხარის სხვადასხვა ამბებს. სიმღერა მაინცდამაინც არც ერთს არ ეხერხება და ამიტომ ჩიერჩიერკჩის ფორმას ირჩევენ. გარდა ამისა, არც ტოპშური წამოუღიათ და არც ის გვაძლევს ხელს, რომ ყოველი ღამე გავათენოთ.

ამიტომ ჩვენი ჩიერჩიერკჩები, როგორც კი დროს იხელთებენ, მაშინვე შეუდგებიან თავიანთ საქმეს...

რალა დაგიმალოთ და, პირველად, როგორც მონადირეებს, ძალზე საეკვოდ და დამცინავად დაგვიწყეს ცქერა. ამის მიზეზი კი ჩვენი გლუვულუიანი სანადირო თოფები გახლდათ.

— კი, მაგრამ, ეს თოფები რისთვის წამოიღეთ, ნეტავ? — ღიმილით გვეკითხება ბარაჩაკ მენდეჟოვი და თან სიბრაულთით შემოგვცქერის.

— როგორ თუ რისთვის, სანადიროდ! — პასუხობს ჩვენი თავმონადირე ექვთიმე იურჩიკი.

— რისთვის? რისთვის? — ჩაეკითხა ბარაჩაკი და ახლა გაოცებით შეავლო თვალი. როგორც კი დაგინახეთ, თქვენც შემებრალებთ და ჩემი თავიც, რადგან მომავალ სანადირო დღეებს წინასწარ დაკარგულად ვთვლიდი.

— მე, ცოტა არ იყოს, ნაწყენმა შევათვალიერე, ჩემი ნაქები „ბრაუნინგი“.

— ჰო, მაგრამ რაზე უნდა ინადირო მაგით? — არ გვეშვება ბარაჩაკი.

— იხვზე, ბატზე... — დაიწყო ექვთიმემ ჩამოთვლა. მაგრამ ამ დროს ბარაჩაკსა და აქამდე ჩუმად მყოფ დანარჩენებს ისეთი ხარხარი აუტყდათ, რომ ჩვენ დაბნეულნი მივაჩერდიო ერთმანეთის. ვალერი ჩაპტინოვმა ხელის აწევით ანიშნა, გაჩერებულყვენ და მერე ჩვენ მოგვიბრუნდა. არ კი გეწყინოთ, მაგრამ ჩვენში ნამდვილი მონადირეები ფრინველს არასოდეს ესვრიან, ხოლო ვისაც თოფის ტარების უფლება აქვს, ეგრეთ წოდებულ მანძილა თოფებით არიან შეიარაღებულნი. ჩიტების დევნა ვაეკაცის საქმე არ არის, — ასე იტყვიან ჩვენში.

როგორც შემდეგ ვნახეთ, სოფლებთან მდებარე ტბებზე სავსე იყო გარეული იხვებით, რომლებსაც კაციშვილი ხმას არ სცემდა.

— გარდა ამისა, მთაში ნადირი ახლოს არ მიგიშვებს, შორ მანძილზე კი ეგ თოფები არაფრის მაქნისია. — ჩაილაპარაკა ტე-ტე-ტემ.

— ეგ არაფერი, თოფებს მოგიტანთ, — შეგვპირდა ვალერი ჩაპტინოვი, — ხოლო ჩიტებზე ნადირობას დაანებეთ

თავი, აქ ტაიგის მბრძანებელს აიუს (დათვი) უნდა შეხვდეთ, მარალები და ტეკები დათოფოთ, ვინ იცის, ეგებ ირბისიც შეგეყაროთ.

იმის დამამტკიცებელი ეპიზოდების მოყოლამ თუ სპორტულად რამდენად საინტერესოა გაფრენილ ფრინველზე ნადირობა, ვერავითარი შთაბეჭდილება მოახდინა მათზე, პირიქით, ისე გვიყურებდნენ, აშკარად ეტყობოდათ, რომ ფიქრობდნენ — ამ საცოდავებს არ სცოდნიათ ნამდვილი ნადირობა და ეგ არისო...

იმავე საღამოს მოგვიტანეს მილიციის სამმართველოდან ძველი რუსული შაშხანები და ვაზნები, ჩვენი თოფები კი სასტუმროში დავტოვეთ. უთენია ფეხზე ვიყავით ყველანი, თითო ფინჯანი ცხელი ყავა დავლიეთ, მსუბუქად ვისაუზმეთ, მანქანებში ჩავსხედით და გეზი ჩუის ტრაქტისაკენ ავიღეთ. ჰაიმას რაიონულ ცენტრს გავცდით და მდინარის ყაღის საპირს გავყევით.

ჩუის ტრაქტი ერთ-ერთი თავისებური და ყველაზე ლამაზი გზატკეცილია ჩვენს ქვეყანაში. ამ ტრაქტით, შორეულ წარსულში, როცა ის ჯერ კიდევ მთის ბილიკი იყო, ალთაის ძირითადი მოსახლენი გადადიოდნენ ერთი სადგომიდან მეორეში, კავშირი ჰქონდათ მეზობელ ხალხებთან და ტომებთან. გადიოდა საუკუნეები და ბილიკს ცვლილებები არ განუცდია, მთელი მთიანი ალთაი უგზოობის მხარეს წარმოადგენდა:

ჩუის ტრაქტის მათიანეში, როგორც სარკეში, ისეა ასახული მთიანი ალთაის ისტორია.

ჩუის ტრაქტს უზარმაზარი სამეურნეო და კულტურული მნიშვნელობა აქვს.

ჩუის ტრაქტს ტყუილად როდი ეძახიან მთიანი ალთაის მთავარ არტერიას. ის მთიან ალთაის ჩრდილოეთიდან სამხრეთით სერავს, გადის მის ძირითად დასახლებულ პუნქტებზე, უზრუნველყოფს ოლქის რაიონებისა და სოფლების კავშირს ცენტრთან. იგი მთიანი ალთაის ეკონომიკის განვითარების მატერიალურ ბაზას წარმოადგენს. ტრაქტი უშუალოდ აკავშირებს ოლქს ციმბირის სარკინიგზო და საწყლოსნო გზებთან.

ამ ტრაქტზე გადის მონღოლეთის სახალხო რეპუბლი-

კასთან ჩვენი ქვეყნის სავაჭრო გზები. ახლო მომავალში ნო-  
ვოსიბირსკ-ბარნაულ-ბიისკის ტრაქტი მთიან ალთაის დააკავ-  
შირებს ავტომაგისტრალით მოსკოვი-შორეული აღმოსავლე-  
თი, რაც კიდევ უფრო გაზრდის ჩუის ტრაქტის სამეურნეო  
მნიშვნელობას.

ჩუის ტრაქტით გაიარეს მთიანი ალთაი პირველმა მკვლე-  
ვარებმა, აქედან იწყებოდა ჩამოსახლება რუსი გლეხებისა,  
რომლებმაც ხელი შეუწყვეს ალთაელების მიერ მოწინავე  
კულტურისა და დამწერლობის ათვისებას. ამ ტრაქტით შე-  
მოვიდა ალთაურ სოფლებში პირველი წიგნები, გაზეთები.  
ქურნალები. გაიჭიმა ტელეფონის, რადიოს, ელექტრონის  
პირველი მავთულები, ამ ტრასით შევიდნენ მთიან ალთაიში  
პირველი ავტომობილები, ტრაქტორები, კომბაინები.

ჩუის ტრაქტით მთებისა და ქორომებიანი მდინარეების  
გავლით, ტაიგიან მთიან ალთაიში შეაღწია მარქსისტულ-ლენ-  
ინურმა რევოლუციურმა მოძღვრებამ, დიდმა ოქტომბერმა  
და ლენინის სახელმა, რომელმაც ალთაელ ხალხს თავისუფ-  
ლება და ბედნიერება მოუტანა.

სამოქალაქო ომის დროს ჩუის ტრაქტი იქცა წითელი  
პარტიზანებისა და წითელარმიელთა გმირული ბრძოლების  
ადგილად, თეთრგვარდიელთა რაზმებისა და კულაკთა ბან-  
დების წინააღმდეგ, როგორც წითელარმიელები და პარტიზა-  
ნები, ასევე თეთრგვარდიელები ისწრაფვოდნენ დაეკავები-  
ნათ ტრაქტის გასწვრივ დასახლებული მთავარი პუნქტები და  
თავიანთი კონტროლის ქვეშ ჰყოლოდათ ყოველთვის. ამ  
წლებში მონღოლეთისა და ჩინეთისაკენ გარბოდნენ კონტრ-  
რევოლუციონერები, სისხლის სამართლის დამნაშავეთა ელე-  
მენტები, გაუბოდნენ რევოლუციურ მართლმსაჯულებას.  
ჩუის ტრაქტის ხელში ჩაგდება პარტიზანებისათვის ნიშნავ-  
და — გზა გადაელობათ ამ კონტრრევოლუციონერი ლტოლ-  
ვილებისათვის, რომლებიც ისწრაფვოდნენ გაეღწიათ მონ-  
ღოლეთში, რათა იქ ისევ მოეკრიბათ ძალა და დაეწყოთ ახა-  
ლი ლაშქრობა ახალგაზრდა საბჭოთა რესპუბლიკის წინააღ-  
მდეგ.

რევოლუციამდე ტრაქტი მთის ბილიკს წარმოადგენდა,  
სადაც დასაპალნებულ ქარავენებს ყოველ წუთს ემუქრებოდა

ქართუბში გადაჩეხვის საფრთხე. პირველი რუსული ცნობე-  
ბი ტრაქტის შესახებ მიიღეს 1788 წელს, როცა ვაჭრები ჩუის  
დაკლაცნილი საცალფეხო ბილიკებით თავიანთ საქონელს მდი-  
ნარე ჩუის სათავეებისაკენ ეზიდებოდნენ. გასული საუკუნის  
ოთხმოცდაათიან წლებში იწყება პირველი ცდები ტრაქტის  
მთიან ნაწილში საურმე გზის გასაყვანად. საურმე გზა ტრაქ-  
ტის დასაწყისში სოფლებამდე ჩერგამდე და შებალინომდე  
უკვე მეცხრამეტე საუკუნის დასაწყისში გადიოდა. 1902 წელს  
ჩატარდა საკმარად დიდი სამუშაოები ამ საცალფეხო ბილიკების  
საურმე გზად გადაკეთებისთვის, და დაამთავრეს კიდეც. იმ  
დროს ეს გზა ასეთი მიმართულებით — ბისკი-სტარაია  
ბელოკურიხა-ალტაისკოე-ჩერგა-შებალინო-ონგუდაი-კომ-აგაჩი  
გადიოდა და ძველს „ლეგობერეენის“ ეძახდნენ.

1913 — 1914 წლების ზაფხულის პერიოდში მთიან ალთაიში  
საძიებო სამუშაოებს ატარებდა ექსპედიცია, ცნობილი რუსი  
მწერლის ვიაჩესლავ იაკობის ძე შიშკოვის ხელმძღვანელობით.  
მათ უნდა მოეძებნათ მონღოლეთისაკენ უმოკლესი გზის საუ-  
კეთესო ვარიანტი. ვ. შიშკოვის საძიებო პარტიამ შეისწავლა  
და შეადგინა ტრაქტის მარჯვენა და მარცხენა სანაპიროს  
რუკების ვარიანტები. კითხვაზე, როგორ გაეყვანათ ტრაქ-  
ტი — პასუხი იმხანად გაუცემელი დარჩა:

პირველი მსოფლიო იმპერიალისტური ომის გამო სამუ-  
შაოები შეწყდა, შიშკოვი თავის ჯგუფთან ერთად ტომსკში  
დაბრუნდა, სადაც ორი წლის განმავლობაში შეგროვილი მა-  
სალების დამუშავებას ეწეოდნენ.

ვ. ი. შიშკოვის ექსპედიციას ჩუის ტრაქტის მშენებლობა  
არ დასცალდა, მაგრამ მწერალმა თავისი ალთაური ჩანაწე-  
რებით, მოთხრობებით, ნოველებით და მოგონებებით ხელთ-  
უქმნელი ძეგლი აუგო ხალხს, რომლის წმინდა სულშიც ჩაი-  
ხედა, გასაგები გაიგო, ფაქიზი სიყვარულით შეიყვარა და  
თავისი სიცოცხლის მრავალი წელი მოახმარა ამ წარმტაცი  
და მკაცრი ბუნების, კეთილი და კეთილშობილი რაინდი ხალ-  
ხის ცხოვრების აღწერას.

ის გულდასმით ეცნობა ამ მხარის ბუნებასა და ხალხს.  
მთიანი ალთაის დიდებული სილამაზე დათოვლილი მთათა  
მწვერვლებით, გადარეული ყადნით, მქუხარე წყალვარდ-



ნილებით, უკიდევანო ტყეებითა და ცისფერი ხეობებით ატყვევებს მწერალს. იგი გააკვირვა ადგილობრივი მოსახლეობის ცხოვრებისა და ყოფის თავისებურებამ. თენგიზის ტბის მახლობლად მას მოუწია ეროვნული ტოის (ქორწილს) დასწრებოდა. ტოი ჩატარდა როგორც დიდი ეროვნული დღესასწაული. თვითონ ვ. ი. შიშკოვის სიტყვებით, მაშინ ის თითქოს დრომ თემურ-ლენგის თანამედროვეთა შორის გადაისროლა, გაუხედნავ ცხენებზე შეჭიბრმა, გოლიათების ქიდაობამ, თამაშობებმა და სიმღერებმა, საღამოს კი ვარსკვლავებით ავსებული ტბის სანაპიროზე დანთებულმა უზარმაზარმა კოცონებმა, ცეცხლზე შემოდგმულმა ხორციით სავსე ხელშემოუწვდენელმა ქვაბებმა მანამდე განცდილ ყოველგვარ შთაბეჭდილებას გადააქარბა.

მთიანი ალთაის შესანიშნავ ბუნებასთან ერთად მწერალმა შეძლო დაენახა ალთაელების მძიმე, შავბნელი ცხოვრება, რომელიც შესანიშნავად აღწერა ნარკვევში „ჩუის ტრაქტით“.

ვაკრებს, რომლებიც ჩუის ხეობაში ვაკრობდნენ, ხალხმა „ჩუელი მყვლეფელები“ შეარქვა და მათზე ასეთი ანდაზა გავრცელდა: „ჩუელებთან სიმართლის პოვნა იგივეა, გველს ფეხები უპოვნო“. შიშკოვმა ვაჭართა მხეცური ბუნება და სიხარბე გასაოცარი სიზუსტითა და სიმართლით დაგვიხატა მოთხრობებში („ჩუის ნამდვილი ამბები“), რომლებიც 1913 წელს დაიწერა. ამავე დროს ჩუის ტალღების გადარეულ სრბოლაში მწერალი ხედავდა ალთაელი ხალხის ნათელ მომავალს, სჯეროდა უკეთესი ცხოვრების დადგომისა. მისა სიტყვები ძალუმად და დამაჯერებლად ჟღერს: „შესდექ, ჩუია, შესდექ! შეხედე, აღმოსავლეთი ვარდისფრად შეიღება. დღე დგება, ღამე დასრულდა... ცოტა კიდევ და შენი ტალღები ახალ სიმღერას იმღერებენ, იმღერებენ ახალ ნამდვილ ამბებს — ნათელსა და ბედნიერს. დიახ, აღარ განმეორდება წარსული, დიახ, ის ველარ დაბნელებს მომავალს“.

მწერლის წინასწარმეტყველება ახდა. ახლა ახალ სიმღერებს მღერის ჩუის ტალღები, მის სანაპიროზე გაშენდა ახალი სოფლები, ყველგან კიაფობენ ელექტრონათურები. ცისფერ ტელეეკრანებს მისხდომიან ალთაელი გლეხები.

საბჭოთა ხელისუფლების დამყარების შემდეგ იმ მრავალრიცხოვან პრობლემათა შორის, რომლებიც უნდა გადაწყვეტილიყო, ერთ-ერთი უპირველესია გზათა მშენებლობა. გზების გაყვანა უზარმაზარ წინააღმდეგობათა დაძლევის მოთხოვნა. მათაა ქედების საუღელტეხილო გადასასვლელების ხეების კაპიტალურ მოსწორებას, კლდეთა აფეთქებასა და გაწმენდას და მთის უამრავი მდინარის ფონის დაძებნასა და გადალახვას.

ალთაის სახელმწიფო ნაგებობათა კომიტეტი ჯერ კიდევ 1920—1921 წლებში ცდილობდა ტრაქტის სამგზავრო ნაწილის ზოგიერთი სამუშაოს ჩატარებას, მაგრამ ამის განხორციელებას ბანდიტიზმი უშლიდა ხელს.

1922 წელს დაარსებულმა ბიისკის სახელმწიფო ნაგებობათა განყოფილებამ შეადგინა სამშენებლო-სარემონტო სამუშაოთა გეგმა, რომლითაც გათვალისწინებული იყო მდინარე ყაღნზე კორკეჩუს ბომიდან სოფელ ინიამდე სამი, თითოეული 40.000 მანეთის ღირებულების, ბორნის აგება. აგრეთვე 160.000 მანეთის ღირებულების დამბებისა და წყალსარიდი არხების გაკეთება. მაგრამ სახსრების უკმარისობის გამო სამუშაოები მთლიანად ვერ შესრულდა. მდინარე ჩუიზე აშენდა ხიდი, სოფელ ვერხ-კომარიმდე ტრაქტი მეტნაკლებად გასუფთავდა და წესრიგში მოიყვანეს მისი სამგზავრო ნაწილი. ამიტომ ითვლება 1922 წელი ჩუის ტრაქტის აღდგენითი სამუშაოების დაწყების თარიღად.

1923 წელს სამუშაოები განახლდა. სახსრები გზათა სახალხო კომისარიატმა გამოყო. დღედაღამ ისმოდა ამონაღოთა და სხვა ფეთქებადი ნივთიერებებით ჩამოზავებული უზარმაზარი კლდეების კენესა და გრიალი. ახალგაზრდა რესპუბლიკის ბატონ-პატრონები, რომლებსაც ბარი, წერაქვი და ნიჩბებიც კი არ ყოფნიდათ, გმირულად ებრძოდნენ ბუნებას.

ვინ მოთვლის, რამდენი მიწა, ქვა, ღორღი გაიტანეს, გაასუფთავეს გზა. ზაფხულის პერიოდში მდინარე ყაღნზე აშენდა 3 ბორანი, რომელთაგან თითოეულს 12 საზიდრის გადაყვანა შეეძლო. ადრე არსებული ბორნები თეთრგვარდიელმა ბანდიტებმა მოსპეს, ორმაგი ტროსები დაწყვიტეს და ბორნები გადარეულმა ყაღნმა კლდეებს შეაღწა.

1922 წლის 26 მაისს ჩუის ტრაქტი, სრულიად საკავშირო ცენტრალური აღმასრულებელი კომიტეტის დადგენილებით, სახელმწიფო მნიშვნელობის ტრაქტად გამოცხადდა.



...ერთმანეთს ენაცლება სააგარაკო დასახლებები და პიონერთა დასასვენებელი ბანაკები, ტურისტული ბაზები და პატარ-პატარა სოფლები. ასწლოვანი კედარის, ნაძვის, რბილწიწვიანას ხეივნებში მიიკვლევს გზას ჩვენი მანქანები. მდინარე ყადნი ხან გვეკარგება, ვშორდებით, ხან კი პირდაპირ მის ნაპირზე მივჭირვართ. ბარე ორჯერ, სამჯერ გავაჩერებინეთ მანქანა, სასწაულებრივი სილამაზის მდინარეა ყადნი, სულ გვინდა რომ ვუყუროთ...

— ყადნ ალთაურად ქალს ნიშნავს და მისი სილამაზის გამო დაარქვა, თურმე, ხალხმა ეს სახელი, — გვეუბნება ბარაჩაყ მენდეოვი, — ლამაზსა და ვერაგ ქალს. ყადნში შესვლა არ შეიძლება, იგი არავის აპატიებს უცხოს ტანის შეხებას. ვინც კი შევიდა, ყველა მოახრჩო.

მე უნდობლად ავუქნიე ხელი, ალბათ, ცურვა არ იცოდა იმ ხალხმა, აი, შევცურავ და, ვნახოთ, რას მიზამს ეგ თქვენი ლამაზი და ვერაგი ქალი-მეთქი, მაგრამ ვალერიმ და დანარჩენებმაც ისეთი შეშინებული თვალებით შემომხედეს, ცოტა არ იყოს, წამიხდა ნირი.

...ყადნის ტალღათა ხმაურში მესმის ბარაჩაყის ხმა:

— ლეგენდასაც აქვს თავისი, სხვებისათვის გაუმხელელი საიდუმლო, მით უმეტეს, თუ ამ ლეგენდას სიყვარული უდევს საფუძვლად.

ჰოდა, მთიანი ალთაის მარადდათოვლილ მთა ბელუხადან იშვა ულამაზესი მდინარე.

ახლადშობილ მდინარეს, ციმბირული კედარის, არყის, რბილწიწვიანასა და ნაძვის სურნელი დაჰყვა. რომელთაც მარადდათოვლილი ბელუხას გულში უდგათ ფესვები, ფერი კი რაღაც საოცარი, მთიანი ალთაის ცისფერი.

საოცრად ცივი და მიუკარებელია იგი. ფიცხი და ძლიერი მისი ტალღები, ვინც კი გაბედა მასში შესვლა, არავინ დაინდო, ყველა მოაშთო და გამორიყა.

მაშინ ხალხმა ყადნ — ქალი შეარქვა მას. ლამაზი, მაგრამ ვერაგი ქალი, რომელიც თავისი სილამაზით იზიდავდა ყველას თავისკენ, მერე კი სასტიკად უსწორდებოდა.

ლევენდა, აბა, რის ლევენდაა, თუ აუხსნელი არ დარჩება. საიდან, როგორ, ანდა, ვისგან გაიგო ყადნმა, რომ თავისი დაბადების ადგილიდან შორს, ძალიან შორს, სამ უღელტეხილსა და გაუვალ ქალებს მიღმა, ქალაქ ბიისკთან, არსებობდა მეორე თვალწარმტაცი მდინარე ბია, რომელიც სათავეს ოქროს ტბიდან იღებდა. აი, სწორედ ეს მდინარე შეუყვარდა ყადნს და, სიყვარულისაგან გახელებული, დაეშვა მასთან შესახვედრად.

შვილის უხნეობით განაწყენებულმა დედა ბელუხამ თითქოსდა მამა ბაბირგანი დაადევნა მას და ყველა ღონეს მიმართა ყადნის შესაჩერებლად, მაგრამ შლეგად ქცეული შეყვარებული არაფერს დაგიდევდა, გაარღვია მთები და კლდეები, გადალახა ქალები და მდელოები, ზათქითა და ზრიალით მიექანებოდა წინ. ზოგან ხვრელს და ნაპრალს პოულობდა, ზოგან კი ძალით გაჰქონდა თავისი. ზოგან ქანცმილეული, ალაგ შხეფებდა, ჩანჩქერებდა, ალაგ ნაკადულეზად ქცეული მაინც წინ მიიწევდა დაყინებით.

ყველაზე მეტად ტერენტინის უღელტეხილთან გაუჭირდა, ძალა მოიკრიბა ონგუდაის — ათ ღმერთს შესთხოვა შველა და იმანაც შეიწყნარა ხელი მიჯნურის ღაღადისი, გზა გაუხსნა და აქ ყადნის მფარველი ღმერთის პატივსაცემად სოფელი ონგუდაი იშვა.

ყადნმა ჩაითავდაღმართა და თავდავიწყებით დაეშვა თავქვე, გამწარებული მამა კვალდაკვალ მოსდევდა, მაგრამ გაშმაგებულს ვეღარ ეწეოდა. აქ, ამ ულამაზეს ხეობაში, ყადნის სანაპიროზე კიდევ ერთი სოფელი მარჯროკ — მსრბოლავი გული აღმოცენდა.

მთელი გზის მანძილზე მიუკარებელი და ცივია დღესაც ყადნი ყველასათვის... ვერც ერთი კაცი ვერ ბედავს მასში შესვლას, — არავის ტანს არ იკარებს, ბიაზე უზომოდ შეყვარებული და თუკი შებედავენ, ვაგლახ, სამუდამოდ რჩებიან მის ცივ ტალღებში. — განაგრძობს ბარაჩაკი...

ჰოდა, დაეშვა თავქვე, გაივავა, მაგრამ წინ ტყიანი ბორ-

ცივი გადაელობა, ყაღმა ჩიქურ დააჯახა ტალღები, მაგრამ ვერას გახდა, მაშინ ორ ტოტად გაიყო, სუსტი ადგილები გაარღვია, კუნძულადქცეულ პატარა ხმელეთს ორმხრივ შემოუარა. აი, აქ ეს ორ არხად ქცეული მისი მრბოლავი ტალღები სატრფოსკენ წინ გაწვდილ ხელებსა ჰგავს, საოცრად თეთრს, სილურჯე რომ დაჰკრავს ხოლმე წვრილი ძარღვებისა.

კუნძულს ირგვლივ შემორკალული მკლავები ისევ შეერთდა, შეერთდა და გავაკებულზე გაწვა. ყაღმა წინ. სულ ახლოს უკვე ესმოდა საოცნებო ბიის ტალღების ხმაურა...

ერთი გაბრძოლებაც და ქალაქ ბიისკის მახლობლად შეხვდა სიყვარულით განაწამები ყაღმა ბიას და ჩაეკრა.

ჩაეწნენ და ჩაენაცვლნენ ერთმანეთს ისე, რომ მათგან ლეგენდალა დარჩა.

— ო, ბი-ა, ო, ბი-ა, ო, ბი-ა, ჩურჩულებდნენ ყაღმა ტალღები...

ამ დღიდან, აქ, ორივემ დაკარგა თავისი სახელი და ერთ დად, სულ სხვა მდინარედ — ობად იქცნენ, ხოლო მათ შესართავთან დგას სულ მუდამ ნისლმოხვეული, დამარცხებულ რაინდივით თავჩაქინდრული პატარა მთა, რომელსაც ხალხი შვილს დადევნებულ, გაქვავებულ მამა ბაბირგნს უწოდებს.

ლიმილით ამთავრებს ნაღვლიან ლეგენდას ბარჩაკ მენდეყოფი.

ჩვენი მანქანები კი ჩუის ტრაქტით მიჰქრიან საოცარი ყაღმის სანაპიროს გასწვრივ.

— მთიანი ალთაის ტერიტორიის დასახლებას უძველეს ხანაში შუა აზიიდან წამოსულმა ხალხმა დაუღო სათავე — გვეუბნება ვალერი ჩაპტინოვი, — სადაც ადამიანის ცხოვრებისათვის ადრე წარმოიქმნა ხელსაყრელი პირობები. უძველესი ხალხები ალთაისაკენ პამირისა და ტიანშანის მთათა ჯაჭვს მოჰყვებოდნენ და აქედან ნელ-ნელა საბლდებოდნენ ციმბირის სხვა მიწებზე.

შუა და ცენტრალურ აზიაში ახლანდელთან შედარებით იმ პერიოდში კლიმატი უფრო ნესტიანი და რბილი იყო. აქ უხვად მოდიოდა წვიმები, მოჰქუხდა მრავალი მდინარე,

ხოლო დაბლობებში ერთ დროს ერთმანეთზე გადაჯაჭვული ტბებიდან ახლა საცოდავი ნარჩენებიღაა დარჩენილი. შუა აზიისაგან განსხვავებით, თითქმის მთელი ციმბირი დაფარული იყო სქელი ყინულის ქერქით. მთელს ციმბირსა და შორეულ აღმოსავლეთში უძველესი ადგილი, სადაც ადამიანი ცხოვრობდა, მთიანი ალთაია. ადამიანების უძველესი საცხოვრისი მდინარე ულალინკას სანაპიროზე 1961 წელს აღმოაჩინა ცნობილმა მეცნიერმა, აკადემიკოსმა ალექსი პავლეს ძე ოკლანდნიკოვმა, ახლა დადგენილია, რომ მთიან ალთაიში 40 ათასი წლის წინ კი არა, როგორც აქამდე ფიქრობდნენ, არამედ დაახლოებით 150 ათასი წლის წინ ცხოვრობდა ადამიანი.

ულალინკას სადგომებზე იპოვნეს ადამიანის ხელით უხეშად დამუშავებული უამრავი ქვის იარაღი, რომლებიც ძალიან ჰგავდა შუა აზიელთა იარაღებს. ულალას მონაპოვარი ახლა მთელი მსოფლიოსთვისაა ცნობილი. ადრე ითვლებოდა, რომ ალთაი, ისევე როგორც მთელი ციმბირი, უძველეს წარსულში უკაცრიელი იყო, რომ პირველყოფილ ადამიანს მხოლოდ სამხრეთის, ჩვენი პლანეტის თბილი ტერიტორიების ათვისება შეეძლო.

პირველმკვალავებმა აქედან, ალთაის მთებიდან, მთებისა და ხევების გავლით მიაღწიეს თანამედროვე ქალაქებამდე — ომსკამდე, ნოვოსიბირსკამდე, კრასნოიარსკამდე და ციმბირის სხვა ადგილებამდე.

ულალას მონაპოვრები კიდევ იმითაა საინტერესო, რომ ადამიანი ქვის იარაღებს ამუშავებდა არა მარტო ხელით, არამედ ცეცხლის მეშვეობითაც. დამუშავებისათვის ვარგის ქვებს ცეცხლში ახურებდნენ და შემდეგ ან წყალს ასხამდნენ, ან წყალში აგდებდნენ გახურებულს. ქვა ნატეხებად სკდებოდა, რის შემდეგაც მისგან აკეთებდნენ საჭირო სამუშაო იარაღებს. სწორედ მონაპოვარ სხვა ქვის იარაღებს შორის ულალაზე აღმოჩნდა ასეთი „ნაწრთობი“ ქვებიც.

მთიანი ალთაის უძველესი ადამიანები მონადირეები იყვნენ. ისინი კოლექტიურად ნადირობდნენ უზარმაზარ ცხოველებზე მამონტებსა და თავისი მძვინვარებით განთქმულ ციმბირის ხშირბეწვიან მარტორქებზე. დღესაც პოულობენ

მთიანი ალთაის ტერიტორიაზე ამ ცხოველების ძვლებს, რომელთა ნაწილიც ოლქის მხარეთმცოდნეობის მუზეუმში ინახება. ამ ცხოველების გარდა, აქ იყო უამრავი გარეული ცხენი და ხარი, ანტილოპები, კულანები, მთებში — თოვლის ცხვრები (არხარები), კეთილშობილი ირმები და სხვა. ამ ცხოველების ხორცს საკვებად, ხოლო ტყავს ტანსაცმლისა და საცხოვრებელი სადგომისათვის იყენებდნენ. საკვებად, ხორცის გარდა, სხვადასხვა მცენარეებსა და ძირხეენებს იყენებდნენ. წლის თბილ პერიოდში ისინი ტოტებით ან ცხოველთა ტყავებით გადახურულ კარებში ცხოვრობდნენ. მაგრამ მათი ყველაზე მოსახერხებელი საცხოვრებელი ადგილი იყო გამოქვაბულები, რომლებიც ათასწლეულების განმავლობაში ბუნებრივ, მოხერხებულ თავშესაფრად ემსახურებოდა მათ. ასეთი გამოქვაბულები მთიან ალთაიში ძალზე ბევრია. უსტ-კანის გამოქვაბული, რომელიც უსტ-კანიდან ოთხი კილომეტრითაა დაშორებული მდინარე ჩარიშის ხეობაში, სადაც ჯერ კიდევ 30 ათასი წლის წინათ ცხოვრობდნენ და წვიმის, თოვლისა, ქარისა და მხეცების თავდასხმისაგან იფარავდნენ თავს. უსტ-კანის გამოქვაბულის ფართო შესასვლელი საშუალებას იძლეოდა ხეობის შორი მანძილის დასაზვერად. იქიდან თავისუფლად ადევნებდნენ თვალს მამონტების, მარტორქების, გარეული ხარებისა და ცხენების ჯოგებს. გამოქვაბულები მტრულად განწყობილი ტომებისაგან თავდაცვის მოხერხებულ საშუალებასაც წარმოადგენდნენ. უსტ-კანის გამოქვაბულში ქვის 520 საგანია ნაპოვნი, მართალია, ისინი უფრო გვიანდელია, ვიდრე ულალის გათხრებზე ნაპოვნი საგნები და საკმაოდ უხეშადაა დამზადებული, მაგრამ, მათ მაინც ეტყობათ უფრო განვითარებული ადამიანის ხელი. ამ გამოქვაბულში ნაპოვნი საგნების მიხედვით შეგვიძლია ვიფიქროთ, რომ აქ ღონიერი და გამბედავი მონადირეები ცხოვრობდნენ. ამას მოწმობს გამოქვაბულში ნაპოვნი ცხოველთა უამრავი ძვალი (17 სახეობის ცხოველისა და 12 სახეობის ფრინველისა), მათ შორის: გამოქვაბულის აფთრის, მარტორქის, მურა დათვის, მელიის, მაჩვის, ყარყუმის, არხარის, ძერენეის (მთის ანტილოპა). იაკის, გარეული ცხენის, კულანის და სხვა ცხოველების ძვლები. გან-

საკუთრებულ ინტერესს იწვევს ხვეულრქიანი ანტილოპას ძვლები, რომელიც მთიან ალთაიში მამონტებსა და მარტორქებზე ადრე განადგურდა. ხვეულრქიანი ანტილოპა ამჟამად მხოლოდ აფრიკის სავანის მშრალ და ცხელ ადგილებში ბინადრობს.

„უსტ-კანელ“ უძველეს მონადირეებს ჭვის ახალმა იარაღებმა საშუალება მისცა, ხისგან შუბის ტარები დაემზადებინათ. გაეთალათ სარები სამონადირეო ორმო-მახისათვის, დაემუშავებინათ ტყავები და შეეკერათ ტანსაცმელი.

შრომის იარაღების გაუმჯობესებამ ხელი შეუწყო ადამიანების მიერ ახალი სივრცეების ათვისებას, მათს სხვადასხვა ადგილას დასახლებას, მოსახლეობის ერთმანეთისაგან იზოლირებულ ჯგუფებს შორის ურთიერთობის დაწყებას. ამ ურთიერთობას ნათელყოფენ უსტ-კანის გამოქვაბულისა და შუა აზიის გამოქვაბულებში ნაპოვნი ჭვის იარაღების მსგავსება. გარეულ ცხოველებზე დადევნებულ უძველეს მონადირეებს შეეძლოთ თავისუფლად გადასულყენენ შუა აზიის, ყაზახეთის ველებზე, დასავლეთ ციმბირას დაბლობში და უკან, ალთაიში დაბრუნებულიყვნენ.

ალთაის ტერატორიაზე ჭვის ხანის ადამიანების სადგომები აღმოჩენილია სოფლებთან უსტ-სემეში, სროსტკიში, ფომინსკოეში, ბექტემიროვსკოეში, ურაეაინიში, უსტ-კანში და სხვ. მთელი ამ ხანგრძლივი დროის მანძილზე ხალხი გვაროვნული წყობით ცხოვრობდა. მთავარი როლი ქალს ეკუთვნოდა. პირველყოფილ ადამიანთა ცხოვრებაში ის იყო ცეცხლის (კერის) დამცველი, აგროვებდა საკვებ მცენარეულს, ამზადებდა საქმელს, ზრდიდა ბავშვებს და გვარის დომინანტიც დედისა იყო.

მთიანი ალთაის უძველესი ხალხის მაღალი კულტურის ამსახველია პაზირიკის კულტურა. ეს სახელწოდება მიიღო ადგილმდებარეობისაგან, რომელიც ულაგანის რაიონის სოფელ ბალიკტუილთან მდებარეობს. პაზირიკის ყორღანები მკვიდრი ხალხის სამარხებია. ისინი განეკუთვნება ჩვენს წელთაღრიცხვამდე VII—III საუკუნეებს. ამ კულტურის სამარხები პირველად 1865 წელს უსტ-კანის რაიონის სოფელ კატანდასთან გაითხარა.



ოქტომბრის სოციალისტური რევოლუციის შემდეგ პაზი-  
რიკის ეპოქის ყორღანების გათხრებმა სისტემატური ხასია-  
თი მიიღო. პაზირიკის ყორღანები ერთმანეთისაგან განსხვავ-  
დებიან ზომით, კონსტრუქციითა და დაკრძალვის წესით. უბ-  
რალო საფლავები ქვების გროვას წარმოადგენს ან ქვებით  
შემოწყობილი რგოლის ფორმა აქვთ. გვხვდება საშუალო  
ზომის ნაყარი და ბოლოს უზარმაზარი ქვის, მდინარის ქვე-  
ბისა და ღორღისაგან აღმართული ყორღანები. დიდი ყორ-  
ღანების რგოლის დიამეტრი ზოგჯერ 100, ხოლო ს-მაღლე  
4-5 მეტრს აღწევს. ერთი ყორღანის ასაგებად საშუალოდ  
იხარჯებოდა 3500 კაცდღე, თუ არ ჩავთვლით გამწევ ძალას.  
დიდი რაოდენობის გრუნტის ამოღება, რამდენიმე ასეულა  
მორის ღამსაღება, ასეულობით კუბური მეტრი ქვისა და  
ღორღის მიტანა მეტად დიდძალ მუშახელს მოითხოვდა. საქ-  
წუხაროდ, ყველა გამოკვლეული დიდი ზომის საფლავი გა-  
ძარცვული აღმოჩნდა. პირველი მძარცველები იყვნენ ჰუნები,  
რომლებიც მთიანი ალთაის ტერიტორიაზე ჩვენს წელთაღ-  
რიცხვამდე III-II საუკუნეებში გამოჩნდნენ. ამის შემდეგ  
ეს ყორღანები XVIII საუკუნეში გაძარცვეს. მძარცველებს  
აქედან ოქროსა და ვერცხლის ხელოვნების ნიმუშები და  
ბევრი სხვა ძვირფასი ნივთები წაუღიათ. ქვის ნაყარის ქვეშ  
საფლავის ორმოებია, რომელთა ფსკერზეც იდგმებოდა ექვ-  
სამდე მეტრი სიგრძისა და ხუთამდე მეტრი სიგანის ძელუ-  
რი. ძელური შიდა მხრიდან სუფთად გარანდული რბილწიწ-  
ვიანას მორებისგან კეთდებოდა. პირველი ძელურის შიგნი-  
დან ხანდახან იდგმებოდა მეორეც, რომელიც ფიცრის იატა-  
კით საფლავის საკანს წარმოადგენდა. ზემოდან ძელური  
ოთხიდან რვამდე მწკრივის მორების ქერით იხურებოდა,  
შემდეგ რამდენიმე ფენა არყის ხის ქერქით იფარებოდა, ზედ  
მიწა ეყრებოდა და ყოველივე ამას ქვებს აყრიდნენ.

იმ შორეულ წარსულში გარდაცვლილებს გარკვეული  
აღათით მარხავდნენ. მორების ძელურის სამხრეთით კრძა-  
ლავდნენ განსვენებულს, რომელიც სარკოფაგში — რბილ-  
წიწვიანას ან კედარის ორი უზარმაზარი გულამოდრუებულა  
მორისაგან იყო გაკეთებული. მიცვალებულს თან ატანდნენ  
ოჯახურ ნივთებს და საუკეთესო ტანსაცმლით მარხავ-

დნენ, მამაკაცებს — საბრძოლო იარაღით, ქალებს — თავიანთი სატულეტო ნივთებით. საკანში დგამდნენ ლამპარს, დაბალ მაგიდა-ლანგარს ს-კმლისათვის, ბალიშებს — დასაჯდომად, უტოვებდნენ საჭმელს და სამუშაო იარაღებს, ხოლო თიხისა და ხის ჭურჭლებში რაღაც სასმელებს. მთელი ეს დაკრძალვის წეს-ჩვეულება დაკავშირებული იყო რწმენასთან, რომ იმქვეყნიური ცხოვრება გრძელდება. ამიტომ გარდაცვლილებს ამარაგებდნენ ყოველივე აუცილებლით, რაც მათ დასჯირღებოდათ იმქვეყნიური მგზავრობისთვის. გზა კი, მათი რწმენით, დასავლეთით, სადაც მზე ჩადის, იქ მთავრდებოდა. ტომის მკვდარ ბელადთან ერთად მარხავდნენ მის ცოლს, ხოცავდნენ მის საჯდომ ცხენებს და იქვე მარხავდნენ მთელის აღკაზმულობით, აგრეთვე, ატანდნენ ტანსაცმელს, იარაღსა და საკუთარ ნივთებს.

მუდმივი გამყინვარების წყალობით ყორღანებში კარგად შემოინახა მრავალრიცხოვანი ხისა და ტყავის ნაწარმი, შალისა და აბრეშუმის ქსოვილები, ბეწვეულის ტანსაცმელი, ცხენის გვამები და ბალზამირებული უამრავი მიცვალებული.

პაზირიკის სამარხების უამრავი მონაპოვარე მთიან ალთაის შუა აზიის, კავკასიისა და შავი ზღვისპირეთის უძველესი კულტურის ცენტრების გვერდით აყენებს. ეს მონაპოვრები ადასტურებს, რომ მთიანი ალთაის უძველესი მაცხოვრებლები იმ კულტურული ღირებულების შემქმნელები იყვნენ, რომლებიც დამსახურებულად დამკვიდრდნენ მსოფლიო კულტურის ისტორიაში.

მთიანი ალთაიდან გადაჰქონდათ ძვირფასი ბეწვეული და ოქრო. სამაგიეროდ, შემოჰქონდათ შუა აზიიდან იშვიათი ქსოვილები და ხალიჩები, ძვირფასი ქვებისაგან ნაკეთები სამკაულები, მძივები და სხვ. ინდოეთის ოკეანიდან — ძვირფასი ნიჟარები. სავაჭრო ურთიერთობა ჰქონდათ ჩინეთთან, საიდანაც შემოჰქონდათ აბრეშუმის ქსოვილები.

მთიანი ალთაიში მისდევდნენ მეცხენეობას, მესაქონლეობას, მეცხოველეობას, მეცხვარეობას. ცხენს იყენებდნენ არა მარტო როგორც საიმედო სატრანსპორტო და საომარ საშუალებად, არამედ როგორც საკვებსაც. მისი რძისაგან ამზადებდნენ კუმისს.

ტანდაბალი ჯიშის ცხენების გარდა, ალთაელებს გამოკ-  
ყავდათ დიდი, ღონიერი ცხენებიც. ასეთი ცხენები განსა-  
კუთრებით ფასობდა აღმოსავლეთში. ჩინელები თვლიდნენ,  
რომ ეს კეთილშობილური ცხოველები ღვთაებრივი წარმო-  
შობისა იყვნენ და მათ გამორჩეულ მარცვალს აჰმევენენ.

როგორც აღვნიშნეთ, უძველესი ალთაის მცხოვრებლები  
მეცხვარეობასაც მისდევდნენ. ნაპოვნია ცხვრის მატყლისა-  
გან დამზადებული მრავალი სახის ნაწარმი: საცვლები და  
შავი ქეჩები, ცხენის უნაგირის ნაბდის გადასაფარებლები  
და საოფლეები. ადამიანის ტანსაცმელი. გარდა ამისა, ყავ-  
დათ ძროხები, აწვეერები, ქათმები.

მთიანი ალთაის უძველესმა მცხოვრებლებმა იცოდ-  
ნენ ხის სახლების შენება, მაგრამ ყველაზე გავრცელებული  
იყო თექის მოძრავი კარვები, რადგან ისინი ძირითადად მე-  
საქონლეები იყვნენ და, როგორც წესი, სეზონურად მომთა-  
ბარეობდნენ.

უძველეს ალთაელთა ტანსაცმელი შეხამებული იყო ადგი-  
ლობრივ კლიმატსა და ცხოვრების პირობებთან. ცნობილი  
და მდიდარი ხალხი ატარებდა სიასამურის, ყარყუმისა და  
ციყვის ძვორფასი ბეწვეულის ტანსაცმელს. ქუდები ორი სა-  
ხის ჰქონდათ: ტყავისა და ქეჩის სარჩულიანი მუზარადის  
ტიპის საბრძოლო თვისაბურავები, და ყოველდღიური ნაბ-  
დის წოწოლა ფართეფარფლიანი ქუდები. მამაკაცები, ისევე  
როგორც ქალები, ატარებდნენ რბილი ტყავის მაღალყე-  
ლიან ფეხსაცმელებს. ეს ფეხსაცმელი მყესის ძაფებით იკვ-  
რებოდა. გარედან ყელი მორთული იყო სწორკუთხოვანი ჰა-  
დრაკული მოზაიკურად განლაგებული ბეწვეულის პატარ-პა-  
ტარა ნაჭრებით.

ეთნოგრაფიული თვალსაზრისით მათი ოჯახური ნიეთე-  
ბიდან აღსანიშნავია თასები, ლითონის ჭურჭელი და სპეცია-  
ლური ზედადგარიანი სპილენძის, ეგრეთ წოდებული „სკი-  
ფური“ ქვაბები საქმლის დასამზადებლად. ავეჯი ისაზღვრე-  
ბოდა პატარა მოსახსნელთაგანი მაგიდებით. სახურავს ოვა-  
ლური ფორმა ჰქონდა და მაგიდა ლანგრის მოვალეობას  
ასრულებდა. მაგიდას გარშემო სოხანეზე დაგებულ ტყა-  
ვებზე შემოუსხდებოდნენ ხოლმე.

პაზირიკის ერთ-ერთ ყორღანში დასაკრძალავი საკნის კედლებზე გაკრული იყო შალის ნოხი. მძარცველებს ნოხი დიდი ნაწილი აუგლეჯიათ და წაუღიათ. დარჩენილი ნაგლეჯით აღდგა ნახატი. ფერადი შალის ნოხზე ასახული უნდა ყოფილიყო რქიანი სფინქსი — ნახევრად ადამიანი, ნახევრად ჩიტი. სფინქსი უკანა თათებზე ღვას, ხელში ჩიტი უჭირავს. თავზე, ქუდის გარდა, დატოტვილი რქები ადგას. კუდიც რქების მსგავსადაა გაფორმებული. ამავე ყორღანიდან ამოიღეს უზარმაზარი ნოხი, რომლის სიგრძეც 6,5 მ, ხოლო სიგანე 4,5 მეტრამდეა. ეს ნოხი რომელიღაც დიდგვაროვანს ეკუთვნოდა. იგი გადაფარებული იყო ოთხთვალაზე, რომელშიც ოთხი ცხენი იყო შებმული. ნოხი დიდებულადაა შენახული. ისეთი შთაბეჭდილება იქმნება, თითქოს სულ რამდენიმე წელია, რაც მიწაში დევსო. მსოფლიოს ეს უძველესი ნოხი ხელოვნების დიდებულ ნიმუშს წარმოადგენს და არაფრით არ ჩამოუვარდება ირანის შუასაუკუნეების ნოხებს. ნოხზე გამოსახულია მთიანი ალთაის ტომთა ბელადი. ამას ადასტურებს აღვირი, მისი მოსართავეები, ცხენის დალი, გაკრეპილი ფაფარი და დაწნული კუდი.

აღმოჩენილია აგრეთვე ხაოიანი ნოხი, რომელიც უძველეს ხანაში ძალზე ძვირად ფასობდა. ცნობილია, რომ რომის იმპერატორმა ნერონმა ანალოგიური ხაოიანი ნოხის შესაძენად 4 მილიონი სენტერცია, ე. ი. 315 ათასი მანეთი დახარჯა. პაზირიკის ნოხის ზომა 1,83×2 მ-ია. ამ ნოხში 250 ათასი ნასკვია. რაოდენ შრომატევადი იყო ამგვარი ნოხის დამზადება, შეიძლება შემდეგნაირად წარმოვიდგინოთ: თუ გამოცდილი ხელოსანი დღეში 2-3 ათას ნასკვს დაამზადებს. მაშინ ამ ნოხის შესაქმნელად დაახლოებით წელიწადნახევარი იქნება საჭირო.

სხვადასხვა ყორღანებში ჩინური ქსოვილების აღმოჩენა მტკიცებებს მ დროისათვის ალთაის საკმაოდ ინტენსიურ ურთიერთობებზე ჩინეთთან. თუმცა, უფრო ძველ ხანას განეკუთვნება ალთაელების კულტურული ურთიერთობა წინა აზიასთან. ამასვე მტკიცებებს ერთ-ერთ ყორღანში აღმოჩენილი ძალზე იშვიათი ქსოვილები. ამ ხანის უძველესი წინა-აზიური ქსოვილები მთიანი ალთაის გარდა არსად არ გვხვდნა

ბა. ამრიგად, ჩვენს წელთაღრიცხვამდე V საუკუნის პაზირიკის კულტურის ფენის ყორღანში მათი აღმოჩენა უდიდესი მეცნიერული ღირებულებისაა. მანამდე აბრეშუმის უძველეს ქსოვილებად ითვლებოდა ჩინური ნაწარმი, პაზირიკის ყორღანის წინააზიური აბრეშუმის ქსოვილები კი მათზე 4-5 ასწლეულით უფრო ძველია.

საინტერესოა პაზირიკის ოთხთვალებიც. ისინი ორი სახისაა: 1. მასიური, ძალიან მძიმე საზიდრები, რომლებიც გამიზნული იყო მძიმე ტვირთის გადასაზიდად, 2. მსუბუქი, რთული კონსტრუქციის ფორანი. მას 150 სანტიმეტრი დიამეტრის შრავალრიცხოვანმანებიანი ოთხი თვალი აქვს. დიდმნიშვნელოვანი ისტორიული ღირებულებისაა ამ ყორღანებში ნაპოვნი უნაგირები. ისინი არა ჰგვანან თანამედროვე უნაგირებს, არა აქვთ ხის კეხები. ესაა ერთმანეთზე დამავრებული ირმის ბეწვით გატენილი ტყავის ორი გარდიგარდმო ბალაში, რომელიც შუაში ზემოდან შემოკვერილი ტყავის ქაშრით მაგრდებოდა ცხენის ზურგზე. ამ ტყავის სარტყელზე დამაგრებული იყო მდიდრულად შემკობილი სამკერდე და საქაყე. ეს ერთ-ერთი ყველაზე ადრეული უნაგირია. მაგრამ სხვა, უფრო გვიანდელ ყორღანებში გვხვდება უნაგირები უკვე მაღალი ტახტით — ხის განბჯენებით.

დასაჯდომი ბალიშების გასალამაზებლად ზედ ქარგავდნენ სხვადასხვა კომპოზიციურ ფიგურებს: ფასკუნჯისმავარ ფრინველს, რომელსაც მთელი ლოსი (ცხენირემი) აუტაცნია ჰაერში, ცხერის ყელში კბილებით ჩაფრენილ ჯიქს, ლოსზე შემომხდარ ვეფხვს, რქიან ლომს, რომელსაც კბილებში გარეული თხა უჭირავს; ნახევრად ლომისა და ნახევრად არწივისმავარ ურჩხულს, რომელიც გლეჯს მთის ცაწარს; არწივ-ურჩხულს, თავს რომ დასხმია ლომ-ურჩხულს.

თუმცა, ამ ყორღანებში აღმოჩენილ მონაპოვართა შორის ყველაზე ნიშანდობლივია სახვითი ხელოვნების ნიმუშებიც, ბეზე და ძვალ-რქაზე მხატვრული კვეთის, ტყავზე ჭრის უნიკალური ნიმუშები: ოქროს სამკაულები, სუფთად ჩამოსხმული და ძვირფასი ქვებით შემკული ოქროს საყურეები, რომლებიც ბევრად არ ჩამორჩებიან ოქრომჭედლების მიერ შესრულებულ ყველაზე საუკეთესო ნიმუშებს.

აღსანიშნავია, რომ ცხოველების გამოსახულებებში თითქმის მარტოდენ ადგილობრივი ფაუნის წარმომადგენლებს ვხვდებით. ეს კი უდავო დადასტურებაა მთიანი ალთაელების უძველესი ხელოვნების თვითმყოფადობისა.

იმეათად გვხვდება თევზების გამოსახულებები, ზოგერთ მათგანში იცნობა ღლაბუტა, მაგრამ უმრავლეს შემთხვევაში, თევზები იმდენად პირობითადაა გამოსახული, რომ შეუძლებელია მათი ჯიშის გარკვევა. ის საოცრად მცირედენი ადგილი, რომელიც შინაურ ცხოველებს ეთმობათ მთიან ალთაელთა ხელოვნებაში, იმაზე მიგვიტოთებს, რომ ამ ხელოვნების ჩასახვა და განვითარება იმ შორეულ წარსულში ხდებოდა, როცა ნადირობას ძირითადი ადგილი ეკავა.

ხეზე სამუშაოდ იყენებდნენ სხვადასხვა სახის იარაღებს: დანებს, სადგისებს, ციბრუტებს, სატეხებს, ნაჯახებსა და ეჩოებს. ხერხი, როგორც ჩანს, მათ არ გააჩნდათ, მაგრამ ჰქონდათ სახარატო დაზგა, ისევე, როგორც საქსოვი დაზგა, რაზეც მეტყველებს ადგილობრივი წარმოების ქსოვილთა უმრავი ნაშთი.

აქაური ძველი ეპოქის ადამიანების უმთავრეს საბრძოლო იარაღს წარმოადგენდა მოკლე ისრებიანი მშვილდებო, რკინის მახვილები, შუბები, სქელტყავგადაკრული ფარები.

გარკვეულ პერიოდში ჩვეულებად ჰქონდათ მოკლული მოწინააღმდეგისათვის თავზე სკალპის აძრობა. ამას ადასტურებს ბრძოლაში მოკლული ბელადის გვამი. მისი თავის უკანა მხარეს ქალაში აღმოჩნდა საბრძოლო ჩაქუჩის დარტყმით გამოწვეული სამი ნახვრეტი. კანი, წინიდან შუბლს ზემოთ ერთი ყურიდან მეორემდე, გადასერილია და უკან ისეა გადაძრობილი, რომ თავის ქალა უკან კისრამდეა გაშიშვლებული.

როგორც წესი, ყველა დაკრძალული ადამიანის გვამი მემიფიციკრებულია თავისებური წესით. მიცვალებულს აცლიდნენ არა მარტო თავის ტვინსა და შიგნეულს, არამედ კუთხეებსაც, რომლის ნაცვლად მცენარეულობას ან ბეწვს უდებდნენ. ყველა ჭრილობა, ხანდახან თვალებიც კი ამოიკერებოდა და მყესის ძაფებით. ერთ-ერთ ყორღანში დასაფლავებული

ქალის გვამთან, რომელიც დასაფლავებულია ტომის ბელადთან ერთად, აღმოჩნდა მრავალლარიანი არფის ტიპის საკრავი. ეს ფაქტი იმაზე მეტყველებს, რომ ტომის ბელადებს ჰყავდათ მომღერლები ან მოცეკვავეები. ნანახია აგრეთვე თავისებური დაირისმაგვარი დოლი.

პაზირიკის სამარხებში, გაოცებას იწვევს ოქროს უზარმაზარი კონცენტრაცია, რაც შეიძლებოდა შეექმნათ მხოლოდ მთიან ალთაელთა სამხედრო თავდასხმებს. ისინი თავიანთი მთის ჩასაფრებებიდან თავს ესხმოდნენ ტერიტორიულად უახლოეს მეზობლებს — ოქროს მადიებლებს კალბინის ქედზე (სამხრეთ-დასავლეთით), ჩრდილოეთ ყაზახეთს (დასავლეთით), კუზნეცკის ალთაურ მდიდარ საბადოებს, ზემო აბაკანის აუზში და ენისეიზე მცხოვრებთ (აღმოსავლეთით). ამას გარდა, თვით ადგილებზე მიკვალული ოქროც გროვდებოდა ალთაელ დიდებულთა წრეებში.

პაზირიკის ეპოქამდე ოქროთი მდიდარ ამ რაიონებს გაჩაღებული ჰქონდათ ვაჭრობა შუა აზიის სამხრეთთან, მაგრამ ამ ტრადიციულ ვაჭრობას გამანადგურებელი ლახვარი ჩასცა ალექსანდრე მაკედონელმა. ვაჭრობა ამ რაიონთა შორის შეწყდა. ოქროს დაგროვებამ იკლო. ალთაისა და ახლოშდებარე რაიონების ოქრო მხოლოდ მოპოვების რაიონშიღარჩებოდა.

ეს იყო დრო, როცა წარმოიშვა შრომის საზოგადოებრივი გაყოფა, ე. ი. მესაქონლე ტომების გამოყოფა. მესაქონლეობისა და მიწათმოქმედების განვითარებამ, შრომის ახალმა იარაღებმა საფუძველი დაუდო წარმოების უფრო ფართო მასშტაბებით განვითარებას. ამასთან დაკავშირებით იზრდება მამაკაცის როლი. არსებული საგვარეულო თემი რღვევას იწყებს, იქმნება პატრიარქატი. მთიანი ალთაის შესწავლილ ყორღანებში, ულაგანის რაიონის გარდა, ბაშადარში, ტუექტეში, კატანდაში, ჯაზოტორში, უზუნ-ტალეში, კურაიში, ბოროტალეში და სხვა ადგილებში კარგახანს არსად ჩანდა ალთაური დამწერლობის კვალი. ამის გამო მიიჩნდათ, რომ „პაზირიკელებს“ არ გააჩნდათ იგი. მაგრამ სულ ახლახანს ზაილინის ალთაუს მთისწინეთში ქალაქ ალმა-ათის (იესიკ) მახლობლად აღმოჩნდა პაზირიკის დროინდელი (VII—

V ს. ჩვ. წ. ა.) გაუძარცვავი ყორღანი. გათხრების შედეგად სამარხიდან ამოიღეს ოთხი ათასზე მეტი ოქროს სამკაული. იქ დასაფლავებული იყო ახალგაზრდა მეომარი. თავზე მს-თხის გამოსახულებიანი ოქროს ჩაფხუტი ეხურა, წელზე ფართო ოქროს ქამარი ერტყა. საფლავში ეწყო ოქროს მახვილი და ვერცხლის ორი თასი, ერთ-ერთ მათგანზე იყო ძველი თურქულის მსგავსი (XVI—XVII სს. ჩვ. წ. ა.) წარწერა 28 რუნული ნიშნით. აი, რა ეწერა ვერცხლის თასზე: „ხანას შვილი ოცდასამისა მოკვდა. ისიაკლის (ხალხის) სახელი და დიდება“. ეს ნაპოვნი მეტყველებს, რომ ალთაელ ტომებს, შესაძლოა ჰქონდათ დამწერლობა, მაგრამ ის ოქროსა და ვერცხლის ნივთები, რომლებზეც იყო ანალოგიური წარწერები, გაძარცვულია. უზარმაზარ ყორღანებში არაჩვეულებრივად მდიდრული დაკრძალვის წეს-ჩვეულება მოწმობს, რომ ამ დროს ყალიბდებოდა შეძლებულთა დიდკაცობის ფენა, რომელსაც ალთაის ისტორიის შემდგომ ეტაპზე კიდევ უფრო მნიშვნელოვანი როლი უნდა შეესრულებინა. მაგრამ ეს აურაცხელი კულტურული სიმდიდრე, რომელიც ხალხის შრომით იყო შექმნილი, მხოლოდ მდიდარ ტომთა ცნობილ წარმომადგენელთა საკუთრებას წარმოადგენდა. ამაზე თვალნათლივ მეტყველებს იმავე პერიოდის პატარ-პატარა ყორღანების გათხრები, რომლებიც მკვეთრად განსხვავდება მდიდარი ბაების საფლავებისაგან თავიანთი სილატაკით. ამ რიგითს საფლავებში, მიცვალებულის გვამის გარდა იყო იარაღი, საკმელი და ცხენი, მაგრამ, როგორც წესი, ერთი ცხენი, ჩვეულებრივი, ძალიან უბრალო აღკანშულობით. სხვა არაფერი, მით უმეტეს მდიდრული, მათში არაფერი იყო. მაშინ, როცა მთელი ამ მდიდარი შესანიშნავი კულტურის შემქმნელები, მთელი ამ მსოფლიო მნიშვნელობის ძვირფასეულობის ავტორები სწორედ ეს რიგითი მშრომელები იყვნენ — ადამიანები, რომლებიც გამოირჩეოდნენ ესოდენ მაღალი ოსტატობით. ხელი არ მიუწვდებოდათ თავიანთ ძვირფას ნამუშევრებზე.

ამრიგად, პირველყოფილი თემური წყობილება აქაც ამთავრებდა თავის არსებობას.

ჩინის საუკუნის დასაწყისი დაკავშირებულია კლასე-



ბისა და სახელმწიფოს წარმოშობასთან ცენტრალურ აზიაში ჩვენს წელთაღრიცხვამდე III საუკუნეში ცენტრალური აზიის ველებზე დაარსდა ჰუნთა ტომების პირველი მსხვილი სახელმწიფო გაერთიანება.

ტერიტორიას, რომელზეც ცხოვრობდნენ ჰუნები, ჩინეთში ეკავა მდინარე ხუანხეს დინების ზემო და შუა დინების უდიდესი ველები. ამ მდინარეს მაშინ ჰუნურად იაშილ-ოგიუზი ერქვა.

ჰუნთა ჩრდილოეთ საზღვრებში შედიოდა ალთაი და იმპერბაიკალიც. მთიან ალთაიში ჰუნთა ყოფნას ადასტურებს კომ-აგაჩის რაიონში გათხრილი სამარხები. მათში ნაპოვნია მრავალი ნივთი, რომლებიც ჰუნებს მიეკუთვნებათ. ცხოვრობდნენ რა უძველეს წარსულში ჩინეთის ბარის რაიონებში, ჰუნები მომთაბარე მესაქონლეობას მისდევდნენ. ისინი მეომარი ხალხი იყო, იცავდნენ რა თავიანთ დამოუკიდებლობასა და კულტურას, ხშირად ეომებოდნენ ჩინელ მმართველებს.

ჩინელებთან გაუთავებელ ომებში ჰუნებმა იმ პერიოდში შეაჩერეს ჩინელ ფეოდალთა დაპყრობითი ლაშქრობები დასავლეთისაკენ, ამით მათ იხსნეს შუა და ცენტრალური აზიის ბევრი ხალხები დამონებისაგან, რომელთაც მიეცათ საშუალება შეექმნათ თავიანთი სახელმწიფოები.

აი, როგორ აღწერდნენ თანამედროვეები ჰუნთა ცხოვრებას: „ისინი ერთი საძოვრიდან მეორეზე გადადიან თავიანთი საქონლით, შინაური ცხოველებიდან ჰყავთ ცხენები, მსხვილფეხა და წვრილფეხა რქოსანი პირუტყვი, ეწევიან აქლემების, სახედრებისა და საუკეთესო ჯიშის ცხენების მოშენებას. მომთაბარეობენ ერთი ადგილიდან მეორეზე იმის მიხედვით, თუ სად ეგულებათ საუკეთესო საძოვრები და წყლები. იკვებებიან შინაური საქონლის ხორციით და იმოსებიან ტყავის, შალის, ბეწვეულის ტანსაცმლით“.

ჰუნები საკვებად იყენებდნენ ყველსა და რძეს. მათი მეურნეობაში ნადირობასა და თევზაობას მეორეხარისხოვანი ადგილი ეკავა. მიუხედავად იმისა, რომ მესაქონლეები იყვნენ, იცოდნენ მიწათმოქმედებაც. კერძოდ, თესავდნენ ფეტვს. მიწათმოქმედების იარაღებიდან იყენებდნენ კავს, რკინის

ნავალს, ქვის მარცვალსახეხს. ჰუნებში ფართო განვითარება ჰპოვა მეჭურჭლეობამ. საცხოვრებლად ჰქონდათ თექის კარები, მოფენილი შალის ქეჩებით. ჰუნები დიდი ყურადღებით ეკიდებოდნენ ლაშქრობებსა და საბრძოლო წვრთნას. მათს უმთავრეს საბრძოლო იარაღებს შეადგენდა მშვილდ-ისარო. ხმალი და შუბი, ხოლო ჭარის მთავარ სახეობას წარმოადგენდა ცხენოსანი არმია. თავიანთ დასახლებებს ამაგრებდნენ ორმოებითა და მიწაყრილებით. ჰუნთა მძარცველურ ომებს თან სდევდა დამარცხებულთა ტყვედ ჩაგდება და მონად წაყვანა. ჰუნთა საზოგადოებას სათავეში ედგა უმაღლესი ბელადი — შანიუაი. მისი ბელისუფლება მემკვიდრეობითი იყო. ჰქონდათ რთული სახელმწიფო აპარატი, რომელიც ძირითადად ბელადის ნათესავეებისაგან შემდგარი დიდებულებისაგან შედგებოდა. რიგით მესაქონლეებს დაკისრებული ჰქონდათ მძიმე გადასახადები, რომელთა გადაუხდელობას თავისუფალი მომთაბარე შეიძლებოდა მონად ექცია. ჰუნებს თავიანთი დამწერლობა ჰქონდათ. მეზობელ ხალხებთან ომებითა და შინაბრძოლებით დასუსტებული ჰუნთა სახელმწიფო ჩვენი წელთაღრიცხვის I საუკუნეში დაიშალა. მან 400 წელს იარსება. ჩვენი წელთაღრიცხვის IV საუკუნეში ისინი აღმოსავლეთ, შემდეგ კი ცენტრალურ ევროპაში გამოჩნდნენ.

ჰუნების დარჩენილი ნაწილი გაიყო ორ დიდ ტომებრივ ჯგუფად, რომლებიც ატარებდნენ სახელწოდებას „ტელე“ და „ტიუკიუ“. ესენი უძველეს თურქთა ჩამომავლები იყვნენ. წინაპრები საბჭოთა კავშირის ყველა თანამედროვე თურქი ხალხისა, მათ შორის ალთაელებისაც. ტერმინი „ტიურკ“ წარმოიშვა „ტიუკიუ-საგან, რომელმაც მატთანში მიიღო სახელწოდება „ტიურკიუტ“. უძველესი თურქებიდან ალთაელთა პირდაპირ შთამომავლობაზე მიუთითებს მთელი რიგი ალთაური გვარებისა და ტომების დასახელებები. მაგალითად, სახელწოდება „ტელე“ ალთაელებს შემორჩათ ისეთ გვარებში (სეოკებში) როგორიცაა: „ტელეუტი“, „ტელენგიტი“, „ტიელესი“, ხოლო ძველთურქული ტომის „ტიერგეშის“ სახელი შემონახულია ტუბელართა (ალთაელთა ერთერთი ტომის) გვარის სახელწოდებაში. ალთაის ტერიტორია

რიებზე აღმოჩენილი უძველეს თურქთა სამარხებიც ალთა-ელების თურქთა პირდაპირ ჩამომავლობაზე მეტყველებს. ასევეა ალთაელთა ენა. ყოველივე ეს, და მრავალი სხვა რამ, რაც ალთაელებში შემონახულია თითქმის მეოცე საუკუნემდე, მოწმობს, რომ უძველესი თურქული მოდგმის ხალხი ალთაელების წინაპრები არიან...

სოფელ მაიმადან ათი კილომეტრის დაშორებით მდებარეობს სოფელი სიბალკა. აქედან მარცხენა სანაპიროზე თუ გადავალთ, გზა მიგვიყვანს აისკის ტბაზე, სადაც 1919 წლას 23 ნოემბერს მთიანი ალთაის პირველი პარტიზანული დივიზიის მეცხრე პოლკმა დიდი ბრძოლა გადაიხადა თეთრგვარდიელებთან. ამ ბრძოლის დროს დაიღუპა პოლკის შტაბის უფროსი ს. მ. ლეონტიევი, ტყვედ ჩავარდა და კოლჩაკელებმა წამებით მოკლეს პოლკის უფროსი ვოლოსნიკოვი. ტყვედ ჩავარდნილი ი. ლებედევი, ი. გრიბოვი, ი. შვეცოვი დახვრიტეს, ხოლო ა. გურიანი, ვ. ბონდარევი, ნ. პონომარიოვი ცოცხლად ჩაყარეს ყინულქვეშ მდინარეში. საბჭოთა სამშობლოსათვის თავდადებული გმირები დაკრძალულნი არიან სოფელ აიაში, სადაც 1955 წელს ობელისკი აღმართეს.

აისკის ტბა, რომელიც ძაბრისებრ ღრმულში არყის ტყის ულამაზეს ტევრში მდებარეობს, მთიანი ალთაის ერთ-ერთი ულამაზესი ტბაა. იგი სუფოზურ-კარლსტუროი წარმოშობისაა. სიგრძე-სიგანით დიდი არაა, მაგრამ სიღრმე 11 მეტრამდე აღწევს. წყალი სუფთა და გამჭვირვალეა. სანაპიროზე განლაგებულია დასასვენებელი სახლი „ხიმიკი“ და პიონერთა ბანაკები.

სოფელ სოუზგას იქით, მთის კალთებზე, განლაგებულია მთიანი ალთაის მთის მეზალეობის ექსპერიმენტული ბაზის მეხილეობა-მეკენკრეობის საცდელი სადგური. აქ ყოველწლიურად ორ მილიონამდე ხილისა და კენკრის ნერგი გამოჰყავთ. აქედან ნერგები დიდ პარტიებად იგზავნება ოლქისა და მხარის საკოლმეურნეო და საბჭოთა მეურნეობების ბალებში. საფოსტო ამანათებით ეგზავნებათ ჩვენი ქვეყნის სხვადასხვა კუთხეებში და საზღვარგარეთ.

სოფელ სოუზგასა და ამ საცდელ-სამეურნეო სადგურის შუა გზაზე დგას XIII—XV საუკუნეების ციხე, რომლის

ნარჩენებაც საბჭოთა ხელისუფლების დროს იქნა აღმოჩენილი. თანამედროვე ტრაქტი ნაწილობრივ კვეთს დღემდე შემორჩენილი ამ უძველესი ციხის კედელს.

ტრაქტის 127-ე კილომეტრზე, მთა სინუხასთან, მდებარეობს სოფელი მანყეროკი (აღთაურად მარჯროკ), რომელიც გასული საუკუნის 70-იან წლებშია დაარსებული. ამჟამად აქ არის მთიანი ალთაის ერთ-ერთი მსხვილი ავეჯის კომბინატი. სოფლიდან 1,5 კილომეტრის დაშორებით, ფიჭვნარცის იქით, მდებარეობს მარჯეროკის ულამაზესი ტბა. ფოთლოვანი და წიწვნარით შემოჯარულ ტბას ამშვენებს მწვანე როზეტებზე მოცურავე თეთრი ყვავილები, რომელიც საბჭოთა კავშირში გავრცელებულ ამ მცენარის ოცდაათი სახეობიდან ყველაზე იშვიათი სახეობაა.

მარჯროკიდან ტრაქტი აღმართს მიჰყვება, ხშირი ფიჭვნარის შემდეგ ეშვება ქვემოთ, სადაც მწვანეში ჩაფლული პიონერთა ბანაკის თეთრი სახლებია. 1966 წელს აქ ჩატარდა მონღოლეთ-საბჭოთა ახალგაზრდობის ფესტივალი. ამ ფესტივალს მიეძღვნა კომპოზიტორ ვანო მურადელის პოპულარული სიმღერა „მანყეროკი“.

აქ ამ შემოგარენში უყვარდა ყოფნა ახალგაზრდა ვასილ შუკშინს. მარჯროკში დეიდასთან ამოსულ ვასილს შემოვლილი ჰქონდა აქაური ყველა კუთხე-კუნჭული. ეს ღვთაებრივი სილამაზე იქცა მისი შესანიშნავი ნოველების, მოთხრობების, რომანების, სცენარების დერიტად. აქ, ამ პათიოსან, მშრომელ და ვაჟკაც ხალხში, მკაცრ და მომხიბვლელ ბუნებაში ქმნიდა თავის შესანიშნავ ქმნილებებს.

ალთაი მდიდარია მინერალური წყლებით. ზოგიერთი მათგანი ძვირფასი სამკურნალო თვისებებით გამოირჩევა. ალთაელები მათ „არუან სუს“ ეძახიან. ერთ-ერთი წყარო, რომელსაც „შოფრის წყარო“ ჰქვია, სწორედ ტრაქტზე მდებარეობს. წყალი დიდი რაოდენობით ორვალენტიან რკინას ვერცხლს და სპილენძს შეიცავს. რკინის შემცველობა ან წყალში გაცილებით მეტია, ვიდრე ისეთ საქვეყნოდ ცნობილ წყლებში, როგორიცაა ესენტუკი, ბორჯომი, იფევსკი.

„შოფრის წყაროდან“ ხუთი კილომეტრის დაშორებით მდებარეობს სოფელი იზვესტკოვი, საიდანაც შეიძლება გა-

დასვლა ყაღნის მარცხენა სანაპიროზე. აქ საკმაოდ დიდ სი-  
მალღებზე, მდინარის გაყოლებით თითქმის სამი კილომეტრის  
მანძილზე გრძელდება ტალღინის გამოქვაბულები.

უსტ-სემეში ტრაქტი ორად იყოფა: გზა პირდაპირ მიდის  
სანატორიუმ „ჩემალისკენ“, ხოლო ჩუის ტრაქტი მკვეთრად  
უხვევს მარჯვნივ და რკინაბეტონის ხილით გადადის ყაღნის  
მარცხენა სანაპიროზე. აქ მგზავრი ეთხოვება მდინარე ყაღნს,  
რომელსაც მხოლოდ 200 კილომეტრის გავლის შემდეგ შეზ-  
ვდება ისევ. მანამდე კი ტრაქტი მდინარე სემას მიუყვება.  
პირველი სოფელია კამლაკი, რომელიც გზის გასწვრივ თითქ-  
მის 4 კილომეტრზეა წაგრძელებული.

169-ე კილომეტრზე მდებარეობს მთიანი ალთაის ერთ-  
ერთი უძველესი სოფელი ჩერგა. 1761 წელს აქ ბიკატენის  
ციხეში მომსახურე მაიორი ეიდენი აღნიშნავდა, რომ ალთა-  
ელები თესდნენ ქერს, ცხოვრობდნენ იურტებში.

ადრე ჩერგა საკურორტო ადგილად ითვლებოდა, აქ ბი-  
ისკიდან, ბარნაულიდან და ტომსკიდანაც კი ათეულობით  
ოჯახები ჩამოდიოდა დასასვენებლად.

გადმოცემით, ერთხელ მთაში მონადირემ მარალი დაჭრა.  
შექანდა ნადირი, მაგრამ არ წაქცეულა. კრილობის მიუხე-  
დავად. წინ გაქანდა. მონადირე კ., რომელიც უკვე თავისად  
თვლიდა ირმის ძვირად ღირებულ რქებს, ქანცავაგლილი მთარ-  
ღვევდა თოვლს...

სისხლისგან იცლებოდა ქორბუდა. ალაგ-ალაგ ჩერდებო-  
და და ეცემოდა...

სისხლის კვალში ჩამდგარი მონადირე ყოველ მის ნა-  
წოლს იმედით უღიმოდა, სულ მალე დავეწვევო...

ამ დროს, დაკოდლიმა ნადირმა მიაღწია არქან სუს ცხელ  
მდინარემდე და შევარდა შიგ...

სანამ მონადირე მთიდან დაბლა დაეშვებოდა, ნადირს  
შეუხორცდა კრილობა, გამოვიდა წყლიდან და შეეფარა  
ტყიანს.

მონადირეს დაბლა, კლდის ძირში საოცარი სურათი წარ-  
მოუდგა. შუა ზამთარში ცხელი წყლის სანაპიროზე გაფურ-  
ჩქვნილიყო ყვითელი შროშნები, იღვიძებდა შოთხვი, წი-  
თელ იორდასალმებს თავზე ფუტკრები დაკბზუოდნენ...

ამ მაცოცხლებელ წყაროში მონადირემ გამხმარი კაპოეტი გადაადგო, და პოი, საოცრებაჲ! თევზმა ფარფლების ქნევით გაცურა, შემდეგ წყალში წაეის ტყავი ჩაადგო. გაცოცხლებულმა წაემა დაყვინთა და კაპოეტს გამოუდგა... : როგორა ჰგავს ეს ლეგენდა თბილისურს.

ალთაის მთებში უამრავი სიცოცხლის წყაროა, და ალთაელთა მტკიცე რწმენით, იქით მიფრინავს დაჭრილი ფრინველი. მირბის ტყვიით დაკოდილი ნადირი, მიიჩქარის ავადმყოფი ადამიანი — ყველა მათგანს არეან სუ ძალასა და სიცოცხლეს აძლევს!

თანამედროვე ჩერგა მემარალეობის საბჭოთა მეურნეობის ცენტრალურ საკარმიდამოს წარმოადგენს. აქ არის საშუალო სკოლა, სამედიცინო პუნქტი, სანატორიუმის ტიპის პროფილაქტორიუმი, რომელშიც ისვენებდნენ და მკურნალობდნენ მეურნეობის მუშები და მოსამსახურეები, რამდენიმე მაღაზია, კულტურის სახლი.

შევდივართ შიუტაში. ეს სოფელი 1847 წელს დაარსდა. მისი მოსახლეები იყვნენ ტელეუტები (თერთმეტი ოჯახი), რომლებიც კუზნეცის ოლქის სოფელ ბაჩატანიდან ჯერ სოფელ კოკში და ულალაში ჩამოსახლდნენ, შემდეგ კი — შიუტაში. აქ, ისევე როგორც ბევრ სხვა დასახლებულ პუნქტებში, პირველ რიგში პატარა ეკლესია აშენდა. ჩუის სავაჭრო გზაზე შიუტა იქცა პირველ სოფლად, სადაც 1856 წელს გაიხსნა პირველი სამრევლო სკოლა, აქ სწავლობდნენ მონათლული (მართლმადიდებელი) ალთაელი და რუსი ბავშვები; იმ დროისათვის შიუტა უფრო მნიშვნელოვანი სოფელი იყო, ვიდრე შებალინო.

სოფელი შებალინო იმავე წლებშია დაარსებული. პირველად აქ გაჩნდა ვაჭარ შებალინისა და პოპოვის დაჩემებული მამულები, რომლებიც კედარის, კაკლის, ბეწვეულისა და სქონლის შესყიდვას ეწეოდნენ. ალებ-მიცემობის განვითარების კვალდაკვალ ძლიერდებოდა შებალინო. იქმნებოდა ბიისკელი და ადგილობრივი ვაჭრების საწყობები და სავაჭრო ფარდულები. დასაწყისში მონღოლეთის სავაჭრო გზაზე შებალინო იყო პირველი პუნქტი, შემდეგ კი ამ პირველობას ის სოფელ ონგუდაის უთმობს. თანამედროვე შებალინო

რაიონის ადმინისტრაციული ცენტრია და ხორცის, რძისა და მატყლის მსხვილი მწარმოებელია. რევოლუციისა და სამოქალაქო ომის წლებში მთიან ალთაში შებალინო იყო საბჭოთა ხელისუფლებისათვის ბრძოლის ერთ-ერთი ძირითადი ცენტრი. 1917 წლის 29 დეკემბერს აქ შეიქმნა გლეხთა დეპუტატთა საბჭო. მისი ორგანიზატორი იყო ბოლშევიკი ვასილი ივანეს ძე პლეტნიოვი. დეპუტატთა საბჭოს თავისი საქმიანობა მძიმე პირობებში უზღებოდა, სამკვდრო-სასაცოცხლო ბრძოლებს ეწეოდა თეთრგვარდიელებთან, რომლებიც სასტიკად უსწორდებოდნენ რევოლუციურად განწყობილ ყველა მცხოვრებს. არაადამიანური სიმკაცრე, მასობრივი დახვრეტები, ძარცვა და ძალადობა იყო კონტრრევოლუციონერთა რეჟიმის დამახასიათებელი თვისება ალთაში. ყარა-ყორუმელთა ჯალათის ლუკაშევიჩის მიერ აქ 160-მდე ადამიანი დააპატიმრეს, სცემდნენ და როზგავდნენ, თხრიდნენ თვალებს, ცოცხალ-მკვდრებს ყრდნენ სარდაფებში; სცემდნენ ქალებსა და მოხუცებს. ამერიკელი გენერალი გრევისიტცი კი იძულებული გახდა ეთქვა, რომ გაუძნელდებოდა უკანასკნელი ორმოცდაათი წლის მანძილზე დაესახელებინა რომელიმე სახელმწიფო, სადაც შეიძლებოდა განეხორციელებინათ მასობრივი მკვლელობანი თანაც ასე იოლად, მშვიდად, ყოველგვარი პასუხისმგებლობის გარეშე. ეს ხდებოდა ციმბირში კოლჩაკის ბატონობის დროს.

შებალინოში სამოქალაქო სასაფლაოზე განისვენებენ ჯალათ სატუნინის მიერ დახვრეტილი ულალის დეპუტატთა საბჭოს თავმჯდომარე, ფოსტის უფროსი, წითელგვარდიელები, საბჭოთა ხელისუფლების თანამგრძნობნი.

შებალინოდან ექვსი კილომეტრის დაშორებით მდებარეობს დეკტიოვის მეირმეობის მეურნეობა, რომელიც 1927 წელსაა დაარსებული. აქ რამოდენიმე ათასი მარალი და 1933 წელს უსურიის ტყეებიდან გადმოყვანილი ხალებიანი ირემია.

მთელი გზა შებალინოდან სემინის უღელტეხილამდე ულამაზეს სანახაობას წარმოადგენს. მთები, ტყეები, მაღალი ბალახეული, ფერთა მრავალფეროვნება, კაშკაშა მზე და უღრუბლო ცისფერი ცა განუმეორებელ სურათებს ქმნიან.

გზაზე გვხვდება სოფლები: კუმალირი, შემდეგ ტოპუჩეი, რომელიც ზღვის დონიდან 1125 მეტრზეა. XIX საუკუნის სამოცდაათიან წლებში ტოპუჩეიში ვაჭრების სოკოლოვისა და მიხაილოვის კედარის კაკლის საშრობები და ბელლები იდგა. ტოპუჩეიში რუსების დასახლებამდე ალთაელების სულ 5 ოჯახი ცხოვრობდა, რომლებიც ვაჭრების ბელლებს დარაჯობდნენ და საქონელს უვლიდნენ. მაგრამ უკვე 1897 წელს კომლთა რიცხვი 42-მდე ავიდა. კედარის კაკლის შესყიდვას ეწეოდნენ არა მარტო რუსი ვაჭრები. გლენობა კაკალს აგზავნიდა ბიისკში, ტიუმენსა და ნოვგოროდში.

ტოპუჩეის გარეუბნიდან იწყება სემინის უღელტეხილის, ცხრაკლომეტრიანი აღმართი. მთის კალთებზე დაბალი კედრებია შეფენილი. უღელტეხილის სიმაღლე ზღვის დონიდან 2200 მეტრია. ესაა ჩუის ტრაქტის ყველაზე მაღალი წერტილი. მარცხნივ დგას ობელისკა, რომელიც რუსეთში ალთაის ნებაყოფლობით შესვლის აღსანიშნავადაა აღმართული. აქედან იშლება ტერენტინის ქედის თოვლიანი ქედების შესანიშნავი სანახაობა.

უღელტეხილიდან ტრაქტი ეშვება დაბლა მდინარე ურსულის ხეობაში, რომელიც უძველესი დროიდან მომთაბარე ალთაელთა სადგომად ითვლებოდა. თუმცა მათი მომთაბარეობის რადიუსი პატარა იყო: ზატყულობით ისინი ახლოს მდებარე ხეობებში გადადიოდნენ საქონლით, შემოდგომისათვის კი უკან ბრუნდებოდნენ.

1870 წელს ალთაის თემის ბიისკის ოლქის ნიჟნი კამენსკის გლენებმა შეიტანეს თხოვნა ურსულის ხეობაში, ტუეკტუში დასახლების შესახებ. მერე კი ოვითნებურად დაიწყეს დასახლება. ამგვარად, 1872 წელს აქ საცხოვრებლად გადმოვიდა პირველი ოთხი რუსი ოჯახი. ამ დროისთვის აქ რაჰდენიმე ათეული ალთაელთა აილები იდგა. რუსების ჩასახლების შემდეგ ტუეკტუმ სწრაფად დაიწყო ზრდა. ახალმოსახლეთა ყურადღებას იქცევდა შესანიშნავი ბუნებრივი პირობები: საძოვრები და სათიბები, უზარმაზარი ტყის მასივები, სადაც უამრავი ნადირი ბინადრობდა. მესაქონლეობასთან ერთად ხალხი ნადირობასაც მისდევდა, ამზადებდა კედარის კაკალს.



ურსულის ხეობა უძველესი დროიდან ყოფილა დასახლებული, ტუეკტუ მთიანი ალთაის იმდროინდელი გეოგრაფიული და ადმინისტრაციული ცენტრი ჩანს. ამას მოწმობს ამ სოფლის შემოგარენში არსებული უამრავი არქეოლოგიური ძეგლები—ყორღანების, ქვის ქანდაკებების, სვეტების, ხელოვნური სარწყავი ნაგებობების არსების (სუაყები) სახით.

1954 წლის ზაფხულში მთიან ალთაიში მუშაობდა სსრ კავშირის მეცნიერებათა აკადემიის მატერიალური კულტურის ინსტიტუტის ექსპედიცია პროფესორ ს. ი. რუდეიკოს ხელმძღვანელობით. ამ სოფლის მახლობლად საბჭოთა მეცნიერებმა რამოდენიმე ყორღანი გახსნეს. აქ ნახეს სამარხები ტომთა ბელადებისა და რიგითი ადამიანებისა, რომლებიც 2000 წლის წინ ცხოვრობდნენ. აღმოაჩინეს ცხენის მოსართავები, საბრძოლო ფარები და ისრები, საოჯახო მოხმარების საგნები და ოქროს სამკაულები. ამ აღმოჩენის ნაწილი ოლქის მხარეთმცოდნეობის მუზეუმშია, ხოლო მეორე დიდი ნაწილი ლენინგრადისა და მოსკოვის მუზეუმებშია.

ტუეკტუ სამოქალაქო ომის დროს იქცა ერთ-ერთ საკვანძო ადგილად. ამ სოფელთან ორი დიდი ბრძოლა ჩატარდა თეთრგვარდიელებთან. პირველი—1919 წლის 20 ოქტომბერს თეთრგვარდიელთა ესაულ კაიგოროდოვის შენაერთთან. პარტიზანებმა აიძულეს მტერი, დაეტოვებინა ხელსაყრელი პოზიციები და დაიკავეს ორი გადასასვლელი, ხელთ ჩაიგდეს 1500 სული საქონელი. სოფელ პატარა იალომანში მათ ნებაყოფლობით ჩაბარდა 25 კაცი საგან შემდგარი რაზმი, რომლის მებრძოლებიც თეთრების მიერ ძალდატანებით იყვნენ მობილიზებულნი. ამ დროს ჩერგისა და შებალინოს მასადგომებიდან პარტიზანების წინააღმდეგ პოლკოვნიკმა იმელევსკიმ შეტევაზე წაიყვანა თავისი ნაკრები, ეგრეთ წოდებული „მთავრობის“ რაზმი, რომელშიც გაერთიანებული იყო ორი ათასზე მეტი თეთრგვარდიელი.

27 ოქტომბერს სოფელ ტუეკტისთან ისევ გაჩაღდა დაუნდობელი ბრძოლა, რომელმაც ორ დღე-ღამეს გასტანა. ეს დღემ ბრძოლა პარტიზანთა გამარჯვებით დამთავრდა.

ტუეკტუდან ექვსი კილომეტრის მანძილზე განლაგებული

ლია სოფელი ყარა-ყოლი, სადაც გათხრების დროს აღმოჩნდა შავი და წითელი საღებავით გაფერადებული, ნატიფი გრაფირებით დაფარული გარანდული ფილები. იქვე, მდინარე ყარა-ყოლის მარცხენა სანაპიროზე არის ალთაის ერთ-ერთი შესანიშნავი ისტორიული ძეგლი „ყარა-ყოლის გალერეა“, რომელსაც „ბიჩიკტუ კაია“-ს ან „ბიჩიკტუ ბომ“-ს („წარწერებიან კლდეს“) უწოდებენ. ამ გალერეას სამხრეთი ფერდობი შედგება ერთმანეთზე სართულებად აყუდებული ფილებისაგან. აქვე დგას მოყავისფრო-მოწითალო გლუვი ზედაპირის სამ-ოთხმეტრიანი სიმაღლის კლდეები. თითქმის ყველა მათგანი მოხატულია სხვადასხვა მონადირული სცენებით.

ყარა-ყოლის გამოსახულებანი გამოირჩევა მხატვრული შესრულების მაღალი დონით. ესაა შესანიშნავი ძეგლი ძველთურქული სახვითი ხელოვნებისა. მხატვარმა გ. ი. გურკინმა თავის დროზე აქ მრავალი საინტერესო ჩანახატი შექმნა.

სოფელი ყარა-ყოლი სხვათა შორის კიდევ ერთი რამითაა ცნობილი. მთიან ალთაიში, სადაც მარალი ერთ-ერთ უმთავრეს სანადირო ცხოველს წარმოადგენს, წმინდანადაა გამოცხადებული და, რაღა თქმა უნდა, ყარა-ყოლელები მასზე არ ნადირობენ.

სოფლების ყარა-ყოლის, კუროტისა და შაშიხმანის მიდამოებშია უძველესი სარწყავი არხი — სუაჯი.

552 წელს თურქთა უძველესმა წინაპრებმა შექმნეს ძლიერი და დიდი სახელმწიფო კაგანატი. ამ სახელმწიფოს სათავეში ედგა უმაღლესი ბელადი, რომელიც ატარებდა კაგანის ტიტულს. პირველი თურქი კაგანი, რომელმაც გააერთიანა ალთაისა და მონღოლეთის თურქული ტომები და შექმნა პირველი თურქული სახელმწიფო, იყო ტუმენი (ტუმინ).

თურქთა კაგანატს უზარმაზარი ტერიტორია ეკავა. დასავლეთით მისი საზღვრები არალის ზღვამდე აღწევდა, აღმოსავლეთით — ლიხოდუნის ნახევარკუნძულამდე (ჩინეთის ჩრდილო-აღმოსავლეთი), სამხრეთით — მდინარე ამუდარაის აუზამდე. თურქთა კაგანატი არ ყოფილა ცენტრალიზებული სახელმწიფო: მასში შემავალ ყოველ ტომს სათავეში

უიღვა კაგანის ნაცვალი. კაგანატის ფეოდალურ ადმინისტრაცი-  
აში დიდ როლს ასრულებდნენ ხარკის ამკრებნი (თარხან-  
ნები) და ადგილობრივი ფეოდალები. სახელმწიფო მართვას  
აპარატი შედგებოდა 28 კლასის (სახეობის) ჩინოვნიკებისა-  
გან. იყო საშინაო და საგარეო მინისტრების თანამდებობე-  
ში. ეს თანამდებობებიც შთამომავლობითი გახლდათ. უმაღ-  
ლესი ძალაუფლება კაგანს ეკუთვნოდა. კაგანი თავისი შეხე-  
დულებისამებრ საზღვრავდა გადასახადების ოდენობასა და  
სასჯელის ზომას. ის ერთპიროვნულად წყვეტდა ომისა და  
მშვიდობის საკითხებს. კაგანი იყო კაგანატის ჯარების მთა-  
ვარსარდალიც და თვითონვე განაგებდა მოპოვებულ საქ-  
ხედრო ალათს.

თურქების ძირითადი საქმიანობა მესაქონლეობა იყო.  
ისინი მისდევდნენ მეცხენეობას, მეცხვარეობასა და მეთხე-  
ობას, მსხვილფეხა რქოსან მესაქონლეობას, მეაზავეერობას.  
მესაქონლეობა მთელი წლის განმავლობაში მომთაბარე-სა-  
ძოვრული ხანაათისა იყო. თივას ძალზე ცოტას და პრიმი-  
ტიული ხერხით ამზადებდნენ. ბალახს ხელით გლეჯდნენ  
ან დანით ჭრიდნენ, გრეხდნენ ჩალიჩებად და ხეებზე ჰკა-  
დებდნენ გასახმობად და შესანახად. თესავდნენ ძირითადად  
ფეტვსა და ქერს. ჰქონდათ ხელის ქვისდოლაბიანი წისქვი-  
ლები, რომლებიც მეოცე საუკუნემდე მოჰყვათ.

თურქების მეურნეობაში დიდი მნიშვნელობა ენიჭებოდა  
ბეწვეულზე და სახორცე ნადირზე რეწვას. რიგითი მომთა-  
ბარეები ხარკს უხდიდნენ თავიანთ მბრძანებელს სიასამუ-  
რისა და ციყვის ტყავეებით. ისინი ნადირობდნენ მარალზე,  
შველზე, მთის თხაზე და ლოსზე. ნადირობის ძირითადი ია-  
რალი იყო მშვილდისარი ალთაიში (მდინარე ჩოლუშმანის ხეო-  
ბაში). კუდერგეს სამარხში ნაპოვნ უნაგირის წინა აირყაშის  
ძვლის მოსართავეებზე ასახულია ნადირობა ჩლიქოსან ცხო-  
ველებზე: მონადირეები ცხოველებს გაქანებული ცხენები-  
დან ესვრიან ისარს. სანადიროდ თვითმსროლელ მშვილდებ-  
საც დგამდნენ. ზამთრობით მონადირეები სარგებლობდნენ  
თხილამურებით, რომლებსაც ამოკრული ჰქონდა ცხოველის  
ფეხიდან აცლილი ტყავეები.

თურქები კარგი მკედლები იყვნენ. რკინის მადანის საღ-

ნობად იყენებდნენ თიხატეკპნილ ქურებს. მადნეულისა და მისი ღნობის ადგილებთან გაჰყავდათ გზები. მადანს დიდი ოთხთვალეებით ეზიდებოდნენ. ალთაელები ჰედდნენ მახვილებს (ცალპირიანსა და ორლესულს), ისრის წვერებს (სამფრთიანს და სამკუთხოვანს). განსაკუთრებით ბევრი მზადდებოდა ბსტეინავი ისრები. ფრენის დროს ასეთი ისარი უსტვენდა, რაც მტერზე ფსიქოლოგიურ ზემოქმედებას ახდენდა ან აჩერებდა მსრბოლავ ცხოველს. ასევე მეომრის საიმედო იარაღი იყო მასიურპირიანი ხმალი. ალთაელი მკედლები ჰედდნენ რკინის ქვაბებს, დაოსტატებულნი იყვნენ ოქროს, ვერცხლის, ბრინჯაოს სხვადასხვა ნივთების, ქამრების ბალთებისა და ცხენის აკაზმულობის საიუველირო წარმოებაში. მეომართათვის ამზადებდნენ ჯაჭვის პერანგებსა და ჩაფხუტებს, კავანები მოოქვრილ ჯავშანს ატარებდნენ.

მომთაბარე ცხოვრებამ მძიმე დალი დაასვა თურქების ყოფა-ცხოვრებასა და კულტურას. ძირითად საცხოვრებლად მათ ჰქონდათ იოლად დასაშლელი და გადასატანი ცხაურზე ქეჩაგადაფარებული კარვები. გავრცელებული იყო აგრეთვე ლატანებით კონუსისებურად შეკრული არყის ხის ქერქით. რბილწიწვიანას ფესვებით ან ცხოველთა ტყავებით ნაგები და გადახურული კარვები (აილები), იყო მორებით ნაშენი საცხოვრებლებიც, როგორც ეს გვხვდება პაზირიკელთა შორის. ფართოდ იყო გამოყენებული ხის ქურჭელი — ჯამები, მაგიდა, ლარნაკები ოვალური ფორმისა. ასეთი კონსტრუქციის ლარნაკები დღევანდლამდეა შემონახული.

ძირითად საკვებპროდუქტად ითვლებოდა გარეული და შინაური ცხოველების რძე და ხორცი. ცხენის რძით ამზადებდნენ კუმისს, რომელსაც ტყავის ტომბრებში ინახავდნენ. ძროხის რძით აკეთებდნენ მჟავე სასმელს ანუ მაწონს, (ჩეგენ, აირან), აგრეთვე სირჩიკს (ყუსუტ). რძის სასმელების შესანახად კერავდნენ სპეციალური ტყავის მათარებს (ტაშაურებს).

ისინი ატარებდნენ ცხვრის ტყავის, ბეწვეულის, შალის უხეში ქსოვილის, აგრეთვე, ნაბადისა და გარეული მცენარეების ბოჭკოსაგან ნაქსოვ გრძელკალთიან სამოსს. მდიდარი ხალხის ბეწვეულის ქურქები აბრეშუმის სარჩულით იკე-

რებოდა. ისინი აბრეშუმის გრძელკალთიან ხალათებსაც ატარებდნენ. ფეხსაცმელს კერავდნენ გამოქნილი რბილი ტყავისაგან უქუთლოდ და ზედ შალის თხელი წინდები ეცვათ. ასეთი ჩექმები წვივებზე ჩვენებური ლეკვერთხებისმაგვარი ბალთიანი თასმით იკვრებოდა. ალთაელ ტომთა ეს შუასაუკუნეების ფეხსაცმელი ზოგიერთგან ახლაც არის შემორჩენილი. მამაკაცები ატარებდნენ ტყავის ქამრებს, ხოლო მდიდრების ქამრებს ჩვეულებრივ ოქრო-ვერცხლისა და ბრანჯაოს ბალთები ამშვენებდა.

თურქების საერთო კულტურული დონე საკმაოდ მაღალი იყო. მათ ჰქონდათ რუნული დამწერლობა. თურქულენაზე ითარგმნებოდა ზოგიერთი ინდური წმინდა წიგნი. მაგამ წერა-კითხვა მხოლოდ დიდგვაროვანმა ფეოდალებმა აცოდნენ. ანგარიშს ფიცარზე ან ხეზე კდეებით აწარმოებდნენ. ალთაელებსა და ტუველებს ანგარიშის ასეთი წარჩობა XX საუკუნემდე შემორჩათ. ძველთურქული რუნული დამწერლობა აღმოჩენილია მთიან ალიაიშიც. მაგალითად, კურაის ველის ყორღანის გათხრასაც აღმოჩენილი იქნა ვერცხლის ჭურჭელი წარწერით, რომელზეც აღნიშნული იყო ჰატრონის სახელი. ასეთივე წარწერა XIX საუკუნის დასაწყისში გ. ი. სპასკის მიერ იქნა აღმოჩენილი მდინარე ჩირიშთან.

ფართოდ იყენებდნენ წელთაღრიცხვის თავისებურ კალენდარს. წელთაღრიცხვას აწარმოებდნენ 12-წლიანი კალენდრით. რომელშიც ყოველი წელი რომელიმე ცხოველის სახელს ატარებდა (ცხენის წელი, ცხვრის წელი, გველის წელი, კურდღლის, თავის და ა. შ.).

თურქთა კავანატის დროს გავრცელებული იყო ქვის ქანდაკებები („ქვის ქანდაკებები“ ან „ბალბალები“), რომელშიც გამოკვეთილი იყო კაცის თავი. აღამიანთა ქვის ასეთ ფიგურებს მთიანი ალთაის ტერიტორიაზე დღესაც ვხვდებით. ესენია ქუდიანი, ტანსაცმლის დეტალებიანი, იარაღიანი, ბალთიან ქამრიანი მამაკაცის გამოსახულებანი, რომელთაც მარჯვენა ხელში ჭურჭელი უჭირავთ. მთელი რიგი ასეთი ქვის ქანდაკებები ამშვენებს ქალაქ გორნო-ალთაისკის სხატემცოდნეობის მუზეუმს. თურქთა პერიოდსვე მიე-

კუთვნება კლდეებზე შესრულებული ნახატები, რომლებშიც ძთავარი ადგილი ცხოველების გამოსახულებებსა და ჩლიქოსან და მტაცებელ მხეცებზე ნადირობის სცენებს უკავიათ.

თურქებს ფართოდ ჰქონდათ განვითარებული სავაჭრო და კულტურული საერთაშორისო ურთიერთობანი შუა აზიის, ჩინეთის, ირანისა და ბიზანტიის ხალხებთან. დაპყრობილ ტომთა აჯანყების, შინაომების, მომთაბარე მწყემსთა ამბოხებების შედეგად 581 წელს თურქთა კაგანატი დასავლეთ და აღმოსავლეთ ნაწილებად გაიყო (სემირეჩიე და მდინარეების ორხონასა და ტუკის ხეობები ჩრდილოეთ მონღოლეთში), ხოლო 745 წელს კაგანატი გაანადგურეს უიღურებმა.

თურქთა კაგანატის დაცემამ ცენტრალურ აზიაში მბრძანებლური მდგომარეობა შეუქმნა უიღურთა სახანოს. მისი შექმნა დაკავშირებულია ხან პეილოს სახელთან. რომელმაც უიღურთა ტომები გააერთიანა, სათავეში ჩაუდგა და 745 წელს გამანადგურებელი ლახვარი ჩასცა ალთაის აღმოსავლეთით დასახლებულ თურქებს. უიღურთა ხელისუფლება ალთაიდან მანჭურიამდე, ხოლო სამხრეთით — გობის უდაბნომდე გავრცელდა.

უიღურთა სახანოს ისტორია განუყოფლად დაკავშირებულია მეზობელ ტომებთან წარმოებულ მრავალრიცხოვან ომებთან. უიღურები განსაკუთრებით დაუნდობლად იბრძოდნენ საიან-ალთაის მთიანეთის ანტიუიღურთა ტომების კავშირის წინააღმდეგ. ალთაელი ტომები უიღურის სახანოს მესარკეები გახდნენ.

უიღურებს ძველ თურქთა მსგავსი დამწერლობა ჰქონდათ, აგრეთვე მეურნეობაც. არც ცხოვრებაში მომხდარა მნიშვნელოვანი ცვლილებები. შინაური აშლილობის, ყირგიზთა ტომების ხშირი თავდასხმების წყალობით უიღურთა სახანო 840 წელს დაიშალა. ის ყირგიზულმა კაგანატმა შეცვალა. ალთაელი მოსახლეობა ახლა ყირგიზთა ძალაუფლებას დამორჩილდა, რომლებიც ძირითადად თანამედროვე ხაკასთა ავტონომიური ოლქის ტერიტორიაზე და მის მოსაზღვრე სტეპებსა და მთიან რაიონებში ცხოვრობდნენ.

ალთაელი ტომები ხარკს ბეწვეულით, რკინის ქვაბებით,

ზედადგარებითა და ლითონის სხვა ნაწარმით იხდიდნენ. ამ დროის ალთაელი ტომების ცხოვრების შესახებ შეიძლება ვიმსჯელოთ მდინარე ირტიშის სანაპიროებზე მცხოვრები თურქთა ტომების მიხედვით (ეს ტომები ალთაელი ტომების მონათესავენი იყვნენ და განვითარების იმავე დონეზე იდგნენ).

ყირგიზებმა თავიანთი კვალი მთიანი ალთაის ისტორიაში დატოვეს არქეოლოგიური ძეგლების — სამარხების სახით, რომელთა ნაწილი გათხრილია კოშ-აგაჩის რაიონის ტერიტორიაზე.

მათს სახნავ-საძოვრების პატარა სარწყავ არხებს სუვაკები ერქვა. განვითარებული იყო სამკედლო საქმე. იჭედებოდა შუბები, ხმლები და სხვა საბრძოლო თუ სამეურნეო იარაღები, აგრეთვე, ტანსაცმლისა და ცხენის სხვადასხვაგვარი აღკაზმულობანი.

ახალი ფეოდალების ბატონობის მთელი სიმძიმე რიგით მესაქონლეებსა და მონადირეებზე გადადიოდა, რომელთა შრომითაც იქმნებოდა ყირგიზი ბობოლების სიმღ-ღრე. ხალხს უფლება არ ჰქონდა თავისი შრომის ნაყოფი გამოეყენებინა. ყირგიზთა ბატონობა გაგრძელდა X საუკუნემდე. შემდეგ ეს კიდანების — მონღოლურენოვანი ტომების გაერთიანების ხანმოკლე ბატონობით შეიცვალა. კიდანების ბატონობასთან დაკავშირებულია ბევრი ლეგენდა, მათ შორის ხიდების, გზების, მდინარე ყადნზე გადასასვლელი ზოგიერთი ნაგებობის შენება, აგრეთვე ონგუდაის, ულაგანის, კოშ-აგაჩის, უსტ-კოკის რაიონებში სამიწათმოქმედო სარწყავი სისტემის მშენებლობის შესახებ, რომელთა კვალს დღემდე ვაწყდებით ამ ადგილებში.

XII საუკუნეში კიდანების ანუ, როგორც მათს ალთაურ ზეპირსიტყვიერებაში უწოდებენ — „კარა-კიტაის“ ხელისუფლების დასუსტების გამო, ისტორიის არენაზე გამოჩნდნენ „ნაიმანები“. ნაიმანთა შორეული შთამომავლების კვალი დღემდე შემონახულია ალთაელ ტომთა ზოგიერთი გვარების სახელწოდებაში.

ნაიმანთა ბატონობამ XIII საუკუნის დასაწყისამდე გასტანა, შემდეგ კი ჩინგიზ-ხანის ჯარებით განადგურებული

მათი თავკაცები, თავშესაფარს ეძებდნენ ალთაის მთებში და იქ ცდილობდნენ მოეკიდებინათ ფეხი. ნაიმანთა ბატონობის პერიოდის შესახებ ისტორიაში თითქმის არაფერია ცნობილი.

ისტორიულად ალთაელი ტომებისთვის ერთ-ერთი ყველაზე მძიმე თათარ-მონღოლთა ბატონობის პერიოდი იყო. ალთაელებისათვის და მონღოლთა მიერ დამონებული სხვა ხალხებისათვის ჩინგიზ-ხანისა და მის ნაწიერთა უღელი გამანადგურებელი აღმოჩნდა. მონღოლებმა ალთაის ნაწილი პირველად 1199 წელს დალაშქრეს. 1207 წელს ჩინგიზ-ხანის უფროსმა ვაჟმა ჯუჩიმ მამის ბრძანებით დაიპყრო ალთაის მთელი ტერიტორია. ალთაელთა ტომები ტელესები და ტელენგიტები პირველ ხანებში ჩინგიზ-ხანის თანამებრძოლის ნოინტემნიკ\* ხორჩის მძიმე მონობაში მოექცნენ.

მთიანი ალთაის მოსახლეობას ხარკი დაადეს, რომლის სიმძიმე ძირითადად მშრომელებს დააწვათ. მონღოლი ხარკის ამკრეფნი უღმობელ სიმკაცრეს იჩენდნენ დამონებული ხალხისადმი. გამუდმებულმა ძარცვამ, ხოცვა-ჟლეტამ და ძალადობამ ალთაელთა სამეურნეო და კულტურული ცხოვრება რამდენიმე საუკუნით შეაფერხა, თუმცა ალთაელი ტომები თავიანთი კულტურული განვითარების დონით როდი ჩამორჩებოდნენ მონღოლებს, მაგრამ სწორედ მონღოლთა ბატონობის პერიოდში დაკარგეს მათ ბევრი რამ, რაც გააჩნდათ, განსაკუთრებით კი თურქთა კავანატის დროს.

აუტანელი გადასახადები, ნაწარმით, სხვადასხვა სამოქალაქო და სამხედრო ბეგარა ალატაკებდნენ ალთაელ ტომებს. განსაკუთრებით მძიმე იყო საფოსტო სადგურების შენახვის ბეგარა, რაც სპეციალურ შიკრიკებს, გამყოლებს, ცხენებს, თივის მარაგს, სურსათს მოითხოვდა. ასეთი სადგურებით სარგებლობდნენ არა მარტო ხანის მოხელეები, არამედ გამეღელი ვაჭრებიც კი.

დაპყრობილ ქვეყნებში მონღოლები ქმნიდნენ სამხედრო დასახლებებს. რომლებიც სურსათით ამარაგებდნენ დამპყრობელთა ჯარებს. ასეთი დასახლებები იყო ალთაიშიც. ჩინ-

\* ტემნიკი — 10 ათას მებრძოლთა (ტომი) რაზმის უფროსი.



გიზ-ხანის სიკვდილისა და მისი უზარმაზარი იმპერიის ცალკეულ სახანოებად დაშლის შემდეგ ალთაი „ოქროს ურდოს“ შემადგენლობაში შევიდა.



XIV საუკუნის დასაწყისში შინაომების შედეგად „ოქროს ურდო“ ორ ნაწილად გაიყო. როგორც ცნობილია, ერთ-ერთ მათგანს აღმოსავლეთის — ვოლგის სტეპებიდან დასავლეთ ციმბირამდე „თეთრი ურდო“ დაერქვა. ალთაელები „თეთრი ურდოს“ მორჩილებაში მოექცნენ. ამ უკანასკნელის დაშლის შემდეგ ალთაის ადგილობრივი ტომები ციმბირის ულუსს დაექვემდებარებიან, რომლის ცენტრიც ქალაქ ტიუმენტან იყო. ციმბირის უკანასკნელი ხანი იყო კუჩუმი, ერმაკის მეთაურობით რუსების მიერ კუჩუმის სახანოს დამარცხებამ ერთბაშად ვერ გაათავისუფლა ალთაელი ტომები მონღოლთა უღლისაგან.

ამ პერიოდში მათზე მბრანებლობდნენ ჯუგარები — ცენტრალური აზიის ფეოდალთა უკანასკნელი წარმომადგენლები.

ჯუგარები მონღოლურ ენაზე ლაპარაკობდნენ, ჰქონდათ თავიანთი დამწერლობა, ჰყავდათ ცეცხლსასროლი იარაღით შეიარაღებული არმია. ჯუგარებს სათავეში ედგათ ხანი, რომელიც თავს კან-ტიშს უწოდებდა. მას ემორჩილებოდნენ თავადი-ტაიშები. სახელმწიფოს მთელი ტერიტორია დაყოფილი იყო აიმაკებად (რაიონებად), რომლებიც ქვერაიონებად — დიუჩინებად და აილებად იყოფოდნენ.

1598 წლის ზაფხულში მდინარე ირმენის სათავესთან ობზე რუსის ჯარებმა გაანადგურეს კუჩუმ ხანის ძალებს უკანასკნელი ნარჩენები. ციმბირის სახანო საბოლოოდ გაუქმდა, ხოლო დასავლეთ და სამხრეთ ციმბირის ტერიტორია შეუერთდა რუსეთის სახელმწიფოს.

ციმბირის ადგილობრივმა მოსახლეობამ სცნო რუსეთის სუვერენობა და ეძებდა მასში დამცველს უცხოელთა ახალი თავდასხმებისაგან: 1604 წელს ტოიანი — ერთ-ერთი ადგილობრივი თავადი, წავიდა მოსკოვში და სთხოვა რუსეთის

მთავრობას, აეშენებინათ მის სამემკვიდრეო მამულში ციხე-ქალაქი, მისი თხოვნა შეწყნარებულ იქნა და შემოდგომაზე მდინარე ტომისზე ააშენეს ტომსკის ციხე-ქალაქი.

რუსებთან შეერთებამ და მეზობელი — ბარაბინელი თათრების „თეთრი მეფისადმი ერთგულების“ ფიცმა გავლენა მოახდინა ალთაელ თავადებზე. 1609 წელს ტომსკელი ვიახემსკი და პისემსკი რუსეთის მთავრობას ატყობინებს, რომ ალთაელთა ერთ-ერთმა უძლიერესმა ბაიმ, ტელეუტელთა თავადმა აბაკმა — „გამოგზავნა თავისი ელჩები“ თხოვნით, მიეღოთ ის და მისი ხალხი რუსეთის ქვეშევრდომობაში. თხოვნა მიღებულ იქნა და თავის წილად ბაისთან გაიგზავნა ელჩიონი ტომსკელი ივანე კოლომნასა და ვასილი მალენტევის მეთაურობით.

თუმცაღა აბაკმა რუსეთის ქვეშევრდომობა პირობითაღ მიიღო, ივალდებულა გადაეხადა ხარკი (იასაკი) ბეწვეულით, ამის გარდა არავითარი ვალდებულება არ იკისრა; მის მიერ დადებული რუსეთის მეფისადმი ერთგულების ფიცი ხშირად ირღვეოდა და ამით იქმნებოდა საშიშროება რუს დასახლებებზე თავდასხმისა. მაგალითად, 1628 წელს, ნაცნობმა თავადმა აბაკმა გატეხა ფიცი და „შავ ყალმუხებთან“ (მონღოლებთან) ერთად დაესხა კუზნეცკის ციხეს, რითაც საგრძნობი ზარალი მიაყენა რუს მოსახლეობას: გაანადგურეს ნათესები, გათელეს სახნავი და საძოვი ადგილები, გაძარცვეს მოსახლეობა, ცეცხლს მისცეს სახლები და დამხმარე ნაგებობანი.

ასეთი პოლიტიკა დამახასიათებელი იყო არა მარტო აბაკისათვის, არამედ მის შთამომავალთათვისაც. 1635 წელს აბაკი მოკვდა და ძალაუფლება გადავიდა მისი შვილის კოკას ხელში, რომელმაც დასაწყისში მამის მაგალითისამებრ აღარა რუსეთის ქვეშევრდომობა, მაგრამ შემდეგ ჭუნგარელ ფეოდალების წაქეზებით, რომლებიც წინააღმდეგი იყვნენ რუსეთთან ალთაელების შეერთებისა, გატეხა ფიცი. 1652 წელს ის თავს ესხმის კუზნეცკის მაზრას. მასთან ერთად მოქმედებდა ჭუნგართა სამიათასკაციანი რაზმი.

XVII საუკუნის დასაწყისში პოლონელ-შვედთა ინტერვენციის მძიმე შედეგები რუსეთის სახელმწიფოს საშუალებ-

ბას არ აძლევდა შეეკრიბა სამხრეთ-ღმოსავლეთის საზღვრებისათვის საჭირო ძალები, რის შედეგადაც ადგილობრივი გარნიზონები სრულად ვერ მარავდებოდნენ საჭირო იარაღითა და მასალებით, მათი ძალები ადრინდებულად ძალზე მცირე იყო. სარგებლობდნენ რა რუსების სასაზღვრო პუნქტების სისუსტით, ციმბირის ადგილობრივი ტომების ფეოდალები ხშირად ესხმოდნენ მათ თავს. 1657 წელს კოკა აბაკი 1500 კაციანი რაზმით თავს დაესხა სოსნოვკის ციხეს, რომლის გარნიზონშიც 50 კახაკი იმყოფებოდა. ჭუნგარებმა ციხე იერიშით აიღეს. ტომსკისა და კუზნეცკის ვოევოდები შექმნილ ვითარებაში გაფრთხილებებითა და მუქარით კმაყოფილდებოდნენ. რუსეთის მთავრობას სხვა გამოსავალი არც ჰქონდა და იძულებული იყო მიემართა ტაქტიკისათვის, რომელსაც შეიძლება ვუწოდოთ „ასლად შემოერთებული ციმბირის მიწების კარგად შენარჩუნების“ პოლიტიკა. იგზავნებოდნენ რუსეთის სახელმწიფოს ელჩები ალთაელ თავკაცებთან. ალთაელი მოსახლეობის ძირითადი მასა რეგულარულად უხდიდა ხარკს რუსეთის მთავრობას, რაც მოსვენებას არ აძლევდა ჭუნგარელ ფეოდალებს, რომლებიც ხარკს ალთაელებიდან თვითონ ელოდნენ.

სამხრეთ ციმბირში შექმნილი საგანგაშო მდგომარეობა რუსეთის მთავრობას იძულებდა აეგო დასაყრდენი პუნქტო მდინარე ბიას დაბლობებში. ამ პუნქტს ხელი უნდა შეეწყო რუსეთის გავლენის განმტკიცებისათვის და გადაექციათ იგი ბიის დაბლობების დამცველ სიმაგრედ უცხოელი დამპყრობლებისაგან. ხელმძღვანელობდა რა ამ სამხედრო-სტრატეგიული და პოლიტიკური მოსაზრებით, რუსეთის მთავრობამ 1708 წელს უბრძანა კუზნეცკის ვოევოდას „აიშენოს ციხე მდინარეებზე — ბიასა და ყადნზე“. განკარგულების შესასრულებლად კუზნეცკის ვოევოდამ დაუყოვნებლივ დაიწყო სამუშაოები ბია-ყადნის უბნის გასამაგრებლად. მაგრამ ბია-ყადნის სათავეებში რუსების გამაგრება სრულებით არ აწყობდათ ჭუნგარელთ. ბია-ყადნის ციხის დაარსება გახდა მიზეზი ჭუნგართა გააქტიურებისა, აგრეთვე ხაკასთა და ალთაელ საგვარტომოს დიდებულთა უკმაყოფილებისა რუსების მიერ ციმბირის სამხრეთის სიღრმეში წაწვეის გამო. იმ დრო-

ის საბუთებში აღნიშნულია მომთაბარეთა გაერთიანებული ძალების უამრავი თავდასხმა კუზნეცკის მაზრაზე. ძარცვადნენ. ახორებდნენ ნათესებს, სწვავდნენ ნაგებობებს, იტაცებდნენ საქონელს და ტყვედ მიჰყავდათ ხალხი. განსაკუთრებით დაუნდობელი იყო ბაიგოროკ ტაბუნოვი, რომელიც 1710 წელს თავს დაესხა ალთაელთა ჩეოკტონოების ულუსის საგვარეულოს და ტყვედ ჩაგდებულ ჩეოკტონთა გვარის თავს თვალები დასთხარა და ზურგზე საქამრე ტყავები ააძრო. ამ ბარბაროსული წამების მერმე ხეზე ჩამოახრჩო. თავის ამ არაადამიანურ სიმკაცრეს ბაიგოროკი იმით ხსნიდა, რომ ჩეოკტონი ლალატისათვის დასაჯა, მან რუსები გააფრთხილა მომთაბარეთა თავდასხმის მზადების შესახებ კუზნეცკის მაზრაზე.

XVIII საუკუნის 30-იან წლებში ძალზე გამწვავდა ურთიერთობა ჯუნგარელ ფეოდალთა და ცინის იმპერიას (ჩინეთი) შორის. მოახლოებულმა ომის საშიშროებამ აიძულა ალთაელთა საგვარეულო და საგვარტომოს დიდებულები, რუსეთის სახელმწიფოსათვის ეთხოვათ შველა. ამაზე გარკვეული გავლენა მოახდინა შუა აზიაში შექმნილმა მდგომარეობამაც.

ჯუნგართა მბრძანებლის გალდან ცერენის სიკვდილის შემდეგ (1745 წლის სექტემბერი) ქვეყანაში დაიწყო ძმათამკვლელი ომი ხანის ტანტისათვის, რამაც ძალზე დაასუსტა ჯუნგართა სახელმწიფო. ამან საშუალება მისცა ჩინელებს, თავს დასხმოდნენ მათ. ამ ომმა დიდი ვნება მოუტანა ალთაელებს, სწორედ ამ ტრაგიკულმა მოვლენებმა განაპირობა ალთაის მოსახლეობის მომავალი. ეშინოდა რა სრული ფიზიკური განადგურებისა, ალთაელმა ხალხმა 1756 წელს სამუდამოდ დაუქავეშირა თავისი ბედი დიდ რუს ხალხს და პირველად მოიპოვა მშვიდობა.

ალთაელთა რუსეთის შემადგენლობაში ნებაყოფლობით შესვლას მათთვის დიდი მნიშვნელობა ჰქონდა. ისინი დამკვიდრდნენ და ფეხი მოიკიდეს გარკვეულ ტერიტორიაზე.

...სალამოვდება. უღელტეხილიდან ეშვება ჩვენი მანქანა, მარჯვნივ, თვალწარმტაც ხეობაში, სინათლის უამრავი ციცი-ნათელა აკიაფდა. ეს ონგუდაის რაიონული ცენტრია, იმ ონგუდაისა, რომელიც მოწმეა თეთრგვარდიელებთან და

სხვადასხვა ჯურის კონტრავოლუციურ ბანდებთან დაუცხრომელი ბრძოლებისა. ონგუდაი — მთიანი ალთაის გეოგრაფიული ცენტრია. ის ბიისკ ტაშანტის ნახევარ გზაზეა. ონგუდაი ზღვის დონიდან 860 მეტრზე მდებარეობს ურსულის ხეობაში. ეს მომხიბლავი ადგილი უძველესი დროიდან იყო სამხრეთელ ალთაელთა სადგომი. რუსი გლეხები პირველად აქ XIX საუკუნის სამოციან წლებში დასახლდნენ. შემდეგ კაპიტანმა პეტრე კიტრიანოვმა, რომელიც ვაჭრობასაც ეწეოდა, დააარსა წინასწარ დაჩემებული მამული. შემდეგ აქ დასახლდა მონათლული ალთაელი მეორე ჩუის მაზრიდან ა. ს. ხაბაროვი, რომელმაც თავისი ნათლიის ბიისკელი ვაჭრის ხაბაროვის დახმარებით 1857 წელს ააშენა სამლოცველო სახლი, ხოლო კაპიტანმა კაკორინმა, რომელიც აგრეთვე ვაჭრობდა, ააშენა სამისიონერო სახლი. თანდათან მიუტიდან, შებალნოდან და ულალადან აქ გამოდიან მონათლული ალთაელები. 1861 წელს ონგუდაიში გაიხსნა სამრევლო სკოლა. 1897 წელს 126 კომლს მიაღწია ონგუდაის მოსახლეობამ, აქედან 40 ახალმოსახლე იყო, 26 — ძველმოსახლე. მოსახლეობა 522 სულს შეადგენდა, აქედან 268 რუსი გლეხი, მეეტლე, ვაჭარი, ორიც წისქვილისა და დაბახანის მუშა. მოსახლეობის ალთაელთა ნაწილი ძირითადად დაქრავებული მუშები იყვნენ, რომლებიც ნადირობით და კეღარის კაკლით ირჩენდნენ თავს.

ონგუდაის მშრომელები აქტიურ მონაწილეობას იღებდნენ საბჭოთა ხელისუფლების დამყარებაში. რაიონულ ცენტრში, რაიალმასკომის წინ ძმათა სასაფლაოზე განისვენებენ ონგუდაიში „ფრონტელთა კავშირის“ და დეპუტატთა საბჭოს დამაარსებელი, უთანასწორო ბრძოლაში დაღუპულები ფილიპე იზოსიმეს ძე უსოლცევი თავის თანამებრძოლებთან, და 11 თანასოფლელთან ერთად, რომლებიც დამსჯელებმა დახვრიტეს.

ონგუდაის ზევით ურსულის ველი ვიწროვდება და სოფელ ულიტას იქით ვიწრო ხეობად იქცევა. მარჯვნიდან ურსულს უერთდება მდინარე დიდი ილგუმენი. ამ მდინარეების შესართავი უძველესი დროიდან ითვლებოდა უამრავი თევზის ბუდედ. აქ სათევზაოდ მოდიოდნენ ბიისკიდან, ბარ-

ნაულიდან და ალთაის მაზრის სხვადასხვა ქალაქებიდან და სოფლებიდან.

დიდი ილგუმენის ველზე მდებარეობს სოფელი ხაბაროვკა. ის 1874 წელს დააარსა ვაჭარმა ხაბაროვმა, რომელსაც აქ საწყობები ჰქონდა, ხოლო ოფიციალურად ხაბაროვკა სოფლად იწოდება 1889 წლიდან.

ხაბაროვიდან ტრაქტი მიემართება ცნობილ ჩიკე-ტამანსკის უღელტეხილისაკენ. თავბრუდამხვევი ზიგზაგების შემდეგ აღწევს კბოდეს. სახიფათო ადგილები ციცაბო მხარეს ქვის მაღალი ფილებით არის აღობილი. აღმართი 7 კილომეტრის სიგრძისაა, დაღმართი — 4 კილომეტრისა. უღელტეხილის თავზე ლამაზი ფანჩატურია აშენებული. აქედან რამდენიმე ათეულ კილომეტრზე მწვერვალუბდათოვლილი უზარმაზარი მთები ჩანს, რომლებზეც ღრუბლები დაცურავენ. სუნთქვა გეკვრის ასეთი განუმეორებელი სურათებით. უღელტეხილის სიმაღლე ზღვის დონიდან სულ 1860 მეტრია, მაგრამ იმდენად ციცაბოა, რომ გაცილებით მაღალი ეჩვენება მნახველს.

ჩიკე-ტამანის ძირში უკანასკნელი ზიგზაგებით ეშვება დახვეული გზა, რომელსაც სიდედრის ენას ეძახიან. პატარა ილგუმენის ველზე გადის და მალე კუპჩიგენში ჩავდივართ. სოფელი იზრდება და ფართოვდება კეთილმოწყობილი სახლებით, სულ რაღაც ასიოდე წლის წინ დაწყებულა თურმე აქ ცხოვრება. პირველნი აქ 1883 წელს კულიკოვების ოთხი ოჯახი დასახლებულა. ესლა კუპჩიგენში მეთხეობის დიდი მეურნეობის ცენტრალური კარმიდამოა.

შვიდი კილომეტრის გავლის შემდეგ კორ-კეჩუს ბომთან ისევ ვხვდებით ულამაზეს ყაღსს.

ტრაქტის თანამედროვე მიმართულებით გაყვანამდე მგზავრებს უხდებოდათ ყაღსის მარჯვენა ნაპირზე გადასვლა. ეს გადასვლა ყოველთვის ძნელი იყო. ისტორიული წყაროებიდან ჩანს, რომ აქ ძველად არსებობდა საბაგირო გადასასვლელი, რომლის ნიშნებიც, კლდეებში ბაგირების სამაგრისათვის არსებული ნახვრეტები ახლაც შეიმჩნევა. ნავებითა და ტივებითაც უხდებოდათ გადასვლა. უძველესი ნავი გულამოდრუებულ ხის ბოტს წარმოადგენდა. ტივი კი ორ-სამ ასეთ

ბოტზე დაგებულ ფიცარნავს წარმოადგენდა. გადასვლა სა-  
შიში იყო. ტყუილად როდი ერქვა ამ გადასასვლელს „კორ-  
კეჩუ“ („დამლუპველი გადასასვლელი“). ალთაიში არსებობს  
ლეგენდა, რომლის მიხედვით ოდესღაც ალთაის უცხოელ  
დამპრობელთა წინააღმდეგ მებრძოლმა ჯარების სარდალმა  
ამ ადგილას გადაწყვიტა მდინარის გადალახვა და გასცა გან-  
ჯარგულება მდინარის ორივე მხარის კლდეებში გაეკეთებო-  
ნათ ხვრელები, დაეჭიმათ ტყავისაგან გაკეთებული ბაგირე-  
ბი, რაზედაც უნდა გამოებოთ ტივის სამაგრები. შემდეგ,  
რომ გაერკვია, რამდენი მეომარი დაიღუპებოდა ბრძოლ-  
ს ველზე და რამდენი დაბრუნდებოდა უკან, ბრძანა, ყოველ  
მებრძოლს მდინარეზე სვლის წინ ნაპირზე დაედო ქვა, ხოლო  
უკან დაბრუნებისას წყალში გადაეგდო თავისი ქვა. ასეც  
მოიქცნენ. ლაშქრის უკან დაბრუნების მერე წყალში გადა-  
უყრელ ქვათა რაოდენობა საკმაოდ დიდი გამოდგა. რაც  
ბრძოლაში და გადასვლის დროს დაღუპულთა დიდ რაოდე-  
ნობაზე მეტყველებდა. ამიტომ დაერქვა გადასასვლელი ამ  
ადგილს „კორ-კეჩუ“ („დამლუპველი გადასასვლელი“).

აქ პირველი ბორანი 1903 წელს გამართეს სოფელ ტალ-  
დის გლეხებმა ოშიქპოვმა, ბოლოტნოვმა და ჩერნოვმა, მათ-  
ვე გამართეს სხვა ბორნებიც მდინარე ყადნზე.

ტრაქტი მალალ ციცაბოზე მიიკლაცნება. ქვემოთ შმაგონს  
ქაფმოდებული ყადნი. მოსახვევს მოსახვევი მოსდევს და ბო-  
ლოს გამოჩნდება სოფელი პატარა იალომანი, რომელზეც  
პირდაპირ ყადნის ნაპირზეა გაშენებული. არაჩვეულებრივია  
მიკროკლიმატმა საშუალება მისცა სპეციალისტებს, აქ შეეჭმ-  
ნათ ალთაის მთიანი მებაღეობის ექსპერიმენტული მეხილე-  
ობის ბაზის საცდელი სადგური.

სულ თექვსმეტ ჰექტარ ფართობზე გაშენებულ ბაღში  
მოდის რამდენიმე ჯიშის ვაშლი, მსხალი და ქლიავი, სხვა  
ხილი ჯერ-ჯერობით მთიან ალთაიში არ ხარობს, არც ბოსტ-  
ნეული, თუ ქინძს, კამას და ოხრახუშს არ ჩავაგდებთ სათვი-  
ლავეში. არ მოდის პამიდორი, კიტრი, საზამთრო, ნესვი, ხახვი,  
საერთოდ არ იციან ბაღრიჯანი, ლობიო, ატამი, ბალი, ლელ-  
ვი.

ის ხილი თუ ბოსტნეული, რომლებიც ადრე ჩამოვთვა-

ლეთ, მხოლოდ ონგუდაის რაიონში მოდის და ისიც იმდენი, რომ რაიონის მეოთხედ მოსახლეობასაც არ ჰყოფნის.

— კი, მაგამ თქვენი, ალთაის მხარის ბარის ნაწილი შესანიშნავი მდიდარი მხარეა, განა არასოდეს არ გაგჩენიათ სურვილი იქ ჩასახლებისა და ცხოვრებისა? — ვეკითხები ვალერი ჩაპტინოვს.

— არა, არასოდეს არ გაგჩენია და ღმერთმა დაგვიფაროს ამისგან. კაცი სიმდიდრის ძიებას კი არ უნდა გადაყვეს, თავისი შრომის იმედი უნდა ჰქონდეს. ჩვენ ახლაც გვჭერა, თუ რამ გვაკლია, გარკვეული დროის შემდეგ გვექნება, მაგრამ ეგეც რომ არ იყოს, ჩვენი წინაპრები თუ სძლებდნენ, ჩვენც გაძლებთ. აქაა ჩვენი წინაპართა საძვალეთი, აქაა მთელი ჩვენი ისტორია და, აბა, როგორ დავაგდოთ, როგორ მივატოვოთ აქაურობა. ჩვენი ხალხი, როგორც მოგეხსენებათ, მომთაბარე ცხოვრებას ეწეოდა. ეს კი იმას ნიშნავდა, რომ ზამთრისა და ზაფხულის სადგომები სხვადასხვა ადგილას ჰქონდათ, მაგრამ ჩვენს მთებსა და ხეობებს არასოდეს გავცილებივართ. აქვე, ჩვენს წვენში ვიხარებოდით, თუ შეიძლება ასე ითქვას. დიდი ოქტომბრის რევოლუციის შემდეგ ჩვენს მიერვე არჩეულ ადგილებში დავმკვიდრდით, ავიშენეთ სახლები დამხმარე ნაგებობებით. აშენდა სკოლები, საბავშვო ბაღები და ბაგები, საავადმყოფოები, ამბულატორიები, კინოთეატრები და ახლა მივატოვოთ აქაურობა? არა. შესაძლოა, ჯერ კიდევ ბევრი რამ გვაკლდეს, მაგრამ თუ იმას გავიხსენებთ, რას წარმოადგენდა მთიანი ალთაი და არაფრიდან როგორ შეიქმნა დღევანდელი ცხოვრება, რატომ ის არ უნდა დავიჭეროთ, რომ ყველაფერ დანარჩენსაც შევქმინით, გავაკეთებთ. არა, ჩემო კარგო, ქვეყნის სიყვარული ყოველი ადამიანისათვის ადგილის დედის სიყვარულით უნდა იწყებოდეს, იმ ადგილის დედისა, რომელიც თვითონ კი ერთნაირ დედობას უწევს ყველას, მაგრამ თავისი შვილისათვის ყველაზე ლამაზი და მშვენიერია. რომელი შვილისაგან გავიგიათ, დედაჩემს ცოტა, ან უგემური რძე ჰქონდა, სხვაზე უფრო ცუდი ხმით მიმღეროდა იავნანას და უფრო უგერგოდოდ მირწევდა აკვანს და ამიტომ სხვისი შვილობა მირჩევნიაო.



ადამიანს, როგორც მე მესმის, საძვალეთის გარდა, თავაწ საცხოვრებელთან ყველაზე მეტად ის მრავალწლიანი ნარგავები ამკვიდრებდნენ, რომლებიც ყველაზე დიდ მოვლასა და შრომას მოითხოვს. ასეთია თქვენთვის ვაზი. თქვენში ქრისტიანობის წმინდა ნინო ხომ ვაზის ჭვარით შემოვიდა. ლეგენდაა ეს თუ სინამდვილე, რა მნიშვნელობა აქვს. მთავარი ისაა, რომ ხალხის ძვალ-რბილში ასეა ეს ამბავი გამჭდარი და ამიტომ იქცა ვაზი და მისი ნაყოფი ქართველი გლეხის შრომის გვირგვინად.

სოფელი უნდა კეთილმოწყობილი იყოს. გლეხებს პირობები უნდა შეეუქმნათ, ან როგორც მე მესმის, უნდა ავუშენოთ ბინები, არა, ბოდინში, ბინები კი არა, სახლები თავისი დამხმარე ნაგებობებით მის საკარმიდამო ნაკვეთებში. ამ სახლში უნდა იყოს აბაზანა, ტუალეტი და ყველა ის აუცილებელი ატრიბუტი, რაც დღევანდელ ადამიანს კულტურული ცხოვრებისათვის სჭირდება, მაგრამ არა ცათამბჟენები ლიდებთა და ნაგავგამტარებით. სოფელში არც ტრამვაია საჭირო და არც ტროლეიბუსი. უნდა იყოს ყოველგვარი ავტოტრანსპორტი, მაგრამ სოფელში მეცხვარე იქნება თუ მენახირე, მეხრე თუ მხენელ-მთესველი, მეთხუთმეტე სართულიდან არ უნდა უყურებდეს ასფალტს. გლეხკაცი მიწას უნდა ხედავდეს და ეხებოდეს. სოფელს ცხენი, ძროხა და ხარი უნდა ამშვენებდეს, ხოლო მის მყუდროებას მამლის ყვილი და ძაღლის ყეფა არღვევდეს.

— კი მაგრამ, ვალერი, თქვენ რა, ქალაქის წინააღმდეგი ხართ? ან უფრო სწორად რომ ვთქვათ, სოფლის კეთილმოწყობის, გაქალაქების, ასფალტის წინააღმდეგი ხართ?

— არა. მოასფალტებული უნდა იყოს ქუჩები და გზები, მაგრამ სახლიდან რომ გამოვა გლეხი, თავის ეზოში მიწას უნდა დააბიჯოს და არა ასფალტს. მე, მაგალითად კატეგორიული წინააღმდეგი ვარ იმისა, რაც ზოგიერთმა მეურნეობამ გააკეთა მოსკოვის ახლოს. ააშენეს მრავალსართულიანი სახლები, უეზოოდ, დამხმარე ნაგებობების გარეშე და გლეხმა თვითონაც არ იცის, ვის დაამსგავსეს. გლეხს თავისი სამუშაო იარაღები — ცელი და ნამგალი, თოხი და ბარი, ფარც-

სი და სასხლავი, დანა და ვაზის მაკრატელი, კომბალი და ნაბადი ღლენიადგ თან უნდა ჰქონდეს.

— მართალი ხარ, ჩემო ვალერი, მაგრამ ყველაფერს გლენს ნუ დავაბრალებთ, ვანა მისთვის ადვილია მამა-პაპის საძვალეთის მიტოვება? და განა მართო უაბაზანო თუ სხვა კეთილმოუწყობელი ბინების გამო მიატოვეს სოფელი? განსაკუთრებით ლაპარაკია მთის სოფლებზე; არა, სოფლებს ბევრი იმიტომ ტოვებდა, რომ არც ძროხის ყოლის უფლებას აძლევდნენ და არც ცხვრისას, არც ცხენისას და არც ხარ-კამეჩისას. ვერ იქნა და კარგა ხანს ვერ მიაგნეს იმ ფორმას, რომელიც გლენსაც ხელს აძლევდა და სახელმწიფოსაც გლენსაც იფიქრა: თუ არც ღორი მეყოლა, არც ცხვარი და ძროხა, არც ცხენი და ხარ-კამეჩი, სოფელში რაღა ვაკეთო?

— დიახ, სწორედ ამას ვამბობ, განა სავალალო ვითარება არ შეიქმნა იმით, რომ ქალიშვილების უმეტესობას ძროხისა ეშინია და არამცთუ მოსაწველად, უბრალოდ, ახლო ვერ მიიყვან მასთან. ვოლოგდის ოლქში ერთმა გალიზიანებულმა გლენმა ისიც კი მითხრა, როცა ვუსაყვედურე, ძროხა რატომ არა გყავს-მეთქი, — ჩემი ცოლი, რა, შენს ცოლზე ნაკლებია, რო ძროხის ფუნა ზიდოს, ჩვენც იქა ვყიდულობთ რძეს, სადაც თქვენაო. როცა ცოტათი დამშვიდდა, მითხრა: — შვილო, განა არ ვიცი, რომ სოფელში ასე ცხოვრება უაზრობაა. მაგრამ, მართალი გითხრათ, რწმენა დაეკარგეთ, ხან გვაძლევდნენ საქონლის ყოლის უფლებას, ხან კიდევ ჩამოგვართმევდნენ ხოლმე. აი, სწორედ ამან გამოიწვია ეს ამბავიო.

— სრული ჭეშმარიტებაა. ცხოვრების გალამაზება და ყოფის შემსუბუქება იმას როდი ნიშნავს, სოფელმა თავისი სოფლური კოლორიტი დაკარგოს და ჯორცხენასავით აღარც ქალაქად ვარგოდეს და არც სოფლად. ჩვენში ეხლა ბევრ სოფელს ჩამოივლი და ქართული პურის გამომცხობსაც ვერსად ნახავ, ამიტომ, ვინც ახალ სახლებს იშენებს, ვედარსად ნახავ სათონეს. განა ეს საქმეა? თუ სოფელმა თავისი ლამაზი კარ-მიდამო დაკარგა, თუ ეზოში ქათმის კაკანი ან გოჭის ჰყვიტიანი არ ისმის, თუ სოფელში გლენმა ჰქვევრს არ მო-

ხადა სარქველი, ან უბანში ახლად გამომცხვარი პურის სურნელი არ დატრიალდა, განა ეს სოფელია? სოფელი უნდა შეიმოსოს, ეს კი, ჩემის აზრით, კეთილმოწყობილ, მოსულტებულ ქუჩა-მოედნებს, ელექტრობასა და ტელევიზიას, სკოლებსა და ბაგა-ბაღებს, პოლიკლინიკებსა და საავადმყოფოებს, კინოთეატრებსა და კლუბებს უნდა ნიშნავდეს. უფრო დიდმნიშვნელოვანი საწარმო-დაწესებულებები კი რაიცენტრში უნდა იყოს.

— კი, მაგრამ, შენ აქ იმდენი რამ ჩამოთვალე, რომ ნეტა, შენი სოფელი რიდათი განსხვავდება ქალაქისაგან?

— რითი და ყოველ გლეხს ცალკე უნდა ედგას სახლი თავისი დამხმარე ნაგებობებით, საკარმიდამო ნაკვეთში უნდა ჰყავდეს ოროხა, ღორი, ქათამი და, რა ვიცი, ათასი სხვა რამ. გლეხი ბაზარში თუ მაღაზიაში (ზოგიერთი რამის გარდა) საკვების საყიდლად არ უნდა გადიოდეს, პირიქით, ზედმეტი ჭირნახული უნდა სახელმწიფოს მიჰყიდოს. გლეხმა თუ მაღაზიაში შეიძინა ღვინო და ძმარი, ხილი და მწვანილი, რძე და ყველი, ქათამი და იხვი, ერთი მითხარი, ის რა გლეხია. ანდა იმ სოფელს რაღაზე უნდა ერქვას სოფელი. აბა, მითხარ, რას ემსგავსება სოფელი, თუ იქ ჩაყვანილ ადამიანს მხოლოდ რომელიმე ერთ ოჯახში ვაჩვენებთ, როგორც ისტორიულ ღირსშესანიშნაობას მარანსა და სათონეს, სასიძინდესა და თავლას? სხვა რომ არა იყოს რა, თუ სოფელში არ მოვიყვანეთ ჭირნახული, მაღაზიაში ვერავინ გააჩენს და ვერც ვერავინ ვერაფერს შეიძენს.

იალომანს მარტო ხსენებული ბალის მეშვეობით როდი იცნობდნენ, არამედ მიუვალი ხევების იმ გმირული გადასვლის წყალობითაც, რომელიც 1922 წლის 10 აპრილს განახორციელა ორმა ცხენოსანმა დივიზიონმა ამხანაგ ი. ი. დოღვიზის მეთაურობით. მათ იალომანის მიუვალი ხეობებით გადაიარეს რამოდენიმე უღელტეხილი, ყველასათვის მოულოდნელი მხრიდან შეიჭრნენ კატანდაში, გაანადგურეს თეთრგვარდიელთა ერთ-ერთი ყველაზე საშიში და ძლიერი შენაერთი და მოკლეს მისი მეთაური ესაული კაიგოროდოვი, რომელიც წლების მანძილზე მხეცურად უსწორდებოდა ყველას, ვინც კი საბჭოთა ხელისუფლების მომხრე იყო.

ამ ოპერაციისათვის ი. ი. დოლოგიხი და ტიხონ მიხაილოვი წითელი დროშის ორდენებით დააჯილდოვეს.

კუახლოვდებით სოფელ ინიას. მარჯნივ მოჩანს დაკიდებული ხიდი. გადავდივართ მასზე. ეს ხიდი 1970 წელსაა აშენებული. სოფელში მეთხეობის დიდი საბჭოთა მეურნეობაა. აქვეა ალთაიში ცნობილი სასოფლო პროფტექნიკური სასწავლებელი, რომელიც მექანიზატორთა სამკვდლოა.

სოფელ ინიადან, ჩვენი თხოვნით, მდინარე ჩუიზე გადავდივართ. გვერდი ავუქციეთ ცენტრალურ ტრაქტს და მარჯნივ კატანდისკენ ავიღეთ გეზი. კატანდაც უკან ჩამოვიტოვეთ და ცოტახნის შემდეგ შევდივართ საკმაოდ დიდ სოფელში, რომელსაც ვერხნეე უიშონი ჰქვია. ყოველ ეზოს ლამაზი ჰესერი აქვს შემოვლებული, რომელიც ჰველრუსული სოფლების ხის სიმაგრეებს მოაგონებს კაცს. სოფელი ლადადაა გაშლილი მდინარის ხეობაში. ზემო უიშონში ახლაც ცხოვრობენ სტაროვერები, ანუ როგორც მათ კიდევ ეძახიან, კერჟაკები. ფიზიკურად საოცრად ძლიერი და კარჩაკეტილი ხალხი, ზემო უიშონელთა წინაპრები, რომლებსაც სურდათ გადაერჩინათ ძველი სარწმუნოება. იმპერატორ პეტრეს გარდამქმნელ სიახლეებს გამოექცნენ აქეთ ჯერ კიდევ XVIII საუკუნეში რუსეთის ევროპული ნაწილიდან. აქ, ამ ყრუ მადლიან ადგილებში, მათ დაიწყეს თავიანთი განსაკუთრებული, ყველასაგან განსხვავებული ცხოვრება, ისე რომ, შემოინახეს ყოველივე ის, რაც ჩამოიტანეს შორეული სამშობლოდან

აქ, აი, ამ სოფელში თურმე 1926 წლის ზაფხულში ცნობილი რუსი მხატვარი ნიკოლოზ კონსტანტინეს ძე რერიხი, მისი მეუღლე და ვაჟიშვილი — მაშინ ჯერ კიდევ ახალგაზრდა აღმოსავლეთმცოდნე იური რერიხი.

ამ სოფელში ერთ-ერთი გლეხის ოჯახში დაიდეს ბინა რერიხებმა. აქედან დადიოდნენ და ათვალეერებდნენ სოფლის შემოგარენს, ტკბებოდნენ მისი სილამაზით, აქ მუშაობდა ჩანახატებზე და ესკიზებზე უფროსი რერიხი — ალთაის ბუნებით მოჭადლოებული დიდი მხატვარი.

ერთ-ერთი მოგზაურობის დროს მდინარე ედიგოლის გადასვლის მერმე უღელტეხილის მიღმა გადაიშალა ალთაის

დიდებული პანორამა. ამ სანახაობით აღტაცებულმა ნ. კ. რე-  
რიხმა თავის დღიურში ჩაწერა თურმე:

«А когда перевалили Эдигол, раскинулась ширь Ал-  
тая. Зацвела всеми красками зеленых и синих переги-  
вов, забелела дальними снегами. Встали травы и цветы  
в рост всадников. И коней не найдешь. Такой травяной  
убор никогда не видел». უფრო გვიან ამავე დღიურში ჩა-  
წერეს: «Приветлива Катунь. Звонки синие горы. Бела  
белуха. Яркие цветы и успокоительны зеленые травы и  
кедры. Кто сказал, что жесток и неприступен Алтай?  
Чье сердце убоилось суровой мощи и красоты?»

მთიანი ალთაის თვალწარმტაცი ბუნებით შთაგონებულმა  
ნ. კ. რერიხმა შემდეგში შესანიშნავი ტილოები შექმნა.

სხვათა შორის, რერიხმა, რომელსაც ის ადგილი აჩვენეს,  
სადაც თეთრგვარდიელებმა თერთმეტი წითელი პარტიზანი  
დახვრიტეს და იმ დროისათვის ჯერ კიდევ არ იყო შექმნი-  
ლი საფლავის ძეგლი, მხატვარმა იქ თავისი ხელით აღმართა  
საფლავის ქვა და მშვენიერი წარწერა გაუკეთა. ნ. კ. რერიხ-  
მა. სოფელ ტუნგურში მოინახულა უთანასწორო ბრძოლა-  
ში დაღუპული წითელი კომისრის პეტრე სუხოვის სახელის  
უკვდავსაყოფად აღმართული უბრალო ხის ობელისკი.

„ყველაფერს სამოქალაქო ომის კვალი ატყვია, — წერ-  
და ნ. კ. რერიხი, — აქ ჩუის ტრაქტზე ჩასაფრებით გაანად-  
გურეს წითელი პოლკი. მწვერვალზე წვანან წითელი კომის-  
რები. უამრავი საფლავია გზად და ყველა მათგანთან ხარობს  
ხშირი ბალახი“.

ზემო უიმონში ჩვენ სხვა არავითარი საქმე არ გვქონდა,  
უბრალოდ, გვერდი ვერ ავუარეთ ცდუნებას გვენახა ადგი-  
ლები, სადაც დიდი რუსი მხატვარი რერიხი არ შეუშინდა ამ  
დიდებული ბუნების სიმკაცრესა და სილამაზეს, სადაც შე-  
ქმნა თავისი უკვდავი ქმნილებების ჩანახატები და ესკიზები;  
რომელთა ხილვით აღფრთოვანებულმა იური გაგარინმა ასე-  
თი ჩანაწერი გააკეთა: „მე დავინახე რერიხის ცა! რერიხის  
ზღაპრული პეიზაჟები, მისი საოცარი ფერთა მეტყველება,  
ხშირად გამოგონილი რომ გვეგონა ჩვენ, დედამიწელებს, იქ,  
კოსმოსში, თურმე ეს ცხადი და რეალურია“.

სოფელ ინიას ზემოთ ჩუის ტრაქტი ისევ ემშვიდობება

ყადნს და მისი მარჯვენა შესართავი ჩუის ხეობით მიემართება სულ მალა და მალა გადმოკიდებული კლდეებით.

მეორე დღეს სოფელ ინიას გავლით, მარცხნივ მთების ძირისაკენ ვიღებთ გეზს, სადაც იქაური მონადირეები გველიან.

გზაში ვალერი ისევ განაგრძობს ალთაის ისტორიის თხრობას...

სამხრეთელი ალთაელების ცხოვრებაში მნიშვნელოვანი ადგილი ეკავა ნადირობას. საწარმოო ძალების დაბალი დონე აიძულებდა მათ, ენადირათ გაერთიანებული ძალით, ე. ი. კოლექტიურად. კოლექტივისთვის უფრო იოლი იყო სიძნელებებისა და საშიშროებების დაძლევა. ამას გარდა, ნადირობის ასეთი მეთოდი მეტ შესაძლებლობას იძლეოდა საკვები ხორცისა და ტანსაცმლისათვის, აგრეთვე სხვა სამეურნეო საჭიროებისათვის ტყავის მოსაპოვებლად. კოლექტიური ნადირობები ეწყობოდა ან ალყის წესით, ან ხის ღობურების გამოყენებითა და მახე-თხრილებით.

როგორც ჩრდილოეთელი, ისე სამხრეთელი ალთაელები მიწათმოქმედებასაც მისდევდნენ. მიწას ამუშავებდნენ პრამიტულად, კავით. ძირითადად თესდნენ ქერს. აღებულ მოსავალს ტყავის აბგებში ყრიდნენ და კარვებში ინახავდნენ.

ალთაელი მოსახლეობა კარგი ხელოსნებიც იყვნენ. ამუშავებდნენ გარეული ნადირის. ცხვრის ტყავს და მისგან ამზადებდნენ ტანსაცმელს, ფეხსაცმელს, ქურჭელს, ქამანდებს, აღვირებს და სხვა სამეურნეო-საყოფაცხოვრებო საგნებს. ალთაელები აკეთებდნენ უნაგირებს, სჭედდნენ ლაგამებს, ბალთებს, ავეანდებს, სხვადასხვანაირ ბეჭდებს და სრულიად უბრალო სასოფლო-სამეურნეო მიწათმოქმედების იარაღებს — თოხებს. თუმცა, საერთოდ ალთაური ხელოსნების დონე არ იყო მაინცა და მაინც მაღალი; თითქმის არ ჰქონდა სასაქონლო მნიშვნელობა.

ალთაელთა საქმიანობა და ცხოვრების<sup>5</sup> ხასიათი გავლენას ახდენდა მათ საცხოვრებელზე. ჩრდილო ალთაელებსა ზამთრის საცხოვრებლის ძირითადი ნაგებობა მიწურს წარმოადგენდა. საზაფხულო — არყის ხის ქერქით ან რბილწიწვიანას ფესვებით გადახურული იურტა. ჩრდილოეთ ალ-

თაელებს ჰქონდათ ორი სახის მიწური: მიწისქვეშა და მიწისზედა. მიწისზედა მიწური წარმოადგენდა ხის კარკასს, რომელსაც შემოწყობილი ჰქონდა გარშემო ბელტები. ამას გარდა, ჩრდილო ალთაელებს ჰქონდათ ოთხკედლიანი ძეგლური კარვები, გადახურული ორდაქანება არყის ხის ქერქით ან ბელტებით. სამხრეთ ალთაელებს, ჩრდილოელთაგან განსხვავებით, არ გააჩნდათ საცხოვრებლის ასეთი ნაირღეროვნება. მათი უმრავლესობა ზამთარ-ზაფხულ ცხოვრობდა მსუბუქ კარვებში (აილებში), რომლებიც ხარიხებით აგებდნენ და გადახურული იყო მერქნის ფესვებით. მათი უმნიშვნელო ნაწილი ზამთრობით კარვის შიგნიდან აკრავდა ქეჩებსა და ცხვრის ტყავებს და ამ საშუალებით ათბუნებდა. მხოლოდ ჩუისა და არგუთის აუზებში მცხოვრები ალთაელები ცხოვრობდნენ ზამთარ-ზაფხულ თექვსმეტ კარვებში. და ბოლოს, სამხრეთ ალთაელები თავიანთ საცხოვრებლად ზოგ ადგილებში იყენებდნენ მორებისაგან ნაგებ ექვსკუთხა და რვაკუთხა კარვებს.

როგორც სამხრეთელი, ასევე ჩრდილოეთელი ალთაელები აღმერთებდნენ მიწასა და მზეს, მთებსა და მდინარეებს, სჯეროდათ კეთილი და ბოროტი სულებისა, რომელთაც რეგულარულად სწირავდნენ შინაურ ცხოველებს. მათს რელიგიას შამანიზმის სახელი დაენათლა. ალთაელი შამანი — ქურუმები შესაწირავებით — „კამლანიებით“, სარიტუალო როკვით, ღაირაზე თანმხლები სატყებლების ცემითა და შელოცვებით მკურნალობდნენ ავადმყოფებს, რომელთა კეთილდღეობაც, შამანის სიტყვებით, დამოკიდებული იყო შესაწირის ღირებულებაზე. თუ მდიდარ შესაწირავს გაიღებ — შამანი შესძლებს დაითანხმოს სულები ავადმყოფების მოსარჩენად, ხოლო თუ შესაწირი მწირი ღარიბული. იქნება, მაშინ ძნელი იმედი იქონიო კეთილ შედეგზე. ამიტომ ალთაელებს ამის შესახებ შესანიშნავი გამოთქმა აქვთ: „საქონელი ავადმყოფობს — ძალი სუქდება, ადამიანი ავადმყოფობს — კამი (შესაწირი) სუქდება“.

XVII ს. და XVIII ს. დასაწყისში ალთაელი მომთაბარეების საზოგადოებრივი წყობა ფეოდალური იყო. ალთაელი მომთაბარე საზოგადოების სათავეში იდგნენ საგვარტომო და-

დებულები: თავადები და ბაეები, მიწის სავარგულების მეპატრონები. ალთაელი მოსახლეობის ძირითად მასას წარმოადგენდა გაბატონებულ კლასზე დამოკიდებული „ულუსის ხალხი“. ჰყავდათ აგრეთვე მონები, ანუ „ხოლოპები“, როგორც მათ რუსულ საბუთებში უწოდებენ. დამოკიდებულ ხალხთა შორის ითვლებოდნენ „კიშტიმებიც“ (ხარკის მხდელები).

XVII საუკუნის ალთაი პოლიტიკურად არ წარმოადგენდა ერთ მთლიანს, ის მრავალ მცირე ნაწილად იყო დაქუცმაცებული და ტომთა დიდებულები მართავდნენ. ალთაელთა მომთაბარე ცხოვრება, მეურნეობის ნატურალური ხასიათი იყო ერთ-ერთი მთავარი მიზეზი ტომთა შორის სუსტი კავშირ-ერთიერთობისა. შინა ომები მემამულეთა შორის ძალზე ხშირი მოვლენა იყო. 1649 წელს კოკას და მაჩიკს შორის დაიწყო ომი, რომლის დროსაც ორივე მათგანმა დასახმარებლად უცხოელებს მიმართა. მაჩიკმა დახმარება სთხოვა რუსებს, კოკამ — ჯუნგარებს. ასეთივე ხასიათისა იყო ალთაელი თავადის ტაბუნ კოკინსა და მისი სიძის კოროკოუს — ერთის მხრივ, და ბალიკ კოჩანოვს თავის ძმებით — მეორეს მხრივ შიდა ომი. ეს მრავალრიცხოვანი ძმათაშორისი ომები დიდ ზიანს აყენებდა ალთაელ ხალხს როგორც მატერიალურად, ასევე სულიერად. გაუთავებელი მტრობა და სისხლის ღვრები ხელს უშლიდა როგორც მეურნეობრივ, ასევე სულიერი და კულტურული განვითარების პროცესებს.

ალთაელთა ტომები XVIII საუკუნის შუამდე ცენტრალური აზიის დიდი სახელმწიფოს — ჯუნგარიის შემადგენლობაში შედიოდა. 1745 წელს მოკვდა ჯუნგარიის უკანასკნელი გავლენიანი ხანი გალდან ცერენა. მისი სიკვდილის შემდეგ ათი წლის განმავლობაში სისხლისმღვრელი ბრძოლები მიმდინარეობდა ხანის ტახტისათვის. მის კანონიერ და უკანონო მოცილეთა შორის შეთქმულებას შეთქმულება მოსდევდა, მაგრამ ისინი მკვდვდებოდა, ხოლო შეთქმულნი სასტიკად ისჯებოდნენ. საბოლოოდ გახანდა გალდან ცერენას შვილიშვილი დებაჩი, რომელიც მეომარ ნოინ ამირ-სანის მხარდაჭერით ავიდა ტახტზე. გაწეული სამსახურისათვის ამირ-სანმა მოითხოვა ცნობილი ულუსი, მათ შორის ალთაელთა ტომები თავიანთი ტერიტორიით. ეს კი ნიშნავდა ჯუნგარიის ხანი-



საგან გამოყოფას. დებაჩიმ ამაზე უარი უთხრა ამირ-სანს) დაიწყო ახალი ძმათამკვლელი ომები ხანსა და ნოინს შორის. დამარცხებული ამირ-სანი გადავიდა თავისი ქვეყნის დაუძინებელი მტრის — ჩინეთის მხარეზე, ჩინეთის და მონღოლეთის ჯარების დახმარებით ამირ-სანმა გაანადგურა დებაჩი-ხანის ლაშქარი. დატყვევებული ხანი პეკინში გაგზავნეს. მაგრამ ხანის ტახტი ამირ-სანს როდი ხვდა წილად. ჩინეთის იმპერატორი არც ფიქრობდა მის ხანად დასმას. მას სურდა ამ მეომრის დახმარებით დაეპყრო ჯუნგარია, დაეყო იგი ოთხ სამთავროდ, ერთმანეთისაგან დამოუკიდებელი მმართველებით, იმ ვარაუდით, რომ ყველა მათგანი დაემორჩილებოდა იმპერატორს. ჯუნგარიის უმაღლესი მბრძანებელი უნდა გამხდარიყო ჩინეთის გენერალ-გუბერნატორი. როცა დაინახა, მისი საქმე უკუღმა შეტრიალდა, ამირ-სანმა ახლა ჩინეთს შეაქცია ზურგი და დაიწყო ბრძოლა ჩინეთისა და მონღოლეთის წინააღმდეგ. ანტიჩინური აჯანყების შედეგად დაიწყო ჩინეთ-ჯუნგარიის (1755—1758 წწ.) ომი. ჩინეთის მანჯურიის დინასტიამ უზარმაზარი ლაშქარი დასძრა ამირ-სანის წინააღმდეგ. ჯუნგარია იქცა სისხლიანი ხოცვა-ჟლეტის ციტადელად. ეს იყო უბედურება, რომლისდაგვარი არაფერი სემენია ცენტრალური აზიის ისტორიას.

პირწმინდად გაწყვეტილი მოსახლეობის სურათს ემატებოდა ყირგიზი და ყაზახი ფეოდალების ყაჩაღური თავდასხმები. აი, როგორ აღწერს ციმბირის ცნობილი მკვლევარი ს. შაშკოვი ამ სისხლიანი მოვლენის შედეგებს:

„მაღე ქვეყანაში შიმშილი დაიწყო. მასობრივად იხოცებოდნენ შიმშილით. ზოგი ადამიანის ხორცი იკვებებოდა. შიმშილს უკან მოჰყვა ყვავილის ეპიდემია. ჯუნგარიის მთელი მიწა მოფენილი იყო მიცვალებულებით, მისი წყლები წითლად შეიღება ადამიანების დაღვრილი სისხლით, ხოლო ჰაერი ცეცხლმოდებული ულუქების, ტყეებისა და ბალახების კვამლით იყო გაუღენთილი“.

მოკლე დროის მანძილზე შიმშილით, ქოლერით, ყვავილით და სხვა ავადმყოფობებით ერთ მილიონამდე ადამიანი დაიღუპა. ჯუნგარიის უკანასკნელ დღეებს, მისი ხალხის მძიმე ხვედრს გვიმოწმებს წერილი, რომელიც თანამედროვეებ-

მა 1757 წლის 25 იანვარს გაუგზავნეს ციმბირის გუბერნატორს:

„ყველა ისინი (ანუ სახალხო მასები) ყვევლითა და ციებ-ცბელებით დაიღუპნენ და რადგან სხვა საკმელი არ გააჩნდათ, ერთი მეორეს კლავდნენ და იძულებული იყვნენ, ადამიანის ხორცი ეჭამათ და ყველა ზემოხსენებული გარემოების გამო იჭაურობა გაუკაცრიელებულია“.

ჩინელ დამპყრობთა თავდასხმებსა და სისხლისღვრას ადგილი ჰქონდა ალთაიშიც. მდინარე ჩუიაზე, ჩელიშმანის ვალზე, თანამედროვე უსტ-კანის ონგუდაის, შებალინოსა და მაიმას რაიონების ტერიტორიებზე არაერთხელ შემოსულან ჩინეთ-მონღოლთა ჯარები იმისათვის, რომ ძალით შეეყვანათ ალთაელები ჩინელთა ქვეშევრდომობაში.

ალთაელი ზაისანები (თავადები), რომლებსაც არ სურდათ ჩინეთის ქვეშევრდომობის მიღება, ქმნიდნენ ცხენოსანთა რაზმებს 300 — 400 კაცის შემადგენლობით და ებრძოდნენ დამპყრობლებს. განსაკუთრებით ცნობილი იყვნენ თავიანთი აქტიური მოქმედებით ზაისანი გულჩუგაი და მისი თანაშემწე მამასანლისი ბობოი. მათ შეკრიბეს ყველა მამაკაცი, რომელსაც კი იარაღის ხმარება შეეძლო. მომთაბარეთა კარვებში მხოლოდ მოხუცი, ავადმყოფი მამაკაცები და ქალები დარჩნენ. გულჩუგაიმ არაერთხელ მიაყენა მტერს სავარანობი დარტყმები, მაგრამ რაზმის სიმცირე არ აძლევდა საშუალებას, გამარჯვება მოეპოვებინა მტერზე.

ალთაელი ზაისანი ბოკი იმპერატრიცა ელიზავეტა პეტრეს ასულისადმი მიწერილ წერილში იტყობინებოდა, რომ, როცა ის სხვა ალთაელ ზაისანებთან და ყველა თავის ხალხთან ერთად მიემართებოდა რუსეთის ციხეებისაკენ, მათ ორჯერ დაესხნენ ჩინელები. ტელეუტთა ხუთიათასი ჩარდახიანი ურმიდან (ოციათასამდე კაცი ცხენებითა და აქლემებითურთ) უსტ-კამენოგორსკის ციხემდე მხოლოდ 35-მა კაცმა მიაღწია. დანარჩენები თავდამსხმელებთან ბრძოლაში დაიღუპნენ. ჩინელთა ლაშქარი, „რომელიც ალთაის მთების გადმოვლით იმყოფებოდა იმ ადგილებში, ალთაელებს ძირფესვიანად სპობდა, ხოლო მცირეწლოვანებს მდინარეებს ატანდა“. კუზნეცკის ციხეში მოსული მეორე ალთაელი ზაისანი

მენკო თხოულობდა ალთაის თემების დაცვას ჩინელი მოლაშქრეებისაგან, რომლებიც ძლიერი ჯარებით ჩინელი ხანის მორჩილებაში აქცევდნენ, ალთაელებს კი ეს არ უნდათ, მათ სურთ იყვნენ მუდამ რუსეთის იმპერიის ქვეშევრდომობაში“.

ცოტა უფრო გვიან ზაისანი მენკო დაიღუპა ჩინელებთან ბრძოლაში. ამ წლების მძიმე მოვლენები ფართოდ აისახა ალთაელთა ისტორიულ თქმულებებში. 1826 წელს ერთმა მოგზაურმა უსტ-კანის მახლობლად ჩაიწერა თქმულება ალთაელთა რაზმზე, რომელსაც ვინმე ჩეჩი მეთაურობდა. ჩინელებთან ბრძოლის დროს რაზმმა უკან დაიხია კლდოვან მთაზე, სადაც დიდხანს იგერიებდა მომხდურთ. როცა მისი ხალხის უმრავლესობა გაწყდა და თავდაცვის ყოველგვარი საშუალება მოისპო, ჩეჩი გადარჩენილ თავის რაზმელებთან ერთად კლდიდან გადმოეშვა, რათა თავიდან აეცილებინა სამარცხვინო ტყუეობა. მისი ხსოვნის უკვდავსაყოფად მთას ჩეჩა, ხოლო მდინარეს, რომელიც ჩარიშს უერთდება, ჩეჩულიხა დაარქვა ხალხმა.

ერთ-ერთ თქმულებაში, რომელიც ჩაწერილია XIX საუკუნის შუა წლებში, ლაპარაკია იმის შესახებ, თუ როგორ შემოიქრა ალთაიში ჩინელთა ჯარებში შემავალი მონღოლთა რაზმი ჩადოკის მეთაურობით. ალთაელთა ლაშქარმა იალომანსა და ულეგემს (ახლანდელი ონგუდაის რაიონი) შორის გაანადგურა მონღოლთა ლაშქარი. უკან დაბრუნებულმა ჩადოკმა ბიჩიქტუკაიას კლდეზე დაწერა თავისი ხელმოცარული ლაშქრობის ამბავი. ეს კლდე მდინარე ყაღნის მარჯვენა სანაპიროდან ერთი კილომეტრითაა დაშორებული მდინარე ჩუის სათავეს. და, თუმცა ალთაელებმა გაიმარჯვეს, მაგრამ თვითონაც დიდი ზარალი განიცადეს. მაშინ ისინი მთა დიალ მენკოზე (მარადიული ფაფარი — სემინის ულელტეხილის ძველალთაური სახელწოდება) ავიდნენ და გადმოხედეს განადგურებულ და გაძარცვულ ალთაის. მაშინ შეიქმნა ცნობილი სიმღერა განადგურებულ ალთაიზე:

«Кам-Алтай! с высоты кочевых облаков  
Треугольный ты кажешься взору,

-----  
1 ალთაის მთებს ოდესღაც, მოსახლეთა წარმოდგენით ჰყავდათ მფარველი სული კან ალთაი.

А с боков, словно грани их девять углов,  
 За горой выдвигают там гору,  
 Развертвленный, как плеть, извилист хребет  
 Чудных гор моего Кам-Алтая.  
 Солнце всходит на нем и сверкает заход,  
 Будто в синих волнах утопая,  
 Много крови лилось, много думалось дум  
 За Алтай мой — красу на полмира;  
 Отчего же теперь ты стоишь так угрюм?  
 Где ж корона твоя и порфира?  
 Словно серым ковром, ты окутался весь  
 От роскошных лесов оголенный.  
 Где ж величье твое, где краса твоя...  
 О Алтай мой, Алтай разоренный?

უღმრთებელი, გამანადგურებელი ომებით გაჩანაგებულმა ალთაელმა ზაისანებმა 1755 წლის შემოდგომაზე თხოვნით მიმართეს რუსეთის სასაზღვრო ჯარების სარდლობასა და რუსეთის მთავრობას, რომ ისინი მთელი თავიანთი ხალხით მიეღოთ რუსეთის ქვეშევრდომობაში. ისინი დაჟინებით მოითხოვდნენ. რაც შეიძლება მალე მომხდარიყო ეს, რათა გადარჩენილიყვნენ სრულ ფიზიკურ მოსპობას.

დელეგაციები ერთმანეთს ცვლიდნენ, წერილი წერილს ენაცვლებოდა, სასაზღვრო ჯარების სარდლობისა და ციმბირის გუბერნატორის შეკითხვების პასუხად ბოლოს 1756 წლის 2 მაისს გამოიცა მეფის მთავრობის ბრძანებულება ალთაის რუსეთის ქვეშევრდომობაში შეყვანის შესახებ. ზაისანები, მათი ნათესაეები და ახლობლები დებდნენ რუსეთის იმპერიისადმი ერთგულების ფიცს. ამავე დროს, ციმბირის გუბერნატორსა და სასაზღვრო ჯარების სარდლობას ებრძანა, მიეღოთ საჭირო ზომები იმისათვის, რომ ალთაელებს რუსეთის ქვეშევრდომობაში შესვლის შემდეგ „ჩინეთის მხრივ მშვიდობა ჩამოვარდნილიყო“.

1756 წლის ივნისიდან რუსეთ-ჯუნგარიის საზღვრის მთელ სიგრძეზე დაიწყო ალთაელ ტომთა რუსეთის ქვეშევრდომობაში შეყვანის მასობრივ ღონისძიებათა განხორციელება.

დაახლოებით 3 თვის მანძილზე ათი ათას კაცზე მეტი მიიღეს. ქვეშევრდომობა ფორმდებოდა ბიისკში, უსტ-კამენოგორსკში, კოლივანში, კუზნეცკში და სხვა ადგილებში, სადაც კი მიდიოდნენ ალთაელები. ქვეშევრდომობაში შე-

სულნი აბარებდნენ ცეცხლსასროლ და ცივ იარაღს: თოფებს, მშვილდისრებს, ჭაჭვის პერანგებს, ხმლებს, შუბებს. არა მარტო რიგით ალთაელებს, არამედ ბევრ ზაისანს და მაჰასახლისსაც აღარ გააჩნდა არაფერი გარდა ცხენებისა, რომლებითაც ჩამოვიდნენ. სანი ბატუმენკო ასე წერდა ამის შესახებ: „...ეხლა სიცოცხლეც ყველას არ შეუძლია, არც ჩასაცმელი, არც ცხენები, შორეულ საძოვრებზე ვერაფრით წავალთ, არც ქვაბები გავვაჩნია, არც არავითარი საქმელი.

დაჭრილები და შიმშილისაგან დასუსტებულები სასაზღვრო რაზმებს თვითონ ჩამოჰყავდათ ისინი მთებიდან. 1756 წლის ნოემბერში რუსეთის საზღვრებთან ქვეშევრდომობაში შესული ალთაელების 13 ათასი კარავი იდგა უკვე. ზოგიერთი მათგანი საცხოვრებლად ვოლგაზე ყალმუხებთან გადავიდა, მაგრამ უმრავლესობამ გადასვლაზე უარი თქვა და დარჩნენ მომთაბარეებად რუსული ციხე-ქალაქების მახლობლად, ყადნის, ჩარიშის, ბიის, იშეს, ანუას, პესჩანის, ჩემროვეკს, უბეს, ბუხტარმის და სხვა მდინარეების სანაპიროებზე. მიუხედავად იმისა, რომ ალთაელები უკვე რუსეთის ქვეშევრდომობაში იყვნენ, მათთვის მშვიდობიანი ცხოვრება ერთბაშად არ დამდგარა. დაახლოებით ოცპოცი წელი ცდილობდნენ კიდევ ჩინელი მბრძანებლები მთიანი ალთაის ხელში ჩაგდებას. ყაჩაღური თავდასხმები, ძარცვა, მშვიდობიანი მოსახლეობის ტყვეობაში წაყვანა ხშირი მოვლენა იყო. როცა 1780 წელს ჩინეთის ჯარები კვლავ მოვიდნენ მდინარე სემუზე და პესჩანაიაზე, რუსეთის მთავრობამ უბრძანა სასაზღვრო ხელმძღვანელობას, ალთაის ტერიტორიიდან მშვიდობიანი გზით გაეყვანათ ეს ჯარები, და თუ ეს შეუძლებელი გახდებოდა, ალთაელთა დასაცავად იარაღი გამოეყენებინათ.

მხოლოდ XIX საუკუნის დასაწყისიდან შეწყდა ჩინელებისაგან ალთაის დაპყრობის ცდები. განაწამებმა, ბარბაროსული თავდასხმებიდან განადგურებულმა ალთაელმა ხალხმა, ბოლოს და ბოლოს მშვიდობიანი ცხოვრება მოიპოვა.

...სოფელ ინიაში ზემოთ, მთებისაკენ, მიიწევენ მანქანები, მარცხნივ ვუხვევთ და შევდივართ ლამაზ ხეობაში, სადაც მასპინძლები გველიან.

ტრაქტორზე გამობმულ ძარას სანახევროდ თივით ავსებენ, მერე ჩვენს საძილე ტომრებს, ზურგჩანთებსა და თოფებს ვალაგებთ და მოხერხებულად ვთავსდებით შიგ. ექვთიმე იურჩიკს პატივისცემის ნიშნად ტრაქტორისტიკის გვერდით ვსვამთ კაბინაში. ნელ-ნელა მიცოცავს ჩვენი ტრაქტორი. აღმართზე ფიკვისა და ნაძვის სუნი გვათრობს. კმაყოფილ სახეებზე ღომილი დაგვთამაშებს.

ტრაქტორმა აივაკა და მწვერვალზე უცებ საოცარი რაჟი დაგანახეთ — ლამაზი არყის ხე, რომლის ძირას ქვისაგან საგულდაგულოდ ნაგები კონუსისებური ძეგლისმაგვარი რაღაც იდგა. ხე ქსოვილების ფერადი ნაჭრებით იყო შემოსილი. დიახ, ფერადი ნაჭრებით მორთული არყის ხე საახალწლო ნაძვის ხეს წააგავდა.

ტრაქტორი გაჩერდა. ჩვენ მასპინძლებს მივაჩერდით.

— აბა, ჩვენს სტუმრებს ყველაფერი ისე ვაჩვენოთ, როგორც ჩვენი წინაპრები აკეთებდნენ და არც ახლა ივიწყებენ ჩვენი მწყემსები და მონადირეები, — ამბობს ღიმილით ვალერი ჩაპტინოვი და, ტრაქტორის ძარიდან გადმოსული, ხურდა ფულს ავდებს ხის ძირას. ყველამ მივბაძეთ. საშა კურაკინმა ზურგჩანთიდან არყის ბოთლი და ჭიქა ამოაცოცა, სახელდახელოდ გახსნა და თვითონვე დაილოცა — ჩვენი პირველი უღელტეხილის მშვიდობით გადასვლას გაუმარჯოსო. რაღა თქმა უნდა, ტრადიციას არც ჩვენ ვარღვევთ, მაგრამ როცა ენია იუდინმა გაიგო, რომ ყოველ უღელტეხილზე გადასვლისას ხურდა ფული უნდა შეგვეწირა და რამდენიმე წვეთი არაყი დაგველია, ჯიბეები მოიქეჭა და ღიმილით გვითხრა — აქ იმდენი უღელტეხილია, მგონია, სათითურითაც რომ ვსვათ, არც არაყი გვეყოფა და თანაც ყოველ დღით „პახმელიაზე“ გამოსვლა მოგვიწევსო.

ხმაურითა და სიცილით ვთავსდებით ჩვენს ტრანსპორტზე.

ქვიანი ციცაბო დაღმართი დაიწყო და ჩვენც აქეთ-იქით ცარიელი კასრებივით დავგორავთ ძარაზე. თივა რომ არა, ალბათ, არცერთს არ შეგვრჩებოდა ნეკნები მთელი. სხვისი არ ვიცი და, ცოტა არ იყოს, მშურს ექვთიმე იურჩიკისა, რომელიც ტრაქტორის კაბინაშია მოყუჩებული.

საათნახევრიანი კოტრიალის შემდეგ, როგორც იქნა, ჩავედით ხეობაში, მდინარე გადავლახეთ და ტრაქტორიც გაჩერდა. გაჩერდა და ტრაქტორის კაბინიდან შამპანურის საცობივით გამოვარდა მოხარშული კიბორჩხილასავით გაწითლებული მოხუცი ექვთიმე. თურმე ნუ იტყვიტ და, ჩვენი გაჭირვება იმასთან შედარებით არაფერი ყოფილა. რკინის კაბინაში ისე დაბეგვილა, რომ ამის შემდეგ სატვირთო მანქანის კაბინაშიც ველარაგინ ჩასვამდა, ალბათ. ყოველ შემთხვევაში, ველარც დარჩენილ გზაზე და ველარც უკან წამოსვლისას კაბინას ველარ გავაკარეთ და აღარც ჩვენ გავვიბედავს შიგ ჩაჯდომა.

აილუგუშის უღელტეხილზე გადასვლის მერე, მდინარე ოღუნ-სუს (ბალახსა და წყალს ნიშნავს) სანაპიროზე საკოლმეურნეო ფერმას მივადექით, სადაც იგორ კარანდაშოვა გამგედ.

იმის შემდეგ, როცა ჩვენთვის გამოყოფილ კარავში შევიხიდეთ ბარგა და საწოლებიც გავინაწილეთ, იგორმა თავის ბინაში მიგვიწვია. უზარმაზარ ტაფაზე ცხვრის ხორცი და კარტოფილი იწვოდა, თურმე, ეს ტაფა მასპინძელმა სპეციალურად გააკეთებინა ვიღაც ნაცნობ ხელოსანს.

სასმელს გარდა, სანოვავის ამოლაგების უფლება არ მოგვცეს მასპინძლებმა და რადგან წყენა შევატყვეთ, იტულებული გავხდით დავყოლოდით მათს სურვილს, ერთი ევ იყო, რომ იგორის ოთხიოდე წლის ბიჭუნას, რომელიც სულაშობით მთისთვის დამახასიათებელ სიცივეში ფეხშველა დატანტალობდა დათრთვილულ ბალახებში, კანფეტებით ავუვსეთ უბე.

სახლის გვერდით მიშენებულ ფარდულში კაცები რაღაცას ხარშავდნენ.

სუფრასთან მიგვიწვიეს მასპინძლებმა. ოთახში საჭმლის სასიამოვნო სუნი იდგა. ცოტა ხნის შემდეგ მღვრიე თეთრი

ფერის, თბილი სითხით სავსე კარგა მოზრდილი თიხის ტოლ-  
ჩები დაგვიდგეს წინ.

— აბა, ეხლა კი ჩვენი არაკა გასინჯეთ. ალბათ, არცერთს  
არ გაგისინჯავთ ჭერ, — მხიარული ღიმილით გვეუბნება ვა-  
ლერი ჩაპტინოვი და ჩვენს სადღეგრძელოს სვამს.

ექვთიმე იურჩიკმა ოდნავ მოსვა სითხე, ერთი უცნაუ-  
რად დაიქყანა, რუსული გულახდილობით — ЧТО ЗА ГА-  
ДОСТЬ-ო წამოიძახა და მხარს უკან გადააპურქყა.

უხერხული ღუმილი ჩამოწვა. მასპინძლებმა ერთმანეთს  
შეხედეს.

ექვთიმეს ასაკს პატივი დავდეთ და არაფერი ვაკადრეთ,  
მე კი ტოლჩა მოვიყუდე და სულმოუთქმელად დავცალე.  
დავცალე და — უპ, რა კარგი რამაა-მეთქი, ჩავილაპარაკე.  
ყველას სახე გაუბრწყინდა, არა და, მართალი გითხრათ, მიუ-  
ჩვეველზე მართლაც ძალზე უსიამოვნო დასალევია.

არაკას დამეაფებელი რძისაგან ხდიან. მისი სიმაგრე და-  
ახლოებით ცხრიდან თერთმეტ გრადუსს არ აღემატება და  
თბილი ისმება. ადვილი წარმოსადგენია, რა „სასიამოვნო“  
დასალევიც უნდა იყოს!

დავცალე და დავდგი ტოლჩა. ექვთიმემ, იქვით გამომხე-  
და, მიხვდა, რაც გავაკეთე და ეხლალა იგრძნო უხერხულო-  
ბა. ხელახლა მოიყუდა ტოლჩა, მოსვა, ენით მოილოკა ტუ-  
ჩები და — მართლაც არა უშავსო, ჩაიდუდუნა თავისთვის,  
მაგრამ ამისთვის, მე მგონი, აღარავის მიუქცევია ყურად-  
ღება. ამასობაში ჩემს წინ სავსე ტოლჩა გაჩნდა: — რაკი  
ეგრერიგად მოგეწონათ, ერთი კიდევ დაგვილიეთო, შემოი-  
ძახა სახეგაბადრულმა მასპინძელმა...

საერთოდ, ალთაიში თუკი სტუმარი არაკას გამობრძს  
დროს შეესწრო ოჯახს, როგორც არ უნდა ეჩქარებოდეს,  
უფლება არა აქვს წავიდეს, ვიდრე არ დალევს, — ეს ოჯახის  
შეურაცხყოფაა. აბა, წარმოიდგინეთ რა იქნება როცა საგან-  
გებოდ სტუმრისათვის ხდიან არაკას და სტუმარი კი ისეთი  
გულახდილობით გამოთქვამს თავის აზრს, როგორც მოხუცმა  
ექვთიმემ ქნა.

ჩვენთვის განკუთვნილ სადგომში გავედით დასაძინებ-  
ლად, მაგრამ ვალერიმ დაძინებამდე აქაც მონახა დრო თა-  
ვისი ხალხის ისტორიაზე საუბრის გასაგრძელებლად.



შეწყდა ომები და ფეოდალური შინააშლილობა, ღამაც თავისწილად დიდი გავლენა მოახდინა ალთაის სამეცერნეო და კულტურულ განვითარებაზე. ამ საქმეში დიდი როლი შეასრულა სიახლოვემ და უშუალო კავშირურთიერთობამ რუს გლეხებთან, რომლებმაც XVIII საუკუნის დასასრულიდან დაიწყეს ჩასახლება ალთაელ ტომთა შორის. გლეხთა მასობრივი მოძრაობა მთიან რაიონებში 1801 — 1802 წლებს განეკუთვნება, როცა მათ, მათთან ერთად მცხოვრებ მცარერაციზოვან ალთაელებთან ერთად ითხოვეს გადასახლება „სასაღერო საზს იქით“. ალთაის მთისწინეთის ტერიტორიებზე ასე წარმოიშვა პირველი დასახლებული პუნქტები, ისეთები, როგორცაა სროსტკი (1802 წ.), ბერიოზოვკა, ბისტრიანკა (1804 წ.), სეტოვკა და სხვ.

მთიანი და მთისწინა ალთაის ნადირით მდიდარი ტყეება, თევზით მდიდარი წყლები, ვრცელი საძოვრები თავისკენ უხმობდნენ გლეხებს. ისინი ტეხდნენ ყამირს, თესდნენ პურს, თიბავდნენ ბალახს და, მიუხედავად იმისა, რომ აკრძალული იყო. აშენებდნენ სახლებს და დამხმარე ნაგებობებს. უკაცრიელი ადგილების ათვისებისას ჩეხდნენ სახნავ ახოებს და წვავდნენ ტყის მასივებს ზოგჯერ ხანძრებამდე მიდიოდა საქმე. ყოველივე ამან გამოიწვია ადგილობრივი მოსახლეობის საჩივრები ახლადჩამოსახლებულთა მიმართ.

მეფის ადგილობრივი აღმინისტრაცია, როგორც წესი, რუს გლეხთა ამდაგვარ უწყესრიგობას არავითარ ყურადღებას არ აქცევდა. ადგილობრივი მოსახლეობა ვერ პოულობდა მხარდაჭერას მეფის მოხელეთა მხრივ და იძულებული ხდებოდა მიეტოვებინა თავიანთი საძოვარ-სავარგულები და თავი მიეცათ ტაიგისათვის.

ჩასახლებულთა ადგილები ფართოვდებოდა და უანლოვდებოდა მთიან ალთაის, უკვე 1811 წელს გლეხებმა მინიღი და ალექსეი ზიაბლიცკებმა, ოთხ ამხანაგთან ერთად, მიალწიეს მდინარე ჩურგაჩაის სათავეს და დააარსეს სოდგოი ჩურგაჩაკი. ამავე წელს მდინარეების იშას, კარაგუეის, ტაშტას, ჩებშას და ბარდას სანაპიროებზე რუსმა გლეხებმა შე-

არჩიეს საცხოვრებელი ადგილები. ძმებმა კაიგოროდოვებმა საძირკველი ჩაუყარეს სოფელ კარაგუეს, ხოლო კრივოლუცკები მდინარეების ჩებშას და ბარდას სანაპიროებზე დასახლდნენ.

ალთაის მთისწინეთისა და მთიან ნაწილში ყოველდღიურად იზრდებოდა ახალი დასახლებული პუნქტების რიცხვი. 1825 წლისათვის ამ რაიონში უკვე 54-ზე მეტი რუსული სოფელი იყო, რომელმაც შექმნა ალთაის თემი ცენტრით სოფელ კამენკაში. გადასახლებულთა ვაძლიერებულმა დაზნებამ და რუსული სოფლების ზრდამ მოსვენება დაუქარგა ბაიებსა და ზაისანებს. 1828 წელს ზაისანებმა ბოკაი ბეკიტოვმა, კისტაი კაზაკოვმა და სხვა ბაიებმა საჩივარი შეიტანეს დასავლეთ ციმბირის სარევიზიოდ ჩასულ სენატორ ბეზროდნისა და ჩვენი საშას ბაბუის ბაბუის თავად კურაკინის სახელზე. ხუმრობით განაგრძობს ვალერი, უკმაყოფილო საშა კი რაღაცას ბურტყუნებს. საჩივარში აღნიშნული იყო სამოვრებისა და სამონადირეო სავარგულების თვითნებურად ხელში ჩაგდების ფაქტები, რის გამოც ალთაელები „ვაჭირვებას განიცდიან“ და „გადასახადის სრულად გადახდა უჭირთ“. ზაისანები და ბაიები თხოულობდნენ გლეხთა გადასახლებას და ალთაის მიწებზე შემდგომში ჩასახლების აკრძალვას.

1832 წელს ალთაის დიდებულთა წარმომადგენლებმა ისევ იშუამდგომლეს ხარკის ამკრები კომისიის წინაშე ასეთივე თხოვნით. ზაისანები და ბაიები ყოველნაირად ცდილობდნენ დაესაბუთებინათ, რომ ისინი გამოდიოდნენ როგორც ხალხის ინტერესების ჭეშმარიტი დამცველნი. სინამდვილეში ყოველივე ეს სულ სხვაგვარად იყო. მთიანი ალთაის მიწების ფაქტიური ვანმგებლები თვითონ იყვნენ და, ბუნებრივია, მხოლოდ თავიანთ ინტერესებს აცავდნენ, რადგან რიგითი ალთაელების ვაჭირვებისა და ინტერესების დაცვა მათთვის სრულიად უცხო რამ იყო. მეფის მოხელეთა ხალხის ვაჭირვებისადმი ბიუროკრატიულმა მიდგომამ ვერავითარი ცვლილებები ვერ შეიტანა ისეთ მნიშვნელოვან საკითხში, როგორც იყო რუსი გლეხების მიწათმოწყობა; მათ მხოლოდ ალთაელებისაგან გადასახადის შეფერხების საშიშ-

როება აწუხებდათ. ამიტომ მთავრობამ გამოსცა განკარგულება „ყალმუნთა საძოვრების“ შემდგომში დასახლების აკრძალვის შესახებ. მიუხედავად ამისა, რუს გლეხთა ჩასასლება მთიან ალთაიში მაინც გრძელდებოდა.

თავისი ხალხის სევდიან ისტორიაში, რომელსაც ვალერი გვიყვება, ბარაჩაკი პატარა ლეგენდას ურთავს.

...ეს იყო ძალიან დიდი ხნის წინათ, იმდენად დიდი ხნის წინათ, რომ ხალხს აღარც კი ახსოვს, რა ერქვა იმ მონადირეს, რომლის ამბავსაც ახლა გაამბობთ.

მონადირე მხოლოდ მისთვის ცნობილი ბილიკებით დადიოდა სანადიროდ, მხოლოდ მისთვის ჩვეული გეშით დასდევდა ნადირს, ყველაზე მეტსაც ხოცავდა და სხვებზე მდიდრადაც ცხოვრობდა თურმე.

ადრეული შემოდგომის დღე იდგა, როგორც ახლა. მონადირეს ახარებდა მოწმენდილი ცა, მზე, მცენარეთა ნაირფერი ელვარება, გამჭვირვალე ჰაერი, კედარის სუნი რომ უღის მუღამ.

მონადირე იღბლიანი კაცი იყო, როგორც გითხარით, და ამიტომ ეცვა ტანთ მოქარგული მსუბუქი ქურჭი, ხოლო თავზე კოხტად მოერგო მელიის კუდებისაგან შეკერილი ლამაზი ქუდი.

მიდიოდა და მიიმღეროდა. მღეროდა მზეზე, მთებზე, ჩიტებზე, მოშრიალე ხეთა ფოთლებზე და ყვავილებზე. ერთბაშად შეწყვიტა ახალგაზრდა მონადირემ სიმღერა, შეწყვიტა იმიტომ, რომ რაც მან დაინახა, იმაზე სიმღერა მას არ შეეძლო, ან, აბა, რა უნდა ემღერა, სადღაც, ზემოდან ქარაფებს შორის ჩამოკიდებულ თოკზე, ჰოდა, შეჩერდა გაუცებისაგან გაოგნებული.

— ეჰ, ეს საიდანღა გაჩენილა ნეტავ, ანდა რისთვისაო, — წამოიძახა თურმე გაოცებულმა. ერთხანს შეყოყმანდა, მაგრამ იმდენად დიდი იყო ცნობისმოყვარეობა, რომ ბილიკიდან გადაუხვია და მარჯვედ შეუდგა ციცაბოს. მალე დაინახა, რომ თოკი ძალიან მაღლა, კლდის გლუვ კედელზე იყო გამობმული. მონადირე თოკს აჰყვა და, როცა კედელს მიაღწეა, რაც ძალი და ღონე ჰქონდა, თოკი მოქაჩა და ჰოი, საოცრებავ! უზარმაზარი ქვის კარი გაიღო.

მონადირე ახალგაზრდა, გულადი და ცნობისმოყვარე იყო. ის დაუფიქრებლად შევიდა გამოქვაბულში და გაოცებისაგან პირდაღებული შეჩერდა: გამოქვაბულში საოცარი მოყვითალო, თვალისმომკრელი ნათელი დასადგურებულიყო. გონური ახალგაზრდა მაშინვე მიხვდა, რომ ნათებას მრავალრიცხოვანი ოქროს ნივთები გამოსცემდა, რომლითაც სავსე იყო იქაურობა.

მონადირემ ნაბიჯი წადგა და იგრძნო, ქუდქვეშ თმები როგორ დაუდგა ყალყზე, როგორ გაეყინა სისხლი ძარღვებში. თვალებში მას ადამიანის თავის ქალა მისჩერებოდა. ერთხანს უძრავად მდგარი, ნელ-ნელა გონს მოეგო, დაწყნარდა და ახლა კარგად გაარჩია, რომ ეს ოქროებზე დამხობილი ადამიანის ჩონჩხი იყო. შემზარავი სურათით ერთიან შეძრულს, უცბად უნდოდა გამობრუნებულიყო, მაგრამ შიში დასძლია, გამდიდრების სურვილით შეპყრობილმა დაიმორჩილა თავი, ერთი მოზრდილი ოქროს ნივთი აიღო, უბეში ჩაიდო და ნელ-ნელა უკუ სვლით გამოქვაბულიდან გამოვიდა, მთის ჰაერი ხარბად შეისუნთქა და თოქს ჩამოჰყვა. როგორც კი მიწას ფეხი შეახო, დაინახა, როგორ დაიხურა კარი და ზმანებასავით გაქრა როგორც კარი, ისე თოქიც.

მონადირემ სახლში მიიტანა ოქროს ნივთი, მაგრამ არავინ უჯერებდა გამოქვაბულისა და განძის ამბავს.

ბევრმა გულადმა ახალგაზრდამ დალახა ის ჭიუხები, საითაც მონადირემ მიასწავლა გზა, მაგრამ ვერავინ ნახა ვერც თოქი და ვერც გამოქვაბულის კარი.

ამასობაში მონადირე ავად გახდა და თვალსა და ხელს შუა დნებოდა დევკაცი.

ყველანი ერთხმად გაიძახოდნენ, ოქროს ნივთის წამოღების გამო დაავადდაო უკუჩრნებელი სენით. მოჯადოებულო ადგილიდან წამოიღო ნივთი და განგებამ არ აპატიო ეს თავხედობა.

მაშინ ნივთი გადააგდეს მაღალი მთიდან, შამანი კი რამდენიმე დღე-ღამე ლოცვებს უგალობდა ავადმყოფს, რათა უშუური მოეცილებინა მისთვის.

ამბობენ, ავადმყოფი გამოჯანმრთელდაო ბოლოს და ბოლოს, მაგრამ აღარასოდეს დაბრუნებიაო მას უწინდელი

ძალ-ლონე და შემართება. არც აღარასოდეს უქნია, თურმე პირი იმ ჭიუხებისაყენ, საითაც, მისი თქმით, ის გამოქეაბული და განძი იყო...



უთენია ცხენები შორეკეს და ჩვენც ბარგი-ბარხანით გამოვეფინეთ გარეთ. საშა კურაკინმა ყველა ჩვენგანის ზურგჩანთები დაათვალიერა და, რაც კი ზედმეტად მიიჩნია, ყველაფერი ამოგვიყარა, ერთ დიდ ტომარაში ჩაალაგა, თავი მოუქრა და კარვის დედაბოძზე დარქობილ მსხვილ ლურამანზე ჩამოკვიდა. ამას ყველაფერს ისეთი სერიოზული სახით აკეთებდა, რომ ვერცერთმა ვერ გავბედეთ ხმის ამოღება. მითუმეტეს, რომ ყოველი ნივთისა თუ სანოვაგის დატოვების მიზეზს შეუვალი დამაჯერებლობით ასაბუთებდა.

— ამდენი თბილი ტანსაცმელი არაა საჭირო. დღისით, სიარულში დაგვცხება, ღამე კი საძილე ტომრებშიც არ შეგცივათ... კომფორტი თუ გინდათ, იქ გქონდათ, მოსკოვში.

— არც ამდენი კონსერვის ქილაა საჭირო. სანადიროდ მივდივართ და ხორცი ჩვენ თვითონ უნდა მოვიპოვოთ.

— აბა, ამდენი ჭურჭელი, საპარსები და მანუფაქტურა რაღა საჭიროა! ბანკეტისთვის ემზადებით, თუ რა! საპარსი ერთ-ერთმა წამოიღოს, ყველას ეყოფა, გარდა ამისა, კარგიცაა წვერი თუ გაგეზარდათ, უფრო შეაშინებთ ნადირს, — იღიმება საშა.

— თოფები, ვაზნები, საძილე ტომრები, პური, ასანთი, ჩაი, შაქარი, ხახვი, ნიორი, ძმარი, მარილი, სასმელი ზომიერად, ვედრო ხორცის მოსახარშად, კოვჩები და გათავდა! ეს ცხენები, ბიძია, ტრაქტორები კი არაა, იქიდან ხორციით დატენილი არჩემაკები (ტყავის ხურჭინი, თითო თვალში 60—70 კგ ხორცი ჩადის) უნდა ზიდონ და, ეგეც არ იყოს, ზოგიერთები, გეტყობათ, ცხენებიდან არც კი ჩამოხვალთ. — კეთილი ღიმილით გვეუბნება კურაკინი და თან გვანიშნებს, მალე მოემზადეთო.

მასპინძლებს გარდა, ჩემს მეტს ცხენი არცერთს არ შეუკაზმავს, არც გაემტყუნებათ, მოსკოველები არიან და, გარ-

და ამისა თურმე არც სანადიროდ მოხვედრილან ისეთ ადგილზე, სადაც ცხენი იქნებოდა საჭირო.

ჩემი თეთრონი მზად არის უკვე, მაგრამ უნაგირს უკან, ზურგზე იმდენი რამ აქვს ცხენს დაკრული, რომ მისი გადალაჭება არცთუ ისე იოლი საქმეა.

ცხენი ცხვრის ბაკის ლობესთან მივიყვანე და ამნაირად მოვკალათდი უნაგირზე, დიახ, მართლაც მოვკალათდი. ზურგს კარგად შეკრული საძილე ტომარა და ტყავის ქურჭი მიმაგრებდა, ხოლო ფეხები ისე მქონდა ტყავის ხურჯინსა და უზანგებს შორის გაჩხერილი, რომ ვერავითარი ძალა ვერ გადმომაგდებდა ცხენიდან, თუმცა იქ სულ მუდამ მზად უნდა იყო ცხენიდან გადმოსახტომად.

როგორც კი ავლიეთ ოდუნ-სუს ხეობა და კადრილის უღელტეხილის ვიწროებს შევუდექით, ფეხები თითქმის გამოვიღე უზანგებიდან, თითქმის-მეთქი, იმიტომ ვამბობ, რომ ფეხისწვერებითლა ვაწვები უზანგებს, საჭიროებისამებრ უფრო მოხერხებულად რომ შევძლო ტანის აკვრა გადმოსახტომად.

ახლა ციცაბო დაღმართს დაეკიდა ბილიკი. თეთრონი გავაჩერე და ჩამოვქვეითდი, ცხენსაც შვება მივეცი და მეც მუხლი გავშალე. ყველანი ასე მოიქცნენ, მოხუცი იურჩიკის გარდა, მაგრამ როცა ბილიკი მთლად ვერტიკალური გახდა და ექვთიმე კინაღამ კისერზე ჩამოაცურდა ცხენს, იცოცხლე, იკადრა ჩამობრძანება.

გზაში საშა კურაკინმა და ბარაჩაკმა ექვსი თუ შვიდი ციყვი დახოცეს მცირეყალიბიანი შაშხანით. კარგი ქურჭი და ძვირფასი ბეწვის ქუდი ალთაიში სიმდიდრის უპირველესი ნიშანია.

— ქურქისათვის აგროვებ ტყავს? — ვეკითხები ბარაჩაკს.

— ამას მერე ნახავ, „ვასილიჩ“, — მისთვის ჩვეული ეშმაკური ლიმილით მპასუხობს და თვალს უკრავს საშას.

ხან ტყიან ტაფობში ჩავდივართ, ხან ისევ ირიბად გაწოლილ ბილიკს ტინებიან ფრიალოებზე გავყავართ. ხეობის ბოლოს ვუახლოვდებით, სასიარულო ადგილი გაიშალა, ერთი ვიწრო, პატარა ნაკადული მორაკრაკებს და მთლად ტბორავს

იქაურობას. ცხენები წყალს დაეწაფნენ, ჩვენც დავლიეთ მთების ნაეური.

ცხენებზე შევსხედით. ისევ მოისმა „გეკოს“ ჭახანი და ბარაჩაკის სიცილი.

არც კი შემიმჩნევია, როგორ დავწინაურდი. საშიში არაფერია, ბილიკი ერთია და დაკარგვით არსად დაიკარგება კაცი. ისევ აღმართს შეუდგნენ ცხენები, ბილიკი ტინიანა და ხანდახან ფეხი უსხლტებათ ცხენებს, ნაპერწკალი ცვივა აქეთ-იქით. დანარჩენებიც წამომეწივნენ. ცხენის ქშენა მესმის ზურგს უკან, მივიხედე, ბარაჩაკი მიცინის და კიდეც ერთ ციყვს მაჩვენებს.

უკვე სამ საათზე მეტია, ცხენებით მივდივართ. წარამარა გვიხდება ტოტების არიდება და ამიტომ სულ ვმოდრაობთ უნაგარზე, ხან წინ ვიზნიქებით, ხან უკან, ხან მარჯვნივ, ხან მარცხნივ. ცხენზე აკიდებულ ბარგში კი ისე ვართ საქამრას ქვემოთ ჩაქედილები, რომ დაბუჩებულ ფეხებს ძლივსა ვგრძნობთ.

მოულოდნელად ჩემმა ცხენმა ჯერ მთელი ტანით წინ წაიწია, ერთიანად აცახცახდა, მერე ერთბაშად უკანა ფეხებზე ჩაიზნიქა და ყალყზე შედგა. მე ფაფარში ჩავაფრინდი. ზედ აკიდებული ბარგი ერთმანეთში აირია. ცხენი, როგორც იყო, ყალყზე შემდგარი, ისევე შემოტრიალდა და აქამდე ჩემს უკან მომავალი ბარაჩაკის ცხენის პირისპირ დადგა. ჩემი შეშინებული სახის დანახვაზე ბარაჩაკს ტუჩები მოეღრიცა და უმალ ჩამოქვეითდა.

— კრაზანები! კრაზანები! — დაიძახა მან. თუმცა მისი თქმა აღარა მკირდებოდა, რადგან უკვე ვიგეშე მათი ბასრი ნესტარი. როგორც იყო, მეც შევძელი ერთმანეთში არეულ ბარგზე გადალაჭება და მიწაზე დავეშვი. ცხენს კისერზე შემოვეხვიე. დაფეთებული, ნესტოებდაბერილი, ჭკვიან თვალებს გოყივით აბრიალებდა და მთელი ტანით ცახცახებდა. ბარაჩაკმა სასწრაფოდ მოტეხილი ფოთლებიანი ტოტით დაუწყაო ომი კრაზანებს.

ნელ-ნელა, როგორც იყო, გავიყვანეთ ცხენები სამშვიდობოს, მაგრამ მე და ბარაჩაკიც კარგა დაკბენილები ვიყავით.

ყველანი გადარჩენას მილოცავდნენ. არავინ მეუბნებოდა, იმ წუთში რა საცოდავი შესახედავი ვიყავი. მაგრამ ეს მხოლოდ იმ წუთებში, შემდეგ კი, იცოცხლე, დაცინვას არ მაკლებდნენ, არა და, რა ადვილი სალაპარაკოა სხვისთვის. იმ დროს ცხენს ერთი ნაბიჯიც რომ გადაედგა მარჯვნივ, ამ ამბავს მე ვეღარ გაიმბობდით.

ულეტეხილიდან ცხენები სადავით მიგვყავს, დაღმართი ციცაბო და მოსრიალეებულაია, ბილიკი წვიმებისაგან ტლაპოდაა ქცეული. ცხენები ბორძიკობენ და ალაგ-ალაგ მუხლამდე ეფლობიან ჩვენსავე კვალში. მოლიპულ ქვიან ბილიკებზე, ციცაბო დაღმართებსა და აღმართებზე ცხენებს ფერდები მუჭი, მყრალი თფლით ეფარებათ. როგორც იქნა, ჩავედით ხეობაში. ცხენებზე შევსხედით, მდინარე კადრილის ჭალებს მივყვებით ერთხანს, მერე ფონზე გადავდივართ და მესაქონლეების მიტოვებულ ბინას ვუახლოვდებით.

ცხვრის ტყავის ქურქები, საძინებელი ტომრები, თოფიარადი, საკმელ-სასმელი ჩამოვხსენით ცხენებს და საბალახოდ მივუშვიით.

ბანაკი მდინარის პირას დავიდეთ, ბანაკსა და მდინარეს შორის მაღალი კედრებისა და რბილწიწვიანას წვრილი ზოლი გასდევდა. ერთი მხრიდან შეფერდებით იწყებოდა მაღალი მთები, ქვევით კი ხშირტყიანი მიჰყვებოდა, რომელშიც უამრავი გნოლი იყო.

დავლაგდით. საძინებელი ადგილები დავინაწილეთ, ხორაგი ერთად მოვაგროვეთ, ალექსანდრე კურაკინს ჩავაბარეთ და საინტენდანტო სამსახურის უფროსიც შევარქვით.

ჩაი მოვადუღეთ. სუფრა გავშალეთ და დაღლილები მაღიანად შევექეცით.

ბარაჩაკმა სახელდახელოდ გათლილ გრძელ შამფურებზე აასხა გასუფთავებული მთელ-მთელი ციყვები და მისი სიგემრიელის ქება-დიდებით მოგვიკითხა. მე ვერაფრით ვერ შეეკამე, სხვები კი სიამოვნებით შეექცნენ.

საინტენდანტო სამსახურის უფროსი საშა კურაკინი არც ჩიერკჩიკობაში ჩამორჩება თავისიანებს და სიამოვნებით გვიყვება...

...XVIII საუკუნის დასასრულს რუსი ვაჰრები ჩამოდი-



ოღნენ მთებში ალთაელებთან საქონლის გადასაცვლელად და სავაჭროდ. პირველი ვაჭრების საკრედიტო კანტორა მდინარე სემეზე აშენდა. ვაჭრები ნელ-ნელა შეიჭრნენ მდინარე ჩუის ხეობაში, სადაც მონღოლ ჯარისკაცებსა და ადგილობრივ მცხოვრებლებს უცვლიდნენ თავიანთ საქონელს.

კოშ-აგაჩში რუსმა ვაჭრებმა ააგეს პირველი საწყობები და ქოხები. ყოველწლიურად მდინარე ბურატოს პირას იმართებოდა ბაზრობა. მასში მონაწილეობდნენ ტუველები, მონღოლები, ჩინელი ვაჭრები, მონღოლი ჯარისკაცები და ალთაელები. რუს ვაჭრებს ძირითადად გასაყიდად ჩამოჰქონდათ ტყავი, მაუდი, სხვადასხვა სახის ქსოვილები და რკინის ნაწარმი: გასაღებები, ნაჯახები, ჩაიდნები, ქვაბები. სამაგიეროდ, თვითონ ყიდულობდნენ ზაზუნას ტყავსა და მსხვილფეხა საქონელს. ჩუიას გარდა, ვაჭრობა წარმოებდა ჩელუშმანის ხეობაში. ფული ხმარებაში არ იყო. მის მაგივრად იყენებდნენ ციყვის ტყავებს.

უმრავლეს შემთხვევაში რუსი ვაჭრები ალთაელებს ნისიად აძლევდნენ საქონელს, რომლის სანაცვლოდაც ბეწვეულს, საქონელს, მატყლს და კედარის კაკალს იღებდნენ. ხშირად ისინი მთელი სიცოცხლის მანძილზე რუსი ვაჭრის მოვალეებად რჩებოდნენ. როგორც წესი, ვაჭარი, რომელიც ალთაელს აგურა ჩაის გადაუცვლიდა ხბოზე, ხბოს გლეხთან ტოვებდა ერთი წლით, ხოლო მიაკითხავდა სამი წლის შემდეგ და იღებდა ხბოს ნაცვლად ხარს ან ძროხას. ასე მდიდრდებოდნენ ვაჭრები, რომლებიც ატყუებდნენ გაუნათლებელ უუფლებო ალთაელებს. ხშირად ალთაელებს ათრობდნენ და უმნიშვნელო ფასში მიჰქონდათ ბეწვეული.

XIX საუკუნის დასასრულსა და XX საუკუნის დამდეგს მეურნეობის ახალი დარგების — მიწათმოქმედებისა და მეფუტკრეობის განვითარებასთან დაკავშირებით ბაზარი სულ უფრო ივსება საშინაო სარეწაო ნაწარმით: სანთლით, თათლით, კარაქით, ტილოთი, ტყავით, საქონლით და ა. შ. XIX საუკუნის ბოლოს მარტო კუზნეცკის ვაჭრებმა ადგილობრივი ბიისკის ოლქის გლეხებისაგან და ალთაელებისაგან 800 ათასი მანეთის საერთო თანხის სხვადასხვა საქონელი შეიძინეს. აქედან — 38 ათასი მანეთის ბეწვეული. ეს საქონელი

იკავებოდა ნაწილი ირბიტისა და ნიჟეგოროდის, ხოლო ნაწილი ტომსკის, კრასნოიარსკისა და ირკუტსკის ბაზრებზე. ასე ერთვებოდა ალთაის ნატურალური მეურნეობა სავაქრო-ფულად ურთიერთობაში, რის შედეგადაც ალთაელთა ერთი ნაწილი მდიდრდებოდა, მეორე კი ღატაკდებოდა.

მეფის მთავრობამ, ცდილობდა რა განემტკიცებინა თავისი პოზიციები, დაიწყო ქრისტიანობის მასობრივი გავრცელება, რომლის მისიის მოთავე მაკარ გლუხარევი გახდა. XIX საუკუნის 30-იან წლებში მან რუსული ანბანის საფუძველზე შეადგინა ალთაური ანბანი, რითაც საძირკველი ჩაეყარა მათ შორის წერა-კითხვის გავრცელებას. ადგილობრივი მოსახლეობის გაქრისტიანებაში იგი წარმატებით იყენებდა სასულიერო წიგნებს, რომლის თარგმნას ალთაურ ენაზე თვითონ მოჰკიდა ხელი. მაკარი ამაზე როდი შეჩერდა და 1830 წელს ალთაიში პირველმა გახსნა სამისიონერო სკოლა ვაეებისათვის, პარალელურად კი სკოლა გოგონებისათვის, რომლებშიც სწავლება უფასოდ მიმდინარეობდა.

გარდა ამისა, მისიონერები არჩევდნენ ყველაზე გამოსადეგ ადგილებს მიწათმოქმედებისათვის და იქ ასახლებდნენ ახლად მონათლულ ალთაელებს. რუსი გლეხებიდან ამ სოფლებში ცხოვრება შეეძლოთ მხოლოდ იმათ, ვისი „სამეურნეო, მორალური ღირსებები და სარწმუნოება საძრახისად არ იყო მიჩნეული“. მათ უნდა ესწავლებინათ ქრისტიანობამიღებული ალთაელებისათვის მეურნეობისა და მიწათმოქმედების გაძლოლის წესები.

მაგრამ, როცა ალთაიში მისიონერების მიერ წერა-კითხვის გავრცელებაზე ვლაპარაკობთ, გადაჭარბებით არ უნდა შევავსოთ მისი როლი. წერა-კითხვა მათ სჭირდებოდათ ძირითადი ამოცანის წარმატებით გადასაჭრელად — იძულებითი გარუსების პოლიტიკის განსახორციელებლად. თუმცა, ალთაის სასულიერო მისიის მოღვაწეობა XIX საუკუნის პირველ ნახევარში არ იფარგლებოდა ალთაელთა გაქრისტიანებით, იგი ეწეოდა აგრეთვე კულტურულ-განმანათლებლურ მოღვაწეობას ლიბერალურ-ბურჟუაზიული სულისკვეთებით. ქრისტიანობის წარმატებით გავრცელებისთვის მისიებს სჭირდებოდათ ალთაელთა წრეებიდან ადგილობრივი

კადრების მომზადება. ამ მიზნით ცალკეულ დასახლებულ პუნქტებსა და მისიონერთა უბნებში გაიხსნა დაწყებითი სკოლები. სწავლობდნენ წერა-კითხვას, ანგარიშს, სამღვთო სჯულს, საგალობლებს და წმინდანთა ცხოვრებას. მისიონერთა სკოლები ამზადებდნენ მეფისა და ეკლესიის ეროვნულ მსახურთ.

ტყუილად როდი აღნიშნავდნენ მისიონერები თავიანთ განმარტებებში:

„ჩვენი სკოლის აღზრდილმა გარკვეული დროის შემდეგ, თუნდაც დაივიწყოს წერა ან კითხვა (რაც, რა თქმა უნდა, ძალზედ იშვიათად ხდება), მაგრამ ქრისტიანული მოძღვრების უმთავრეს ჭეშმარიტებას ის არ დაივიწყებს“.

მისიონერები თავისი მოწაფეებისაგან პირველ რიგში ამზადებდნენ ქრისტიანობის მქადაგებლებს. ისინი დადიოდნენ სოფლებსა და ცალკეულ კარვებში, ასრულებდნენ საღმრთო საგალობლებს ალთაურ ენაზე, უკითხავდნენ ხალხს შესაფერ სასულიერო-რელიგიურ ლიტერატურას.



...მშვენიერი ამინდი დადგა. დილით თრთვილი იდო, ღამით კი ცა ვარსკვლავებით იყო მოჭედილი. მთვარის წითელი ზოლით გადასერილ ამ ვარსკვლავთა სინათლეში, ჩვენს წინ მდინარისგან შექმნილ უსარმაზარ ტბორში იწყებოდა საოცარი თამაში. მის ნაპირზე შემოიჭარებოდნენ ხოლმე დათოვლილი მთები, ერთმანეთისკენ იწევდნენ და ტოვებდნენ წყლის ერთი ბეწო სივრცეს, რომელშიც ცივად და უძრავად ანათებდნენ იგივე ვარსკვლავები, შემდეგ ღამის ღრუბლის ზოლები თითქოს ანაწილებდნენ მთებს, და უუძეს მოწყვეტილი მოციმციმე მწვერვალები ვარსკვლავებისკენ მიცურავდნენ, მათი სინათლით იჟღინთებოდნენ და წყალში ღნებოდნენ.

მე, ევგენი იუდინი და ორი თანმხლები ალთაელი საღამოს ვაპირებთ სანადიროდ წასვლას, ველარ ვითმენტ, გვაინტერესებს მარალის ნახვა. წინა ღამეს მოვისმინეთ მისი ბღავილი, საოცარი ხმა აქვს, ძლიერი, მაგრამ სევდიანი;

სულ-სამწეწი ძახილია. რიხიანს, ძლიერს მუდარა უფრო ეტყობა დასაწყისში, ვიდრე მბრძანებლობა, მუდარა სწორ-ფეიოსადმი. ჯერ გაბმული, კენესისმაგვარი ზმუილით იწყებს, ბოლოს კი ფოლადს უმატებს ხმაში. ჯერ სთხოვს, ევედრება, ეფერება თითქოს, მერე კი ძლიერი ხმით ამცნობს თავის უპირატესობას.

დროს აღარ ვკარგავთ, სახელდახელო სადილის შემდეგ ცხენებს ვკახავთ და მივდივართ, მაგრამ პირველივე ძნელი ცუცაბოდან, სადაც ენიას ცხენმა ურჩობა დაიწყო და კინალამ ორივენი დაიმტვრინეს კიდეც, უკან მიბრუნდნენ ბინისაკენ. ჩვენ — მე, ბარაჩაკი და კოლია ბაიდანოვი კი გზას გავუდექით. წინ ბარაჩაკი მიდის, მას მე მიყვები, ბოლოში კოლია გვკეტავს.

აქ არც ისეთი ჰაერია და არც ისეთი სიმაღლე, როგორც ედიგოლზე, ამიტომ სიარულიც უფრო იოლია. ცხენებს ქვევით, იალადის შუაგულს ეტოვებთ და ზემოთ მივდივართ. ნაწვიმარ ბალახზე ფეხი ცურავს და სიარული ჰირს. როგორც იყო, ავათავეთ აღმართი. ბალახი ჯერ დადაბლდა, მერე კი შეთხელდა. ქვიანში დაბალი, მიწაზე გაკრული ბალახი-ლაა. წინ, როგორც ყოველთვის, ბარაჩაკი მიდის, მე და კოლია უკან მიყვებით. მთის წვერი საკმაოდ ვრცელია. დაახლოებით ორასი მეტრის იქით თხელტყიანია. შეეჩერდით. გარემოს ვზევრავთ, თან ერთმანეთს გადავულაპარაკებდით ხოლმე. უცბად სუნთქვა შემეკრა, პირი დავაღე და ერთხანს ასე შევეყურებდი ჩვენგან მარცხნივ, ხშირ ტყიანიდან გამოსულ ხარირემს. ბიჭებისკენ გავაპარე მზერა. მათაც დაუნახავთ და ჩემს რეაქციას ელოდნენ. ჩვევას არ ღალატობდნენ, პირველი სროლის უფლებას მე მაძლევენ. ბარაჩაკმა თვალეებით მანიშნა, — მიდიო. ამასობაში ირემი სრულიად სუფთა მდელოზე გამოვიდა, ერთი-ორჯერ ბალახი მოწიწკნა, თავი აიღერა და გაჩერდა. მე ნელ-ნელა ჩამოვაცოცე მხრიდან თოფი, საკეტი გავხსენი და ფოლადის ხმაზე ისევ გავიყინე. ირემმა ჩემსკენ გამოიხედა, ერთხანს გვიყურა. ჩვენ ქვისგან გამოთლილ ქანდაკებებსავით ვიდექით გაუნძრევლად. ირემმა თავი გაიქნია, ქონდარა არყის ხეს წააწიწკნა ფოთოლი და ისევ ისე ჩვენსკენ გვერდულად გაჩერდა. უკე-

თეს სანიშნეს ადამიანი ვერც ინატრებდა. რქებზე საოცრად სიმეტრიული 9—9 განშტოება ჰქონდა. დინჯად, აუჩქარებლად დაეუმოიზნე და გამოვკარი სასხლეტს. კარაბინმა იგრიალა, ირემი არც კი განძრეულა, მეორე ვესროლე და ის კვლავ გაუნძრევლად იდგა. მე უკვე მეგონა, რომ მოჩვენება იყო. მესამე ვაზნას რომ ვაძლევდი სავაზნეში, შევატყე, წელები მიკანკალებდა, მაგრამ აღარ მივაქციე ყურადღება, ცალ მუხლზე დავიჩოქე და ვესროლე მესამედ. ირემმა ისევ გამოიხედა ჩვენსკენ, ერთი-ორი ნაბიჯი წადგა წინ და ისევ გაჩერდა. მეოთხე სროლის შემდეგ, მთელი ტანით ვცახცახებდი და ნათლად ვიგრძენი, რომ მსროლელად აღარ ვვარგოდი. მდულარეგადასხმულოვით წამოვხტე, ორ ნაბიჯზე მყოფ ბარაჩაკს მივევარდი, თოფი შევაჩეჩე და ლანძღვა-განებით პირქვე დავემხე მიწაზე.

— კოლია, არ ესროლო, — ბარაჩაკის სიტყვები მომესმა და ერთხანს ყველაფერი დადუმდა. შემდეგ ისევ თოფის გრიალი და ბარაჩაკის უკმაყოფილო სამსართულანი გინება გავიგონე. ისევ გავარდა და, როგორც იქნა, წამოვწიე თავი. წინ სიცარიელე იყო. ახლა ბარაჩაკისკენ გავიხედე. ციებიანივით ვცახცახებდი. ბარაჩაკმა თოფი გინებით დაუშვა, შემომხედა და ისეთი ხარხარი აუტყდა, რომ ვილაცას ეგონებოდა, გააფრინაო. არადა, თურმე სიმწრის სოცალთან ერთად ამ ხარხარის მიზეზი ჩემი სახის იდიოტური გამომეტყველება და სიმწრისგან მონადირე პირში გაჩრილი ბალახი იყო. როგორც იყო, წამოვდექი. ერთხანს ასე დაბნეულები ვიდექით. კოლიამ გამოართვა ბარაჩაკს თოფი, მერე იმ ადგილას მივედით, სადაც ირემი იდგა ცოტახნის წინ. გულდასმით დავათვალიერეთ იქაურობა. თხელტყვიანში ვერსად ვერცერთი ნატყვიარი ვერ ვნახეთ. გასაგები გახდა, რომ ყველა ტყვია მიზნიდან გაცილებით ზევით იყო წასული. შემდეგ მიზანში ვცადეთ თოფი, იგივე განმეორდა. ვცადეთ გასწორება, არაფერი გამოგვივიდა და ბოლოს, როცა საკეტი გამოვიდეთ და ლულას გავხედეთ, ყველაფერი ნათელი გახდა: ყარაბინი კუთხვილის ნაცვლად თითქმის გლუვკულიანად იყო ქცეული.

ბარაჩაკმა იმ წუთში მოიხსნა თავისი თოფი და გადმო-

ცა. მე ამ მარცხით იმდენად ვიყავი გამწარებული, რომ წინააღმდეგობა არ გამიწევია. ყველა ირმის გაჩენის დღეს ვწყევლიდი და ფიცს ვდებდი, რომ ამ თავხედობას არ ვაპატიებდი მათ მოდგმას.

ამ დღეს ველარაფერი ვნახეთ. კარავში დავბრუნდით. უგემურად ვივასშმე. ბარაჩაკი და კოლია ბევრს ეცადნენ, ასიოდე გრამი არაყიც მახუხიეს, მაგრამ გუნება მაინც ვერ გამომიკეთეს. რომ მახსენდებოდა დღევანდელი ამბავი, ლამის ყვირილი დამეწყო, და ირემი კი, ბუნების ეს ულამაზესი ქმნილება, რაღაც მახინჯ, თავხედ ურჩხულად მელანდებოდა, რომელიც დრო და დრო ზემი წარმოდგენით, ლამის ნიშნისმოგებით მილიმოდა კიდეც. სიგარეტს სიგარეტზე ვეწეოდი და კინაღამ საძილე ტომარაც დავწვი. ბოლოს, როგორც იყო, ჩამეძინა, მაგრამ სიზმარშიც იმ ირემს და ჩემს გაბითურებულ თავს ვხედავდი, ვერ ვისვენებდი. მივდევი, ვესროდი, ვაცდენდი, დამცინოდა. რქებს მიღერებდა და ძალაგამოცლილს, ოფლში გაწუწულს მეღვიძებოდა. ამ ვაავაგლახში, როგორც იყო, გათენდა.

წესიერად არც კი მისაუზმია. ცხენები შევკაზმეთ და გზას გავუდექით.

პირველი სერის გადავლის შემდეგ ბარაჩაკი ცხენიდან გადმოხტა, დიყი მოჭრა და ისევ ცხენს მოეველო. თოფს საწმენდი ზუმბა გამოაძრო, დიყის ღეროს გული გამოუღო, დანით ცალი მხრიდან სატუჩე გაუკეთა და ზურგსუკან ქამარში გაიჩუო. მე უკან მივყვებოდი.

გარშემო ცადაზიდული კედარის ტყეებია. აქა-იქ პატარა პატარა მინდვრებია ტაფობებში.

ნელ-ნელა სულ ზევით და ზევით მივიწევთ, უცბად მოისმა მარალის ყვირილი. ბარაჩაკი ცხენიდან ერთბაშად ჩამოცურდა და გვანიშნა, ჩვენც ჩამოვკევეითებულიყავით. სადავე კოლიას მივუგდე და თოფი მოვიმარჯვე. წინა ბექობამდე წალუნულები მივდიოდით, ბექს იქით კარგა მოზრდილი მინდორია. მე და ბარაჩაკი მიწას გავეკარით, თვალებს ვაცეცებ და ჭერ ვერაფერს ვხედავ. ბარაჩაკმა დიყის ღერი გამოიძრო ქამრიდან და, ჰოი, საოცრებავ. დიახ, ნუ გიკვირთ! მე მანამდე ასეთი რამ არც მენახა და არც მომესმინა. ზუსტად

მარალის ბლავილი მომესმა დიყის ღეროდან. მახლობელი ტყიდან დაუყოვნებლივ გვიპასუხა მარალმა. ბარაჩაკმა ისევ გაიმეორა ბლავილი და ჩვენგან რამდენიმე ათეული მეტრის სიშორეზე გამოვიდა ხარირემი. ულამაზეს თაე-კისერზე შანდლებივით ედგა ლამაზი რქები. ნესტოები დაბერვოდა და თვალები მწვანედ უელავდა. რამდენიმე ნაბიჯი კიდევ გადმოდგა ჩვენსკენ, მიიხედ-მოიხედა და ისევ დაიბლავლა. ახლა სხვა მარალმა უპასუხა ტყიდან, იმას სხვა ხმა მოჰყვა, სხვა მხრიდან კიდევ სხვა. მარჯვნივ ბარაჩაკი მიწევს, მარცხნივ გავაპარე თვალი — კოლია გართხმულა თოფმომარჯვებული. როდის მოცოცდა, არც გამიგია. ერთხელ კიდევ ჩაბერა ბარაჩაკმა. რამდენიმე წუთში ხუთი მარალი გამოჩნდა მინდორზე. ნელ-ნელა უახლოვდებოდნენ ერთმანეთს. ახლა კი წამკრა მუჯლუგუნი ბარაჩაკმა — ესროლეო. მე უარას ნიშნად თავი გავუქნიე, მაშინ წამჩურჩულა — ესროლეო, ჩემგან ისევ უარი მიიღო. ცეცხლი მოეკიდა ბარაჩაკს, თავი ვეღარ შეიკავა და შეჰყვირა: — ესროლე. მარალებმა ყურები ცქვიტეს და დაიძაბნენ. ამ დროს გაისმა კოლიას თოფის ხმა, პირველ გასროლას მეორე მოჰყვა, მეორეს — მესამე. მარალები ჯერ ერთმანეთში აირივნენ, ერთბაშად ვერ განსაზღვრეს თოფის ხმის მიმართულება. ჯერ ჩვენსკენ გააკეთეს რამოდენიმე ნახტომი, მერე ერთი მათგანი შეტრიალდა, ზევით მთისკენ აიღო გეზი, დანარჩენებიც უკან მიჰყვნენ. კოლიამ ზედიზედ ააცდინა ნასროლი, მარალები მოპირდაპირე სერის კლდოვან ყელში გადადიოდნენ ერთმანეთის მიყოლებით, ამ აღმართ-დაღმართში დროდადრო წამით შედგებოდნენ ხოლმე, გავიდა ერთი, მეორე... კოლიას თოფის ხმას ჩემიც შეუერთდა, მესამე, მეოთხე... ორი ვესროლე და დავაცილე, მეხუთემ გააკეთა კამარა და შეჩერდა, შეჩერდა და გავარდა ჩემი თოფი, პირუკუ ამოტრიალებული მარალი ჟუკანვე დაგორდა.

ბარაჩაკს, რომელსაც ვინ მოსთვლის, რამდენი ნადირი უხოცია, არ უსვრია ამჯერად, სტუმრისთვის უნდა ეცა პატივი და პირველობას იმიტომ მითმობდა. ჯერ მომილოცა, მერე კი მისაყვედურა: რატომ არ ესროლე, როცა გითხარი,

ჩვენ იმიტომ კი არ ვწვალობთ, რომ ცარიელები დავბრუნ-  
დეთ უკანო.

— ჩემო ბარაჩაკ, არც მერე ვესვრი სიყვარულის პაემან-  
ზე მაგ სერხით მოტყუებულ ნადირს. ეგ რა ვაუკაცობაა, მო-  
ვიტყუო და ისე ვესროლო! თქვენთან თუ ფრინველის მო-  
კვლა მიგაჩნიათ სირცხვილად, ჩვენთან მაგ ხერხით ნადირო-  
ბა საშარცხვინოა.

— ნადირი იმისაა, ყველა ხერხი უნდა იხმარო იმის სა-  
ჯობნად, — მიპასუხა გაგულისებულმა.

სხვათა შორის, ირემზე და შველზე მიტყუებით ნადი-  
რობა შუა აზიის გარდა საზღვარგარეთის ქვეყნებშიც ყო-  
ფილა გავრცელებული. მიუხედავად ამისა, საქართველოში  
ასეთი ნადირობის შესახებ არაფერი მსმენია და, მართალი  
გითხრათ, შეამაყება ეს ამბავი, ქართული ჭიდაობისა არ  
იყოს, ყოველი სპორტული სახეობა, უპირველეს ყოვლისა,  
რაინდული სულით უნდა იყოს სავსე. სწორედ ამის გამო  
გამახსენდა ჩვენი საყვარელი მეგობრის და სასიქადულო  
პოეტის ჯანსუღ ჩარკვიანის ლექსი.

ბამზე სტუმრობის დროს... თუმცა უკეთესია თვითონ  
მისი მოგონება და ლექსი გავიხსენო. აი, რა გვითხრა, ჯანსუღ  
ჩარკვიანმა:

„ბამზე მოგზაურობისას მაჩუქეს ტყის ქათმის ფიტულო,  
ისიც მიამბეს, თუ რა პირობებში ანადგურებდნენ ტაიგის ამ  
მშვენიერ მაგალობელ ფრინველს.

ამ ამბით გულნატკენს ფიტული იქვე დამრჩა, ხოლო გა-  
მოყოლილმა გულის ტკივილმა ეს ლექსი დამაწერინა.

ტყის ფრინველის ფიტულს ყიდდნენ,  
ფრინველს ერქვა ყრუალა.  
და ყრუალამ კიდით-კიდე  
ტყეებს გადაუარა.  
ყრუალა ტყის ქათამია,  
კუდგაშლილი ყრუალა.  
„ყრუალას ხმამ გადამრია“ —  
მღერის ერთი ხუმარა.  
იყიდება მუნჯი ყელი,  
იყიდება სამ თუმნად,  
წითელი და ლურჯი ფერი



ერთმანეთში ჩართულა.  
 ან ყრუალა ვინ დაარქვა  
 ტყის უბადლო მომღერალს!  
 იცის ყელის მოღერება,  
 ბულბულივით მოლხენა.  
 ფიტული კი განაბულა  
 სიმღერების ჯარად,  
 ნეტავ, ტყეში დაგაბრუნა,  
 მწვენიერო ყრუალა,  
 შენ ტაიგის მოსალხენი  
 როცა დაგიკენესია,  
 როცა მღერი, როცა მღერი,  
 სწორედ მაშინ გესვირან.  
 როცა მღერი, როცა ყრუ ხარ,  
 როცა ლეთისაც არ გესმის,  
 როცა შენი ტყისთვის სწუხხარ,  
 ვაიცი მაშინ დაგესხმის.  
 მაშინ გამოგასალმებენ  
 შენს მწობლიურ ბუნებას,  
 აი, კაცთა აღსარება,  
 აი, კაცთა ცდუნება.  
 არცა ტყე და არც ბალახი,  
 არც გალობა მდიდრული,  
 მაინც, მაინც დასამარხი,  
 მაინც, მაინც ფიტული.  
 მღეროდა და იმ საბრალოს  
 ვაცმა დღე დაუმოკლა,  
 ღმერთო ჩემო, როცა გალობს,  
 ოღონდ, მაშინ ნუ მოკლავ.

ყრუალას, ანუ სოდოს წინწენარი და ფეჭენარი ტყეები უყვარს, სადაც ბევრი ხავსი და სინესტეა. გაზაფხულზე და შემოდგომაზე დაწყვილების პერიოდი როცა იწყება, ერთ რომელიმე ამოჩემებულ ადგილზე ყრუალა იწყებს ტიხტიხს.

მამალი ყრუალა 8 კილომდე აღწევს. საოცრად ლამაზი შეფერილობა აქვს და მართლაც იშვიათი სანახავია, როცა ეს ლამაზი ფრინველი კუდს ფარშევანგივით გაშლის მარაოსებრ, ფრთებს მიწისკენ დაუშვებს, კისერს მედიდურად მოიღერებს გვერდზე და ეგრერიგად გაფხორილი ყოყოჩოპს დედლების წინაშე. მართალია, ამას მნიშვნელობა არა აქვს, მაგრამ საყვარელი პოეტი შეცდომაში შეუყვანიათ. ყრუალა

მგალობელი ფრინველიაო. გალობის რა მოგახსენოთ, ერთობ უნიჭო სიმღერა იცის, ანდა უფრო სწორად, ეს სიმღერა არცაა, ეს უფრო გულის სწორის ძახილია, მის წინაშე ბაქიაობა და ქოთქოთია.

ყრუალა ასე იწყებს თავის სიმღერას, თუ კი შეიძლება სიმღერა ვუწოდოთ. ორჯერ-სამჯერ თითქოს ასანთის კოლოფზე მისივე ღერი დავკარით წვერით — ტიკ! ტიკ! ტიკ! ამას უცხად ისეთი შიშინი მოჰყვება, თითქოს ღინამიტის პატრუქს ცეცხლი წაუკიდესო. აი, ეს გახლავთ ყრუალას მთელი გალობა. საინტერესოა ერთი რამ, როცა ფრინველი შიშინს იწყებს, თვალებს ხუჭავს და ამავე დროს ყურის ბარბანზეც რალაც ეფინება. ისე რომ ამ „შესანიშნავი“ სიმღერის დროს ვერც ვერაფერს ხედავს და არც არაფერი ესმის.

მონადირეც, რომელსაც წინასწარ ეუბნებიან, სადაცაა ყრუალას სატიხტიხე გაზაფხულზე, ღამით იმ ვარაუდით გადის სადგომიდან, რომ რიქრაჟზე იმ ადგილის მისადგომებთან იყოს. როგორც კი გაიგონებს ყრუალას სიმღერას, მონადირე წაიწვეს იმ მიმართულებით, საიდანაც სიმღერა ესმის. ჩვეულებრივ ის ორი-სამი ნაბიჯის გაკეთებას ასწრებს და როგორც კი ყრუალა ჩერდება, ისიც რა მდგომარეობაშიც არ უნდა იყოს, ისე უნდა გაქვავდეს, სანამ ფრინველი ისევ დაიწყებს თავის „სიმღერას“, თორემ გაჩუმებული ყრუალა ყველაფერს ხედავს და, რაც მთავარია, ერთი ბეწო საეჭვო ხმაურიც არ გამოეპარება. ყრუალაზე მონადირეს საკმაოდ ჯანმრთელი ნერვები უნდა ჰქონდეს. დაეჭვებულ ყრუალას შეუძლია რამდენიმე წუთი ხმა არ ამოიღოს. ასეთ შემთხვევაში მონადირე რა მდგომარეობაშიც არ უნდა იყოს, ისე უნდა დარჩეს გაუნძრევლად. აი, ასეთი წვალებით სასროლ მანძილზე მიახლოებული მონადირე ესვრის თოფს.

მე ვერც დედლებთან საარშიყოდ გაყოყოჩებულ ყრუალას ვესროლე. ამიტომ კარგა ხანს იყო ჩემი სამონადირეო კოლექცია მისი ფიტულის გარეშე, ვიდრე კოსტრომის ოლქში, ბატზე და იხვზე ნადირობისას, ვილაცის მიერ დამფრთხხალმა ყრუალამ თავზე გადაფრენა არ მომინდომა.

რა ვიცი, მე ჩემი თავი მგონია მართალი, ბარაჩაკს კი თავისი...

იქვე გამოფატრეს მარალი. ჯიგარი ამოიღეს და ერთ დიდ კედარის ქვეშ დავანთეთ ცეცხლი.

— «Марала ухнешь, год хорошо проживешь» — „ესილიჩ“, ასე ამბობდნენ ჩვენი წინაპრები, ასე რომ, კარგად ვიცხოვრებთ.

დაბნელდა. სახელდახელოდ ავასხით მწვადი და ახლალა გავიგეთ, რომ ყველას დაგვეწყებოდა მარალი. ვახშამი გავვიუგემურდა. ისევ ძეხვსა და კონსერვებს დავჯერდით, ცოტაოდენი არაყი დავლიეთ და დავწექით.

ირიქრათა თუ არა, ცხენები შეეკაზმეთ, მარალი იქვე დავტოვეთ და ჩვენ ისევ გავუდექით გზას.

ისევ ამ თანმიმდევრობით მივდივართ, როგორც წინა დღით. მშვენიერი ამინდია. მზეც ამოვიდა. ჩვენს წინ კლდოვანი ფლატეა. ბარაჩაკი დაქვეითდა, ცხენი დატოვა და თვითონ წელში მოხრილმა წაიწია წინ. სულ რამდენიმე ნაბიჯი გადადგა, ხელით გვანიშნა ჩამოვსულიყავით ცხენებიდან. მი, მასავით წელში მოხრილი, ფრთხილი ნაბიჯით მივუახლოვდი ფლატეს. მოპირდაპირე ფერდობის შუაწელზე უზარმაზარი მურა დათვი ჩადიოდა ხევში არხეინად. ბარაჩაკმა უხმოდ, ხელებით მანიშნა საიდან უნდა მივპარვოდი დათვს ისე, რომ ნადირს არ შევემჩნეე. ჩვენს შორის პატარა ტინიანი გორა იყო და ის უნდა მეფარა. ნელ-ნელა დავიწყე ჩასვლა. ტინიან გორას მივუახლოვდი, ეხლა მე და დათვს ასი-ასორმოცდაათი მეტრი თუ გვეოფდა. უკან მოვიხედე ბარაჩაკისკენ, რომელმაც მანიშნა, ისევ ხევისკენ ჩამოდისო დათვი. გორაკის შემოვლა დავიწყე და საფარიდან გამოსულმა დავახაჯე, რალაციით დამფრთხალი დათვი როგორ შეტრიალდა გვერდულად და სერის გაყოლებით როგორ აპირებულა ტყიანში შესვლას. უმაღლ დავიჩოქე და იჭექა შაშხანამ, უზარმაზარ მუთაქასავით დაგორდა დათუჩი. ფრთხილად მივედი თოფმომარკვებულო. გულადმა ეგდო. საშინელი გრძნობა დამეუფლა, მაგრამ ამ დროს ბიჭებიც ჩამოვიდნენ და მოლოცვასა და სიცილში ცოტა გადამიარა უგუნებობამ. ტყვიას შიგ გულში გაევლო.

დათვის გამოშიგვნა დაიწყეს, მე ისევ უგუნებოდ შევიქენი. სანამ ამას მოათავებდნენ, მზე დაიკარგა, ღრუბლებმა დაფარა ცა და ხვავრიელი თოვა დაიწყო. გატყავებული დათვი იქვე მივატოვეთ და განვაგრძეთ გზა. ბარაჩაკი გვაჩქარებს, რამდენიმე სერი გადავიარეთ და ტყიანიდან მოწინააღმდეგე ფერდობზე მარალების უზარმაზარ ჯოგს მივადექით. დიდხანს არჩევდა ბარაჩაკი მარალს, ბოლოს, ერთ-ერთი ძალიან ლამაზრქებიანი აარჩია და ესროლა, ადგილზე დაემხო ხარი.

ეხლა კი სამუშაო გაჩნდა. გავატყავეთ, ავქენით, არჩემაკებში თანაბრად დავანაწილეთ, ავკიდეთ ცხენებს და დავეშვიტო უკან. დათვი ისევ ადგილზე დავტოვეთ, წინა ღღეს მოკლული მარალი ჩავალაგეთ არჩემაკებში და სადილობისას ბინას მივადექით. ბარაჩაკსა და კოლიას არც დაუსვენიათ, ისე გაცალეს თავიანთი არჩემაკები და დათვის ჩამოსატანად გაბრუნდნენ. მე კი დამტოვეს — დაისვენეო.

სანამ ისინი დაბრუნდებოდნენ, საშა კურაკინი და ექვთიმე იურჩიკი სადილის კეთებას შეუდგნენ.

თოვლმა გადაიღო და ისევ მზე გამოვიდა.

მთიან ალთაიში მე მგონი არაა ადგილი, საიდანაც არ ჩანდეს ბელუხა, რა თქმა უნდა, კარგ ამინდში. და აი, ახლაც უზარმაზარი ბროლის ლარნაკივით აელვარდა მზეზე. ბელუხა ალთაის სიამაყეა, სილამაზის სიმბოლო. ამიტომ, როცა ბელუხას ახსენებს ალთაელი, უნებლიედ მის სახეზე ღიმილი ჩნდება. ამას აქვს კიდევაც საფუძველი, რადგან ბელუხა, გარდა იმისა, რომ თვითონ ძალიან ლამაზია, მისი შემოგარენიც გასაოცარი სილამაზისაა — ხეობებით, მთებით, უღელტეხილებით, მყინვარებით, ჩანჩქერებით, მართლაც საოცარი ჩანჩქერებითა და განუმეორებელი სილამაზის ტბებით.

ბელუხაზე მისასვლელად რამდენიმე გზაა და ყოველ მათგანს თავისი განუმეორებელი სილამაზე ახლავს. თუ, მაგალითად, ბელუხაზე ყადნის ხეობით გინდა მოხვდე, საქაროა უსტ-კოკსის გავლით ჩახვიდე სოფელ ტუნგურში, გადახვიდე ყადნის მეორე ნაპირზე და ულამაზესი ტაიგით მდინარე კუჩერლის სანაპიროთი შეუდგე გზას კუჩერლის

ტბისაკენ, რომელიც ტყიდან რალაცნაირად, მოულოდნელად ჩნდება მორენის ბორცვის მხრიდან, რომელიც ჩრდილოეთიდან შესდგომია ტბას. ჩამავალი მზის სხივებში ტბა მოქანდაკის საქრეთლით ამოკვეთილსა და დათოვლილი მწვერვლების ჩარჩოში ჩასმულს ჰგავს. მთის სუფთა ჰაერი ხაზს უსვამს ტყიანი სანაპიროსა და ბროლივით გამჭვირვალე წყლის საზღვრის სიმძაფრეს.

ადამიანს აქ კუჩერლის კიდევ ერთი საოცრება ელს: წინ მზის სხივებში ელავს 70 მეტრის სიმაღლიდან დაქანებული, ჰაერში დაკიდებული ტიგეეკის წყალვარდნილი, უფრო სწორედ, ყინულვარდნილად ქცეული წყალვარდნილი. ასეა რამეს საქვეყნოდ ცნობილ ჩვენს მთებშიც ვერ ნახავს კაცი.

ბილიკი ტბის სანაპიროთი მიჰყვება ულამაზეს ტაგს მდინარე კონი-აირის სათავისაკენ. აქ მდინარის მიერ შექმნილი მკვეთრად დაქანებულ კლდეებში მომწყვდეულ კედლებში ჩაფლულ კონიონს ზემოთ საზღვარია ტყესა და ალპიურ მდელოებს შორის. აქედან ბელუხაზე ერთი გზა ყაღანის ქედით, ყაღანის ხეობიდან სამხრეთით გაივლი პიშევიკებისა და ნემიციკი I-ის უღელტეხილებს, შემდეგ ნემიციკი II-ის და როსტოვ-დონის, შემდეგ იოლდის და იოლდო-აირის უღელტეხილებს და ჩახვალ იოლდის ხეობაში. ყველა ეს უღელტეხილები თოვლიან-კლდოვანია. კუჩერლის ტბის შემოგარენში უამრავი კენკრა, სოკო და კედარის კაკალია.

გრძელი, მაგრამ იოლად სავალი კარა-ტურეკის უღელტეხილის გავლით მიდინარ აკემის ხეობაში. გაივლი აკემის ტბას და ბელუხას ჩრდილო ყინულოვანი კედლის ქვეშ, მყინვართან მიდინარ. თითქმის ვერტიკალური ყინულოვან-თოვლიანი გოლიათის ხილვით, მთის ბუნების სიდიადით, მყინვართა შემონაზარდებისა და ყინულით გასიპული კედლების ცივი სუნთქვით საოცრად გრანდიოზული შთაბეჭდილება გიპყრობთ. აქედან გ. ტიტოვის უღელტეხილამდე სულ ახლოა.

მდინარეების დიდი და პატარა კოკ-კულის შესართავთან ოცდაათი მეტრის სიმაღლიდან დაშვებული წყალვარდნილი ქვემოთ ტინებზე იმსხვრევა და წყლის წვეთები საოცარი სილამაზის მუდმივ ცისარტყელას წარმოქმნის.

ბიჭები ჩამობრუნდნენ. კარვის წინ გამართულ სუფრას შემოვეუსხედით და, აი ის იყო სადილს უნდა შევექცეოდით, რომ იურჩიკმა ბნედადაცემულსავით გადმოქაჩა თვალები, ხელები მთებისკენ გაიშვირა, რაღაც არეული დაიყვირა და კარავში შევარდა. ჩვენც მთებისკენ გავიხედეთ და საკვირველი რამ დავინახეთ: საოცარი ფერების უზარმაზარ სიგარას ბოლოში ალი მოსდებოდა და კადრილის ხეობის გადაჭრით. მარჯვნივ, სადღაც შორს, არგუთის ხეობის სათავისკენ ეშვებოდა.

კარვიდან გამოვარდნილმა ფოტოაპარატმომარჯვებულმა ექვთიმემ ველარ მოუსწრო საოცარ სანახაობას. გუნებაწამხდარმა აღარ იცოდა, საით წაეღო ფოტოაპარატი.

კარგა ხანს ვიმკითხავეთ, რა უნდა ყოფილიყო ეს სანახაობა?!

ბოლოს ყველა ერთ დასკვნამდე მივედით, რომ ეს კოსმოსურ ხომალდთან დაკავშირებული რაღაცა იყო, კერძოდ, რა? ეს კი ჩვენთვის უკვე გაუგებარი იყო. გაუთავებელ ქაქანში სადილი ვახშმად გვექცა, მადიანად შევექეციით მარალისა და დათვის ხორცს. კარგ გუნება-განწყობილებას სასმელმაც შეუწყო ხელი, მერე კი საშა კურაკინმა ისევ მთიანი ალთაის ისტორიაში დაგვაბრუნა...

\* \* \*

ალთაელ მოსახლეობაში მისიის გავლენის გაძლიერება ზაისან-ბაიების მაღალ საზოგადოებას მოსვენებას უკარგავდა. ალთაელ ექსპლოატატორთა მაღალ საზოგადოებას არ სურდა დაეკარგა თავისი მონოპოლისტური გავლენა თვისტომთა და თანამემამულეთა შორის, არ სურდა სამისიონერო სოფლებისთვის გამოყოფილი მიწებისა და სავარგულების დაკარგვა. ისინი ყოველგვარ ზომებს იღებდნენ: იყენებდნენ როზგს, მათრახს, აოხრებდნენ ახლადგანათლულთა მეურნეობებსა და სოფლებს, აპატიმრებდნენ და ხოცავდნენ კიდეც...

მთიანი ალთაის რუს ახალმოსახლეთა ჩასახლება კი ისევ გრძელდებოდა და სულ უფრო თვითდინების ხასიათი ეძლეოდა. ამ დინებას ხელს უწყობდა წერილები, რომლებსაც

თავიანთ სამშობლოში გზავნიდნენ ახალმოსახლენი. ყოველ წერილში ერთი მთავარი აზრი იყო, რომ აქ „მიწები, საძოვრები, ტყეები ბევრია და ლატაკს არც უპურობის ეშინია“. ამდაგვარი ცნობები უდავოდ ზრდიდა მთიან ალთაიში საცხოვრებლად გადასვლის მსურველთა რიცხვს.

მაგრამ ყოველი ახალმოსახლე როდი პოულობდა „ბედნიერებას“ ახალ ადგილზე. კლიმატი, სილატაკე, ხან კი საქონლისა და ფულის სრული უქონლობა არ აძლევდა ახალმოსახლეს გაკვირვებიდან თავის დახსნის საშუალებას. ახალმოსახლეთა მძიმე მდგომარეობით სარგებლობდნენ მდიდარი ძველმოსახლენი. ციმბირის ისტორიის მკვლევარი ა. მ. ბერკენჰეიმი წერს, მდიდარი ძველმოსახლე ახალმოსახლეებს სამფა ტყავს აძრობსო: ის ახალმოსახლეზე ასაღებდა საქირო და არასაქირო ნივთებს სამმაგ ფასში. მაგალითად, 8 კაპიკად ღირებულ ნახევარჩარეჭა ნავთს ახალმოსახლეზე ყიდდა 27 კაპიკად, ერთ ფუთ 30-კაპიკიან ჭვავს 50—60 კაპიკად ასაღებდა და ასე შემდეგ. ხოლო, როცა ახლადმოსახლე ძველმოსახლეზე რაიმეს ყიდდა, მას ღირებულზე სამჯეროთხჯერ უფრო ნაკლებ ფასს უხდიდნენ.

მდიდარი ძველმოსახლენი ამავე დროს ყოველნაირად უშლიდნენ ახლად გადმოსახლებულებს მათს სოფლებში ჩასახლებას. და, თუ კი ისინი მაინც ახერხებდნენ ამას, ძველმოსახლენი მათ განუწყვეტლად ესმოდნენ თავს, სტაცებდნენ საქონელს, უწამლავდნენ ნათესებს, აოხრებდნენ მათს სათიბებსა და საძოვრებს. მიუხედავად ამისა, ღარიბ ალთაელ ძველმოსახლეთა მხარდაჭერით, ახალმოსახლეთა რიცხვი დღითი-დღე იზრდებოდა.

ა ბ ე

...რამდენიმე დღით კიდევ ვაპირებთ ალთაის მთებში დარჩენას, ამიტომ დღეისათვის ნანადირევს მოვლა სჭირდებოდა, რომ არ გაგვფუჭებოდა. ორივე მარალი ამოვრბილეთ, ხორცი მოგვძო ნაჭრებად ამოვქენით და ცელოფანის დიდ ტომარაში ჩავალაგეთ. შავი პირპილი, დაფნა, მარილი ჩავაყარეთ, რამდენიმე ბოთლი ძმარი დავასხით, ტომარას

თავი მოუუქართ და ზემოდან დიდი ქვა დავადეთ. დილით გრძელ-გრძელად დაჭრილი ხორცის ლენტები გასუფთავებულ ჯოხებზე გადავკიდეთ, ადრევე გამზადებულ გრძელ ტრანშეზე გადავაწყვეთ ჯოხები და ჩურჩხელებივით დაკიდებულ ხორცს ქვემოდან ცეცხლი შევეუნთეთ. ასე გამოვიყვანეთ ბოლში თითქმის ორასამდე კილო ხორცი.

ამავე დღეს, სადილზე პირველად გავსინჯეთ ჩილიკი. ჩილიკს ალთაელები წვივის ძვალს ეძახიან. ბარაჩაკმა გულდასმით გაასუფთავა წვივის ძვლები და შუა ცეცხლზე დააღაგა, იცინოდა — დელიკატესი უდა გაჭამოთო. გუნებაში ვიფიქრე, თუ ბარაჩაკის მიერ შემოთავაზებული ციყვივით რაღაც დელიკატესია, ღმერთს მადლობას მოვახსენებ-მეთქი. როცა ძვლებს მუქყავისფერი დაედო, მან ჯერ ერთი ააღო, სიგრძეზე დაჭრა დანა და ძვალი სწორ ზოლად გაიხსნა სიგრძივ. ბარაჩაკმა ძვლის ერთი ნახევარი მოაცილა, მეორეზე ადუღებული, მოყავისფრო ტვინი იყო. მომაწოდა, გასინჯეო. ცამციმ გამოვართვი, ცოტაოდენი მარილი წავაყარე და ფრთხილად დავიწყე ჭამა. მართალი გითხრათ, ძნელია იმ სიამოვნების აღწერა, რაც მე განვიცადე. წარმოუდგენლად გემრიელი რამაა. ამავე დროს ძალზე ნოყიერია, ტყუილად ნუ იფიქრებს ვინმე, რაგინდ მშვიერიც იყოს, ერთ ჩილიკზე მეტი შეჭამოს. კაცმა ეს რომ გაიგოს, თვითონ უნდა გასინჯოს ალთაელი მონადირის მიერ დამზადებული ჩილიკი.

კოლიას მიერ დაჭერილი თევზის დიდი ნაწილი უბრალოდ დავამარილეთ, დანარჩენი კი მზეზე გავკიდეთ გასახმობად.

ხორცს ალთაელები, ისევე როგორც სხვა მომთაბარენი, სხვადასხვანაირად ინახავენ, უფრო სწორად კი, იმის მიხედვით, რა პირობებშიც ხვდებიან და რა საშუალებებიც გააჩნიათ. თუ მაღალ მთებში არიან, სადაც მყინვარებია, ყინულში ინახავენ, თუ უფრო დაბლა — გამდინარე ყინულოვან წყალში დებენ. ჭინჭარში ახვევენ; დაამარილებენ და რაიმე ჭურჭელში დებენ, ამავე დროს ჭურჭელში მარილისაგან დაგროვილ სისხლსა და წვენს ხშირ-ხშირად გადაწურავენ ხოლმე.

ალთაელთა სუფრა არ გამოირჩევა კერძების მრავალფე-



როვნებით, ისევე, როგორც ყველა მომთაბარისა. ხორცი შემწვარი, ხორცი მოხარშული... უპირველეს ყოვლისა, არ უნდა დაგვაფიქვდეს ის გარემოება, რომ ბოსტნეული, ბაღჩეული მთიან ალთაის არ გააჩნია. არ არის არც ხილი... თუ არ ჩავთვლით ტყის ძირხვენებსა და კენკროვანებს, რისგანაც ისინი აკეთებენ წვენებს და მურაბებს.

ძირითადი საკვები ცხენისა და ცხვრის ხორცია, რის დამზადებასაც მართლაც და ოსტატურად არიან დაუფლებულნი. ცხვარს, მაგალითად, ხარშავენ ძალზე ცოტა წყალში და ძალზე დაბალ ცეცხლზე. ხარშავენ მთლიანად, თავფეხებიანად. ძალიან კარგად ასუფთავებენ და იმდენად დიდხანს ხაშავენ, რომ მე მეგონა, ხორცი ფლავივით აიზილება-მეთქი. მაგრამ, ნურას უკაცრავად! ქვაბიდან მოხარშულსა და შემწვარს შორის, მსგავსი, რაღაც უფრო ჩათუშული, მაგრამ ზომიერი სიმაგრის ხორცის ნაჭრებს ამოალაგებენ თეფშზე — ძალზე გემრიელს.

როდესაც ალთაელები სადღესასწაულო სუფრისთვის ემზადებიან, მაშინ, რაღა თქმა უნდა, დიასახლისები ცდილობენ მთელი თავიანთი ხელოვნება გამოაჩინონ. დიდ გობში დააგროვებენ დაკლული ცხვრის სისხლს, აურევენ შიგ რძეს, შეურევენ წვრილად დაჭრილ ხახვს, წიწაკას და შიგანას ქონს. ყოველივე ამას ჩატენიან წინასწარ გამზადებულ გასუფთავებულ სწორ ნაწლავში, აქეთ-იქიდან თავს მოუკრავენ და ხარშავენ. ამის შემდეგ მიიტანენ სუფრაზე. ამ საქმელს კან ჰქვია. რაც ალთაურად სისხლს ნიშნავს.

ცხვრის კუქს კარგად გაასუფთავებენ. დაჭრიან წვრილ გრძელ ნაჭრებად შიგანის ქონსაც ასევე წვრილ მოგრძო ნაჭრებად დაჭრიან. კუქისა და ქონის ნაჭრებს ერთმანეთს მიადებენ სიგრძეზე და ადრევე გამზადებული საგანგებოდ გარეცხილ-გასუფთავებულ წვრილი ნაწლავით ერთმანეთზე გადააწნავენ, შემდეგ დიდხანს ხარშავენ და ასე მოაქვთ სუფრაზე. ამ კერძს დაგომი ჰქვია.

ფრინველზე, როგორც უკვე მოგახსენეთ, ალთაელი მონადირეები ხელს არ ისვრიან. ვაკეაცის საქმედ არ მიაჩნიათ მათზე ნადირობა და ამიტომ ფრინველის შეწვის ეს ხერხი, რომელსაც ეხლა მოგახსენებთ, ყირგიზებისგან აქვთ ნასწავ-

ლი: გაუბუტავ ფრინველს გაქრიან მუცელზე, გამოშიგნავენ, ჩააყრიან მარალს, ამოკერავენ განაქერს. ამის შემდეგ ფრინველს მთლიანად ამოავლებენ თიხაში და ნალვერ-დალში ჩაფლავენ. როცა თიხა ცეცხლში გამაგრდება, გამოიღებენ და თიხას გატეხავენ. თიხასთან ერთად ფრინველს ბუმბულიც შემოეცლება. ძალიან ნაზი და გემრიელი გამოდის ასე შემწვარი ის ფრინველიც კი, რომელიც საერთოდ ცნობილია თავისი ხორცის სიმაგრიით.

აცხობენ და კამენ ქერის პატარა ნამცხვრებს. ქერის ფქვილს მოზელენ რძეში, დაჭრიან და ამრგვალებენ როგორც საშუალო სიდიდის ბილიარდის ბურთებს და ყრიან უზარმაზარ ტაფაზე, რომელშიც დულს ცხვრის ქონი. გარკვეული დროის შემდეგ ამოიღებენ ამ ოქროსფერ ბურთულებს და აციებენ. მოგეხსენებათ, ცხვრის ქონის თვისება, იგი მალე ცივდება. აღნიშნული ნამცხვარი, რომელსაც ჰურის მაგივრად იყებებენ და აურსაკი ჰქვია, არ იყინება, არ ხმება და დიდხანს არ ობდება, გარდა ამისა, ძალზე ნოყიერი და მგზავრობაშიც ადვილი სატარებელია საგზლად.

რა არის ალთაელისათვის ჩაი? ამ კითხვაზე ძნელია პასუხის გაცემა, ანდა პირიქით. მათ ჩაის გარეშე სიცოცხლე ვერ წარმოუდგენიათ. მაგრამ ჩაი, ამ სიტყვის სრული მნიშვნელობით, მათ ძალზე გვიან გაიგეს. აი, რას ეძახიან ისინი ჩაის: ოქროს ფესვების, მარალის ფესვების, წითელი ფესვების და კიდევ მრავალი სამკურნალო მცენარის ნახარშს, წვეს.

რომელიმე ამ მცენარეს აადულებენ ჩაიდანში, ან ქვაბში. ადულების შემდეგ დაამატებენ მარალს გემოვნების მიხედვით და ცხიმს (კარაქს ან ცხვრის ქონს), რის შემდეგაც ისევ აადულებენ — ესაა ჩაი, მაგრამ თუ ამას კიდევ მოხალული ქერისგან დანაყილ ღერლილსაც დაამატებენ, ამას უკვე ტალკანი ქვია. ეს ალთაელთა საყვარელი სასმელებია. რასაც ისინი ყოველივე სიკეთეს მიაწერენ, რაც კი შეიძლება ადამიანს მოუტანოს ყოვლისშემძლე წამალმა.

ისე კი, დღეს ალთაელთა უმრავლესობა ჩაის უშაქროდ, რაით სვამს.

დამყავებული რძისაგან, რომელსაც ჩეგენი ჰქვია, სპეცია-

ალური აპარატით ხდიან არაკას, რომლის გამოხდაზე და თვისებებზე აღარ შეეჩერდები, რადგანაც დაწვრილებით გამბეთ, კარანდაშოვების ოჯახში რომ გავსინჯეთ ის. აი, ამ არაკას გამოხდის შემდეგ დარჩენილ მასას კარგად გაწურავენ მარლის ქსოვილში, შემდეგ სქელ ფაფისებრ მასას დაჭრიან აბრეშუმის ძაფით და შუა ცეცხლზე სპეციალურ საბოლავეებზე დაალაგებენ, სადაც ის ბოლში გამოდის და მაგრდება. შედეგ დანით სიშავეს გადაფხეკენ და ისე ჭამენ. ამას სირჩიკი ჰქვია.

მეორე დილით ადრე ავდექით. ცხენები მოვრეკეთ, ხორციტ დატენილი არჩემაკები და ტანსაცმელ-აღჭურვილობა ავკიდეთ და ქვევით, სოფელ ინიასთან, ჩუის ტრაქტისაკენ დავეშვიტ.

გეგმით სოფელ ინიაში ვტოვებთ ხორცს, ვემშვიდობებით ჩვენს იქაურ მონადირეებს და ვალერის ამარა მანქანით ისევ ჩუის ტრაქტით კოშაგაჩისაკენ მივდივართ, რათა იქიდან ტუკებზე წავიდეთ სანადიროდ. ისე რომ, სოფელ ინიადან ზემოთ ვიჭერთ გეზს.

მაღალ, ფრიალო კლდოვან მთებშია განლაგებული პატარა სოფელი ედრო. მისგან რამდენიმე კილომეტრზე არის თეთრი ბომი. რევოლუციამდელ პერიოდში ჩუის სავაჭრო გზაზე ეს იყო ყველაზე ძნელი და სახიფათო ადგილი. აქ დასაპალნებული ალაგ-ალაგ ცხენებიც ვერ უვლიდნენ ერთმანეთს გვერდს. როცა ადამიანი ამ ვიწრო ადგილს უახლოვდებოდა, იძულებული იყო, გაეჩერებინა ცხენები, თვითონ კი წინ წასულიყო, ბილიკზე ქუდი დაედო და ასე გაეფრთხილებინა შემხდურნი.

სამოქალაქო ომისა და ბანდიტიზმთან ბრძოლების პერიოდში თეთრი ბომი ხშირად ციხე-სიმაგრეს წარმოადგენდა. აქ ჩასაფრებულ პატარა რაზმსაც კი შეეძლო მოწინააღმდეგის დიდი ძალა შეეჩერებინა. ახლა აქ აღმართულია საბჭოთა ხელისუფლების მტრებთან დაუნდობელ ბრძოლებში დაღუპულ წითელარმიელ პარტიზანთა ძეგლი.

გზის 442-ე კილომეტრზე მდებარეობს ერთ-ერთი ყველაზე მაღალმთიანი სოფელი ჩიბიტ. ჩიბიტ ნიშნავს ნაძვს და, მართლაც, ნაძვნარშია ჩაფლული სოფელი, რომელიც

ზღვის დონიდან 1444 მეტრზეა. სოფელი, თურმე, რუსი მისიონერების მიერ არის დაარსებული XIX საუკუნის ოთხმოციან წლებში. აქ პირველი ჩუის მაზრის სამმართველო იყო. აქედან ხუთი კილომეტრის დაშორებითაა დიდი, კეთილმოწყობილი სოფელი აკტაში.

ამის შემდეგ გვხვდება სოფელი კურაი, რომელშიც მეორე ჩუის მაზრის სამმართველო არსებობდა. ამჟამად სოფელში სამი ათასამდე მოსახლეა.

შემდეგ ტრაქტი მიჰყვება კურაის ველს, რომელიც სულ მალა-მალა იწევს. შემდეგ ისევ პატარ-პატარა ტბებით დაფარული ველი იწყება და ზღვის დონიდან 1750 მეტრის სიმაღლეზე შევდივართ სოფელ კოშაგაჩში, რომელიც გასული საუკუნის ორმოციან წლებში დაარსებულა...

მანქანიდან გადმოსულებმა ბარგი-ბარხანა დავაბინავეთ, საშინაოდ გადავიცვიოთ და ვახშამს შევუღეკით.



მრეწველობის განვითარებასთან ერთად ალთაიში ნელ-ნელა წარმოიშვა მუშათა კლასი, მის საფუძველს წარმოადგენდა ყოფილი მალაროები. მალაროელთა უმრავლესობა ცენტრალური რუსეთიდან ჩასული ადგილობრივი გლეხები და ლატაკები იყვნენ. ალთაიში ძირითადად განვითარებული იყო ოქროს მოპოვება სადაც სამუშაო პირობები უკიდურესად მძიმე იყო. ცვლა 12 საათს გრძელდებოდა. შავი მუშა წელიწადში 54—60 მანეთს თუ გამოიმუშავებდა, ქარხნის ხელმძღვანელები ნიადაგ ატყუებდნენ მუშებს, მომატებულ ფასებში ასაღებდნენ მათთან პროდუქტებს და შინაგანაწესის უმნიშვნელო დარღვევისთვის ადებდნენ ფულად ჯარიმებს. სიბერის ან ხეიბრობის პენსიას ისინი არ ღებულობდნენ. ალთაის მუშები არაერთხელ გამოვიდნენ აშკარად მეფის თვითმპყრობელობის წინააღმდეგ. მალაროელთა პირველი გამოსვლა მოხდა 1865 წელს ზემინოგორსკის მალაროებში. 1880 წელს ბარნაულის, პავლოვსკისა და ლოკტევოს ვერცხლისსადნობ ქარხნებში მუშათა მღელვარება დაიწყო, რას შედეგადაც ბარნაულის მუშებმა ხელფასის მომატებას მიად-

წიეს. მაგრამ ყველაზე მინშენელოვან მოვლენად იქცა ბისტრიაანის ოქროს საბადოებზე 1894 წელს მომხდარი მღელვარება, რაც მუშებისადმი საბადოს ხელძქვანელთა უხეშმა და დამამცირებელმა მოპყრობამ გამოიწვია.

1894 წლის 13 თებერვალს მუშები არ გამოვიდნენ სამუშაოდ. ვერც პოლიციამ, ვერც ჭარიმებმა და დაყვავებამ ვერ გატეხა მუშათა ნებისყოფა. ისინი მტკიცედ იცავდნენ თავიანთ მოთხოვნებს: გაეძევიბინათ საბადოდან სამთო მუშაობის ზედამხედველი კავერინი, შეეჩერებინათ დღიური გამომუშავების ნორმის შემცირება. მუშები აგრეთვე პროტესტს აცხადებდნენ მუდმივი ჭარიმებისა და ანგარიშში მოტყუების გამო. მღელვარების აქტიურ მონაწილეთა შორის მოიხსენიება ალთაელი ალექსეი კარპოვი.

როცა პოლიციამ საბადოდან გაგდება დაუბირა, საბადოს მუშები ერთხმად აღდგნენ მის დასაცავად. უფრო გვიან მათ გაანთავისუფლეს კარპოვი პატიმრობიდან.

თითქმის მთელი თვე გრძელდებოდა მღელვარება. მიუხედავად იმისა, რომ 69 მუშა გააძევეს სამუშაოდან, შვიდს კი თითო წლის თავისუფლების აღკვეთა მიუსაჯეს, ბისტრიაანსკის საბადოს გაფიცვა მუშათა გამარჯვებით დამთავრდა. მათი მოთხოვნის უმრავლესობა დააკმაყოფილეს. გაფიცვებიდან მიღებულმა გამოცდილებამ თვალნათლივ აჩვენა მუშებს, რომ მათ გაერთიანებული ძალით შეუძლიათ გამარჯვების მოპოვება.

XIX საუკუნის დასასრულს მთიან ალთაიში, როგორც ადრე აღვნიშნეთ, საგრძნობლად გაიზარდა საეკლესიო-სამრევლო სკოლების ქსელი. რომ უზრუნველყოთ თავიანთი თავი ადგილობრივი კადრებით, მისიონერები, ხსნიდნენ მისიონერულ სკოლებს. 1897 წელს მთიან ალთაიში 25 სასულიერო სამრევლო სკოლა იყო, რომლებშიც 474 ბიჭუნა და 166 გოგონა სწავლობდა. მაგრამ ეს იყო წვეთი ზღვაში, რადგან მსურველი გაცილებით მეტი იყო. სასკოლო ასაკის ბავშვთა უმრავლესობა სხვადასხვა მიზეზების გამო ვერ ხვდებოდა სკოლებში.

ამას გარდა, ყველა სკოლა მოთავსებული იყო შეუფერებელ კეთილმოუწყობელ შენობებში, არ ყოფნიდათ სა-

ხელმძღვანელოები, დამხმარე სახელმძღვანელოები და სხვა სასკოლო ნივთები. მაგალითად, კებუზენის სკოლა სამლოცველოში იყო, ტუროჩანსკისა — გლეხის დაქირავებულ ქოხში. ბევრ სკოლას სჭირდებოდა შეკეთება, მაგრამ მისთვის არ იყო თანხები, მისიას კი ეს ამბავი სრულიადაც არ აწუხებდა. — ხოლო რუს გლეხთა სოფლებში დაარსებული სკოლები ისეთ სოფლებში, როგორცაა ჩერგა, კამლაკი, შებალინო, საერთოდ, სოფლის საზოგადოებისა და მზრუნველთა ხარჯზე არსებობდა. სკოლებში ძალზე დაბალი განათლების მასწავლებლები ასწავლიდნენ. განსაკუთრებით ძნელი მდგომარეობა იყო ამ მხრივ იმ სკოლებში, სადაც სოფლის საზოგადოებისა და კერძო მზრუნველთა ხარჯზე არსებობდნენ. ხშირად იქ სავსებით შემთხვევითი ხალხი მუშაობდა. მაგალითად, ჩერგას სკოლაში 1897 წელს მასწავლებლობდა „თადარიგის ეფრეიტორი კასატორბოკოვი, რომელსაც ოდესღაც უსწავლია სკოლაში“, შებალინოში — „საქალაქო სასწავლებლის მეორე კლასიდან გარიცხული“ — ბიისკელი ანდრეი რუდენკოვი, ხოლო კამლაკის სკოლაში მასწავლებლად იყო „სალდათის შვილი ექვთიმე იაჩმენოვი, რომელმაც ერთი წელი ისწავლა მისიონერთა სკოლაში“.

მაგრამ იყვნენ მასწავლებლები, რომლებსაც იმ დროის კვალობაზე კარგი განათლება ჰქონდათ მიღებული. ესენი იყვნენ: ყაზანის სამასწავლებლო სემინარიის კურსდამთავრებულები: მიხეილ ტაშკინოვი, სტეფანე ტოდოგოშევი და ივანე შტიგაშევი, რომლებმაც ძალ-ღონე არ დაიშურეს, რათა შეეტანათ მოიმთაბარე ალთაელთა საზოგადოებაში კულტურა და განათლება. მაგრამ ეს ყლორტები სულ მუდამ იწამლებოდა რუსიფიკატორული კოლონიური პოლიტიკით, რომელიც მიმართული იყო მშრომელი მასების გათიშვისკენ, რათა ისინი ბოლომდე გაუნათლებლნი და უვიცნი ყოფილიყვნენ, — ამით უფრო იოლი იქნებოდა თვითმპყრობელობის შენარჩუნება.

მეფის მთავრობა სრულიადაც არ ფიქრობდა ალთაელი ხალხის კულტურულ განვითარებაზე. რუსეთის შემადგენლობაში თითქმის მთელი საუკუნენახევრის მანძილზე ყოფნის პერიოდში მთიან ალთაში ოციოდე სკოლა აშენდა, ისიც

ძირითადად ბაიებისა და ზაისანთა ბავშვებისთვის. სოლო  
ალთაის მშრომელთა ფართო მასებს თავიანთი ბავშვების  
სკოლაში სწავლაზე ოცნებაც კი არ შეეძლოთ. სასულიერო  
მისიის მიერ რუსული გრაფიკის საფუძველზე შექმნილი ალ-  
თაური დამწერლობა ბაიების წრეებიდან გამოსული ალთაე-  
ლი ინტელიგენციის უმნიშვნელო ნაწილისათვის იყო ხელ-  
მისაწვდომი. მაგრამ, მიუხედავად ამისა, ალთაური დამწერ-  
ლობის შექმნა დიდი მოვლენა იყო.

დიდი ოქტომბრის რევოლუციამდე, როგორც ითქვა, მთი-  
ანი ალთაი წარმოადგენდა მეფის რუსეთის ერთ-ერთ ყვე-  
ლაზე ჩამორჩენილ განაპირა მხარეს. ადმინისტრაციულად  
იგი ტომსკის გუბერნიის ბისკის მაზრაში შედიოდა, ხოლო  
1917 წლის ივნისიდან — ახლად შექმნილი ალთაის გუბერ-  
ნიაში. 1914 წლის ცნობებით ამ ტერიტორიაზე 86 ათასი  
ადამიანი ცხოვრობდა. მათ შორის 47 ათასი ალთაელი იყო.

1916 წელს ახლანდელი მთიანი ალთაის ავტონომიური  
ოლქის ტერიტორიაზე არსებობდა 25 კუსტარული ყველ-  
კარაქის ქარხანა, რომლის პროდუქციის ღირებულება დაახ-  
ლოებით 20—25 ათას მანეთს უდრიდა. იყო რამდენიმე  
ტყავის ქარხანა, სამკედლო, საკასრო სახელოსნოები, წის-  
ქვილები და ფეტვის საცეხებები.

რძის პროდუქციის, ტყავის, მატყლის გადამმუშავებელ  
საწარმოებში ულალას და მთელ რიგ ჩამოსახლებულ პუნქ-  
ტებში, ტყის დამზადებისა და კედარის კაკლის შეგროვების  
ღროებით საწარმოებში მუშაობდა მუშების უმნიშვნელო  
რაოდენობა, ისიც სეზონურ სამუშაოებზე.

უკიდურესად ჩამორჩენილი იყო სოფლის მეურნეობა.  
მთიანი ალთაის მთელი მიწები და ტყეები, ისე როგორც  
მთელი ალთაის მხარისა, მეფის ოჯახის საკუთრებას წარმო-  
ადგენდა და ეწოდებოდა „საკაბინეტო“.<sup>1</sup>

მომთაბარე მეცხოველეობა, რომელიც ალთაელი ხალხის  
ძირითად მეურნეობას წარმოადგენდა, ექსტენსიურ ხასიათს  
ატარებდა. ადგილობრივი მოსახლეობა მეცხენეობას, მსხვილ-

---

<sup>1</sup> ანუ იმყოფებოდა „მისი უდიდებულესობის კაბინეტის“ განმგებ-  
ლობაში.

ფეხა რქოსან მესაქონლეობას, მეცხოველეობას, მეთხეობას, ნაწილობრივ მეთევითობას და აქლემების მოშენებას მისდევდა. საზაფხულო და საზამთრო საძოვრების მუდმივი ცვლა განაპირობებდა იმას, რომ საქონელი სულ მუდამ ხელით კვებაზე ჰყავდათ და ამიტომ მათი პროდუქტიულობა ძალზე დაბალი იყო. ძროხა სალაქტაციო პერიოდში 350—700 ლიტრამდე რძეს იწვევლიდა, ხოლო უჯიშო ცხვრები უმნიშვნელო რაოდენობის მატყლსა და ხორცს იძლეოდა.

ვაჭრობისა და ადგილობრივი ბაზრის განვითარება შლიდა ალთაელთა ნატურალურ მეურნეობას და ხელს უწყობდა მის ნელ-ნელა სავაჭრო მეურნეობად გადაქცევას. ალთაის მოსახლეობა, მართალია, მისი პატარა ნაწილი, მაგრამ მაინც გადადიოდა ბინადრობასა და მიწათმოქმედებაზე. რუსი გლეხების ჩასახლებით მცხოვრებთა რიცხვი გაიზარდა. 1917 წლისათვის მთიანი ალთაი იქცა შერეული ეროვნული შემადგენლობის რაიონად, რომელშიც ცხოვრობდნენ ძირითადად ალთაელები, რუსები და, ნაწილობრივ, ყაზახები.

როგორც ალთაელთა, ასევე რუსულ და შერეულ დასახლებულ პუნქტებში მოსახლეობა გონებრივად და კლასობრივად დიფერენცირებული და მეტ-ნაკლებად გაპარტახებული იყო.

ალთაელები პოლიტიკურად უუფლებონი და ჩამორჩენილები იყვნენ. ისინი ორმხრივ ჩაგვრას — სოციალურსა და ეროვნულს განიცდიდნენ. ცარიზმის პოლიტიკა ალთაელების, ისევე როგორც ყველა არარუსი ხალხების მიმართ, იმაში მდგომარეობდა, რომ ძირფესვიანად მოესპოთ მათი სახელმწიფოებრიობის საწყისებიც კი, ყველანაირად შეეჩერებინათ ეროვნული კონსოლიდაცია, ეროვნული კულტურის განვითარება, ჰყოლოდა მასები სიბნელეში. ყოველი 100 ალთაელიდან 97 წერა-კითხვის უცოდინარი იყო.

თუ მთიანი ალთაის ბაიებსა და ზაისანებს ათასობით ცხენის რემები, მსხვილფეხა რქოსანი პირუტყვი, ათეულ ათასობით ცხვრისა და თხის ფარები და ათასობით დესეტინა საუკეთესო მიწები და ტყეები ეკავათ, გლეხობა შიმში-



ლით სულს ლაფავდა და ყოველდღიურად სარჩოს რის ვაი-  
ვაგლახით შოულობდა.

პირველი იმპერიალისტურა ომის წლებში განაპირა ერე-  
ბის ჩაგვრა კიდევ უფრო გაძლიერდა. რუსეთის მზარდი რე-  
ვოლუციური მოძრაობა დიდ გავლენას ახდენდა ამ ხალხებ-  
ზე, მათ რაცხვში მთიან ალთაელებზეც. კოლონიალურა  
ჩაგვრას შედეგად 1916 წელს იფეთქა სახალხო ამბოხებამ,  
რომელიც მოედო ახლანდელი კომ-აგაჩის, უსტ-კანის, უსტ-  
კოკის, ონგუდაის რაიონების მოსახლეობას, ამბოხების მო-  
ზეზად იქცა მეფის მთავრობის მიერ მოქმედი არმიის ზურგ-  
ში სამუშაოებისათვის ალთაელებისა და ყაზახების მობილი-  
ზაციის გამოცხადება, რომლებიც აქამდე მეფის მოხელეებს  
ჯარში საერთოდ არ მიჰყავდათ.

აი რას სწერს ბიისკის სამაზროს პოლიციის უფროსა  
გუბერნატორის სახელზე დაწერილ პატაკში: „მოქმედი არ-  
მიის ზურგში სამუშაოდ არარუსების რეკვიზიის გამოცხადე-  
ბასთან დაკავშირებით პირველი მღელვარება კომ-აგაჩ ს  
მიდამოებსა და სასაზღვრო ზოლში დასახლებულ ყირგიზებს  
(ყაზახებს) და ტელენგიტებს შორის შეიმჩნეოდა. ამასთან  
ერთად, ყირგიზების ნაწილი გარბოდა უცხოეთში მონღო-  
ლეთის საზღვრებს მიღმა. აგვისტოს თვის დასაწყისში არარუ-  
სების მოგროვებისა და შემოწმების დროს მნიშვნელოვანი  
მღელვარება დაიწყო, მათ შორის უსტ-კანსკის თემის, სო-  
ფელ ტანგისა და ურსულის შესაკრებ პუნქტებში“. ეთნოგ-  
რაფი ა. გ. დანილინი კი 1916 წლის ამბოხებას ასე აღ-  
წერს:

„...აილში შეკრებილი ტეპკინა ბილკეშას მოჯამაგირიზ-  
მა გადაწყვიტეს: უნდა ალვდგეთ. ჩვენი ლიტოკა (ცელი)  
ხმალზე ბასრია, უნდა ვიბრძოლოთ. ბაი სეტუი ოიონოვს  
მოჯამაგირე მოხუცი კულჩიბაი ჩანიშევი, რომლის შვილც  
წვევანდელი იყო, პროტესტს აცხადებდა და ვაჰყვიროდა:  
„უნდა ლიტოკები ავიღოთ“. ყველანი განწყობილი იყვნენ  
მობილიზაციის წინააღმდეგ. უსტ-კანისა და უიმონის სოფ-  
ლების მემბოხეებმა შექმნეს ბირთვი, რომლებსაც შემდეგ  
ონგუდაელებიც შეუერთდნენ.

ქვების სეტყვით შეხვდნენ მაცნეებსა და შემდეგ აზო-

სულ სამხედრო პირებს შეამბოხენი. გაწვევა დროებით შე-  
ჩერდა.

ამბოხების ჩასაქრობად და მონღოლეთში გადახვეწილ-  
თა დასაბრუნებლად მეფის მთავრობამ კაზაკთა დამსჯელი  
საკმაოდ დიდი რაზმი გაგზავნა, რომელიც განსაკუთრებული  
სისასტიკით გამოიჩინოდა.

მეფის მთავრობის სასტიკი რეპრესიების წყალობით ამ-  
ბოხება ჩააქრეს, მაგრამ უკმაყოფილება მასებში სულ უფრო  
იზრდებოდა“.

1917 წლის თებერვალს პეტროგრადში მეფე გადმო-  
აგდეს. რუსეთში გაიმარჯვა ბურჟუაზიულ-დემოკრატიულ-  
მა რევოლუციამ, რომელიც მუშათა კლასისა და მისი ბოლ-  
შევიკური პარტიის მეთაურობით მშრომელთა მასების თავ-  
განწირული ბრძოლის შედეგად იყო მოპოვებული. რევო-  
ლუცია მუშებმა და ჯარისკაცებმა მოახდინეს, მაგრამ ძა-  
ლაუფლება ბურჟუაზიას ერგო.

დედაქალაქში ძალაუფლება დროებითი მთავრობის — ბურ-  
ჟუაზიისა და ბურჟუაზებულ თავად-აზნაურთა ხელში აღ-  
მოჩნდა. მაგრამ ამავე დროს მუშათა და ჯარისკაცთა საბ-  
ჭოების სახით ძალაუფლება გადაეცა საბჭოებს, რომელიც  
მუშათა კლასისა და გლეხობის რევოლუციურ-დემოკრატიუ-  
ლი დიქტატურის საწყისი ორგანო იყო. ამრიგად: ქვეყა-  
ნაში ორხელისუფლებიანობა წარმოიშვა. ანალოგიური პრო-  
ცესი ხდებოდა მთელ ქვეყანაში და მათ შორის მთიან  
აღთაიშიც.

პეტროგრადიდან სატელეგრაფო კავშირის შეწყვეტის  
გამო ცარიზმის დამხობის ამბავი ქ. ბარნაულში მხოლოდ  
1917 წლის 2 მარტს შეიტყვეს, მაგრამ ადგილობრივი მთავ-  
რობა ორი დღის განმავლობაში შეგნებულად უმალავდა  
ამას ხალხს. ქ. ბარნაულში 1917 წლის 4 მარტს შეიქმნა  
ახალი ბურჟუაზიული მთავრობა — „საზოგადოებრივი წეს-  
რიგის კომიტეტი“, რომელსაც დაექვემდებარა მთელი ადგი-  
ლობრივი ადმინისტრაცია.

მეორე დღეს შეიქმნა მშრომელთა დეპუტატების საერ-  
თო საქალაქო საბჭო, დეპუტატებმა აირჩიეს საორგანიზა-  
ციო ბიურო, რომელსაც დაევალა მოკლე დროში დაემთავ-

რებინა მუშათა და ჯარისკაცთა დეპუტატების გაერთიანებული საბჭოს შესაქმნელი სამუშაოების დამთავრება.

7 მარტს ბარნაულის გარნიზონის დელეგატთა კრებაზე შეიქმნა ჯარისკაცთა დეპუტატების საბჭო და აირჩიეს ათასეულების, პოლკების, გარნიზონების ჯარისკაცთა კომიტეტები.

ქ. ბარნაულის მუშათა და ჯარისკაცთა დეპუტატების საბჭოში უმრავლესობა მენშევიკები და ესერები აღმოჩნდნენ. მათვე განსაზღვრეს თებერვლის რევოლუციის პიოველ თვეებში ალთაიში საბჭოების პოლიტიკური იერსახე.

1917 წლის 12 მარტს დროებითი აღმასრულებელი კომიტეტი შეიქმნა სოფელ ონგუდაიში, მასში შევიდნენ სოფლის მცხოვრებთა რუსი და ალთაელი წარმომადგენლები.

ასეთივე აღმასრულებელი კომიტეტები შეიქმნა ოლქის სხვა დასახლებულ პუნქტებშიც.

ამ კომიტეტების ორგანიზატორები და სულისჩამდგურლები, როგორც წესი, იყვნენ ადგილობრივ მდიდართა ფენა და წვრილბურჟუაზიული ინტელიგენცია, რომლებაც ძირითადად არსებულ შესედულებებს იზიარებდნენ.

\* \* \*

კოშ-აგაჩი მთიანი ალთაის ყველაზე მაღალმთიანი რაიონული ცენტრია. სიტყვა კოშ-აგაჩი ტყის საფარს ნიშნავს, მაგრამ, სამწუხაროდ, თვალსაწიერზე ერთ ზეს ვერ დაინახავს ადამიანი. აქ მხოლოდ ბალახია და ისიც წლის არცერთ დროს არაა მთლად მწვანე. ამიტომაც, რომ ალთაის მხარის ბარიდან აყვანილი საქონელიც ვერა ძლებს აქ. მხოლოდ მთის განსაკუთრებული ჭიშის ცხვარი, მსხვილფეხა რქოსანი საქონელი და ცხენები ძლებენ. და არა მარტო ძლებენ, იქაურ ცხვარს არაჩვეულებრივად მსუქანი, გემრიელი, სხვა ცხვრისაგან განსხვავებით უსუნო ხორცი აქვს, ხოლო ძროხას, ბარის ძროხასთან შედარებით, უფრო ცხიმოვანი რძე და ხორცი.

ამჯერად ვალერი ჩაპტინოვი ამ რაიონის პარტიის რაიონის პირველი მდივნის რანგში დაგვხვდა. სამნი ვართ ჩასუ-

ლები — მე, რეზო სალუქვაძე და სოსო ბაბუაძე. რეზო სალუქვაძე აგრონომია და თავისი ცოდნა-გამოცდილება არც იქ დაიშურა. ონგულადი კომ-აგაჩის გზაზე სოფელ ინიასთან საოცარი მიკროკლიმატია. დაახლოებით სამოც პექტარ ფართობზე შრომისმოყვარე, ხილს მონატრებულ ხალხს ბაღი გაუშენებია. რეზომ, რომელსაც ადრე ნანახი ჰქონდა ეს ბაღი და აღფრთოვანებულიც დარჩა ვაშლის. მსხლის და ქლიავის ჭიშების მრავალფეროვნებით, ადრეული ჭიშის ვაშის ნერგები ჩამოუტანა მთავარ აგრონომს, აუხსნა რა სიმალლეზე უნდა გაეთხარათ ტრანშეები, ერთმანეთისაგან რა მანძილით უნდა დაერგოთ ყოველი ნერგი და ზამთარში როგორ და რით უნდა დაეფარათ ყინვისგან. სტუმრები და მასპინძლები ოცნებებში დავიძირეთ. წარმოვიდგინეთ მთიანი ალთაის ამ პატარა ბაღში მოყვანილი ყურძენი და ყველანი ისეთ გუნებაზე დავდექით, თითქოს უკვე მტეუნები ხელში გვჭეროდეს. არადა, მთიანი ალთაის კომ-აგაჩის რაიონში ხილზე ვინ იოცნებებს, როცა ყოველგვარი ბოსტნეული და ბაღიეული შემოტანილია. ალთაელ ხალხს შველის უამრავი ძირხვენა და კენკროვანი მცენარე, რომლებითაც სავსეა მათი ტყეები — წითელი და შავი მოცხარი, ყლო, წითელი მოცივი, ცირცელი, შტოში, ქაცვი. ალთაელთა ძირითადი საკვები ხორცია. ხორცი შემწვარი ან მოხარშული. ალთაელ ბავშვს, თურმე, კომბოსტო მისცეს და უთხრეს, ჭამეო. ბავშვმა გულმოდგინედ შემოაცალა ყველა ფოთოლი კომბოსტოს მოზრდილ თავს და რომ აღარაფერი დარჩა, იკითხა, რა ვქამო, როცა აქ არაფერიაო? (არაფერში აქ ხორცი იგულისხმება): ადვილად წარმოსადგენია ასეთ ადგილზე რას ნიშნავს საკუთარი ყურძნის მოყვანის პერსპექტივა, ვნახოთ, ჩვენც მოუთმენლად ველით პირველ მოსავალს. რეზო წერტილებით რჩევადარიგებებს არ აკლებს იქაურ კოლეგებს და ისინიც ყველაფერს დაწვრილებით ატყობინებენ;

ამჯერად ბარაჩაკი და ტე-ტეტკე აღარ არიან ჩვენთან. ნადრობას ვალოდია ციგანკოვი — რაიონის მთავარი ეგერი ხელმძღვანელობს. გეზი ელდუგენის მთისკენ გვაქვს აღებული.

ცხენებით საათნახევრიანი მგზავრობის შემდეგ პირველი უღელტეხილის თავზე მოვექეციტ და როგორც წესი, დავილოცეთ, უღელტეხილის გადალახვისა შევსვით. შესანიშნავი ამინდია. ჩვენს თვალწინ ულამაზესი ხეობაა გადაშლილი. ბარე სამი-ოთხი ასეთი უღელტეხილი გვაქვს გადასასვლელი, ახლა ხომ ტეკებზე მივდივართ სანადიროდ. ტეკები კი მიუვალ კლდოვან ადგილებში — მყინვარებშია სექტემბრის თვეში. დიახ, მიუვალ მყინვარებში, მხოლოდ ვაცები, თხები და შუნები არიან დაბლა, კარგ საბალახოებზე. ვაცები ოქტომბრის შუა რიცხვებამდე, როგორც უკვე მოგახსენეთ, მყინვარებში ძალზე ცოტა საკვებს იღებენ, წონაში იკლებენ, ბევრს მოძრაობენ, ერთმანეთს ექდავებიან, თავბრუდამხვევ ნაპრალებში დარბიან და ხტუნაობენ.

ოქტომბრის შუა რიცხვებში კი ჩამოდიან ქვემოთ და ყოველი მდედრი თხის დასასაკუთრებლად სამკვდრო-სასიცოცხლო ბრძოლას აჩალებენ ერთმანეთში. ამ ბრძოლებში გამარჯვებულს — ძლიერს საკმაოდ მრავალრიცხოვანი „ჰარემი“ ჰყავს.

ყველანი კარგ გუნებაზე ვართ. ცხენებიც ხალისიანად მიიწევენ მთისკენ.

შესალამოვდა, მწყემსების ნაბინავარს მივალწიეთ. აჰ, ორი პატარა მდინარის შესაყართან, კედრების ტყეში, პატარა მოედანია. მდინარეზა შესაყარს ქვემოთ რამდენიმე მორევია სანამ ბარგს ვხსნიდით, ცხენებზ და შეშას ვიმარაგებდით, კოლია აღჩუბაევმა დამიძახა და მორევში ჩამახედა. კამკამა წყალში ცისარტყელებივით ელავდნენ წითელხალიანი კალმახები. ერთი და იმავე მორევს სამჭერ ესროლა ბადე რეზო სალუქვაძემ და ორმოცდაექვსი ცალი კალმახი ამოიყვანა. იქვე გავასუფთავეთ, შევაზავეთ აჯოკით, ფოლგაში შევახვიეთ და ნაკვერჩხლებზე დავდეთ. ვახშმად სხვას არაფერს წაქარებია ვინმე.

ჩვენი მასპინძლები სასროლმა ბადემ გააოცა — ასეთი რამ მათ პირველად ნახეს, ჩვენც, რალა თქმა უნდა, კოშაგაჩში რომ დავბრუნდით, ვალერის დავუტოვეთ საჩუქრად.

1917 წლის 9 მაისს ვაჭარი და ყველკარაქქარხნის მეპატრონე ალთაელი ტობოკოვი ქ. ტომსკში ცნობილ ციმბირელ ობლასტნიკ გ. ნ. პოტანიჩისა და ალთაელ მხატვარ გ. ი. გურკინისადმი გაგზავნილ ტელეგრამაში სურვილს აცხადებდა 1 ივნისს მოეწვიათ ბიისკის მახრის არარუსი, ყრილობა მათი ინტერესების განსახილველად.

1918 წლის 12 მარტს სოფელ ულალაში გაიმართა მთიანი ალთაის სამხარეო დამფუძნებელი ყრილობა, სადაც დელეგატთა შორის იყვნენ ალთაის ყველაზე მსხვილი ბაიები, თეთრი ბანდების მომავალი ხელმძღვანელები, რუსი კულაკები.

ყრილობამ გადაწყვიტა გამოეყო ალთაის მთიანი მხარე განსაკუთრებულ ადმინისტრაციულ ერთეულად — ყარაყორუმ-ალთაის ოკრუგად და აირჩია აღმასრულებელი ორგანო — ყარაყორუმ-ალთაის საოკრუგო გამგეობა გ. ი. გურკინის თავმჯდომარეობით.

ამრიგად, ალთაიში საბჭოების საწინააღმდეგოდ შეიქმნა ბურჟუაზიულ-ნაციონალისტური ორგანო.

ყრილობამ მიიღო გადაწყვეტილება ყარაყორუმის ნაციონალური გვარდიის შექმნის შესახებ — „ატამანის“ მეთაურობით, რომელიც უფრო გვიან, სამხედრო ავანტურისტების, ჯალათების, სატუნინის და კაიგოროდოვის ბანდების მსგავსად, შეიარაღებულ ბანდად იქცა.

აღნიშნული ყრილობა იყო გაგრძელება 1917 წლის 1 — 6 ივლისს ბიისკში ჩატარებული ყრილობისა, რომელზეც ესერებისა და ნაციონალისტების მიერ ძირითად საკითხებად გამოყოფილი იყო არარუსი ადგილობრივი მოსახლეობის თვითმმართველობა, რომელსაც მათ შეარქვეს — „ალთაის მთის სათათბირო“.

მიწის შესახებ ყრილობამ მიიღო შემდეგი შინაარსის რეზოლუცია:

„1. მთიან ალთაიში მდებარე მთელი ყოფილი საკაბინეტო, სამონასტრო და სათადარიგო სამრევლო მიწები, ტყეები ხელშეუვლად უნდა გადაეცეს ალთაის არარუს მოსახლეობას.

2. რუსი მოსახლეობა უნდა დარჩეს იმ მიწებზე, რომლებიც მათ მიიღეს მიწათმოქმედების დროს...

3. მიწებზე საარენდო ხელშეკრულებები უნდა მოისპოს.

4. მიწით სარგებლობის ფორმა უნდა იყოს თემური.

5. მიწის წიაღისეულის დამუშავება არ უნდა დაუშვათ მთის სათათბიროსთან შეუთანხმებლად.

6. რჩება სარგებლიანი ადგილების გამოყენების ძველებური წესი...“

აქედან ჩანს, რომ ალთაის მთის სათათბირო თემური მიწათმფლობელობის მომხრე იყო, ეს კი მსხვილი ბაიების — მესაქონლეების ინტერესებიდან გამომდინარეობდა, იმ ბაიებისა, რომელთა უზარმაზარ ფარებს ეკავა მთელი მთიანი ალთაის ყველაზე საუკეთესო საძოვრები. კრძალავდა რა რუს ლატაკთა ჩამოსახლებას (მიუწერელ მოსახლეობას), სათათბირო ხარკს იხდიდა ბურჟუაზიული ნაციონალიზმის წინაშე. აგრარული საკითხის ამგვარი გადაწყვეტა სავსებით აკმაყოფილებდა ბაიების ინტერესებს. ამიტომ იყო, რომ მთიანი ალთაის ბაიები და კულაკები არა მარტო მხარს უჭერდნენ, არამედ მატერიალურ დახმარებასაც უწევდნენ მათ.

1917 წლის 25 ოქტომბერს (7 ნოემბერს) პეტროგრადის მუშათა, ჯარისკაცთა და მეზღვაურთა შეიარაღებული აჯანყების შედეგად მოხდა დიდი ოქტომბრის სოციალისტურ რევოლუცია. დროებითი ბურჟუაზიული მთავრობა დაამხეს და დედაქალაქში სახელმწიფო ძალაუფლება რევოლუციური კომიტეტის — პეტროგრადის მუშათა და ჯარისკაცთა დეპუტატების საბჭოების ხელში გადავიდა.

მიუხედავად იმისა, რომ რევოლუციის მომწიფების პროცესი მთელი რუსეთისათვის ერთიანი იყო, ქვეყნის ცალკეულ და ეროვნულ განაპირა რაიონებში იგი მნიშვნელოვანი თავისებურებებით გამოირჩეოდა. ეს ისევე, როგორც მთელი ციმბირისათვის, დამახასიათებელი იყო ალთაისთვისაც.

ეკონომიკურად და პოლიტიკურად ჩამორჩენილ მთიან ალთაიში ჯერ კიდევ ძლიერი იყო პატრიარქალურ-ფეოდა-

ლური გადმონაშთები. „გორნოდუმცები“, რომლებიც ეფარებოდნენ პოპულარულ ლოზუნგს — ერთა თვითგამორკვევას უფლებას, გულმოდგინედ ნილბავდნენ თავიანთ კონტრრევოლუციურ-ნაციონალისტურ მისწრაფებებს. ისინი ცდლობდნენ თვით დიდი ოქტომბრის რევოლუციის გამარჯვების ფაქტს კი დაემაღათ მშრომელებისათვის.

მთიან ალთაიში საბჭოთა ხელისუფლების დამყარებისათვის დიდ მნიშვნელობა ჰქონდა საგუბერნიო და სამაზრო ცენტრებში ოქტომბრის რევოლუციის გამარჯვებას.

მიუხედავად იმისა, რომ მთიანი ალთაის მშრომელთა მასები დარწმუნდნენ დროებითი მთავრობის უნიადაგობასა და კონტრრევოლუციურ არსში, ბევრს ჯერ კიდევ შემორჩენოდა ილუზიები დამფუძნებელი კრების მიმართ. დაიწყო დაუნდობელი ბრძოლა ორ ბანაკს შორის. მენშევიკებმა და ესერებმა მიაღწიეს იმას, რომ ბიისკის საბჭომ უარა განაცხადა ეცნო პეტროგრადში ოქტომბრის აჯანყების შედეგად დამყარებული საბჭოთა ხელისუფლება.

1917 წლის 10 დეკემბერს მუშათა, ჯარისკაცთა და გლეხთა ბიისკის დეპუტატთა საბჭოზე ხელახლა განიხილეს ხელისუფლების საკითხი.

ვენკის საყრელად მიიღეს ორი რეზოლუცია — ერთი ბოლშევიკ ა. ა. ტურუსოვისა, რომელმაც წამოაყენა წინადადება — მთელი ხელისუფლების მუშათა, გლეხთა და ჯარისკაცთა დეპუტატების საბჭოებისათვის გადაცემის შესახებ. და, მეორე, ესერი ჩუმიჩევისა, რომელმაც მოითხოვა საკითხის გადასაწყვეტად დალოდებოდნენ დამფუძნებელი კრების გადაწყვეტილებას. ტურუსოვის რეზოლუციის მხარი დაუჭირა 32-მა დეპუტატმა, 31-ის წინააღმდეგ, 9 დეპუტატმა თავი შეიკავა. ჩუმიჩევის რეზოლუციას მხარი დაუჭირა 43-მა დეპუტატმა 24-ის წინააღმდეგ, ხოლო 5-მა დეპუტატმა თავი შეიკავა.

1917 წლის 13 დეკემბერს საბჭოს საერთო კრებაზე ბოლშევიკებმა ერთხელ კიდევ გააკრიტიკეს ესერ-მენშევიკების საბოტაჟური მოქმედება და დემონსტრირებულად დატოვეს კრება.

ქ. ბიისკში ხელისუფლების საბჭოების ხელში გადას-



გლის შემდეგ დაიწყო მაზრის სოფლების გასაბჭოება. მათ შორის ერთ-ერთი პირველთაგანი იყო შებალინო.

საბჭოების შემადგენლობაში ყოველნაირად ცდილობდნენ მოტყუებით გამძვრალიყვნენ სპეკულანტები, რეაქციული თავადაზნაურობის ნაშვირნი, მეფისდროინდელი ოფიცრები და სხვა ჯურის საეკვო ელემენტები, რომლებიც ხელსაყრელ მომენტს ელოდნენ.

ძველი სახელმწიფო აპარატის ნგრევა და ახლის შექმნა მთიან ალთაიში ძალზე რთულ ვითარებაში მიმდინარეობდა, რასაც მნიშვნელოვანწილად ხელს უწყობდა „გორნოდუმცების“ ანტისაბჭოური საქმიანობა. ისინი ცდილობდნენ დაერწმუნებინათ ალთაელები, რომ არავითარი ცვლილებები არ მომხდარა და ხელისუფლებაში ბოლშევიკების მოსვლა დროებით ხასიათს ატარებდა და ა. შ.

ოქტომბრის რევოლუციის მონაპოვართა დასაცავად მთიან ალთაიში იქმნებოდა წითელგვარდიელთა რაზმები ღარიბი და საშუალო ფენების მოსახლეობიდან. მთიან ალთაიში ერთ-ერთი პირველი სასოფლო წითელგვარდიელთა რაზმი იყო სოფელ შებალინოში. ამ რაზმში ჯერ 20 წევრი გაერთიანდა, მერმე კი მისი შემადგენლობა 260-მდე გაიზარდა.

1918 წლის მაისში სოფელ ალთაისკში შეიქმნა წითელგვარდიელთა რაზმი, რომელშიც 50 კაცი შედიოდა. ეს რაზმი შემდეგ პლეტნიოვის რაზმს შეუერთდა და „თეთრჩეხებთან“ ბრძოლებში მონაწილეობდა.

არყის გამოხდასთან და სპეკულაციასთან გადამწყვეტი ბრძოლა, ცენტრალური ორგანოებისადმი ფართო დახმარება სურსათის დამზადების საქმეში, სოფლის ბურჟუაზიისა და სხვა უცხო ელემენტების წინააღმდეგ წითელი გვარდიის ორგანიზება, სამეურნეო-ფინანსური, კულტურულ-საგანმანათლებლო და სხვა ღონისძიებების განხორციელება, ყოველივე ეს, ისე როგორც სხვა საკითხები, წყდებოდა მთიანი ალთაის გლეხთა საბჭოების დიდი უმრავლესობით ისე, როგორც მოითხოვდა კომუნისტური პარტია და საბჭოთა მთავრობა.

1918 წლის გაზაფხულისათვის კულაკურმა და ბურჟუაზიულ-ნაციონალისტურმა ელემენტებმა გააძლიერეს წინა-

აღმდგეობა საბჭოთა ხელისუფლების წინააღმდეგ. ეს ვლინდებოდა ყარა-ყორუმთა გამგეობის კონტრრევოლუციურ საქმიანობაშიც, რომელიც უაღრესად გააქტიურდა 1918 წლის გაზაფხულზე.

ყარა-ყორუმთა გამგეობა უკიდურესად მტრულად დაუპირისპირდა საბჭოთა ხელისუფლებას სურსათის დამზადების საქმეში. 1918 წლის მაისის შუა რიცხვებში, როცა სოფელ ტარხანიში ჩავიდა წითელგვარდიელთა ოკუპაციანი რაზმი პურის აღსარიცხავად, მათ წინააღმდეგ სოფელ ულაღდან სწრაფად დაიძრა ყარა-ყორუმელთა შეიარაღებული რაზმი, რომელმაც ვერაგული თავდასხმით მთლიანად გაწყვიტა წითელგვარდიელები. ბიისკის საბჭო იძულებული გახდა, დაუყოვნებლივ გაეგზავნა სოფელ ბერიოზოვკატარხანიში წითელგვარდიელთა დიდი რაზმი, რომელმაც წესრიგი დაამყარა. ყარა-ყორუმელები კიდევ უფრო გააქტიურდნენ. თავს ესხმოდნენ სოფლებს და ხოცავდნენ სოფლის საბჭოების მუშაკებს. მდგომარეობა დღითიდღე მწვეადებოდა.

ყარა-ყორუმელთა კონტრრევოლუციური გამგეობის ანტისაბჭოთა საქმიანობას მხარს უჭერდნენ რუსი ვაჭრები, კულაკები და სხვა კონტრრევოლუციური ელემენტები.

მცირერიცხოვან წითელგვარდიელ რაზმებს ძალა არ ეყოთ შეეჩერებინათ კონტრრევოლუცია. ისევე, როგორც მთელ ციმბირში, საბჭოთა ხელისუფლებამ მთიან ალთაშიც დროებითი მარცხი განიცადა. დადგა შავი რეაქციის ხანა. თეთრგვარდიელი ყარა-ყორუმელები და კულაკები დაუნდობლად უსწორდებოდნენ საბჭოთა ხელისუფლების აქტიურ მშენებლებს.

როგორც ცნობილია, დიდი ოქტომბრის სოციალისტური რევოლუციის გამარჯვების პირველივე დღეებიდან იმპერიალისტური ქვეყნების მმართველთა წრეებმა დაიწყეს სამხედრო ინტერვენციის მზადება საბჭოთა სახელმწიფოს წინააღმდეგ.

სამხედრო ინტერვენციასთან ერთად იმპერიალისტებმა საბჭოთა ქვეყანაში ჩეხოსლოვაკთა კორპუსის ამბოხება მოაწყვეს.

ჩეხი და სლოვაკი ტყვეებისაგან შემდგარი კორპუსის

ფორმირება ანტანტის დახმარებით ჯერ კიდევ ოქტომბრის რევოლუციამდე დაიწყო იმ მიზნით, რომ ის გერმანიასთან ომში გამოეყენებინათ. 1918 წლის მარტში საბჭოთა მთავრობამ თანხმობა განაცხადა კორპუსი ვლადივოსტოკის პორტიდან წასულიყო საფრანგეთში. როცა ჩეხოსლოვაკთა ეშელონები გაიწელა პენზიდან ვლადივოსტოკამდე, მათ ამბოხება დაიწყეს. აქვე უნდა აღინიშნოს, რომ ადრე რუსეთის ტყვეობაში მყოფი ბევრი ჩეხი და სლოვაკი სამხედრო პირი საბჭოთა ხელისუფლების მხარეზე იბრძოდა. 200 ათასი სამხედრო ტყვეთაგან ამბოხებაში 60 ათასამდე ჯარისკაცი და ოფიცერი მონაწილეობდა.

სამხედრო ინტერვენციამ და „თეთრჩხთა“ ამბოხებამ, რომელიც 1918 წლის 25 მაისს დაიწყო, ბიძგი მისცა ციმბირის, ურალისა და ვოლგისპირეთის კულაკთა აჯანყებას.

უცხოეთის სამხედრო ინტერვენცია რომ არა, საბჭოთა ხელისუფლება სწრაფად მოუღებდა ბოლოს ანტისაბჭოთა კონტრრევოლუციურ ამბოხებებს.

ნოვონიკოლაევსკიდან ბარნაულისკენ მომავალი მტრის წინააღმდეგ პირველი წავიდა ბარნაულის წითელი გვარდია, ინტერნაციონალისტ-მადიართა ათასეული და ბიისკის წითელგვარდიელთა რაზმი. ალთაელ წითელგვარდიელთა მხარდაძმარ იბრძოდნენ სემიპალატინსკის, ნოვონიკოლაევსკისა და მთიანი ალთაის წითელგვარდიელთა რაზმები, მაგრამ ეს საკმაო არ იყო. კონტრრევოლუციონერებმა ზედიზედ აიღეს ნოვონიკოლაევსკი (ახლანდელი ნოვოსიბირსკი), ჩერეპანოვო, კამენი და ბარნაული.

თეთრგვარდიელთა აგენტებმა, რომლებიც ყარა-ყორუმის გამგეობის კანცელარიაში აფარებდნენ თავს, ჩეხოსლოვაკთა კორპუსის წარმატებებით აღფრთოვანებულებმა სოფელ ულალაში შექმნეს ეგრეთწოდებული „სამხედრო-რევოლუციური კომიტეტი“, რომელიც უშუალოდ საბჭოთა ხელისუფლების წინააღმდეგ საბრძოლველად შეიქმნა.

ყარა-ყორუმელთა ამბოხებას მხარი დაუჭირეს ბაებმა, რუსმა ვაჭრებმა, კულაკებმა, ესერებმა. უკანასკნელთა დახმარებით ყარა-ყორუმელთა რაზმმა აიღო სოფელი ალთაისკოე. ადგილობრივი საბჭო დაარბიეს, მისი წევრები შეიპ-

ყრეს. ამბოხების ჩასაქრობად ბიისკის საბჭომ მიავლინა ვ. ი. პლეტნიოვის წითელგვარდიელთა რაზმი, კონტრაგვოლუცური ამბოხება ლიკვიდირებულ იქნა.

ალთაისკიდან პლეტნიოვის რაზმი ულალასაკენ აპირებდა დაძვრას, როცა მიიღეს ცნობა, რომ თეთრებმა ბიისკი დაიკავეს. რაზმი სოფელ შებალინოში გადავიდა და გამაგრდა, მაგრამ მალე მას ალყა შემოარტყეს. სამხრეთიდან — კოშ-აგაჩიდან მათ ემუქრებოდა სატუნინის დამსჯელი რაზმი, ჩრდილოეთიდან — ყარა-ყორუმელები და თეთრები. რაზმი დაიშალა და ალყიდან გასვლისას დათქვეს შეხვედრის ადგილები, ფიცი დადეს და მცირე ჯგუფებად გადავიდნენ ბრძოლის პარტიზანულ მეთოდებზე.

დასავლეთ ციმბირში მტერს ყველაზე ხანგრძლივი და მედგარი წინააღმდეგობა გაუწია ბოლშევიკ პ. ფ. სუხოვის წითელგვარდიელთა ნაკრებმა რაზმმა. რაზმი შედგებოდა სემიპალატინსკელ, კოლჩუგინოელ ალთაელ წითელგვარდიელთა და ყოფილ სამხედრო ტყვე მადიართაგან (უნგრელებისგან), რომლებიც საბჭოთა ხელისუფლების დასაცავად იბრძოდნენ. კულუნდის სტეპების ბრძოლებით ორგზის გავლის შემდეგ სუხოვის რაზმი 1918 წლის აგვისტოში ავიდა მთიან ალთაიში. უკან დარჩა ორიათას ვერსიანი მძიმე ბრძოლებით აღსავსე გზა. წითელგვარდიელებს უნდოდათ მთიანი ალთაისა და მონღოლეთის გავლით გადასულიყვნენ საბჭოთა თურქესტანში.

მთიანი ალთაის მშრომელები, მიუხედავად დიდი საფრთხისა, მეგობრულად ხვდებოდნენ სუხოვის რაზმელებს. აწვდიდნენ სურსათს, ცხენებს, გამყოლებს, დროზე აცნობებდნენ მოახლოებულ საშიშროებას.

ბაიების, კულაკების და ნაციონალისტების დიდი შეშფოთება გამოიწვია სუხოვის რაზმის გამოჩენამ მთიან ალთაიში. სოფელ ულალიდან სასწრაფოდ გაიგზავნა თეთრგვარდიელთა რაზმი პორუჩიკ ლუბიმცევის მეთაურობით. კულაკ-ესერთა ჯგუფის დახმარებით მან მოაწყო წინაღობები და ორი საფარი. ორივე სანაპიროზე აქ, ყადნის ვიწრო ხეობაში 1918 წლის 10 აგვისტოს პ. ფ. სუხოვის რაზმი, რომელიც 250 მეომარს ითვლიდა, დამარცხდა.

· ცოცხლად გადარჩენილი წითელგვარდიელები შელამბულზე. თითო-თითოდ და პატარ-პატარა ჯგუფებად შეეფარნენ მთა ბაიტურის ციცაბო კლდეებს. მაგრამ გადარჩენა ბევრს არ ეწერა. მეოთხე დღეს კახაკებმა დაატყვევეს შინ-შილითა და წყურვილით განაწამები, მთებში გზადაზნეული წითელგვარდიელთა ორი ჯგუფი. ერთ-ერთ ჯგუფში იმყოფებოდა პ. ფ. სუხოვი. სოფელ ტუნგურში, კახაკთა პოლკოვნიკის ვოლკოვის ბრძანებით, დახვრიტეს პ. ფ. სუხოვი და 144 წითელგვარდიელი. სუხოვმა სიკვდილის წინ ჯალათებს ასე მიმართა: „თქვენ დახვრიტეთ ჩემი აწანაგები... დამხვრეტთ მეც, მაგრამ ვერ დახვრეტთ მუშათა კლასს, ვერ გაანადგურებთ საქმეს, რომლისთვისაც ჩვენ ვკვდებით. შორს აღარ არის შურისძიების ჟამი“.

დღეს წითელგვარდიელთა უკანასკნელი ბრძოლის ადგილზე და სოფელ კატანდაში სახლზე, სადაც 1918 წლის 9 — 10 აგვისტოს პ. ფ. სუხოვის შტაბი იდგა, მემორიალური დაფებია, ხოლო ძმათა სასაფლაოზე ძეგლია აღმართული.

ინტერვენტებისა და თეთრგვარდიელთა მიერ დაპყრობილ ტერიტორიაზე საბჭოთა ხელისუფლება დროებით ლიკვიდირებულ იქნა. ანტანტის იმპერიალისტების დასმარებით კადეტების, ესერების, მენშევიკების, ბურჟუაზიული ნაციონალისტების პარტიები კმნიდნენ კონტრრევოლუციურ მთავრობებს. ასე, 1918 წლის 30 ივნისს ომსკში შეიქმნა კადეტ-ესერ-მენშევიკთა ციმბირის დროებითი მთავრობა, რომელსაც ხელისუფლება გადაეცა „თეთრჩხთა“ ამბოხების პირველ დღეებში ჩამოყალიბებულ დასავლეთ-ციმბირის კომისარიატისაგან.

ციმბირის დროებითი მთავრობა დაუყოვნებლივ შეუდგა საბჭოთა ხელისუფლების მონაპოვართა ლიკვიდაციასა და ციმბირის ტერიტორიაზე ბურჟუაზიულ-თავადაწინაურული რეჟიმის აღდგენას. მძვინვარებდა ტერორი კომუნისტების, წითელგვარდიელების, საბჭოების მოღვაწეთა და საბჭოთა ხელისუფლების მომხრეთა მიმართ. სატუსალოები სავსე იყო პოლიტიკური პატიმრებით, გამოძიებისა და ყოველგვარი სასამართლოს გარეშე ათასობით ადამიანი დახვრიტეს და აწამეს.

„შემთანხმებლებმა, რომლებიც ოქტომბრის აჯანყებამ გარიყა... ხელი მიჰყვეს თავიანთ ჩვეულებრივ მუშაობას უკრაინაში, კავკასიაში, ციმბირსა და ვოლგაზე. მათ, ბოლოს, მიაღწიეს იმას, რომ საბჭოები ამ ადგილებში დამსობილ იქნენ და ბოლშევიკი მოღვაწენი დაქირავებულ ჩეხოსლოვაკებისა და რუსეთის თეთრგვარდიელების საჯიჯგნად არიან გადაცემულნი“<sup>1</sup>.

ყარა-ყორუმელთა გამგეობამ აქტიური დახმარება გაუწია ციმბირის დროებით მთავრობას. მთიან ალთაიში საბჭოები მოსპეს. პირველად გაანადგურეს ულალის საბჭო. სათემო და სასოფლო საბჭოების ნაცვლად შექმნეს სათემო და სასოფლო გამგეობები მამასახლისებით. საოკრუგო გამგეობას დაარქვეს ყარა-ყორუმ-ალთაის სამაზრო საერობო გამგეობა, ხოლო ყარა-ყორუმის ოკრუგი — მაზრად გარდაქმნეს.

კონტრრევოლუციის დროებით გამარჯვებისთანავე მთიან ალთაიში განუსაზღვრელი ძალაუფლება ჩაიგდეს ხელში სამხედრო თანამდებობის პირებმა. თეთრგვარდიელთა ოფიცრის ლუკაშევიჩის მეთაურობით დამსჯელმა რაზმმა უღმობლად გაუსწორა ანგარიში საბჭოთა ხელისუფლების მომხრეებს სოფელ მიუტასა და შებალინოში. საშინლად აწამეს საბჭოების ხელისუფლებისათვის მებრძოლნი ჩერგაში, ალთაისკში, ილინკაში, ჩორნი ანუაში და მთიანი ალთაის სხვა სოფლებში.

სატუნინის დამსჯელმა რაზმმა, რომელიც ბაურ-ნაციონალისტური და სისხლის სამართლის დამნაშავე ელემენტებისაგან შედგებოდა, კომ-აგაჩიდან ულალამდე მძიმე სისხლიანი კვალი დატოვა.

1918 წლის 14 ავლისს შტაბს-კაპიტანი სატუნინი თავისი დამსჯელი რაზმით ჩავიდა ულალაში, სასტიკად გაუსწორდა მშვიდობიან მოსახლეობას, რომლებიც საბჭოთა ხელისუფლებას ემხრობოდნენ. ასამდე ადამიანი გაროზგეს და დახვრიტეს.

სატუნინს სურდა ასევე გასწორებოდა საბჭოთა ხელისუფლების მომხრეებს კატანდაში, უსტ-კოკსაში და სხვა

<sup>1</sup> ვ. ი. ლენინი. თხზ., ტ. 28, გვ. 90.

სოფლებში, მაგრამ იქით გაგზავნილი მისი რაზმი მოხვდა ჩასაფრებული უიმონელების ცეცხლქვეშ და განიარაღებული იქნენ.

მოსახლეობის ძარცვა გადასახადებითა და ათასგვარი ბეგარით, ახალგაზრდობის გაწვევა თეთრ არმიაში და პურის, საქონლის, ქონების, ტანსაცმლის რეკვიზიცია, დამსჯელი რაზმების გაგზავნა, მასობრივი გაროზგვები და სხვა რეპრესიები მიზეზი გახდა მშრომელთა დიდი უკმაყოფილებისა. 1918 წლის შემოდგომაზე დაიწყო გლეხთა აჯანყებები, რომელიც სტიქიური, არაორგანიზებული ხასიათისა იყო და სისხლში ჩაახშეს.

გლეხთა აჯანყებებმა დიდმნიშვნელოვანი როლი შეასრულა პარტიზანული მოძრაობის განვითარებაში. აჯანყებას გადარჩენილი მონაწილენი არალეგალურ პირობებში გადადიოდნენ და შეიარაღებულ რაზმებს ქმნიდნენ. თეთგვარდიელთა ჩაგვრასა და თვითნებობას სულ უფრო ფართო ფენები გამოჰყავდა „ნეიტრალური“ პოზიციებიდან უერთდებოდნენ მათ.

კოლჩაკელთა მთავრობა ცარიზმის პოლიტიკას აგრძელებდა და თავს ასაღებდა „სრულიად რუსეთის მთავრობად“. მათი „ერთიანი და განუყოფელი რუსეთის“ შესახებ ყალბი ლოზუნგი სრულიადაც არ აწუხებდა ყარა-ყორუმელთა გამგეობას. მათ მიერ სამხედრო ავანტურებში ალთაელი ხალხის ჩათრევა ამკლავებდა მათს ანტიხალხურობას. ისინი მხარს უჭერდნენ პრაპორშჩიკ კაიგოროდოვის ინიციატივას — „ადგილობრივ მკვიდრთა ცხენოსანი დივიზიონის“ ჩამოყალიბების შესახებ. ადგენდნენ მოხალისეთა რაზმებს, თეთრებისათვის ამზადებდნენ სურსათს, აგროვებდნენ შეწირულობას. ამაში მათ აქტიურ თანადგომას უწევდნენ ადგილობრივი ბაები და ვაჭრები. ერთმა ვაჭარმა კარავაევმა ჩელუშმანში აღჭურვა, შეიარაღა და ცხენოსან დივიზიონში გაგზავნა 20 კაცი.

„ადგილობრივ მკვიდრთა ნაწილში“ რაკი სასურველ შედეგს ვერ მიაღწიეს, ყარა-ყორუმმა, კოლჩაკელთა სარდლობის მითითებით, გადაწყვიტა ალთაელი ხალხი სხვა ავანტურაში ჩაეთრია, გადაეყვანა კაზაკთა წოდებაში. ამ საქ-

მეში განსაკუთრებით აქტიურობდა იგივე პრაპორშჩიკი კაიგოროდოვი. იგი „ალთაელ მებრძოლ კაზაკთა ატამანობას“ უმიხნებდა. მაგრამ არც ეს ფანდი გაუვიდა. პოლიტიკურად უფრო მომწიფებულმა ალთაელებმა დიდი წინააღმდეგობა გაუწიეს ამ ყბად აღებულ ღონისძიებას. ისინი აშკარად გამოვიდნენ ყარა-ყორუმის ბურჯუაზიულ-ნაციონალისტური პოლიტიკის წინააღმდეგ, რომელიც ეროვნულ შულს თესავდა.



რეკრეატიუმი ყველანი ფეხზე ვიყავით. სახელდახელოდ ვისაუზმეთ და ელდუგენის მთას სამხრეთიდან შევეუდექით, რამდენიმე ხეობა პირწმინდად გავცხრილეთ, ჭიუხი არ დავიტოვებია მოუვლელი, მხოლოდ ერთგან დავლანდეთ ტეკების მოზრდილი ჯოგი, მაგრამ შეგვნიშნეს და მთის ჩრდილოეთის მხარეს გადაგვასწრეს. სალამოს დაქანცულები დავბრუნდით სადგომში, ცხენები საბალახოდ მივუშვით, ცეცხლი გავაჩაღეთ. ვალოდია და კოლია ვახშმის მზადებას შეუდგნენ, მე და რეზომ ბადით ისევ მდინარეს ჩავაკითხეთ და ოცდაათამდე კალმანით გავამდიდრეთ ჩვენი სუფრა.

დილით ავიყარენით და უკან დავუყევით ხეობას. სამიოდე საათის შემდეგ კოშ-აგაჩისაკენ მიმავალ ბილიკს გვერდი ავუარეთ და პატარა მდინარის ხეობით ელდუგენის მთას ჩრდილოეთიდან მოვექეცით. ალპური ზონისკენ მივდივართ. ტყიანი გათავდა, ბალახით და კორომით მოფენილ ხეობას მივყვებით. მთის ძირას, საიდანაც პიტალო ჭიუხები იწყება, ჯგუფად ოციოდე კედარი დგას. ამ კედრების ძირში დავიდეთ ბინა.

ელდუგენის მთიდან ჩვენს სადგომამდე წამოწვდილი ქელი ორ ხეობად ყოფს მთის ჭიუხებთან მისასვლელს.

დღეს ვისვენებთ, ხვალ დილიდან, მარჯვნივ მდებარე ხეობიდან წავალთ მთის ჩრდილო-დასავლეთი მხარის ჭიუხებისაკენ, ზეგ კი ჩრდილო-აღმოსავლეთის მხრიდან შევალთ. ასეთია ჩვენი თავმონადირის ვალოდია ციგანკოვის გეგმა.



1919 წლის 2 აგვისტოს სოფ. ზიმინოში (ახლანდელ თოფჩიხინოს რაიონი) დაიწყო გლეხთა აჯანყება, რომელმაც დასაბამი მისცა პარტიზანული ომის დასაწყისს ალთაის მაზრაში. აჯანყებულებმა შექმნეს მთავარი შტაბი.

აჯანყება აგვისტოს შუა რიცხვებში ბარნაულის მაზრის სოფლებიდან მთიან ალთაის მოედო. სოფლებში იკრიბებოდნენ გლეხები, აქამდე იატაკქვეშეთში მყოფი ბოლშევიკები, ყოველი ჯარისკაცი და ადგილობრივი მკვიდრი, რომლებმაც უკვე შეიგნეს კოლჩაკელთა, თეთრგვარდიელთა და ყარა-ყორუმელთა პოლიტიკის უნიადაგობა; იქმნებოდა და დღითიდღე იზრდებოდა შეიარაღებული რაზმები.

პარტიზანები, რომლებსაც შაშხანები აკლდათ, იარაღდებოდნენ სანადირო თოფებით, შუბებით, პისტოლეტებით.

აჯანყებულთა რაიონებში კოლჩაკელთა ხელისუფლების ორგანოები საერობო სამმართველოები — ლიკვიდირებულ იქნა, მათ ნაცვლად იქმნებოდა რევკომები — საბჭოთა ხელისუფლების დროებითი ორგანოები. პირველ ხანებში სასოფლო რევოლუციური კომიტეტები პარტიზანული რაზმების სურსათით, ტანსაცმლით იარაღით მომარაგებანე ზრუნავდნენ, ჰქმნიდნენ იარაღის სახელოსნოებს, აგროვებდნენ ტყვიის, სპილენძის ნივთებსა და სხვა მასალებს დენტისა და ვაზნების დასამზადებლად. დღე და ღამე იჭედებოდა შუბები. ჩორნი-ანუელი მჭედელი ნ. ფ. გარუსოვი ფარქხებიდან შუბებსა და ხმლებს აკეთებდა. სახალხო ოსტატების მიერ თვითნაკეთი ქვემეხებიც კი ქონდათ აჯანყებულებს. ერთ-ერთი ასეთი ქვემეხი სოფელ აბაიში გააკეთა გამოცდილმა მჭედელმა პ. მ. მისტრიუკოვმა.

აჯანყებულთა და დამსჯელთა შორის სასტიკი ბრძოლები გაიმართა. ბევრი სოფელი რამდენჯერმე გადადიოდა ხელიდან ხელში. აჯანყებულთა უპირატესობას შეადგენდა მათი მაღალი საბრძოლო სულისკვეთება, მაგრამ ისინი იარაღის, განსაკუთრებით საბრძოლო მასალების დიდ ნაკლებობას განიცდიდნენ. მაგალითად, ბელი-ანუის რაზმში 300 მებრძოლზე სულ 30 სანადირო და საბრძოლო თოფი ჰქონ-

დათ, დანარჩენები თვითნაკეთი შუბებით იყვნენ შეიარაღებული. სოფელ ბარაგაშის რაზმში 47 მებრძოლს 3 შაშხანა, 8 ბერდენა ჰქონდა, ხოლო დანარჩენ 36 კაცს — შუბები და ძველი ფილთა თოფები.

აჯანყებულთა მთავარი ტაქტიკური ნაკლი ბრძოლის დასაწყისში მათი მოქმედების შეუთანხმებლობა იყო. აჯანყებულთა წვრილი, ცუდად შეიარაღებული რაზმები ერთმანეთისაგან მოწყვეტილნი, ცალ-ცალკე, ერთიანი ხელმძღვანელობის გარეშე იბრძოდნენ. მათი მოქმედება შეზღუდული იყო ადგილობრივი შტაბების მიერ და თავიანთ თემს არ სცილდებოდნენ. ბევრს რაზმში არ გააჩნდათ საბრძოლო ნაწილებისათვის აუცილებელი სამხედრო დისციპლინა.

აჯანყებულთა მოძრაობას დიდ ზიანს აყენებდა მათ რიგებში შეპარული კულაკურ-შოვინისტური, ანარქისტი სისხლის სამართლის დამნაშავეთა და სხვადასხვა ჯურის მტრულად განწყობილი ელემენტების საბოტაჟური მოქმედება.

1919 წლის სექტემბერში დაიწყო მთიანი ალთაის პარტიზანული მოძრაობის ასალი ეტაპი. აჯანყებულთა წვრილ-წვრილი, ერთმანეთისაგან დამოუკიდებელი მცირერიცხოვანი რაზმები ბოლშევიკურად განწყობილი ყოფილი ფრონტელების ინიციატივით დიდ შენაერთებად გაერთიანდა. ასე, სექტემბრის პირველ რიცხვებში სენტელეკის, ბაშელაკის, სოლონეშევსკის და სხვა აჯანყებული სოფლების რაზმების ბაზაზე შეიქმნა პირველი პოლკი, რომელსაც სათავეში ჩაუდგა სოფელ მალი-ბაშელაკის მკვიდრი, ყოფილი უნტერ-ოფიცერი, გლეხი ივანე ლიპატის ძე ნიკიფოროვი. სოფელ ბელიანუის, ჩორნი-ანუის, კელეიკის, ბარაგაშის, კუიაგანის, სოლონეშენსკის თემების აჯანყებულებმა ჩამოაყალიბეს მეორე პოლკი პეტრე დიმიტრის ძე კოკორინის მეთაურობით.

1919 წლის 23 სექტემბერს სოფელ ჩორნი-ანუიში ორივე ეს პოლკი გაერთიანდა და შექმნეს ბრიგადის ერთიანი შტაბი. ბრიგადის მეთაურად აირჩიეს პირველი პოლკის პარტიზანი ი. ი. ტრეტიაკი.

ივანე იაკობის ძე ტრეტიაკი, ეროვნებით ბელორუსი, დაიბადა მინსკის გუბერნიაში ლარიბი გლეხის ოჯახში. 1907 წელს ემიგრაციაში იყო ამიერიკის შეერთებულ შტატებში.

დაუახლოვდა რუს პოლიტიკურ ემიგრანტებს, სწავლობდა მარქსისტულ ლიტერატურას, იყო რუსი მუშების პროფკავშირთა გაერთიანების ერთ-ერთი ხელმძღვანელი ამერიკაში. 1918 წლის ზაფხულში დიდი სიძნელეების გადალახვით, იაპონიის, კორეისა და ჩინეთის გამოვლით დაბრუნდა ნათესავებთან მთიან ალთაის გუბერნიაში კაზაკთა სტანიცა ჩარისკში. აქ მოუსწრო მას პარტიზანულმა მასობრივმა მოძრაობამ. დასაწყისში ი. ი. ტრეტიაკი აირჩიეს ახლად შექმნილი პარტიზანული რაზმების კომისრად. უფრო გვიან — ბრიგადის და დივიზიის მეთაურად. 1920 წელს რკპ (ბ) რიგებში შევიდა. სამოქალაქო ომის შემდეგ პარტიის ბიისკის სამაზრო კომიტეტის და საბჭოს წევრი იყო.

ბრიგადის შტაბმა მიიღო გადაწყვეტილება, წასულიყო უიმონის აჯანყებულთა რაზმთან შესაერთებლად, რომელსაც კაიგოროდოვის დამსჯელი რაზმი ავიწროვებდა. პარტიზანთა ბრიგადა, რომელიც 2000 კაცს ითვლიდა, დაიძრა უიმონსე და უსტ-კანისათვის ბრძოლაში პირველი დიდი გამარჯვება იზეიმა. უიმონის მხარის ფარგლებში მოქმედი წვრილი პარტიზანული რაზმებიდან ჩამოყალიბდა კიდევ ერთი მესამე პარტიზანული პოლკი, რომელსაც სათავეში ჩაუდგა ნოვო-შიპუნოვსკის სასოფლო საბჭოს თავმჯდომარე აჯანყებულთა მერ-შტაბის კომისარი სტეფანე გრიგოლის ძე ლადკინი. სამი პოლკისაგან შემდგარი დივიზიის მეთაურად ისევ ი. ი. ტრეტიაკი აირჩიეს.

პარტიზანები გადავიდნენ აქტიურ შეტევით მოქმედებაზე. შეიმუშავეს ჩუის ტრაქტის განთავისუფლების გეგმა, რომელსაც დიდი სტრატეგიული მნიშვნელობა ჰქონდა. იერიში ჩუის ტრაქტზე, რომელიც დაკავებული ჰქონდათ კოლჩაკელებს, გადაწყდა, ორი მიმართულებით ეწარმოებინათ.

ამავე დროს, კოლჩაკელთა სარდლობამ შეიმუშავა მთიანი ალთაის პარტიზანების განადგურების გეგმა. მათ წინააღმდეგ კოლჩაკელებმა დიდ ძალებს მოუყარეს თავი. ბიისკიდან გაგზავნილი რეგულარული ჯარების დასახმარებლად სასწრაფოდ ადგენდნენ კულაკთა დრუჟინებს. ბიისკის ნაკრები „სამთავრობო“ რაზმის უფროსმა პოდპოლკოვნიკმა

ხმელიოვსკიმ ჩამოაყალიბა და შეაიარაღა დრუჟინები შებალინოში, ონგუდაიში და კოშ-აგაჩში. ის ძალებს საჩქაროდ უყრიდა თავს უიმონში. მთიან ალთაის პარტიზანებთან ბრძოლაში თეთრგვარდიელებთან ერთად მონაწილეობდნენ ინტერვენტები. 1919 წლის 2 ოქტომბერს ბიისკიდან მთიან ალთაიში გაიგზავნა „თეთრჩეხთა“ რაზმი არტილერიითურთ. არტილერიასთან ერთად სასწრაფოდ გადაისროლეს ალთაის დივიზიონის პირველი ასეული, კარგად შეიარაღებული კაზაკთა ასეულები, ქვეითები.

შებალინოში ჩამოსულმა ხმელიოვსკის შტაბმა გასცა ბრძანება უიმონის ალების შესახებ.

კოლჩაკელებმა დაიკავეს უიმონზე მიმავალი მთის ყველა ბილიკი. 12 — 13 ოქტომბერს ღამით პარტიზანებმა ხელთ იგდეს ხმელიოვსკის ბრძანება უიმონზე შეტევის შესახებ. მიიღეს რა ეს ცნობა, პარტიზანთა რაზმმა გადაწყვიტა, დაესწრო მტრისათვის, თვითონ გადასულიყო შეტევაზე, ხელთ ეგდო ინიციატივა და გაენადგურებინა მტრის თითოეული რაზმი ცალ-ცალკე, ეს გეგმა პარტიზანებმა ბრწყინვალედ შეასრულეს.

პარტიზანებმა ხელთ იგდეს 400 შაშხანა, 200 „ნაგანი“, 150 ხმალი, რამდენიმე ყუთი ვაზნა, ხელყუმბარები და სხვ.

დივიზიის პირველი და მეორე პოლკები თავგანწირული ბრძოლით მიიწვედნენ წინ. გააფთრებული შეტევის შემდეგ გაანთავისუფლეს სოფლები ტუეკტუ, ონგუდაი, ხაბაროვკა, გავიდნენ ქვემო საბორნე გადასასვლელზე მდინარე ყადნს იქით კოსკეჩუში.

დიდი ბრძოლა გადაიხადეს 27 ოქტომბერს სოფელ ტუეკოსთან. მტრის ორათასიანი შენაერთი გააფთრებით იცავდა თავს, მაგრამ პარტიზანების შეტევას ვერ გაუძლეს და უკუიქცნენ. პარტიზანები მათ 100 კილომეტრის მანძილზე სოფელ მიუტამდე სდევნიდნენ. ამ ბრძოლებში მათ ტყვედ ჩაიგდეს ასამდე მოწინააღმდეგე, რამდენიმე 25 ვაზნიანი ავტომობილი „შოში“, 600-მდე შაშხანა, უამრავი, ვაზნა, ხმალი, „ნაგანი“, ხელყუმბარა, სამხედრო აღჭურვილობა და ცხენები.

ტუეკტეს, შებალინოს, მიიუტის, ჩერგის, კამლაკის და

ბევრი სხვა სოფლების მცხოვრებლებისაგან ჩამოყალიბდა პარტიზანთა მეოთხე პოლკი, რომლის უფროსადაც აირჩიეს ყოფილი ფრონტელი, სოფელ სენტელეკის მკვიდრი პირველი პოლკის პარტიზანი უსტინოვი.

დივიზია დღითი-დღე იზრდებოდა, მისი გამარჯვებები დიდ იმედს უნერგავდა მოსახლეობას და ვისაც კი იასადის ხმარება შეეძლო, ყველანი პარტიზანულ რაზმებში ეწერებოდნენ. ყალიბდებოდა ახალი პოლკები მოსახლეობის უფროსი ასაკისა და ახალმოწვეულთა ხარჯზე. დივიზიას თავის შემადგენლობაში უკვე 11 პოლკი ჰყავდა. როგორც ი. ი. ტრაქტიაკი აღნიშნავს თავის მოგონებებში, დივიზიაში მწყობრ-გარეშე ქვედანაყოფებთან ერთად 18 ათასი კაცი ირიცხებოდა.

1919 წლის ბოლოს ჩუის ტრაქტი ათასობით ურმითა და ალალით იყო გაქედილი. ჯარებთან ერთად მონღოლეთისაკენ გარბოდნენ ვაჭრები, კულაკები, რეაქციული ჩინოვნიკები და სასულიერო პირნი. თეთრგვარდიელთა ჯარებს სათავეში ჩაუდგა ცნობილი ჯალათი სატუნინი. მან შესძლო მორჩილებაში მოეყვანა მთიან ალთაიში უკან დახეული რაზმების უმრავლესობა, სატუნინს, კაიგოროდოვს და სხვა კოლჩაკელ ოფიცრებს სურდათ გამაგრებულიყვნენ მთიან ალთაიში, გადაექციათ ის საბჭოთა ხელისუფლებასთან ბრძოლის ბასტიონად. ამ მიზნით, მათ დაკავებულ სოფლებში ჩაატარეს მამაკაცთა მობილიზაცია, რაზმების რეორგანიზაცია. მაგრამ ყოველივე ამან ვერ უშველა კოლჩაკელებს. „კახაკთა ლინიაზე“ წარმატებით ჩატარებული ოპერაციების შემდეგ პარტიზანთა პოლკები გაემართნენ მთიანი ალთაის სიღრმეში უკანდახეულ კოლჩაკელთა რაზმების სალიკვიდაციოდ. 1919 წლის 23 დეკემბერს ჩუის ტრაქტი სოფელ ტოპუჩეისთან ხელთ იგდეს პარტიზანებმა. თეთრების რაზმები, რომლებიც იმყოფებოდნენ ჩემალეში, ჩერგასა და შებალინოში მოწყვეტილნი აღმოჩნდნენ ძირითადი ძალებისაგან. თეთრების თავგანწირული ცდები — გასულიყვნენ ტრაქტით ონგუდაისაკენ მთავარ ძალებთან შეერთების მიზნით, ფუჭი აღმოჩნდა. უფრო მეტიც, მათ ვერ გაუძლეს პარტიზანების შეტევას და უკან დაიხიეს, პარტიზანები მათ გონზე მოსვლის საშუა-

ლებას არ აძლევდნენ. 20 კილომეტრით წაიწიეს წინ და ბრძოლებით დაიკავეს შებალინო. მტერმა ჩუის ტრაქტიდან აღმოსავლეთით აპშუიახტა კასპას მიმართულებით დაიხია. მიაღწიეს რა მდინარე კურაის სათავეს, დაკყვნენ ჩუის ტრაქტამდე და ბოლოს თავიანთ მთავარ ძალებს შეუერთდნენ.

1919 წლის დეკემბერში დაიწყო კოლჩაკელთა უკანდახევა ჩუის ტრაქტით მონღოლეთისკენ, გააქტიურდა პარტიზანთა მოძრაობა მთიანი ალთაის ჩრდილოეთ რაიონებში. სოფელ ალექსანდროვკასთან პარტიზანებმა დაატყვევეს კოლჩაკელთა პოლკოვნიკი და ხელთ იგდეს ძვირფასეულით დატვირთული ოთხთვალა, რომელიც საზღვარგარეთ გაქონდათ.

გააფთრებული ბრძოლების შემდეგ პარტიზანებმა გაანთავისუფლეს სოფლები ულალა, ჩემოლი და სხვ. პორუჩიკ გორდიენკოს შენაერთთან ბრძოლებში გმირულად დაიღუპა მეხუთე ბატალიონის მეთაური ფ. ი. უსოლცევი. იგი დასაფლავებულია მშობლიურ სოფელ ონგუდაიში.



ალიონზე, ჯერ კიდევ როცა დღის სინათლეს არ გაემარჯვნა სიბნელეზე, ვალოდიამ წამოგვყარა „ლოგინებიდან“. ეტყობა, ცოტა მეტი მოგვივიდა წუხელ, თანაც, გამოუძინებლები, მთვარეულებივით დავბორიალობთ. ერთს წყალი მოაქვს ჩაისათვის, მეორე შეშას უმარჯვებს შუაცეცხლს. ვარეთ გავდივარ. ცივა. მდინარემდე ჩქარი ნაბიჯით მივედი, თბილ ჭემპრს ვიხდი, მეზღვაურის თბილ მაისურში ვრჩები. ერთხანს ცოტაოდენს გვარჯიშობ, შემდეგ მაისურსაც ვიხდი, მდინარის ნაპირზე თხელ ყინულს ვამტვრევ, მოხერხებულად ვდგები და ყინულოვანი წყლით დასველებული უხეში ნეჭით ვიწყებ საქამრემდე ტანის ზედას. პირველად თრთის ტანი, არ სიამოვნებს, მერე და მერე ეჩვევა. გამთენიისას ვხედავ ნეჭით ხეხვისაგან კიბორჩხალასავით დაწითლებულ ჩემს სხეულს დილის ბორიო რომ ესაღბუნება და მსიამოვნებს. კარგა მაგრად ვიმშრალე, მაისურს ვიცვამ და აილისაკენ მივდივარ.

დღეს მე და კოლია აღჩუბავევი ემორიგეობთ ბინაში. დანარჩენები სანადიროდ წავიდნენ. უგუნებოდ ვარ. იქაურობა მივალაგეთ. ცეცხლს შევუქეთეთ. კოლიამ თავის სათევზაო იარაღები აიღო. ორ-სამ საათში დავბრუნდებით, კიდევ რაღაც მითხრა და მდინარისაკენ გასწია.

დღის სინათლემ იმატა, გარეთ გამოვედი, ნისლი დაჩეჩილი მატყლივით გათხელდა და ცის გუმბათზე როგორც კი გამოაქყიტა მზემ, გრძელ მოძრავ ზოლებად დაიწყეს რწევა სამხრეთისაკენ დაგვიანებით მიმავალმა წეროებმა, რომლებიც უკვე მიიჩქარიან თბილი ქვეყნებისაკენ. მიფრინავენ, სადაც ჯერ მზე არ დაბერებულა, არ დაუქარგავს თავისი მაცოცხლებელი სითბო, სადაც ბრწყინავენ მოლივლივე მდინარეები და მწვანედ ბიბინებენ ხავერდოვანი ველები. მიფრინავენ და ნაღვლიანად, სულშემზარავედ გასძახიან ერთი მეორეს...

საძილე ტომარა გამოვათრიე გარეთ და გულაღმა გავიშოტე.

ნეტავი, თუ დარდობენ ჩრდილოეთს რომ ტოვებენ, ნეტავი, თუ უხარიათ, ჯერ კიდევ უცნობი სამხრეთისაკენ, ჩემი სამხრეთისაკენ რომ მიფრინავენ? რას გაიგებ? ღმერთმა უწყისი მიფრინავენ და ისევ გასძახიან ერთმანეთს...

ცას გაწოლილი ნაღვლიანი ფიქრის ზოლი ისევ მიიწევს სამხრეთისაკენ, სადაც მოუთმენლად მელიან ცხრა მთას იქით მყოფი სულზე ახლობელი ადამიანები.

არა, არაფერსაც არ ნაღვლობენ, ნუ შეგაცდენთ მათი სილამაზე და ნაღვლიანი გადაძახილი, მე არ მიყვარს მიმომფრენი ჩიტები, მე არ მჯერა მათი ცვალებადი ბუნებისა — ეგრერიგად იოლად რომ ტოვებენ თავიანთ სამშობლოს.

მახსენდება ნადირობისას ჩაწერილი უცნობი პოეტის ლექსი, რომელიც ჩემს აზრს იზიარებს. აი, ისიც, როგორც მახსოვს.

#### Т Е Т Е Р Е В

На перелетных птиц гляжу  
— в них что-то слабое такое,  
Кто любит Роднину свою  
Не покидает поле боя

При первом натиске врага,  
 При первой с непогодой встрече,  
 Еще не падают снега —  
 Крылатый дезертир далече.  
 В чужом краю, в чужой воде,  
 В тепле долины незнакомой,  
 Не хочет думать о судьбе  
 Суровой Родины огромной.  
 А дома — тетерев-косач  
 И в стужу милый лес не бросит,  
 Пускай над лесом выюги плач,  
 Пусть снегом лес родной заносит.  
 Он почву мерзлую клюёт,  
 Под коркой ледяной ночует,  
 Он верит, что Весна придет  
 И первый в честь неё токует.  
 Поет весну, поет зарю,  
 Поет про то, что вечно живо —  
 Про силу буйную свою,  
 Про ширь весеннего разлива.  
 Трусливо звонкий соловей  
 В чужбине ждет, не прилетает,  
 Когда над Родиною мосты  
 Победный марш Косач играет.

ისინი კი მიფრინავენ და გასძახიან — ერთი მეორეს... მიფრინავენ და მიაქვთ ჩემი... ჩქარა! ჩქარა!..

„...მიფრინავენ და მიჰყვებათ გაფრთხილებად ჩამორჩენილ წეროს ბედი...“

საიდანღაც მესმის ზაურ ბოლქვაძის შესანიშნავი სიტყვები...

საათის თეთრთმეტზე კოლია დაბრუნდა. ნადავლით კმაყოფილს, ინდაურივით გაფხორილს ხუთიოდე კილო ციმბირის კალმახი — ხარიუსი მოჰქონდა წკებლებზე ასხმული.

ქონში ცეცხლი ჩამქრალიყო. უსაქმური და ზარმაცი მეძახა. საძილე ტომრიდან წამომავლო შეშის დაპობა მიბრძანა. თვითონ კი თევზის გასუფთავებას შეუდგა.

სადილი გავამზადეთ. ცოტაოდენი წავიხემსეთ და ლოდინი დავუწყეთ დანარჩენებს. საათის ხუთზე მეწინავე ცხენოსანი გამოჩნდა, ვალოდია იყო. კარგად მენიშნა. ციცაბო, დაკლავნილ ბილიკზე სხვებიც გავარჩიეთ, მხიარული საუბრითა და გადაძახილებით გვიახლოვდებოდნენ.



1919 წლის დეკემბრის შუა რიცხვებში სოფელ ხაბაროვკაში სასწავლო კომანდის სალდათებმა 240 კაცის შემადგენლობით ამბოხება დაიწყეს და პარტიზანების მხარეს გადავიდნენ.

კოშ-აგაჩის რაიონის საზღვარზე ერთი ქვაბულია. სწორედ იქიდან გამოქცევიათ კოლჩაკელებს სალდათი შჩერბაკოვი, რომელიც ბოლშევიკებს თანაუგრძნობდა. მას, რაღა თქმა უნდა, მთელი ასეული დასდევნებია და უთანასწორო ბრძოლაში შჩერბაკოვი დაღუპულა, იმის გამო, რომ რუსმა ჯარისკაცმა ასე ძვირად გაყიდა თავისი სიცოცხლე, მაღლიერმა ალთაელმა ხალხმა მის პატივსაცემად იმ ადგილს ურუს-ოიკ (რუსის ქვაბული) დაარქვა და ამით უკვდავო მისი სახელი. მალე სოფელ ადროს საზღვარზე ჯარისკაცებმა, რომლებმაც უარი თქვეს საზღვარგარეთ გადასვლაზე სატუნინი სასიკვდილოდ დაქრეს. სატუნინის სიკვდილის შემდეგ კოლჩაკელთა ნაკრები რაზმის სარდლობა მიიღო პოლკოვნიკმა ელაჩიჩმა, ხოლო ერთი თვის შემდეგ სარდლობა ჩაიბარა კაიგოროდოვმა.

1920 წლის აპრილის შუა რიცხვებში პარტიზანთა და წითელგვარდიელთა რეგულარულმა რაზმებმა თითქმის დამთავრეს ალთაის ყველა სოფლის განთავისუფლება.

კაიგოროდოვის განადგურებული რაზმების ნარჩენები გადავიდნენ საზღვარს და თავი შეაფარეს ჩრდილო-დასავლეთ მონღოლეთს. მთებში დარჩენილი კოლჩაკელთა მცირერიცხოვანი ჯგუფები გარკვეული დროის მანძილზე აშინებდნენ ადგილობრივ მოსახლეობას. მაგრამ მტრის ამ პატარა, უმნიშვნელო ჯგუფებს ძალა არ ჰყოფნიდათ, მათს დასათრგუნავად, ისინის მალე იძულებული გახდნენ, დაეყარათ იარაღი. ნაწილი მონღოლეთში გაიქცა. მთიან ალთაიში მტრის საბოლოო განადგურების ცნობას დიდი სიხარულით შეეგება ხალხი.

ამრიგად, მთიან ალთაიში შეფარებული კოლჩაკელთა არმიის ნაწილები განადგურებულ იქნა. მათი განადგურებით მთიან ალთაიში სამოქალაქო ომი ბოლშევიკთა გამარჯვებით

დამთავრდა. მშრომელები შეუდგნენ მშვიდობიან შრომას, ბრძოლებით გამოწვეულ მძიმე იარების მოშუშებას.

სსრ კავშირის სახალხო მეურნეობის აღდგენა იწყებოდა რთულ და ძნელ ვითარებაში. უცხოურმა სამხედრო ინტერვენციამ და სამოქალაქო ომმა კიდევ უფრო გააძლიერა მრავალწლიანი იმპერიალისტური ომით გამოწვეული სახალხო მეურნეობის რღვევა. ციმბირა განსაკუთრებულ სიძნელებებს განიცდიდა ძალზე შემცირდა ქვანახშირის წარმოება და მოპოვება. შეწყდა ლითონისა და ცინკის წიაღისეულის წარმოება. ციმბირის სარკინიგზო მაგისტრალზე მთლიანად ან ნაწილობრივ იქნა დანგრეული. 167 ხიდი, ბევრი ვაგზალი, საწყობები და სხვა სარკინიგზო ნაგებობები. არასრული მონაცემებით კოლჩაკელებმა გაანადგურეს 56 ათასი გლეხის მეურნეობა, დაიტაცეს მილიონობით ფუთი სურსათი, ფურაჟი, ინტერვენციით ციმბირზე მიყენებული ზარალი 4 მილიარდამდე ომამდელ ოქროს მანეთს უდრიდა.

ალთაის გუბერნიაში ყველაზე დაზარალებული ბიისკის მაზრა აღმოჩნდა. აქ ნგრევა მასობრივ ხასიათს ატარებდა. 53-დან 21 თემის მოსახლეობას დახმარება სჭირდებოდა. მთიანი ალთაის მაზრაში 1917 წელთან შედარებით მესაქონლეობა 20 პროცენტით შემცირდა, მაგრამ ყოველივე ეს უმნიშვნელოა იმ აუნაზღაურებელ დანაკარგთან შედარებით, რაც მთიანმა ალთაიმ თავისი საუკეთესო შვილების დაკარგვით განიცადა. თეთრგვარდიელები, რომლებიც ხედავდნენ თავიანთ გარდაუვალ მარცხს, უმოწყალოდ ხოცავდნენ მშვიდობიან მოსახლეობას. იყო შემთხვევები, როცა აილში<sup>1</sup> 50 — 60 მშვიერი ბავშვის პატრონად 2 — 3 ქალიდა იყო დარჩენილი.

მთიან ალთაის, ისე როგორც ციმბირის სხვა რაიონებს, კიდევ ერთი დიდი უბედურება — მასობრივი ეპიდემიები დაატყდა თავს. მძვინვარებდა ყვავილი, პარტახტიანი და შებრუნებითი ტიფი. ზოგ ადგილებში მოსახლეობის 80 პროცენტი იყო ავად. „გარშემო, განსაკუთრებით ონგუდაიში და

<sup>1</sup> აილი — სოფელი.

უიმონში, პარტახტიანი ტიფი და შავი ჰირი მძვინვარებდა“.

ეპიდემიებთან საბრძოლველად იქმნებოდა პარტიული, საბჭოთა და ჯანმრთელობის დაცვის ორგანოების განსაკუთრებული კომისიები. მასობრივი დაავადების რაიონებში იგზავნებოდა მედიცინის მუშაკთა რაზმები, მათ მედიკამენტებით, სურსათითა და სპეციალური მასალებით ამარაგებდნენ ბარნაულიდან. მთელი პრაქტიკული მუშაობა დავალებული ჰქონდა განსაკუთრებულ სამეულს, რომლის შემადგენლობაში იყვნენ: ალაგიზოვი — სამაზრო რევოლუციური კომიტეტიდან, ანდრეევი — სასურსათო კომისრის მოადგილე და შავერკინი — ჯანმრთელობის დაცვის განყოფილებიდან. სამეული ვალდებული იყო ყოველ სამ დღეში ჩაებარებინა რევოლუციური კომიტეტისათვის გაწეული მუშაობის ანგარიში. გადაწყდა, მიემართა 78-ე ბრიგადის სარდლობისათვის თხოვნით — გაეცათ განკარგულება სამხედრო ნაწილებისათვის, რომ ყოველმხრივ დახმარებოდნენ მომარაგებით არარუს მოსახლეობას.

\* \* \*

1923 წლის 14 მაისს სახელმწიფო პოლიტიკური სამმართველოს ალთაის საგუბერნიო ბანდიტიზმთან ბრძოლის ციშირის განყოფილების მიერ დაპატიმრებული იქნა სტეფანე ივანეს ძე მოროზოვი. დაკითხვისას გამოიჩინა, რომ ის ჯერ კიდევ 1918 წლიდან ბანდის მოთავეს კაიგოროდოვის პირადი ადიუტანტი (ყოფილი პრაპორშჩიკი) სერგეი ანდრიას ძე სირომიატნიკოვი იყო.

გორნო-ალტაისკის შესაბამისი დაწესებულების არქივში, მთიდან დაბრუნების შემდეგ ასეთი რამ შევიტყეთ:

### სახ. პოლიტ. სამმართველოს ალთაის საგუბერნიო განყოფილებას

ამასთან ერთად გეგზავნებათ დაკავებული მოქ. სირომიატნიკოვი (იგივე მოროზოვი) კაიგოროდოვის ბანდის საქმის გამო. მასალები, რომლებიც ჩვენ ხელთა გვაქვს, გადმოგეგზავნებათ დამატებით.

მოქ. სირომიატნიკოვი იყო კაიგოროდოვის პირადი ადიუტანტი, ამიტომ მიიღეთ იზოლიაციის მკაცრი ზომები.

კაიგოროდოვის ადიუტანტის, სირომიატნიკოვის ჩვენებიდან

...დასავლეთ მონღოლეთი 1920 წელს დიდ გზას წარმოადგენდა. ამ გზით დადიოდნენ ჩინეთის სავაჭრო ფირმების ქარავნები, რუსი ვაჭრები და კოლონისტები კობდოში, ულანგომში, ულიასუტაიში ეწეოდნენ სავაჭრო ოპერაციებს, ყიდულობდნენ ათასობით სულ საქონელს, იმარაგებდნენ შალსა და ბეწვეულს. მათ სწამდათ თავიანთი „ბედნიერი ქამისა“. მაგრამ ფაქტორიებს, მაძღარ, დაჩემებულ მიწებს შორის დახეტებოდა უამრავი რუსი დევნილიც. ძირითადად ესენი იყვნენ მსროლელი პოლკების ცალკეულ გრენადერთა ასეულების ნარჩენები, რომლებიც წითლებმა დაამარცხეს სემიპალატინსკის ველზე. დევნილნი მშვივრები იყვნენ, ჯგუფებად, ორიდან ათ ადამიანამდე, შედიოდნენ ფაქტორიებში, ცვლიდნენ იარაღს საქმელზე, თსოულობდნენ დროებით სამუშაოს. მაგრამ, რამდენადაც იზრდებოდა მოთხოვნილება სამუშაოზე, იმდენად ეცემოდა მისი ფასი. კოლონისტებსა და დამშეულ ჯარისკაცებს შორის ხშირად იმართებოდა ჩხუბი, რომელიც შეტაკებებით მთავრდებოდა.

კაიგოროდოვმა მიგვიყვანა კობდოში, სადაც სამუშაოს და მშვიდობას გვპირდებოდა. მაგრამ კობდოში სამუშაო არ აღმოჩნდა. ფქვილითა და ბურღულეულით კობდოელმა ვაჭრებმა თავიდან მოგვიშორეს და გვირჩიეს, ბედი ულანგომში გვეცადა; ჩვენ იქით მთელი კვირა მივდიოდით, მაგრამ ჩასვლისთანავე გამოგვრეკეს იმ მიზეზით, ეშინოდათ, ვინმე არა გვყოლოდა ტიფით, ქოლერით ან კიდევ რაიმე ამდაგვარი ავადმყოფობით დაავადებული. 37 კაცი ვიყავით და კოლონისტებისა და მათ მსახურთა მტკიცე მოთხოვნას წინ ვერ აღვუდექით. დ. კაიგოროდოვმა წაგვიყვანა ბეკონ-მურენში, სადაც, მისი სიტყვებით, დამალული იყო ცეკავ-შირის ვერცხლი. ლაპარაკია იმ ფასეულობაზე, რომელიც მიიღო მონღოლეთის სავაჭრო ექსპედიციამ საბჭოთა ცენ-

ტრალური მთავრობისაგან ხორცის შესასყიდად დამშეული რუსეთისათვის. ექსპედიციამ მოასწრო ნახირის შესყიდვა და სემიპალატინსკში გადაარეკვა. ამ დროს დაიწყო „თეთრჩხბთა“ ამბოხება ციმბირში. ექსპედიცია მოსკოვიდან მოწყვეტილი აღმოჩნდა. ბეკენ-მუჩენში არავითარი ვერცხლი არ აღმოჩნდა. კაიგოროდოვმა კოლონისტი კოზლოვსკი დაადანაშაულა ქურდობაში და ჩვენს თვალწინ დაასრულა. მერე „კონფისკაცია“ გავუკეთეთ ქონებას (ექვს ხარს, რამდენიმე ათეულ ცხვარს, ცოტაოდენ მანუფაქტურას, საოჯახო ჭურჭელს) და დავიხიეთ მდინარე კობდოს გასასვლელისაკენ. კაიგოროდოვმა გვიბრძანა კობდოს შარავზაზე მიწურები გაგვეთხარა გამოსახამთრებლად.

მონღოლეთში ლტოლვილთა მდგომარეობა დღითიდღე უარესდებოდა. ბევრი მათგანი მოდიოდა ჩვენთან და კაიგოროდოვის ლამაზი სიტყვებით თავბრუდახვეული რაზმში ეწერებოდა. ხანდახან ის მიზიარებდა ხოლმე თავის აზრებს. მისი სიტყვებიდან გამოდიოდა, რომ წითლებისა და საბჭოების მდგომარეობა უიმედოა, რომ მთიანი ალთაი დიდი ხანია ელის მას, და ახლოა დღე, როცა ის, კაიგოროდოვი, აღადგენს ყარა-ყორუმელთა ხელისუფლებას. მე ეჭვი მეპარებოდა, მაგრამ იძულებული ვიყავი კვერი დამეკრა, რადგან კაიგოროდოვი ჩემს მიმართ ძალზე საეჭვო ყურადღებას იჩენდა.

სექტემბრის ბოლოს იასაულის ბრძანებით ბოლიჩევმა და ჩევალკოვმა მდინარეთა ხეობებში მიაგნეს და „კონფისკაცია“ გაუკეთეს ცეკავშირის გადამაღულ რამდენიმე ცხვრის ფარას. საჭმელზე ფიქრს თავი დავანებეთ.

ჩვენთან უკვე ინტენსიურად დაიწყეს მოსვლა ყოფილმა ჯარისკაცებმა და, უპირველეს ყოვლისა, ოფიცრებმა. მათი ნაწილი შეიარაღებული იყო, კაიგოროდოვმა შემოიღო ყოველი ლულის მკაცრი აღრიცხვა, სამწყობრო მომზადება. ვვარჯიშობდით ტაქტიკაში.

ასე გაიარა ზამთარმა. გაზაფხულისათვის რაზმი სამას კაცამდე გაიზარდა. ახსოვდა რა, როგორ უპატივცემულოდ მოექცნენ კობდოში, კაიგოროდოვმა საბრძოლო მზადყოფნაში წამოგვშალა და 1921 წლის 17 მარტს ქალაქში შეგ-

ვიყვანა. ვაჭარ ხალხს არავითარი წინააღმდეგობა არ გაუწევია. ისინი ესალმებოდნენ რაზმს, სთავაზობდნენ საინტერესო სამსახურს.

კაიგოროდოვისათვის ახლანდეს ეს ცოტა იყო. მან „ტოტალური მობილიზაცია“ გამოაცხადა. საველე სამხედრო სასამართლოს შიშით, რომელიც მობილიზაციის დღეს შეიქმნა, მან დასავლეთის აიმაკებში დაგზავნა მალემსობლები მოწოდების ტექსტითა და საველე-სამხედრო სასამართლოს უფლებამოსილებით. აპრილისთვის კაიგოროდოვი წარმოადგენდა ისეთ ძალას, რომელსაც სამოქალაქო ხელისუფლება წინ ვერ აღუდგებოდა.

კობდოს ბედის შესახებ გავრცელებულმა ხმებმა ვერ მოასწრო მონღოლეთის შემოვლა, რომ ჩვენთან მოვიდა გენერალ უნგერნისაგან გამოგზავნილი დესპანი და ჩაგვაბარა დეპეშა, საიდანაც შევიტყვეთ, რომ ჩვენ მის დაქვემდებარებაში გადავდიოდით. კაიგოროდოვს წინადადება ეძლეოდა, დაუყოვნებლივ შესდგომოდა მოძრავი ნაწილების ფორმირებას და მზად ყოფილიყო ჩრდილოეთში გასალაშქრებლად. დეპეშას საჩუქრად გამოგზავნილი 260 შაშხანა და კიდევ მეტის გამოგზავნის დაპირება ამაგრებდა.

მალე კობდოში ჩამოყალიბდა ჩვენი შტაბი. მას სთავეში ჩაუდგა პოლკოვნიკი სოკოლნიცკი, კაცი პედანტი და მომთხოვნი. მე შტაბის სამწყობრო ნაწილის ადიუტანტად დამნიშნეს, რაზმს უკვე ჰქონდა სახელწოდება — „გამანთავისუფლებელი არმია“. ოთხი საბრძოლო ასეულის გარდა, მასში შედიოდა მზვერავთა ოცეული, მეტყვიამფრქვევეთა, სანიტარული და სამეურნეო რაზმები.

დროდადრო ჩვენთან საიდუმლოდ ჩამოდოდნენ მდიდარი მეჭოგეები ძმები ჩეკურაკოვები, ჩამოჰქონდათ ახალი ამბები რუსეთიდან, მათი სიტყვით, მთიან ალთაიში მწიფდებოდა საერთო-სახალხო აჯანყება. კაიგოროდოვი ნერვიულობდა, აჩქარებდა მოვლენებს, პირდებოდა მათ გარედან დაუყოვნებლივ დახმარებას. აპრილში მან მიკარნახა რამოდენიმე მოწოდება მთიანი ალთაის მცხოვრებლებისადმი ლოზუნგით — აღმდგარიყვნენ საბჭოების წინააღმდეგ საბ-

რძოლველად, კარმან და ტოვარ ჩეკურაკოვებმა გაავრცელეს ეს მოწოდებები ტრაქტისპირა სოფლებში.

მაისში პოლკოვნიკი სოკოლნიცკი ურგაში გაემგზავრა, უნგერნისთვის ვითარების მოსახსენებლად. ბარონი კმაყოფილი დარჩა რაზმის მზადყოფნით და წინადადება მისცა, მუდმივი კავშირი დაგვეწყარებინა გენერალ ბაიჩის კორპუსთან, რომელსაც ეკავა შარა-სუმე კობდოს ჩრდილო-დასავლეთით.

კაიგოროდოვმა 12 ივნისს ხელი მოაწერა ბრძანებას საბრძოლო მოქმედების დაწყების შესახებ. პირველ რიგში თავს უნდა დასხმოდნენ კოშ-აგაჩს, სადაც იდგა წითელი პოლკის ასეული, ამავე ბრძანებით კუსურგაშევის განსაკუთრებულ რაზმს ევალებოდა გადაეკეტა ჩუის ტრაქტი თეთრი ბომის რაიონში, მაგრამ მეორე დღეს მზვერავებისაგან ცნობილი გახდა, რომ წითლებმა დაგვასწრეს და მიიღეს საპასუხო ზომები. კოშ-აგაჩში მოვიდა კ. ბაიკალოვის განსაკუთრებული რაზმი...

დასაწყისში კაიგოროდოვი ამ ცნობას ძალიან აღელვებული შეხვდა და როგორც საერთოდ ასეთ შემთხვევებში იცოდა ხოლმე, დათვრა. მეორე დღეს დაუბრუნდა მას აზროვნების უნარი და თითქოს პირველად ახლა გაიგო, რომ წითლების ძალები თითქმის ჩვენების მეოთხედს შეადგენდა. ამასთან ერთად მთელ გზებზე, კობდოდან რუსთა საზღვრამდე, განლაგებული იყო ჩვენი საგუშაგოები, რომლის არსებობის შესახებ ბაიკალოვს მხოლოდ შეეძლო ევარაუდა, მაშინ როცა მათ შეეძლოთ ყოველი მისი ნაბიჯი გაეკონტროლებინათ, თუკი ის ჩვენს მხარეს დაიძვრებოდა.

გამხიარულებულმა კაიგოროდოვმა მოიწვია შტაბის თათბირი და მეორედ გამოაცხადა რუსეთზე სალაშქროდ დაძვრა. მაგრამ პოლკოვნიკმა სოკოლნიცკიმ თქვა, რომ ვერ ხედავს აჩქარების მიზეზს, სანამ არ მივიღებთ უფრო დაწვრილებით ცნობებს საზღვრიდანო. პირადად მას, სოკოლნიცკის, აეჭვებდა ის მდგომარეობა, რომ წითლები მოულოდნელად უფორმოდ, რაღაც სხვა ტანსაცმელში გამოჩნდნენ.

ცხარე კამათის შემდეგ კაიგოროდოვი ხელახლა დათვრა და ჩვენ ისევ რამოდენიმე დღით დავრჩით კობდოში.

ამ დროს ბაიკალოვმა უკვე დაიწყო მოქმედება. ღამით მოულოდნელად დაესხა თავს ბეკონ-მურენსკის საგუშაგოს და გაანადგურა. იგივე ბედი ეწია მდინარე კობდოს გადასასვლელზე განლაგებულ საგუშაგოს, ბეკონ-მურენსკში გაგზავნილმა ასეულმა დანაკარგი განიცადა და უკან დაიხია. კაიგოროდოვმა ბრძანა დაეხვრიტათ ასეულის მეთაური ზოლიტინი პანიკისათვის და ასეული საბრძოლველად აშალა.

მე მიჭირს იმის თქმა, მანამდე შტაბის უფროსთან კაიგოროდოვის რანაირი ხასიათის საუბარი უძლოდა ამ ამბავს. საბრძოლველად მთელი ძალებით გავედით. (1200-მდე კაცი) სოკოლნიცკის გარეშე. იგი დარჩა კობდოში ოფიცერთა ჯგუფით, რეზერვით, ძირითადი ალალითა და დაცვით. მეც შერჩა. ვმჯდარიყავ ქალაქში, მაგრამ თანამდებობა მავალდებულებდა, კაიგოროდოვის გვერდით ვყოფილიყავი.

მწვერავეებისა და საგუშაგოებისაგან ვიცოდით ბაიკალოვის მოძრაობის მიმართულება. მდინარე საგსოის შესართავთან ჩვენი ცხენოსანი მწვერავეები მოულოდნელად შეეჩხენენ წითლების მწვერავეებს. წითლები უფრო ადრე გაერკვნენ თურმე ორიენტაციაში და თავს მათთვის ხელსაყრელი ბრძოლა მოგვახვეს, რის შედეგადაც ჩვენმა მწვერავეებმა დაკარგეს ორი მებრძოლი. ისინი ტყვედ ჩავარდნენ. დანარჩენებმა უკან დაიხიეს და მოგვახსენეს მომხდარი ამბავი.

ოთხი საათის შემდეგ კაიგოროდოვი მთელი თავისი ძალებით მივიდა მწვერავეთა შეტაკების ადგილას. პატარა გორაკიდან დურბინდით ჩვენ დავინახეთ წითლები. ისინი კვამლის საფარს ჰქმნიდნენ და პოზიციებს ამაგრებდნენ...

სამმა ჩვენმა შეტევამ არაფერი მოგვიტანა. ათ კაცზე მეტი დაიღუპა და რამდენიმე დაიჭრა. კაიგოროდოვმა გასცა უკანდახვევის განკარგულება იმისათვის, რომ მოწინააღმდეგე ღია ადგილზე გამოეტყუებინა, მაგრამ წითლები მტკიცედ დავასხდნენ კუდზე. ჩვენ სწრაფად მოვიხსენით პოზიციებიდან და ისეთი სიჩქარით დავიძარით, რომ გაქცევას უფრო ჰგავდა.

ტულბო-ნურის ტბასთან კაიგოროდოვმა მოაწყო დიდი ჩასაფრება. ეს იყო მისი საყვარელი და ერთადერთი ხერხი. მაგრამ წითლების დაზვერვამ მიაკვლია მახეს და თანაც



დიდი სიზუსტით, მთელი მისი განლაგების მთელი სიზუსტით. ბაიკალოვმა მოულოდნელი იერიშით ნახევარ საათში გაანადგურა ჩასაფრებულები...

ასეთი დასაწყისი კარგს არაფერს გვიქადდა. კიდევ ერთი-ორი ასეთი დამარცხება და ჩვენი ჯარი დემორალიზებული იქნებოდა. მაგრამ ბაიკალოვი ცუდად იცნობდა მონღოლეთს, ხოლო გამოცდილი მეგზური არ ჰყავდა. ტოლბო-ნე-რის ტბის სამხრეთით წითლები წააწყდნენ ჰურეს (ზონას-ტერს) და ღამის გასათევად გაჩერდნენ. ბინდებოდა და ვერავინ შეამჩნია, რომ ჰურე სამი მხრიდან შემოვლებული იყო კლდეებით... ბაიკალოვი თვითონ შევიდა მასში და ამას მსოლოდ განთიადზე მიხვდა...

### კ. კ. ბაიკალოვის ჩანაწერებიდან

18 დღეა გრძელდება ალყა. სურსათის მარაგი სწრაფად მცირდება, იძულებული ვართ, შევამციროთ ნორმები, ავადმყოფების მდგომარეობა მძიმეა. მედპერსონალი ექიმ კულკოვის მეთაურობით თავგანწირვით მუშაობს, მაგრამ არა გვაქვს მედიკამენტები, სახვევი მასალა, ინსტრუმენტები. რამდენიმე დაჭრილს მოკვებეს კიდურები, როგორი წარმოუდგენელიც არ უნდა იყოს, ჩვეულებრივ, უბრალო სერხით.

\* \* \*

თეთრების იერიშები გაუბედავია. მათს შეძახილებში იგრძნობა შიში... ბოლოსდაბოლოს, გვიახლოვდებიან. უბანი თოფების ზალპითა და ყველა ტყვიამფრქვევის ჯერით პასუხობს... მოიერიშენი უცბად ჩაწვნიან. ჩვენც შევწყვეტეთ სროლა...

შეტევაზე იყო გენერალ ბაკიჩის ახალმოსული სიზრანის, „ყველაზე საუკეთესო“ პოლკის, ოთხასორმოცდაათი კაცი.

\* \* \*

ისევ უფერული დღეები. ორივე მხრიდან კანტი-კუნტი სროლა... და, აი, ერთ შესანიშნავ დილას, ვხედავთ, მო-

წინააღმდეგე გორიდან 15 უზარმაზარ ზვინს აგორებს, მას ნახევრად წახრილი მეომრები ეფარებიან. ვუყურებთ ღურბანდით. ვხვდებით, რომ ეს ზვინულები გაკეთებულია მატყლისაგან, რომელსაც ჩვენ მთელი მონღოლეთის ტერიტორიაზე ვხვდებოდით უზარმაზარ შტაბელებად დაწყობილს. ყოველ ასეთ „ტანკს“ შეიძლება თავისუფლად ამოეთაროქ ექვსი კაცი...

თეორები მალე მიხვდნენ, რომ „ტანკები“ მხოლოდ დროის დაკარგვაა და შუა გზაზე დაანებეს თავი ამ წამოწყებას.

\* \* \*

ალყის 26-ე დღეა. რაკი დავრწმუნდით, რომ თეთრები ახალ იერიშს ვერ ბედავდნენ, სიფრთხილეს ვუკელით.

და, უცბად, გამთენიისას ჩრდილოეთის უბანზე ატყდა გრუხუნნი, თითქოს ათასობით ცხენის ფლოქვების ხმა ისმის. მზვერავეები წამში ჩაძვრნენ სანგრებში. მთავარმა უბანსა იოფებიდან და ტყვიამფრქვევებიდან სასწრაფოდ გახსწა გადატორებული ცეცხლი. მათ მეზობელი უბნები ესმარეწიან...

სროლა ნელდება, შემდეგ სულმთლად წყდება. მივდივარ ტელეფონთან:

— აბა, რა ამბავია შენთან?

— ეშმაკმა დასწყევლოს, რა ვიცი, ცხენებით აპირებდნენ ჩვენს გადათელვას, მაგრამ, მგონი, დამფრთხალმა ცხენებმავე გაიტაცეს ისინი სხვადასხვა მხარეს. აქ მახლობლად რაღაც აზავერები ღრუტუნებენ...

— არ გაუშვა, დახოცე აზავერები. ხორცი ხომ არა გვაქვს, — ვპასუხობ ტელეფონში...

\* \* \*

მთელი სიმწვავეით დგება სურსათის საკითხი. ვაზნებიც გვითავდება. პირველ ბრძოლებში ნამეტანი დაუდევრად ვხარჯავდით მათ...



ალყის 29-ე დღეს მზირად გავგზავნეთ ჩეკისტი ბრილიან-ტოვი.

ამის მერე ოცდამეათე დღეს მოვამზადეთ სამი ყირგიზი. მივეცი მათ ვერცხლი და პაკეტი პირველივე შემხვედრი წითელი არმიის რაზმისათვის გადასაცემად. წარგზავნილები გვთხოვენ უნაგირებს.

— რად გინდათ უნაგირები, მხოლოდ ზედმეტი ტვირთია.

— არა უშავს, თეთრ სალდათებს ბევრი ჩვენი ცხენი ჰყავთ, ახლა დავიჭერთ...



ბაკიჩმა პარლამენტორები გამოგზავნა... ლანძღვის წყრილით ვუპასუხეთ.



...სურსათი 8 დღის სამყოფილა დაგვრჩა.

აი, ის მოკლე, მაგრამ ზუსტი სურათი, თუ რა მდგომარეობაში აღმოჩნდა ბაიკალოვის რაზმი.



მთიან ალთაიში 1921 წლის გაზაფხულისათვის პოლიტიკური და ეკონომიკური მდგომარეობა რთული და დაძაბული იყო. გლეხობა უკმაყოფილებას გამოთქვამდა სურსათისა და სხვა საქონლის უქონლობის გამო. გამოცოცხლდა მოძრაობა კონტრრევოლუციური ელემენტებისა, რომლებიც მონღოლეთში გადახვეწილი თეთრგვარდიელების და ყარაყორუმელების ნარჩენებს ეყრდნობოდნენ. ამ დროს, როგორც ცნობილია, მთელი საბჭოთა სახელმწიფო დიდ პოლიტიკურ და ეკონომიკურ სიძნელეებს განიცდიდა.

ახასიათებდა რა შექმნილ მდგომარეობას, ვ. ი. ლენინი წერდა: „...ჩვენ წავაწყდით საბჭოთა რუსეთის დიდ, მე

ლენინა, უდიდეს, შინაგან პოლიტიკურ კრიზისს, რომელმაც ეპოქიწვია უკმაყოფილება არა მარტო გლეხობის მნიშვნელოვანი ნაწილისა, არამედ მუშებისაც<sup>1</sup>“.

სიძნელეები, რომლებსაც წააწყდა საბჭოთა ხელისუფლება, შინაურმა და გარეულმა ბტრებმა სცადეს დაუყოვნებლივ გამოეყენებინათ. აქტიური ანტისაბჭოთა საქმიანობა გააჩაღეს თეთრგვარდიელებმა, მენშევიკებმა, ესერებმა. ქვეყნის რიგ რაიონებში იფეთქა კულაკთა ამბოხებებმა და აჯანყებებმა.

1921 წლის მეორე ნახევარში ალთაიში იმძლავრა ბანდიტიზმმა. მისი წარმოშობის მიზეზი იყო ქვეყანაში შექმნილი რთული პოლიტიკური და ეკონომიკური ვითარება. საბჭოთა ხელისუფლების მიერ განხორციელებული ღონისძიებები, რომლებიც ითვალისწინებდა ყოფილი მეფის რუსეთის ცხოვრების პოლიტიკურ, სოციალურ და ეკონომიკურ გარდაქმნას, ექსპლოატატორთა კლასის ნარჩენების გააფთრებას იწვევდა. სასურსათო გადასახადით და სასურსათო გაწერებით უკმაყოფილონი იყვნენ მდიდარი გლეხები. ზოგან ამ ნიადაგზე აჯანყებებიც კი ხდებოდა:

„...ეს აჯანყებანი იმას მოასწავებდა, რომ გლესთა წრეში არიან ფენები, რომლებსაც არ სურთ შეურიგდნენ სასურსათო გაწერასა და გადასახადს<sup>2</sup>“... ამგვარ აჯანყებებში აქტიურ მონაწილეობას იღებდნენ საზღვარგარეთელი იმპერიალისტური წრეები. ეს იყო უცხოელთა ჩარევის კიდევ ერთი აქტი. ცნობილია აგრეთვე, რომ 1921 წლის გაზაფხულზე სემიონოვის, ბაკიჩის და უნგერნის საზღვარგარეთ გაქცეულ თეთრგვარდიელთა ბანდები გააქტიურდნენ და იაპონელ იმპერიალისტთა დახმარებით ამუშავებდნენ საბჭოთა რუსეთზე თავდასხმის გეგმებს. ციმბირზე თავდასხმა მზადდებოდა მონღოლეთის მხრიდან, სადაც იმ დროს იმყოფებოდა ბარონ უნგერნის ცხენოსანი დივიზია და მოქმედებდნენ ბაკიჩის, ანენკოვისა და კაიგოროდოვის რაზმები. ეგრეთწოდებული „ალთაის ოლქის რუსთა და არარუსთა ნაკ-

<sup>1</sup> ვ. ი. ლენინი, თხზულებათა სრული კრებული, ტ. 33, გვ. 497 — 498.

<sup>2</sup> ვ. ი. ლენინი, თხზულებათა სრული კრებული, ტ. 32, გვ. 184.

რები რაზმი“ ესაუღ კაიგოროდოვის მეთაურობით, რომელიც 700 ხმაღს, სამ ტყვიამფრქვევს და ერთ ქვემეხს ითვლიდა, უნგერნის უშუალო დაქვემდებარებაში შედიოდა. ბაკიჩი და ანენკოვი დამოუკიდებლად, მაგრამ, რა თქმა უნდა, შეთანხმებულად მოქმედებდნენ.

მთიან ალთაიში 1921 წლის აგვისტოში განადგურებას ვადარჩენილი თეთრგვარდიელები და ყარა-ყორუმელები, ცალკეული ტერორისტული აქტებიდან და ძარცვებიდან კულაკ-ბაიების მასობრივ გამოსვლებზე და შეიარაღებულ ბრძოლებზე გადავიდნენ საბჭოთა ხელისუფლების წინააღმდეგ.

შეიარაღებული გამოსვლების ნიშანი სოფელ ბელი-ანუის კულაკებმა მისცეს. მათ გადაჭრით თქვეს უარი სასურსათო გადასახადის გაწერასა და გადასახადზე. გალახეს გადასახადის ამკრებნი, ტყვიები დაუშინეს სასურსათო რაზმს. ბანდის უფროსმა ტირიშკინმა გამოსცა ბრძანება: სასურსათო გადასახადი არ შევიტანოთ, გავანადგუროთ კომუნისტები და დავაარსოთ „გლახთა ხელისუფლება“. ამის შემდეგ კუიაგანის, პესჩანის, ჩორნი-ანუის და უსტ-კანის თემებში გამოჩნდნენ პიანკოვის, ორლოვის, კოლენსიკოვის ბანდები, ჩემალის მიდამოებში მოქმედებდა სემენიაკის, ჩუის ტრაქტზე კი ტუჟლეი ტაშკინოვის ბანდები. ისინი ერეკებოდნენ საბჭოთა ორგანოებს, ხოცავდნენ კომუნისტებს და სოფლის აქტივისტებს, სპობდნენ კომუნებს. განადგურეს როზა ლუქსემბურგის სახელობის კომუნა, ასევე მიწასთან გაასწორეს ჩელუშმანის კომუნა, სადაც არაადამიანური წამებით მოჰკლეს 11 კომუნისტი. ბანდიტები თავს ესხმოდნენ წითელარმიელთა რაზმებს, სამხედრო ტრანსპორტს და საგარეო ვაჭრობის საბარგულებს.

ბანდიტიზმის სოციალურ დასაყრდენს კულაკები და ბაიები წარმოადგენდნენ. მაგრამ ცალკეულ პერიოდებში სიბნელის, უცოდინარობის, პოლიტიკური უვიცობის, ხოლო ხანდახან კი მდიდრებზე ეკონომიკურად დამოკიდებულების გამო, ბანდიტიზმში მონაწილეობდნენ რუსი და ალთაელი მშრომელების ნაწილიც.

ბანდის მოთავეებს კავშირი ჰქონდათ ესერებთან და

თეთრგვარდიელთა იატაკქვეშეთთან საბჭოთა რუსეთში. სრულიად რუსეთის საგანგებო კომისიას შესაძლებლობა მიეცა, გაეხსნა საკმაოდ განშტოებული თეთრგვარდიელთა ორგანიზაცია, რომელიც, ერთის მხრივ, სათავეს ჩელიაბინსკში იღებდა და ალთაის გუბერნიის სიღრმეში კაიგოროდოვამდე აღწევდა. მეორე მხრივ კი მანჯურიამდე.

1921 წლის სექტემბრის ბოლოს კაიგოროდოვმა გადმოლახა საზღვარი, მთიან ალთაიში შემოიჭრა და ბანდიტთა ცალკეული ჯგუფები ეგრეთ წოდებულ „მთიან ალთაელთა პირველ თავისუფალ დივიზიაში“ გააერთიანა. 1921 წლის ნოემბრის დამდეგს კაიგოროდოვის ბანდამ სოფელ კუიაგანი დაიკავა. მას მიზნად ჰქონდა, სოფელ ალთაისკის გავლით შეტევა განეფიქრებინა ქალაქ ბიისკზე, სხვა რაიონების ბანდიტური ჯგუფებიც მასთან შეთანხმებით მოქმედებდნენ.

საბჭოთა ხელისუფლების დამხობა, კომუნისტების მოსპობა, „უჩრედილოვკის“ ფორმაში „ნაროდოპრავსტვას“ დაფუძნება — აი, ბანდიტთა ჯგუფების ძირითადი ლოზუნგები.

კომუნისტთა მოსპობის მოთხოვნა განასახიერებდა ბურჟუაზიულ, თავადაზნაურთა კონტრევოლუციურ სამხედრო დიქტატურის არსს. მაგრამ თეთრი ბანდიტები, ითვალისწინებდნენ რა ფართო მასების სიმპათიებს საბჭოთა ხელისუფლებისადმი, იძულებული იყვნენ, შეენიღბათ თავიანთი ჰემმარტი მიზნები, ფარისევლურად აცხადებდნენ, ჩვენთვის მისაღებია საბჭოთა ხელისუფლება, ოღონდ კომუნისტების გარეშეო. ბანდიტური ჯგუფების მოთავეებს, რომლებსაც კარგად ესმოდათ ეს, წამოაყენეს ლოზუნგი „საბჭოები კომუნისტების გარეშე“.

\* \* \*

მთიანი ალთაი პოლიტიკური ბანდიტიზმის საშიშ ადგილად გადაიქცა. კაიგოროდოვისა და სხვა ბანდების განადგურება გადაუდებელი ამოცანა გახდა.

პერსონალური პენსიონერის  
ანდრეი ილარიონი ძე ვილიკინის ნაამბობი  
ბაიკალოვის რაზმის შესახებ

1920 წლის დეკემბერში მოხალისედ წამიყვანეს წითელ არმიაში. იმ დროს მეთვრამეტე წელში ვიყავი გადამდგარი. მაგრამ ტანადი, და, რაც მთავარია, გამოცდილიც ვიყავი, რაკი მონაწილეობა მქონდა მიღებული სიროკინის კულაკური ამბოხების გაუვნებლობაში.

გამგზავნეს ბარნაულის მახლობელ დასახლება ბელმესევოში. სადაც ცალკეულ ცხენოსანთა დივიზიონის ბაზაზე ჩამოყალიბდა 59-ე ცხენოსანთა პოლკი. რაკი პირველ ჯგუფს მოვეყვები, პირველ ესკადრონში მოვხვდი.

გაზაფხულისათვის პოლკი ჩამოყალიბდა და უკვე საბრძოლო მომზადებას გადიოდა.

1921 წლის ზაფხულში, დღისით, წამოგვშალეს, დაგვირიგეს საბრძოლო მარაგის სამმაგი კომპლექტი და სასწრაფოდ დავიძარით სამხრეთისაკენ.

მეორე საღამოს პორიზონტზე მთები დავინახეთ.

ონგუდაიმდე ყოველგვარი ფათერაკის გარეშე ვიმგზავრეთ, ხაბაროვკასთან მოულოდნელად ჩასაფრებულებს წავაწყდით. მთებიდან პირველი გასროლით მოგვიკლეს მეტყვიაშფრქვევე პოლუქალოვი. ჩვენც სროლით ვუპასუხეთ. ჩასაფრებულები გაიქცნენ, ჩვენ კი, დავასაფლავეთ ამხანაგი და დავიძარით წინ.

მე არ ვიცი, როგორი ბრძანება მიიღეს ესკადრონების უფროსებმა, მაგრამ ორ საათში მოვწყდით ადალს. ინიაში პოლკი დაღლილ-დაქანცული მივიდა. ბორჩით სამი მდინარის გადალახვამ და შეუსვენებელმა ლაშქრობამ ცხენებს ქანცი გამოაცალა.

გზიდან გადავედით და პატარა გორაკს მიღმა განვლაგდით. შფოთიანი დრო იყო. მთებში ლაპარაკობდნენ კაიგოროდოვის ბანდის შესახებ, და ხელმძღვანელობა საჭიროდ თვლიდა, რაც შეიძლება ნაკლებ უცხო თვალს ვენახეთ.

სამხრობისას ბანაკში ორი ქალი მოვიდა და თქვეს, რომ სოფელ ინუშკას მახლობლად შეხვდნენ ოციოდე სამოქალა-

ქო ტანსაცმელში გამოწყობილ შეიარაღებულ წაღბს... უფროსის არჩევანი ჩვენს პირველ ესკადრონზე შეჩერდა. სასწრაფოდ შევკაზმეთ ცხენები და გავქანდით აღნიშნული მიმართულებით, პოლუჟალოვის სისხლის ასაღებად.

მაგრამ ბანდა თითქოს მიწამ ჩაყლაპა, ამოდ გავჩხრიკეთ ყოველი ჩირგვი, ყოველი მიწაყრილი, ოცზე მეტი ვერსი გადავსერეთ უგზობაში.

არაქათგამოცლილი ცხენები წარამარა ბორძიკობდნენ. ჩვენ კი ძლივს ვიკავებდით თავს უნაგირებზე. დაღამდა და დაღლილობას უძილობაც დაემატა. აღარც კი მახსოვს, როგორ მივალწიეთ პოლკამდე.

დილით უფლება მოგვეცეს, ერთი-ორი საათით კიდევ წაგვეძინა. უფრო — ცხენების გულისათვის, და, აი, აქ შემთხვევამ, როგორც მაშინ ბევრს ლაპარაკობდნენ ამაზე, გადაგვარჩინა სიკვდილს. კუდრიავეცევის მეორე ესკადრონი მზვერავთა ოცეულთან ერთად წავიდა წინ.

ჩვენ ინიადან სადილობისას გავედით. რა მიზეზით, არც მაშინ ვიცოდი, ისე, რომ ვერც ეხლა გავიხსენებ.

მახსოვს, გავიარეთ ორმოცდაათ ვერსამდე და დაბნელდა. მდინარე ჩუიას დაცემულ ნაპირებზე მრავალი კოცონი ენთო და არავინ არ ჩანდა. ყველა ჩვენგანი ცალ-ცალკე ფიქრობდა, რომ კუდრიავეცევის მიერ იყო დატოვებული ეს კოცონები.

პოლკის უფროსმა გასცა განკარგულება, მოვმზადებულიყავით დასასვენებლად.

გამეღვიძა მოულოდნელად, თითქოს რაღაცის შემეშინდა. მახსოვს, წამით კინადამ გული გამიჩერდა.

შაშხანას დავავლე ხელი, იქით წავედი, საიდანაც ლაპარაკი ისმოდა. სხვა კოცონებიდანაც დგებოდნენ მებრძოლები, ქუჩდებოდნენ. მე, როგორც იყო, გავარღვიე მებრძოლთა რკალი და დავინახე პოლკის უფროსობა, კომისარი და ნახევრადტიტველი ჩია კაცი, როგორც ეტყობოდა, ალთაელი.

ჩია კაცი ტირილით ერთმანეთში ურევდა რუსულ და ალთაურ სიტყვებს, თან ხელებით წარამარა შიშველ მხრებს იფარავდა, ცდილობდა გამთბარიყო. ბოლოს ვიდაცამ მოისაზ-



რა მოეხურა მისთვის ჯარისკაცის მაზარა და ტოლჩა მიეწოდებინა. ის გულდაგულ გაეხვია მაზარაში, ტოლჩა არც შეუმჩნევია. და ისევ ალაპარაკდა. მისი არეული ლაპარაკიდან მივხვდით — ვილაც ესროდა ჩვენებს. ამ დროს ალთაელი სულ მდინარისაკენ მიგვითითებდა და იმეორებდა: „ჩუიაში“, „ჩუიაში“.

რამდენიმე წუთის შემდეგ კი შემზარავმა ამბავმა მოიკვა იქაურობა. მეორე ესკადრონი და მზვერავთა ოცეული ნახევარი დღის განმავლობაში დაიღუპნენ სამი ვერსის დაშორებით იმ ადგილიდან, სადაც ჩვენ ღამის გასათევად დავდექით.

საბრძოლო განგაში ჩვენთვის მოულოდნელი არ ყოფილა. პოლკი ფეხზე იდგა. გამთენიისას ფერმკრთალმა ფილიპოვმა დაამოწმა ნაამბობი. დილის რიქრაქზე საბრძოლოდ მომზადებულები დავიძარით ადგილიდან.

პირველი ესკადრონის რამდენიმე მეთაურისა და მეზრძოლისაგან შემდგარი ჯგუფი შევიდა თეთრ ბომზე. მათ წუთითაც არ სცილდებოდა ჩვენი ღამის სტუმარი, რომელსაც კოქებამდე ჰქონდა მაზარა ჩაფართხუნებული.

სანაპიროზე გავიშალენით და მთელის ყურადღებით ვათვალიერებდით თეთრ ბომს. ის მიუვალი იყო ბილიკის მსრიდან.

მზვერავებმა მშვიდობით გაიარეს ბომი.

რევოლვერის ორმა გასროლამ გვაცნობა, რომ შეიძლება ადგილიდან დაძვრა. ჩვენ გზაზე ოცეულობით გავდიოდით ერთმანეთისაგან სამასამდე მეტრის ინტერვალით, ჩვენი პირველი ესკადრონის პირველი ოცეული ავანგარდში მიდიოდა... ბომის გასწვრივ მთელი გზა მოფენილი იყო ცარიელი ვაზნებით. ქვის კედელი მარცხნივ ადამიანის სიმაღლეზე ტყვიით იყო დაცხრილული.

ქვებზე რამდენიმე ადგილას შერჩენილი იყო ჟანგისფერი ლაქები. ყოველივე ეს ბუნებრივი და გასაგები გახლდათ ჩვენთვის — ჯარისკაცებისათვის. მარჯვნივ კი... მარჯვნივ, საითაც მდინარის თავზე ქარაფია, ისეთი ზოლები იყო გზაზე, თითქოს დაფარცხულიაო. იქით მიათრევდნენ და ჩეხავდნენ. მკვდრებსა და დაჭრილებს... იმ კვალის დანახვაზე სისხლი გვეყინებოდა...

აი, რა ვიცი ამ ამბის შესახებ...

კოშ-აგაში ჩვენ რამდენიმე დღის მერე ჩავედით. ვილაყე-  
ებმა ჩიბითში ძალიან დაგვთოფეს. იქ ეკლესიასთან ჩემი მეგო-  
ბარი — საშა სტრუჟი დავასაფლავეთ.

კოშ-აგაში განგვიმართეს ამოცანა: სადღაც მონღოლეთ-  
ში ალყაშია ბაიკალოვის რაზმი, ჩვენ უნდა გავანთავისუფ-  
ლოთ ისინი. დავიწყეთ უკანასკნელი ნახტომისათვის მზადე-  
ბა, რომ უცბად საზღვრიდან მეკავშირემ გვაცნობა: მოდი-  
ანო.

ერთი საათის შემდეგ ვხედავთ, მართლაც მოდის რაზმი.  
წინ წვერგაბურძენული, ჭუჭყიანი ბაიკალოველები, ყველა და-  
კონკილ სამოქალაქო ტანსაცმელში, ასამდე კაცი, შეიძლება  
მეტიც იყო. არ მინდა ვიცოდე. უკან ასევე სამოქალაქო ტან-  
საცმელში ჩაცმულები მოჰყვებოდნენ, რომლებიც უფრო  
სუფთად გამოიყურებოდნენ. ყველანი იარაღით, ბედნიერე-  
ბი, მხიარულები.

ბაიკალოველები ალყიდან გაათავისუფლა ცხენოსანთა  
მე-10 დივიზიის ესკადრონმა ზაოზიორსკის მეთაურობით.

მთიანი ალთაის მახრის ხელმძღვანელობა გააძლიერეს  
საგუბერნიო ცენტრიდან გამოგზავნილი ამხანაგებით. 1921  
წლის 17 ოქტომბერს პარტიის სამაზრო კომიტეტს სათავე-  
ში ჩაუდგა ალთაის პარტიული ორგანიზაციის გამოჩენილი  
მოღვაწე, რუსეთის კომუნისტური პარტიის წევრი 1911 წლი-  
დან ლ. ა. პაპარდე, სამაზრო კომიტეტის პრეზიდენტში შე-  
ვიდნენ პ. ი. გორდიენკო და ნ. თ. ივანოვი.

სამაზრო კომიტეტი ბანდიტიზმთან ბრძოლის პოლიტიკურ  
შტაბად იქცა. სამაზრო პარტიულმა ორგანიზაციამ იარაღი აის-  
ხა. რკპ(ბ) სამაზრო კომიტეტის ხელმძღვანელობით ყალიბდება  
„განსაკუთრებული დანიშნულების ნაწილები“. მის შემად-  
გენლობაში შევიდა ყველა კომუნისტი. იშვიათი გამონაკლი-  
სის გარდა, რომლებიც სამაზრო კომიტეტის გადაწყვეტილე-  
ბით დარჩნენ თავიანთ პასუხსაგებ პოსტებზე.

რუსეთის ახალგაზრდათა კომუნისტური კავშირის სამან-  
რო კომიტეტმა, რუსეთის კომუნისტური პარტიის სამაზრო  
კომიტეტის მოწოდების პასუხად დაადგინა: მოსახლეობას  
შორის გაეშალათ ფართო სააგიტაციო-მასობრივი მუშაობა,

შეექმნათ თავდაცვის რაზმები და უზრუნველყოთ პარტიის წევრების შესვლა განსაკუთრებული დანიშნულების ნაწილებში. ერთი სიტყვით, ყველა ორგანიზაციები სამხედრო მდგომარეობაზე გადავიდა. პარტიის წევრების უმრავლესობა განსაკუთრებული დანიშნულების ნაწილებში ჩაირიცხნენ.

1921 წლის ოქტომბერში შეიქმნა მთიანი ალთაის ჯარების დაჯგუფება, რომელშიც სხვადასხვა სახეობის ჯარების 10 ბატალიონი შედიოდა. დაჯგუფების სარდლად დაინიშნა გალინგი.

დილით 7 ნოემბერს წითელი არმიის ნაწილები და ჩონის განსაკუთრებული დანიშნულების ნაწილების რაზმები შოულოდნელად თავს დაესხნენ კაიგოროდოველებს, რომლებიც განლაგებულნი იყვნენ სოფელ ტაურაკთან. თეთრბანდლები ალყაში მოემწყვდნენ, მაგრამ გადარჩნენ სრულ განადგურებას. კაიგოროდოვმა რომელმაც თავისი ათასხუთასიანი ბანდიდან ათასი მოკლული, დაჭრილი და ტყვედ ჩავარდნილ დატოვა, მიატოვა საბარგულები, გაარღვია ალყა და უიმონის ტრაქტით სასწრაფოდ უკან დაიხია.

ოცდამეექვსე პოლკის ხაწილებმა ბრძანება მიიღეს — დასწოლდნენ ბანდიტებს არ მიეცათ მათთვის საშუალება, რომ შეჭვარებოდნენ მდინარე არგუთის მიუვალ სათავეებს. ბრძანება ვერ შეასრულეს. კაიგოროდოვის და ჩეკურაკოვის ბანდების ნარჩენები 300-მდე კაცის შემადგენლობით დეკემბრის შუა რიცხვებში მიუვალ არგუთის სათავეებში შევიდა. ტირიშკინის ბახდა, რომელიც თავს არიდებდა შეტაკებას, მდინარე პერჩანაიას სათავეებთან მოქმედებდა. ჯგუფი, რომელსაც სლავორეკვი ხელმძღვანელობდა, ტელეცის ტბის მარჯვენა სანაპიროზე გამაგრდა

სამაზრო პარტიული ორგანიზაცია მობილიზაციას უკეთებდა რა მშრომელ მასებს, ბანდიტიზმის წინააღმდეგ ბრძოლაში დიდ განმარტებით და ორგანიზატორულ მუშაობას ეწეოდა. ბანდიტებისაგან განთავისუფლებულ რაიონებში იგზავნებოდა განსაკუთრებული პოლიტჯგუფები დაშლილი საბჭოთა აპარატების აღსადგენად და მოსახლეობაში აგიტაციის ჩასატარებლად. მარტო 1921 წლის ნოემბერში 90 მიტინგი, კრება და სხდომა ჩაატარეს. „ალთაელი კომუნისტები, — მოახ-

სენებლა პარტიის საგუბერნიო პლენუმს ლ. ა. პაპარდე, —  
კუწაობენ უპარტიო მასებთან კავშირში. ისინი გაუნათლებელი,  
მაგრამ საიმედო ელემენტებია“. თეთრბანდიტთა წინააღმდეგ  
წარმატებით მოქმედებამ მათ საშუალება მისცა, გადასულიყვნენ  
ბრძოლის ახლებურ ტაქტიკაზე, რომელიც მიზნად ისახავდა  
გაეხრწნათ ბანდები და მოსახლეობისაგან მოეწყვიტათ.  
ბანდის მონაწილეებს, რომლებიც 1922 წლის 5 იანვრამდე  
ნებით დაყრიდნენ იარაღს, სიცოცხლისა და ქონების  
შენარჩუნების გარანტიას აძლევდნენ, ხოლო ბანდიტებს,  
რომლებიც მობილიზაციით მოხვდნენ ბანდებში ან თავიანთი  
უვიცობით, შინ უშვებდნენ. ასეთმა ტაქტიკამ დადებითი ეფექტი  
გამოიღო. ხუთასამდე კაცი დაუბრუნდა მშვიდობიან შრომას.  
ბანდებში შეურიგებელი კონტრრევოლუციონერები დარჩნენ.

ამავე დროს, არგუთის ხეობისაკენ, კაიგოროდოვის ბანდისკენ  
თითო-თითოდ და ჯგუფ-ჯგუფად მიედინებოდნენ ისინიც,  
ვისაც საბჭოთა ხელისუფლებისაგან პარტიების არავითარი  
იმედი არ გააჩნდა. აქვე გადმოვიდნენ მონღოლეთიდან  
გენერალ ბაკიჩის თეთრგვარდიელთა ნარჩენები. ბანდიტთა  
ჯაშუშები, რომლებიც რუსი კულაკებისა და ალთაელი  
ბაიების დახმარებას ეყრდნობოდნენ, საბჭოთა ხელისუფლებისა  
და კომუნისტური პარტიის წინააღმდეგ ეწეოდნენ აგიტაციას.

4 თებერვლის ღამეს ადგილობრივი კულაკების დახმარებით,  
მოულოდნელად დაესხა თავს კაიგოროდოვის ბანდა 186-ე  
პოლკის მეშვიდე ასეულს, რომელიც სოფელ კატანდაში იმყოფებოდა,  
განაიარაღა წითელარმიელთა ორი ათეული. ისარგებლა რა  
წითელარმიელთა დაღლილობითა და ერთმანეთისაგან  
მოწყვეტით და, რაც მთავარია, მთიანი ადგილების  
შესანიშნავი ცოდნით, კაიგოროდოვმა შეძლო მოულოდნელი  
მოქმედებით მიეყენებინა რიგი საგრძნობი დარტყმები  
62-ე ბრიგადისათვის და დროებით ხელთ ეგდო ინიციატივა.

უიმონის ტრაქტზე გამოსულმა კაიგოროდოვმა გამოაცხადა  
18-45 წლამდე მამაკაცთა მობილიზაცია. ბანდაში ორი-

ათასამდე კაცი „შედარებით კარგად შეიარაღებული თითქმის ყველა ცხენოსანი და 8 ტყვიამფრქვევი“ აღმოჩნდა.

ცდილობდა რა ადგილობრივი მოსახლეობის თანაგრძობისა და მხარდაჭერისათვის მიეღწია კაიგოროდოვმა შეცვალა საბჭოთა ხელისუფლებასთან ბრძოლის ფორმები და ხერხები. იმისათვის, რომ ბანდიტიზმისათვის „სახალხო“ მოძრაობის იერსახე მიეცა, შეუდგა „კანონიერი ხელისუფლების“ ორგანიზაციას. კაიგოროდოვმა სასწრაფოდ „დროებითი სამოქალაქო რაიონული თვითმმართველობა“ შექმნა მენშევიკ ანდრეევის მეთაურობით, რომლის ხელმძღვანელობითაც 1922 წლის 20 თებერვალს გაიმართა „უიმონის მხარის ამომრჩეველთა ყრილობა“.

„ყრილობის“ მიერ არჩეული რაიონული „მმართველობა“ ანდრეევის, კარონოვის, სუვოროვის, ბულგაკოვის, ბუხტუევის და ალთაელებიდან მუქტოშ-შალდანკინის შემადგენლობით, — სინამდვილეში ბანდიტთა შტაბის უბრალო დანამატი იყო.

ამასთან ერთად მიიღეს საგანგებო ზომები, რათა მოძრაობის ბაზა გაფართოებულიყო ალთაელ მოსახლეთა ხარჯზე. კაიგოროდოვმა აიტაცა ყარა-ყორუმელთა ნაციონალისტური ლოზუნგები და თავისი თავი ავტონომიისა და დამოუკიდებელი მთიანი ალთაის მომხრედ გამოაცხადა.

მაგრამ, მიუხედავად დიდი სიძნელებისა, გარდაუვალი იყო კულაკურ-ბაითა ბანდიტიზმის დაღუპვა.

რევოლუციური კანონიერების უზრუნველსაყოფად ალთაის საგუბერნიო კომიტეტმა და საგუბერნიო აღმასრულებელმა კომიტეტმა შექმნეს საგანგებო სამეული. 1922 წლის 28 თებერვალს შეიქმნა მთიანი ალთაის სამაზრო სამეული, სამაზრო აღმასკომის თავმჯდომარის ივანოვის, XXI დივიზიის მეთაურის ოვჩინიკოვისა და მთიანი ალთაის განსაკუთრებული დანიშნულების ნაწილების მეთაურის როლიკოვ—ვინოგრადოვის შემადგენლობით. ბანდიტთა წინააღმდეგ მომქმედ სამხედრო ნაწილებშიც იქმნებოდა სამეულები, რომლებიც ცხელ კვალზევე აწარმოებდნენ სასამართლო განხილვებს.

გადამწყვეტი ზომების წყალობით მერყევი ელემენტები

ჩამოშორდნენ ბანდებს, გაძლიერდა გლეხთა უკეთესი ნაწილის აქტივობა, სოფლიდან განდევნეს ბანდიტები. ბევრ სოფლებში, მათ შორის ალთაურ სოფლებშიც შეიქმნა თავდაცვის რაზმები, თეთრბანდათა ცდა, რომ შეენარჩუნებინათ ინიციატივა, სრული კრახით დამთავრდა. 1922 წლის 22 თებერვალს ბიისკის მაზრის განსაკუთრებული დანიშნულების ნაწილებმა გარეკეს კაიგოროდოვის 700-კაციანი ბანდა. ბანდიტები ზედიზედ მარცხდებოდნენ. მარტის დასაწყისში კაიგოროდოვისა და კარმან ჩეკურაკოვის გაერთიანებულმა ბანდამ კიდევ ერთი მსხვილი ოპერაციის ჩატარება სცადა, რათა ხელთ ეგდო სოფელ ონგუდაიში მდებარე სასურსათო საწყობები. 185-ე პოლკის ნაწილები 7 დღე-ღამის განმავლობაში იგერიებდნენ ბანდიტთა გააფთრებულ შეტევებს. სოფელ შებალინოდან წითელარმიელების მისახმარებლად წავიდა ციმბირის ნაკრები რაზმი ვნუკოვის მეთაურობით. ბანდიტებმა მთის ბილიკებით სოფელ კატანდისაკენ დაიხიეს. ი. ი. დოლგინისა და ვორონკოვის პირველმა და მეორე გამანადგურებელმა რაზმებმა ი. ი. დოლგინის საერთო მეთაურობით, მიიღეს საბრძოლო დავალება — გასულიყვნენ ვიწრო ხეობებით ჩუის ტრაქტიდან უიმონისაზე, ჩასულიყვნენ სოფელ ტუნგურში, მოწინააღმდეგის ღრმა ზურგში და მოულოდნელი, ძლიერი დარტყმით გაენადგურებინათ კაიგოროდოვის ბანდა, ხოლო თვითონ ის ცოცხალი ან მკვდარი ჩაეგდოთ ხელში.

„ჩონელები“ შტურმზე გადავიდნენ, ერთის შეხედვით, მთის მიუვალ ქიუხებზე. 10 აპრილს, გარიჟრაჟზე, რაზმი, რომელმაც 40-ვერსიანი გადასვლა განახორციელა, ტერენტინის უღელტეხილზე დაეშვა მდინარე კატანდის ხეობაში და მოულოდნელი დარტყმით თავს დაესხა მტერს. გააფთრებულ ბრძოლებში ი. ი. დოლგინის რაზმმა 500 ბანდიტი მოსპო. თეთრბანდიტთა ბევრი მოთავე ტყვეობაში აღმოჩნდა. კაიგოროდოვი, რომელიც გაქცევას ლამობდა, მოკლა მეორე ესკადრონის ზემდეგმა ტიხონ მიხაილოვმა.

ბანდიტიზმის ყველაზე მთავარი და საშიში ბუდე განადგურებულ იქნა. ალთაის საგუბერნიო კომიტეტმა მადლობა გამოუცხადა კაიგოროდოვის განადგურებაში მონაწილე ყვე-

ლა ჩონელს. ნაკრები რაზმის მეთაური ი. ი. დოლგინი და ზემდეგი ტ. მიხაილოვი წითელი დროშის ორდენებით დააჯილდოვეს.

კაიგოროდოვის განადგურებამ არეულობა გამოიწვია დარჩენილ ბანდიტთა რაზმებში. რკპ(ბ) სამაზრო კომიტეტმა ზედმეტი მსხვერპლის თავიდან აცილების მიზნით კიდეც ერთსელ ჩაატარა ნებით გამოცხადების კამპანია. ამის შედეგად ათასზე მეტმა კაცმა და მთელმა რიგმა ბანდების მოთავეებმა დაყარეს იარაღი. 1922 წლის აგვისტოში არგუთის ხეობაში ვორონკოვის განსაკუთრებული დანიშნულების ნაწილმა გაანადგურა კარმან ჩეკურეკოვის ბანდა. ცალკეული ბანდები ერთხანს კიდეც დაეხეტებოდნენ სხვადასხვა ხეობებსა და ტყეებში, მაგრამ მალე ისინი მთლიანად ან ტყვედ ჩაიგდეს ანდა გაანადგურეს.



ხეობას მიეყვებით ცხენებით. რის ვაივაგლახით ავიარეთ ტინიანი აღმართები. ავიაკეთ. ცხენები ძლივს სუნთქავენ. წინ, როგორც ყოველთვის, ვალოდია ციგანკოვის ცხენი მიდის. მე, რეზო სალუქვაძე და სოსო ბაბუაძე წალიკად მივლევთ მას. სოსო თავის ფოტო და კინოაპარატურაში ჩამჭდარი ძლივს ჩანს. ცხენიდან ჩამოსულმა ვალოდიამ დურბინდი მოიმარჯვა, მიდამო მოათვალიერა და გვანიშნა, ჩამოვქვეითებულიყავით. დურბინდმომარჯვებულმა 700—800 მეტრის სიშორეზე ტყეების კარგა მოზრდილი ჯოგი დავინახე, რომელიც მშვიდად შეექცეოდა ბალახს. მათგან მოშორებით მეორე, უფრო დიდი ჯოგი ბალახობდა.

ხანმოკლე თათბირის შემდეგ გადაწყდა, ვალოდია წასულიყო იმათკენ და როგორმე მოეხერხებინა მიპარვა, ჩვენ კი ხეობის ორივე მხარეს ბილიკებს უნდა დავდარაჯებოდით.

ვალოდია კლდის ნაშვავებს მიეფარა. წუთები ძალზე შელა გადიოდა. ვალოდია აღარ ჩანს, მაგრამ ვარაუდით ვგრძნობ, რომ პირველ ჯოგს მიახლოებული უნდა იყოს. თოჯის ხმას ველი. არაფერი ისმის, დურბინდით გავყურებთ ტყეებს. მათ ერთბაშად ბალახის წიწქნას თავი მიანებეს და

ყურებდაცქვეტილები, ზანტად, ისე, თითქოს არ სჯერათ საფრთხისაო, ადგილიდან დაიძრნენ. სროლა არც ეხლა გაისმა. მოლოდინისაგან სუნთქვა მეკვრის. მეორე ჯოგი ისე მშვიდად განაგრძობდა ძოვას, რომ მათთან მისული ტყეებიც დამშვიდდნენ და გააგრძელეს მათთან ერთად ძოვა.

წუთები იწელება, რეზო სალუქვაძე ბურტყუნებს — ვალოდია მარტო რატომ გავუშვითო, რატომ ჩვენც არ გავყევითო თან, ან იქნებ ეხლა წავიდეთო ჩვენც. მე გაჯავრებულმა ვუთხარი — არ შეიძლება ყველამ თავის ჰკუაზე იაროს-მეთქი.

ერთბაშად იხუვლა მთებმა. ღურბინდი მოვიმარჯვე. ტყეები ჯერ აირივნენ, მერე ერთ ბურთად შეიკრნენ, შეჩერდნენ, ცდილობდნენ გაერკვიათ, საიდან მოდიოდა საშიშროება. მეორედ იქეჭა თოფმა. წინ ვაცი დაიძრა და დანარჩენებიც გაჰყვნენ ჩვენგან საპირისპირო მხარეს ჰიუხებისაკენ, ისეთი სისწრაფით მიჰქროდნენ, რომ მნახველს თავბრუ დაეხვეოდა. მესამედ გადაუარა არემარეს თოფის ქუხილმა და ყველაფერი მიწყდა.

სასწრაფოდ მოვახტით ცხენებს და რაც კი შეიძლებოდა, სწრაფად გავუდექით ხეობის სათავისკენ, სადაც ვალოდია გვეგულებოდა. „ბრძოლის“ ველზე თხა ეგდო მხოლოდ. ამაოდ ვეძებდი ორი დანარჩენი გასროლის შედეგს. როგორც მერე გამოირკვა, შეუმოწმებელი უხეირო თოფის გამო ორი გასროლა მიზანს ასცდენოდა და ეს ერთიც შემთხვევითი მსხვერპლი იყო.

სოსომ სურათები გადაიღო. კინოაპარატითაც წაიმუშავა და მერე ვალოდიას მოეხმარა თხის გატყვავებაში. ვალოდია მარდად მუშაობდა. უცბად შემოატყავა ნადირი, მუცელი გაუფატრა, ნაწლავები და ფაშვი ამოყარა ორთქლმოდებულ მუცლიდან და „კრუშკაო“ გადმომძახა. არ წამოგვიღია მეთქი, დაჩოქილმა ვალოდიამ სიგრძეზე გაპოზილი ნიამორის მუცელში ჩარგო თავი.

— ნეტავი, რას ეძებს ამდენ ხანს — გვეკითხება სოსოია, მე და რეზო სალუქვაძემ კარგად ვიცით, რასაც „ეძებს“ ვალოდია, ვიღიმებით.

— დედა, დედა, ამას რას შობა, რეზო ბიძია, სისხლს სვამს, სისხლს! — იძახის დაფეთებული სოსოია და ისე აცეცებს შე-



შინებულ თვალებს, მაგრამ, როცა ვალოდიამ სისხლით მთლად გათხუპნული ცხვირ-პირი ამოყო ნადირის მუცლიდან, სამართებელივით მჭრელი დანით ცხელ ღვიძლს კარგა დიდი ნაჭერი ჩამოაჭრა და მაღიანად შეექცა. სოსოია მთლად გადაი-რია.

ნადირი სასწრაფოდ დავაფეშხოვეთ, ხორცი ქვებზე და-ვალაგეთ და ზედ ტყავი გადავაფარეთ. სოსო იქვე დაეტო-ვეთ. ჩვენ კი ზემოთ ავუყევით ხეობას.

იმ დღეს აღარაფერი გამოგვივიდა. რამდენჯერმე დავინა-ხეთ მყინვარებში ხმლისრქიანი ვაცები, მაგრამ სათოფეზე ვერ მივეპარეთ, ყოველთვის გვამჩნევდნენ და ქარაფებში უჩინარდებოდნენ.

შელამებულზე დავბრუნდით სადგომში. დაღლილები და მშვივრები.

რეზო სალუქვაძე, როგორც ყოველთვის, ვახშმის მზადე-ბას შეუდგა. შეხვეული ცეცხლი გააღვია, ვედროთი ხორ-ცი შემოდგა, მწვადებიც აასხა. ტყემალი, აჯიკა და წიწაკა ამოვალაგეთ, თან გავაფრთხილე მეგობრები, — ძალიან ცხა-რეა და ფრთხილად-მეთქი. კოლიას მაინც და მაინც დიდი ინტერესი არ გამოუჩენია მათდამი, ვალოდიამ კი აჯიკა კა-რაქივით წაუსვა პურს და ისე გემრიელად შეექცეოდა, ლა-მის მე დამასხა სიმწრის ოფლმა, მაგრამ, როცა ვახშამს მოვ-რჩით და ჩაით სავსე თუნუქის კათხაში შუაზე გადატეხილი წიწაკა ჩააგდო, ცხარე საკმლის მოყვარულმა ქართველებმა გაოცებისაგან პირები დავაღეთ.

ჩვენს შეკითხვაზე — თუ სად და როგორ მიეჩვია ასე ცხარე საკმელს, — ვალოდიამ გვიპასუხა:

— როგორც იცით, ცხოვრება სამსახურებრივი მოვალე-ობის გამო თითქმის სულ გარეთ მიხდება. ხან მოტოციკლე-ტით და ხან ცხენით, ხან ტყეებში ვარ, ხან იალაღებზე, რომ ბრაკონიერობა აღკვეთო. აქ კი ჩვენთან ზამთარში ხანდახან ორმოცდაათ გრადუსამდე ყინვაა. თოვლს ძალზე ცოტას დებს და იმასაც არ აჩერებს ქარი. ასეთი სიცივე კი რო-გორც მოგეხსენებათ, არც თუ ისე იოლი ასატანია. ხშირად მიხდება, აი, ასეთ ამინდში მთაში დარჩენა. ცეცხლს დავან-თებ, შეშასაც მოვიმარაგებ, მაგრამ ჩაგეძინება და უყურად-

ლებოდ დარჩენილი ცეცხლი ჰრება, ჰრება და იმ წუთში გაღვიძებს სიცივე. ცხარე საერთოდ მიყვარდა, მაგრამ ასე არა. ერთხელაც, ჩემს საგზალში რაღაც არაჩვეულებრივად ცხარე წიწაკა შემხვდა, სწორედ ძალიან დიდი ყინვა იყო, ვიფიქრე, იქნებ, ამან მიშველოს-მეთქი, ჩაიში ჩავემტვრიე და ისე დავლიე, ცეცხლს შევუკეთე, ცხვრის ქურქში გავეხვიე და დავიძინე. დილამდე სულ ოფლში ვცურავდი მიუხედავად იმისა, რომ ცეცხლი კარგა ხნის ჩამქრალი იყო. — აი, მას შემდეგ მაგით ვიზობ თავს.

არ ვიცი, მართალია თუ არა. მე ამის შემოწმების არავითარი სურვილი არა მაქვს, სხვამ კი თვითონ იცის, უნდათ, დაუჯერონ ვალოდიას, და უნდათ — არა. საქმელს მაღიანად შევექეცით, და ამ დროს უნებლიე შეცდომა დავუშვი.

— რეზო, ღვიძლს ძალიან ნუ შეწვავ, გამოშრება.

ამის თქმა იყო და, სოსოს ლუქმა გაუვარდა ხელიდან. იმ დღეს ნანახი გაახსენდა უთუოდ და ველარაფრით საქმელი ველარ ვაჭამეთ.

მუდამ ყურადღებიანი მასპინძელი ვალოდია, ყველაზე საუკეთესო ნაჭრებს სთავაზობდა სოსოს, იქნებ, ეს მოეწონოს და ჭამოსო, მაგრამ არაფერი გამოუვიდა.

ვალოდიას ხომ ვერ ვეტყოდით მიზეზს. სოსომაც ცუდად ყოფნა მოიმიზეზა და ჩვენც, ცოტა არ იყოს, გაგვიუგემურდა ვახშამი.

დილით ქვევით ჩავყევით პატარა მდინარის — ბალიკტუს ხეობას. ბალიკტუ თევზიანს ნიშნავს. ლამაზ ტყიან ტაფობში ბოლი შევნიშნე. ვალოდიამ გვითხრა — ერთი ოჯახი ბინადრობს და იქ დავისვენებთო. ჩამოქვევითებულები ვუახლოვდებით სადგომს...

— დედაშენს რა ჰქვია, გოგონა? — თავზე ხელის წათათუნებით ეკითხება ვალოდია ნახევრად ტიტლიკანა, ლოყებდაწითლებულ სამიოდე წლის გოგონას.

— ეჩი! — მხიარული ღიმილით და საოცარი სითბოსგამომხატველი თვალებით პასუხობს გოგონა.

— რა ჰქვია, რა? — ეკითხება გაკვირვებისაგან თვალებდაჭყეტილი ვალოდია და გულღიანად ხარხარებს.

— ეჩკი! — გარკვევით პასუხობს პატარა და ოდნავ ნაწყენი აჩერდება თვალებში, თითქოს უკვირს, ნეტავ, რა გაცინებსო. მერე ერთბაშად შარვლის ტოტში ჩაავლო პატარა ხელი, ფარეხისკენ წაბანცალდა და ვალოდიაც თან გაიყოლა.

— ეჩკი ალთაურად თხას ნიშნავს, — ღიმილით მიხსნის კოლია და თან ცნობისმოყვარეობით მივყვებით ფარეხისკენ მიმავალ გოგონას და ვალოდიას.

— მეხი კი დავათხლიშე დედამაგისს, — ქოქოლა მიაყარა იქვე სარეცხით გართულმა ბებიამ თავის ქალიშვილს. — იმ უნამუსოს ოჯახი და შვილი კი არა, მარტო მამაკაცი ყვარებია თურმე.

პატარა რაია კი ბანცალით წინ მიუძლოდა ვალოდიას, რომელსაც ჩვენ მივყვებოდით გაოგნებულები.

რაიას დედა ქმარმა მიატოვა, თურმე, და სხვა შეირთო ქალაქში. გამწარებული ქალი ერთხანს ეხვეწა დედას, გაეყიდოთ თხის ფარა და ჩვენც ქალაქში გადავიდეთო, მაგრამ მოხუცს შორს დაუჭერია ქალიშვილის წინადადება. მაშინ, ბოხჩაში გამოუქრავს თავისი ავლა-დიდება, რაიჩკაც დედისათვის დაუტოვებია და გაპარულა. მას შემდეგ თავისი ქალიშვილის ხსენებაც არ უნდოდა მოხუცს.

— ეჩკი, ეჩკი, — გასძახა რაიამ.

ბავშვის ხმის გაგონებაზე ცურდატენილი თხა უმაღლ გამოეყო პატარა ფარას და ბავშვს შეეგება. ცეროდენა კისერზე მოეხვია, — ეჩკი, ეჩკი, — ჩურჩულებდა პაწაწინა, თხა კი ნაზად ლოკავდა მის ტიტლიკანა მუცელს, ყელს, ლოყებს, მერე ბავშვმა ჩაიჩოქა და თხა მაშინვე მიუწევა გვერდზე.

რაიჩკას ლამაზი ცხვირ-პირი დედობილის ჯიქანში ჩაიმალა.

სოსოია კამფეტებით გაუმასპინძლდა გოგონას.

თითო კათხა ახლადმოწველილი რძე გეახელით, ცოტა ხანს შევისვენეთ და გზას გავუდექით იმ ვარაუდით, რომ სახვალიოდ სანადირო ადგილებთან ახლოს ვყოფილიყავით. მაგრამ მეორე დღეს ვერ ვინადირეთ, ნისლით ისე იყო ჩამობნელებული იქაურობა, ვერაფერს ვხედავდით ხეირიანად. თოვდა კიდევ.

სალამო ხანს გადაიღო თოვლმა.

— ხვალ გვექნება კარგი ნადირობა, — გვეუბნება ვალო-  
დია. — ეხლა კი რაც შეიძლება ბლომად მოვიმარაგოთ შეშა,  
ამალამ ყინვა დაარტყამს. — და ცისდასალიერს გასცქერის.

მე, ვალოდია და სოსოია შეშაზე გავდივართ. რეზო სალუქ-  
ვაძე და კოლია კი ვახშმის მზადებას შეუდგნენ.

ჩამობნელდა. შეშა და წყალი მომარაგებული გვაქვს. ვა-  
ლოდიამ ცხენებიც შეამოწმა და დაბრუნდა. ვახშამი მზად  
არის.

უზარმაზარი კოცონი ტკაცუნობს კარვის წინ. ცაში ავარ-  
დნილ ალში ნაპერწყლების ფეიერვერკია, ტანაშოლტილი  
კედრები ათასფრად მორთულ, საახალწლო ნაძვის ხეებს გვა-  
ნან, მათ გარშემო კი ალისაგან წარმოქმნილი ლანდები და-  
ბორიალობენ. დროდადრო ტინებს ჯერ კიდევ ფხვიერი  
თოვლი წყდება და თანწამოყოლილი კლდეების ნაშვავი  
ხრიალით იშლება ხეობაში. სოსოია დაფეთებულ თვალებს  
აქეთ-იქით აცეცებს — აგე! თითით გვანიშნებს იქით, საიდა-  
ნაც ხმა ესმის.

— წახდა ყაზილარი. — იცინის რეზო სალუქვაძე. — რამ-  
დენჯერ უნდა გითხრათ, ბიჭო, ეგ ნაშვავია და სხვა არაფე-  
რი, ნუ გეშინია.

ვალოდია იცინის.

— აუჰ, ზედა ბინაში დამრჩენია ხანჯალი. — შეიცხადა  
რეზომ. — აი ძვლები რით ჩავჩეხო ახლა, სოსოია ბიძია, მოახ-  
ტი ცხენს და აირბინე ერთი შენს გაზრდას, აქვე არაა წყალ-  
გაღმა? თვალი ჩამიკრა ისე, რომ სოსოს არ დაენახა და  
აქეთ-იქით ფათური დაიწყო, თითქოს მართლა ეძებდა რაღაცას.

— რას ამბობთ, რეზო ბიძია, ხორცი სულ რომ არ ვჭა-  
მო, კარვიდან გავალ, ახლა მ..ე..ე? — წაუზესტაფონურა სო-  
სომ და ნირწამხდარმა შემომხედა.

— მაშინ მე წავალ, აბა მშვივრები ხომ არ დავრჩებით,  
ბიჭო. — სერიოზულად ვეუბნები.

— აჰ, არაფერი გეტყინათ მანამდე, მე გარეთ არ გამაგ-  
დოთ, საკმელი ახლა კი არა, მგონია, სულ რომ არ ვჭამო  
ჩემს სიცოცხლეში. — ამბობს სოსოია და კარვის კუთხისაკენ

ისე მიჩოჩავს, თითქოს მართლა ძალით უპირებდეს ვინმე გარეთ გაგდებას.

— უჰ, მაგერ არ გაქვთ ხანჯალი? — ისევ წაუზესტაფონურა სოსოიამ და ნირწამხდარ სახეზე სიხარულის ღიმილი მოერია.

გულიანი სიცილით შევეუდექით ვახშამს.

ეთნოგრაფიული ლიტერატურიდან ცნობილია, რომ ალთაელები ძალზე გულგახსნილი და გულუხვი მასპინძლები არიან. ყოველ აილში შესული ადამიანი ითვლება ამ აილის ოჯახის წევრად. თუ მასპინძლები ჰამენ, ისიც ჰამს, თუ სვამენ, ისიც სვამს, ყოველგვარი გარჩევის გარეშე, თუ სტუმარი სხვა სოფლიდანაა, წასვლისას საგზლითაც მარაგდება.

გეოგრაფი ვ. ვ. საპოჟნიკოვი აღწერდა, თუ როგორ მიიღო იგი ზაისან ჩეკურაკმა. „ის იყო ცხენიდან ჩამოვხტი, რომ ხელკავი გამომდეს ჩეკურაკის ათი წლის ვაჟმა და ვილაც მოხუცმა და ზეიმით წამიყვანეს იურტისაკენ, დამსვენებეწვეულის ნოხზე და კუმისითა და თბილი არაკათი გამომასპინძლდნენ. დიასახლისი შორიახლოს იდგა და ბრტყელძირა ხის თასებს ავსებდა სასმელით. სასმისები იმავე ბიქს — მასპინძლის შვილს დაჰქონდა. როცა რომელიმე სტუმრის წინ გაჩერდებოდა, ის პირველად სასმელით სავსე თასს ჯერ თავის ტუჩებთან მიიტანდა და ისეთ სახეს იღებდა, თითქოს ცოტა მოსვავ და მხოლოდ მის შემდეგ მიართმევდა სტუმარს. მასპინძელმა დატენა ჩიბუხი, მოუკიდა, გააღუა და მომაწოდა. ჩემ რიგად მე ასევე უნდა მეპასუხა; ეს აქტი ყალმუხებს\* დიდ თავაზიანობად ეთვლებოდათ და ჩიბუხის მიუღებლობა დაუშვებელია. მალე ჩიბუხები ხელიდან ხელში გადავიდა“.

სტუმარი საჩუქრებით მოდიოდა: მოჰქონდა ჩემენი, კუმისი, არაკა, კარაქი, ბიშტაკი და კურუტი — ძროხის ყველი, ერბო და არჩინი. სტუმარი ხსნიდა არაკიან ტაყურს, იჩოქებდა ცალ მუხლზე და აწვდიდა მასპინძელს. მასპინძელი ჩამოართმევდა ტაყურს, არაკას გადაასხამდა სხვა ჭურჭელში, და დგამდა ცეცხლზე გასათბობად. სტუმარი ცეცხლში

\* შეცდომით ალთაელები ყალმუხებად არიან ნახსენები.

დებდა არჩინს, მასპინძელი არაკას მოასხურებდა ცეცხლს. დიასახლისი სტუმარს ჯერ ჩაით უმასპინძლდებოდა, შემდეგ კი ხარშავდა ხორცს, იმის შემდეგ, სტუმრის მიერ მოტანილი არაკა შეისმებოდა, მასპინძელი თავისითაც უმასპინძლდებოდა. მეორე დღეს მასპინძელი სტუმრის პატივსაცემად კლავდა ცხვარს და უმასპინძლდებოდა მას განსაკუთრებული თეფშით: ხის ლარნაკზე დადებული მკერდის ნაწილით ან ნაკლავის უკანა ნაწილით.

სტუმარი ყველა ტომის ალთაელებისთვის ერთნაირად ძვირფასია. მის თხოვნას დაუყოვნებლივ ასრულებდნენ. სტუმარს ჩუქნიდნენ რომელიმე ცხოველს, აგრეთვე მოჩუქურთმებულ ხის ფიალას, ლამაზი ქსოვილის ნაჭერს, აბრეშუმის ძაფს, ჩაის. სტუმარი იღებდა საჩუქრებს, რომელთა ფასეულობაც მის ნათესაურ სიახლოვეს შეესაბამებოდა.

სტუმართმოყვარეობის წეს-ჩვეულების ერთ-ერთი არსებითი მომენტი იყო როცა სტუმარს წელზე არტყამდნენ ქამარს — (ხუთი-ექვსი მეტრი სიგრძის ახალ ქსოვილს). მასპინძელი შემოახვევდა სტუმარს ქამრად ამ ქსოვილს და თან დალოცავდა: „— დე, შენი წელი იყოს მაგარი!“ თუ ბევრი სტუმრები იყვნენ, ყველასათვის უნდა შემოერთყათ ქამარი. უფროს ან უფრო პატივსაცემ სტუმარს შემოართყამდნენ აბრეშუმის ან ხავერდის ქამარს. ბურხანისტები სიძეს უთუოდ თეთრი ქსოვილის ქამარს შემოართყამდნენ, რომლის ბოლოშიც გამოკრული იყო ტყვია. სტუმარი მამაკაცებისათვის მხოლოდ ერთფერი ქსოვილის ქამრის შემოართყმა შეიძლებოდა, ხოლო სტუმარი ქალებისათვის — ფერადი ქსოვილისა.

ანლადაქორწინებულნი ერთი წლის შემდეგ მიდიოდნენ სტუმრად პატარძლის მშობლებთან. ალთაელებში სტუმრად მოსულ სიძეს შემოართყამდნენ თეთრ ქამარს, თავის ქალიშვილს — მის ცოლს კი — ჩუქნიდნენ ჭურჭელს, ქვაბებს და ა. შ. ტელენგიტები სიძეს წითელ ქამარს შემოართყამდნენ, აჩუქებდნენ თოფს, ტალკვესს ან ასანთს, რომ მის ცნობრებაში ცეცხლი ენთოს სულ, ე. ი. ბედი სდევდეს თან; ქალიშვილს ჩუქნიდნენ რომელიმე შინაურ ცხოველს

თუ სტუმრად დისშვილი მოვიდოდა, ბიძა მას ან ცხენს ზჩუქებდა სრული აღკაზმულობით, ან თოფს, ძროხას ან ცხვარს და ძვირფასი ქსოვილის ქამარსაც შემოარტყამდა. სტუმარს თუ ბავშვი ახლდა, მიღებული იყო ბატკნიანი ცხვრის ჩუქება.

როგორც რუსი, ისე ალთაელი ქალების საზოგადოებრივი და საოჯახო მდგომარეობა რევოლუციამდე ძალზე დამამცირებელი იყო, განსაკუთრებით ალთაელი ქალებისა. წერა-კითხვისა და მინიმალური ადამიანური უფლებების გარეშე ცხოვრობდნენ ისინი. ამის დამადასტურებელია ალთაიში ფესვგადგმული ანდაზური თქმა — „ცხენი იმასთან მუშაობს, ვისაც მიჰყიდეს, ქალი იმასთან ცხოვრობს, ვისაც მიათხოვეს“. დროთა განმავლობაში, როგორც სხვა ყველა ზნე-ჩვეულებებმა და წესებმა, ალთაიში ქორწინებამაც ბევრი ცვლილებები განიცადა.

ძველად ალთაიში, ქალს საქმრო, როგორც წესი, იტაცებდა და მხოლოდ ამის შემდეგ გზავნიდა მის მშობლებთან დამწინდავებს. დამწინდავთა მოთავე, როგორც წესი, სიძის უახლოესი მეგობარი უნდა ყოფილიყო. ისინი საკლავით, სასმელითა და სხვა სანოვაგითა და საჩუქრებით დატვირთულნი მიადგებოდნენ სარძლოს კარს.

სტუმრები სარძლოს კარ-მიდამოს ახლოს კლავდნენ საკლავს, შლიდნენ სუფრას და სიძეზე შეთხზულ ქება-დიდებას მოახსენებდნენ სარძლოს მშობლებს. მშობლები თავიდან არც კი უსმენდნენ მათ, ინაზებოდნენ, უარის ნიშნად არც საჩუქრებს იღებდნენ და არც პურ-მარილს. სიძის უპირველესი მეგობარი კი ყველაფერს აკეთებდა იმისთვის, რომ როგორმე დაეყაბულებინა ისინი, ოქროპირობდა, საქებარ სიტყვებს არ იშურებდა მათი გულების მოსაგებად.

ბოლოს და ბოლოს, თუ სასიამაორო დამწინდავის მიერ მირთმეულ სავსე კათხას მიიღებდა და დაღევდა, რაც ქორწინების დასტურს ნიშნავდა, მათრახს წამოავლებდა ხელს და სიძის მეგობარ-დამწინდავს, როგორც ამ საქმეში სიძის ხელის შემწყობსა და მესაიდუმლეს, კარგა გემოზე ააჭრელებდა, სიძის მეგობარს წინააღმდეგობის გარეშე უნდა მიელო ეს „უსიამოვნება“.

სასიამპრო ამის შემდეგ აუწყებდა მას, თუ ვისთან უნდა მისულიყვნენ კიდევ დამწინდავები ასეთივე საჩუქრებითა და პურ-მარილით (საპატარძლოს ბიძები, ძმები, ან სხვა საპატრივცემულო ნათესავები) და იქ აღენიშნათ მშობლების მიერ მიცემული დასტური. ყოველივე ამის შემდეგ ინიშნებოდა ქორწილის დღე.

საერთოდ, ქორწილს ალთაიში ზაფხულობით — ივლის-აგვისტოში მართავდნენ, როცა საქონელი მსუქანია, რძე ბლომადაა და მოსაწევი მოწეულია.

ქორწილის წინ სიძის მხარე ამზადებდა კარვის ასაგებ მასალას, საკლავს, ხდიდა არაკას და ქორწილის დღეს, როგორც კი გამოჩნდებოდა პატარძლის მაყრიონი, მაშინვე იწყებდნენ ახალი კარვის შენებას, შიგნით მას ქეჩით გადატიხრავდნენ და ასე გადაყოფილ ერთ ნაწილში დობილებს შეჰყავდათ პატარძალი, სადაც მას თმას შუაზე გაყოფილს გადაუვარცხნიდნენ, რაც გათხოვილი ქალისათვის აუცილებელ ვარცხნილობას ნიშნავდა. ამის შემდეგ პატარძალი კარავში ცეცხლს დაანთებდა, ჩაის (ტალკანს) მოადუღებდა (მდულარეში ურევენ რძეს, გემოვნების მიხედვით მარილს და ერთ ჭიქაზე ერთ ჩაის კოვზ ქერის ფქვილს) შინაური სტუმრებისათვის. პატარძალი ამის შემდეგ გამოჰყავდათ სტუმრებთან გარეთ, სადაც უზარმაზარი ქვაბებიდან ოხშივარი ასდიოდა ცხენის, ცხვრისა და აზავერის ხორცისაგან დამზადებულ სხვადასხვა კერძებს.

საქორწილო ღვინო ხშირად ორი-სამი დღე გრძელდებოდა.

ტოპშურზე მღეროდნენ კაიხები, დაღლამდე ყვებოდნენ საგმირო საქმეებზე ჩიერჩიერკჩები. იმართებოდა გაუთავებელი ფერხული. ალთაელებმა არ იციან ცეკვა-თამაში, გარდა ოიინისა, ოიინი კი უფრო ფერხულია, ვიდრე ცეკვა.

ამ ადრეულ ტრადიციას მოჰყვა უფრო გვიანდელი, ყირგიზეთიდან და ყაზახეთიდან შემოსული ქალის ყიდვის წესჩვეულება. სიძის მხარე საპატარძლოს მხარეს უხდიდა საფასურს და ქალიც ყურმოკრილი მონა ხდებოდა თავისი ქმრისა. ამას ისიც ემატებოდა, რომ ოჯახში უფროსი ძმა თუ იღუპებოდა, მისი მომღვენო იყო ვალდებული მისი



ცოლი ეცოლა და შვილები ეშვილა, თუნდაც უფროსი ძმის ქვრივი ბევრად ხნიერი ყოფილიყო მასზე. აი, რას უბარებდა უფროსი ძმა უმცროსს.

— დაიღუპება ჭაკი — დარჩება კუდი, ფაფარი და ძვლები; მე თუ მომკლეს, შენ დაგრჩება ჩემი ცოლი, კარავი და ბავშვები...

შემდეგ მკაცრად უმატებდა:

— ჩანიხს (ცოლია) ნუ აწყენინებ, მას კეთილი გული აქვს. ბავშვები არ მოამშოო, ცხენებზე შესვი ისინი.

უბარებდა და ეს წმიდა ვალდებულება უმცროსს უნდა შეესრულებინა.

კარგა ხანს ბატონობდა ამდაგვარი მკაცრი კანონები მთიან ალთაიში. კარგა ხანს ემორჩილებოდნენ მათთვის დამღუპველ, ყოველგვარ სიხარულისწამრთმევე წეს-ჩვეულებებს, სანამ ოქტომბრის შუქმა არ გაანათა აქაურობა, სანამ დიდმა რევოლუციამ არ მოუტანა მათ თავისუფალი ცხოვრების, სიყვარულისა და თავისი ბედის განკარგულების უფლება. აი, მაშინ კი აიმაღლეს ხმა ახალგაზრდებმა:

მე არ შევქამ ხორცს,  
წინა დღით მოხარშულს,  
მე არ ვიცხოვრებ მოხუც ქალთან,  
რომელიც ძმამ დამიტოვა.

ძველ ალთაიში, როგორც წესი, ყველა ქალი თუთუნს სწევდა და დიდ პატივად ითვლებოდა, თუ ვინმე თავის ჩიბუხს მოგაწვდიდათ.

კარავში სტუმრად მისულს, თუ ოჯახის უფროსი თავის პირიდან ჩიბუხს გამოიღებდა და მოგაწვდიდა, იმას ნიშნავდა, რომ მასპინძელს ეამა სტუმრის მისვლა, ან თუ საქმეზე იყავი მისული, იგივე ამბავი ნიშნავდა იმას, რომ ამ საქმიან საუბარს შენთვის სასურველი პირი უჩანდა.

ამას რა ჯობია, როცა შენი სტუმრობა სიამოვნებთ, ანდა საქმეზე მისული სასურველ პასუხს იღებ, მაგრამ, რამდენად სასიამოვნოა ერთი პირიდან მეორეში დალორწყილი ჩიბუხის მოგზაურობა, ესეც საკითხავია.

გვარები ალთაელებს რევოლუციამდე არ გააჩნდათ. მათი

გვარები ალთაიში იმ დროს შესული სიახლეებიდან წარმოს-  
დგა: ტოვაროვი, კარანდაშოვი, ბილეტოვი, გაზეტოვი, ყურ-  
ნალოვი, ტაბუნოვი, კარმანოვი, საპოგოვი და სხვა. სახელები  
კი კერპთაყვანისმცემლობის პერიოდიდან მოდის და ბუნე-  
ბის მოვლენებთან, ცხოველთა და ნადირთა სახელებიდანაა  
წარმოქმნილი. თუმცა, აქაც იყო ზოგიერთი გამონაკლისი.  
მაგალითად, თუ ოჯახს ადრე შვილი ჰყავდა მკვდარი და  
მეორე შეეძინებოდა, ოჯახს სწამდა, თუ ახალშობილს რაც  
შეიძლება ძნელად გამოსათქმელ ან ცუდად სახსენებელ სა-  
ხელს დაარქმევდნენ, ამ ბავშვს ღმერთი აღარ წაიყვანდა  
და დიდი ხნის სიცოცხლე ეწერა. ამიტომ არქმევდნენ: კუ-  
ჩუკ (ლეკვი), იტ-კულაკ (ძაღლის ყურები), იტ-კიდენ (ძაღ-  
ლის უკანალი) და სხვა.

ბავშვის დაბადების შემდეგ, ოჯახში შემოსული პირვე-  
ლი სტუმარი არქმევდა მას სახელს.

ახალშობილს სტუმარი სახელს რომ დაარქმევდა, კათხა  
არაკათი სადღეგრძელოს მიუმღერებდა:

სადგომი შენი, დე, განმტკიცდეს ჩქარი  
მდინარის სანაპიროზე,  
სიცოცხლე შენი,  
დე, გრძელდებოდეს დიდ ნაკვერჩხლებიან  
ცეცხლთან,  
იგავ ღონიერი, ვით შთის მდიანრე.  
ხუთს არ დანებდე, ექვსს მოერიე.

ამის შემდეგ, ხელახლად ავსებულ კათხით ახალშობი-  
ლის მამას მიუმღერებდა:

დე, მისი ქურჩი ლოკოს საქონელმა  
დე, მისი ტანსაცმლის კალთები გათელონ შვილებმა!  
დე, მან იცოცხლოს ასწლოვან რბილწიწვიანას დარად!  
დე, თოვლისფერი მისი კბილები ნურასოდეს ნუ გაშაედება!

ქარგ ვაჟკაცს ქარის, ხოლო დედაკაცს ბოლის სუნი ასდი-  
სო, — ამბობდნენ ალთაიში და ამ თქმაში გამოიხატება მთე-  
ლი მათი ყოფა, მათი ცხოვრების დედააზრი. მამაკაცი—მწყემ-  
სი, მონადირე, მომთაბარე და მეომარი სულ გარეთაა და, მარ-  
თლაც, ქარისა და წვიმის, თოვლისა და მზის სუნი დაჰკრავ-

და, ხოლო კარავში გამომწყვდეულ დედაკაცს — დედასა და ფუძის ანგელოზს, დიასახლისს და კერის მომვლელს ბოლის სუნი, რაღა თქმა უნდა აუდიოდა.

საქორწინო ასაკი მამაკაცებისა და ქალებისთვის ერთნაირი არ იყო. მამაკაცისთვის ეს ასაკი ადრე დგებოდა. ალთაელები ამას ასე ხსნიდნენ — ბიჭის დაქორწინება ყოველ ასაკში შეიძლებოდა და არავითარი ასაკი არ არის დაკანონებულიო. ზოგან ასეც კი ამბობდნენ: „თუ ბიჭუნას ფეხზე დგომა შეუძლია, ქუდს რომ ესვრი და არ წაიქცევა, — მამასადამე, გაზრდილა და ცოლის თხოვაც შეუძლიაო“. ხშირად შეიძლებოდა, თურმე, შეხვედროდით 7-10 წლის ბიჭუნებს, რომლებსაც ცოლები ჰყავდათ. ასეთ „ქმარს“ ჰყავდა ჩვეულებრივი ახალგაზრდა ქალი, რომლის მოვალეობაც იყო — ქმრის აღზრდა. თოთხმეტ წელზე ნაკლების გათხოვილ გოგონას ვერ ნახავდით, მაშინ, როცა, როგორც ზემოთ ვთქვით, 7-8 წლის ქმრები საყოველთაოდ მიღებული იყო. ეს გარემოება იმით აიხსნებოდა, რომ ქალი მეურნეობისთვის იყო მუშა ძალა, რაც შეიძლება მეტი ბავშვების მშობელი და აღმზრდელი. აქედან, ისიც გასაგებია, რომ პირიქით შემთხვევებს, ე. ი. ასაკოვანი მამაკაცისა და პატარა გოგონას შეუღლებას ადგილი არ ჰქონდა.

ალთაელებში უდიდესი მნიშვნელობა ჰქონდა გვარტომობას და ერთსა და იმავე გვარ-ტომში ქორწინება დაუშვებლად შიახნდათ. მაგრამ ერთი რამ: მხოლოდ მამის მხრივ ნათესაობა ითვლებოდა, დედის მხრივ ნათესაობას მნიშვნელობას არ ანიჭებდნენ, რადგან ტომობრივობა დედის მხრივ არაფრად არ ითვლებოდა.

უცნობი პირველ შეხვედრისას სხვა სტერეოტიპულ შეკითხვასთან ერთად აუცილებლად იკითხავდნენ „რომელი ტომისა ხარ?“

ქმრის მამა, ქმრის უფროსი ძმა და ქმრის უფროსი ბიძა — ქალისათვის ყველანი მამამთილებად ითვლებოდნენ. ცოლის დედა, ცოლის უფროსი და და ცოლის უფროსი დეიდა — ქმრისათვის სიდედრებს წარმოადგენდნენ და მათ შო-

რის ქორწინება დაუშვებელი იყო. დაუშვებელი იყო აგრეთვე ერთდროულად ორ დაზე ქორწინება, თუ ერთი მათგანი სიდედრს წარმოადგენდა; დაუშვებელი იყო მამაკაცის დაქორწინება უფროს ცოლის დაზე უმცროსის სიკვდილის შემთხვევაში. მაგრამ სრულიად ნორმალურად ითვლებოდა ცოლის სიკვდილის შემთხვევაში მის უმცროს დაზე დაქორწინება.

რევოლუციის შემდეგ კიდევ იყო შემთხვევები, როცა მცირეწლოვანი „ქმრის“ მამა ცხოვრობდა ასაკოვან რძალთან. ამავე დროს, მათი შვილები ქმრის შვილებად ითვლებოდნენ. ასეთი ასაკოვანი ცოლები აიძულებდნენ თავიანთ ქმრებს ერწიათ მათი თოთო ბავშვები, და ხშირად ურტყამდნენ კიდევ მათ. იყო შემთხვევები, როცა ოჯახში მამა 6-7 წლით იყო „შვილებზე“ უფროსი.

დაქვრივებული ქალი რჩებოდა თავისი მამამთილის საზღვარში მონად. მას იგი ნაყიდი ჰყავდა როგორც ნივთი და არცერთ კაპიკს არ დაუკლებდა ახალ მყიდველს, თუკი ასეთი გამოჩნდებოდა... ბედნიერება იყო, თუ მას ჰყავდა დავაჟაკებული, უცოლო მაზლი, ქვრივი ქალი ხდებოდა თავისი უმცროსი მაზლის ცოლი, რისთვისაც მისი თანხმობა სრულიად არ იყო საჭირო. ძალადობაც კი რომ ეხმარა, ამისი უფლება ჰქონდა არსებული წეს-ჩვეულების მიხედვით.

ყველაზე საუკეთესო ქორწინებად ითვლებოდა დედის ძმისშვილზე გათხოვება... ასეთ ქორწინების დროს სირცხვილიც კი იყო საპატარძლოს მამას დიდი კალიმი მოეთხოვა.

დედის მხრივ ბიძა (ტააი), მიუხედავად ასაკისა, დიდი პატივისცემით სარგებლობდა. დისშვილი შეიძლება გაცილებით უფროსი ყოფილიყო ბიძაზე. დისშვილს უცილობელი უფლება ჰქონდა, ბიძისგან მოეთხოვა თავისი შეხედულებისამებრ საჩუქარი და ბიძა ვალდებული იყო შეესრულებინა ეს თხოვნა, წინააღმდეგ შემთხვევაში დისშვილს შეეძლო ეს საჩუქარი ზაისანთა სასამართლოს ძალით მოეთხოვა. ტელეუტებს მშვიდობიანობის დროს ნიშნობისას სუფრის თავში ეჯდათ ბიძა. კალიმის ფულს გადასცემდნენ, ის კი, შემდეგ მშობლებს გადასცემდა მას. ქორწილის დროს საუკეთესო ხორცის ნაჭრებს მას მიართმევდნენ. საერთოდ, ქორწილ-

ში განსაკუთრებული ადგილი ეთმობოდა ბიძას. კუმანდელებში და ტუბალარებში ბიძა იღებდა სიძისაგან საპატარძლოს გამოსასყიდს. კუმანდელებში კალიმის გარდა საპატარძლოს ბიძისთვის მოყავდა ცხენი. ალთაელებში ბიძა იღებდა მონაწილეობას დისშვილის აილის მშენებლობაში. დისშვილის ქორწილში ბიძა დიდ როლს ასრულებდა, საქორწინო წვეულებასაც ის უძღვებოდა. ახალშობილს სახელს, უმრავლეს შემთხვევაში, დედის მხრივ ბიძა არქმევდა, ისევე ჭრიდა ბავშვს პირველ თმას, როცა ბავშვი წამოიზრდებოდა, ის ღვინით დატვირთული გაემართებოდა ბიძისკენ თავისი თმების „გამოსასყიდად“.

მამას, რომელსაც რამოდენიმე ვაჟი ჰყავდა, ჯერ კიდევ თავის სიცოცხლეში ეყრებოდა მათ. მამა უნაწილებდა მათ საქონელს და სხვა საყოფაცხოვრებო ნივთებს. მობინადრეები — შვილებს სახლებს უშენებდნენ, როგორც წესი, თავისივე ეზოში, ისე რომ, ხშირად ღაინახავდით ერთ ეზოში რამოდენიმე სახლს. უმცროსი ვაჟი მშობლებთან რჩებოდა, როგორც წესი, მათ სიკვდილამდე, და ანდერძად რჩებოდა მათი სახლი და სხვა ქონება. თუ შვილები მამის სიკვდილის დროისათვის არ იყვნენ მისგან გამოყოფილნი, მაშინ მთელი ავლა-დიდების მეპატრონედ უფროსი ვაჟი რჩებოდა იმ პირობით, რომ უმცროსი ძმებისათვის გამოეყო მათი წილი. ქალიშვილებს მამა უკეთებდა მზითევს. გაუთხოვარ დას უფროსი ძმა უკეთებდა მზითევს. ნაშვილები ან გერი ბავშვები ისეთივე უფლებებით სარგებლობდნენ, როგორც საკუთარი.

დაქორწინებულ ალთაელს ცალკე აილს უშენებდა მამა. ერთ აილში ორი ან რამოდენიმე ოჯახის ცხოვრება — თუ გინდ მამა და შვილის ოჯახებისაც კი დაუშვებელი იყო. უცოლო ალთაელს არ უნდა ჰქონოდა ცალკე აილი. დაქორწინების შემდეგ მამა, ყველა ნათესაეების დახმარებით უდგამდა მას აილს და აძლევდა საქონლის წილს. საინტერესოა, რომ კაცი ცოლიანი იყო თუ არა, ასეთი კითხვით იგებდნენ: „აილლუპა, იოკ ჰო?“ (გაქვს თუ არა შენი აილი?).

ბავშვის შვილად აყვანისთვის საჭირო იყო ერთი აუცილებელი პირობა: შვილად ამყვანი და შვილად ასაყვანი

აუცილებლად ერთი და იგივე ტომისანი უნდა ყოფილიყვნენ, რადგან შვილად აყვანილი ყველა იმ პირობით სარგებლობდა, როგორითაც საკუთარი შვილი, არამც და არამც არ შეიძლებოდა ისინი ერთი ჩამომავლობისანი არ ყოფილიყვნენ.

ქორწინება ალთაში ხშირად ასეც ხდებოდა: ერთმანეთთან მეგობრულად განწყობილი ოჯახის უფროსები, ხანდახან კარგი ნაცნობებიც, აძლევდნენ ერთმანეთს სიტყვას ჭერ კიდევ ბავშვების არასრულწლოვანების დროს, ხანდახან კი მათ დაბადებამდეც, რომ ისინი დანათესავდებოდნენ შვილების შეუღლების გზით.

მაგრამ ყველაზე მნიშვნელოვანი მომენტი ალთაელების ქორწილში იყო კალიმის გადახდა. სიტყვასთან ერთად სასიძოს მამას საპატარძლოს მამისთვის უნდა გადაეხადა კალიმი, რაც მათი ქორწინების მთავარი პირობა იყო. ხოლო, თუ საპატარძლო კალიმის მიღების შემდეგ სხვას გაჰყვებოდა, ასეთ შემთხვევაში იწყებოდა დავა და სიძეს ხშირად ორჯერ მეტი უბრუნდებოდა უკან, ვიდრე გადახდილი ჰქონდა.

იყო შემთხვევები, როცა მამა გამოძალვის მიზნით რამდენიმეჯერ ათხოვებდა თავის ქალიშვილს. მაგალითად, მიიღებდა ერთი რომელიმე სასიძოს მხრიდან კალიმს, შემდეგ დაიბრუნებდა შვილს, ხოლო სიძის ოჯახს ქალიშვილის სახელის შეურაცხყოფისათვის მთლიანად არ უბრუნებდა აღებულ კალიმს.

ჩვეულებრივ კი, თუ დიდ კალიმს იღებდა საპატარძლოს მამა, მზითვესაც გაცილებით უკეთესს უკეთებდა ქალიშვილს, რომელშიც შედიოდა გათხოვილი ქალის განსაკუთრებული ჩასაცმელი — „ჩეგედეკი“, ქალის უნაგირი, საყოფაცხოვრებო საჭიროებისათვის ზოგიერთი ნივთი (განჯინა, თავშალი და სხვ.).

რადგანაც შთამომავლობას ვაჟი აგრძელებდა, რაღა თქმა უნდა, მას ჰქონდა ოჯახში პრიორიტეტი. ბავშვის დაბადების დროს პირველი კითხვა ასეთი იყო: „კერეკტუ ბე, კერეკ იოკ ჰო?“ (საჭიროა თუ არასაჭირო?) პასუხი: „კერეკ ტუ“ (საჭიროა) ნიშნავდა, რომ ბიჭი დაიბადა, პასუხი: „კერეკ იოკ“ (არასაჭირო) — დაიბადა გოგო.

ამის გარდა, ქალი, როგორც საკუთრება, პირდაპირ მო-

ნად იყო ქცეული. ნადირობის გარდა კაცები ზამთარში არაფერს აკეთებდნენ და ოჯახის მთელი სიმძიმე აწევებოდა ქალს, რომელსაც უფროსის თანდასწრებით დაჯდომის უფლებაც კი არ ჰქონდა.

ეს ყველაფერი მწარე მოგონებადღა დარჩა.

კალიმის რაოდენობა, რალა თქმა უნდა, ოჯახზე იყო დამოკიდებული. მაგრამ ერთი კია, რომ მასში აუცილებლად უნდა ყოფილიყო ფეხსაცმლისათვის საგანგებოდ გამოყვანილი ტყავი, ქეჩა, ხავერდი, მელიისა და წავის ტყავები, თოფი, ჩაი, ქსოვილები, ფული, არაკა, ცხვრები, ქაკი ცხენები. კალიმს იხდიდნენ ან ქორწილის წინ, ან ნაწილ-ნაწილ ქორწილის დღემდე.

იყო არასრულწლოვან ბავშვთა მშობლების მოლაპარაკება: ბიჭის და გოგონას მშობლები მოილაპარაკებდნენ, რომ ბავშვებს გარკვეული ასაკის შემდეგ დააქორწინებდნენ. მშობლებს ბავშვების დაბადებამდეც შეეძლო მოელაპარაკათ, რომ, თუ ერთ-ერთ მათგანს ეყოლებოდა ბიჭი, ხოლო მეორეს გოგო, მათ დააქორწინებდნენ; თუ მოულოდნელად ორივეს ბიჭი ეყოლებოდა, მაშინ ისინი ძმადნაფიცები ხდებოდნენ.

უფრო ხშირად საპატარძლოს ათვალეირებდნენ სასიძოს საპატივცემულო უფროსი ნათესავები. გარიგებაში მონაწილეობის უფლება ჰქონდა სასიძოს მამას, დედის მონაწილეობა დაუშვებელი იყო. თვითონ საქმრო გარიგებაში არ მონაწილეობდა.

ტელენგიტების მაჰანკლობა საპატარძლოს მშობლებთან შვიდჯერ „მისვლით“ განისაზღვრებოდა. ყოველ მისვლას თავისი მნიშვნელობა ჰქონდა. მაგრამ შვიდივე „მისვლა“ ვერცერთმა დაკითხულმა ცნობის მომცემმა ვერ აღწერა. შეძლეს აღეწერათ ორი, სამი, ოთხი, ხუთი და ექვსი მისვლა.

პირველ მისვლაზე მაჰანკლებს შეჰქონდათ ტაყუური\*, რომელსაც მთარმევედნენ აილის პატრონს და იტყოდნენ: „აიილ-დაპ კისერ ტაყუურ „ტაყუური“, რომლითაც შემოდინ, როგორც სტუმრები“.

\* ტყავის ჭურჭელი რძის არაკასათვის.

მეორე ვიზიტის დროს მაჰანკლებს საპატარძლოს მშობ-  
ლებთან მოჰქონდათ — კადაკტუ\* ტაყუურ-ტაყუური კადაკ-  
ტით. ტაყუურის ყელში შემოქერილი იყო ლურჯი აბრეშუ-  
მის ნაჭერი.

მესამე მოსვლა იყო „მაჰანკლები ტაყუურით“. მაჰანკლე-  
ბი ითხოვნენ „მიეცათ ქალიშვილი“ — ბალა სურაპ. მაჰან-  
კალს ტაყუური მიჰქონდა საპატარძლოს ნათესავეებთან, დაწ-  
ყებული მშობლებიდან, მაგრამ ყველა მათგანი სხვასთან  
გზავნიდა. ტაყუურის ჩამორთმევა ნიშნავდა თანხმობას და  
ამიტომ ვერავინ ბედავდა ამის გაკეთებას. მაჰანკალს ხშირად  
სამჯერ-ოთხჯერ უხდებოდა თვითეულ ნათესავეთან მისვლა  
და ტაყუურის მიწოდება, რომლის მიღება მხოლოდ ყველა-  
ზე ახლო და ავტორიტეტულ ნათესავს შეეძლო. მაჰანკალს  
კადაკტიან ტაყუურთან ერთად საპატარძლოს მშობლების-  
თვის მიჰქონდა ქსოვილის საკაბე ნაჭერი დედისათვის, ან  
თეთრი თუ წითელი საპერანგე მამისათვის ან რომელიმე  
ბიძისათვის. ამის შემდეგ მაჰანკალი ხუთჯერ-ექვსჯერ შე-  
მოუვლიდა კერას და ლოცვა-კურთხევას უგზავნიდა ცეცხლს.  
ამ მაჰანკალს საპატიო ადგილზე სვამდნენ აილში.

მეოთხე „მოსვლას“ ერქვა იოდო კიიდირერი — „იო-  
დოს\*\* შეტანა“. ამის გაკეთება შეიძლებოდა მხოლოდ მა-  
შინ, როცა მშობლებისაგან დასტური იყო ქალიშვილის ქორ-  
წინებაზე. სასიძოს მოჰქონდა დაკლული ცხვარი და ცხენის  
საბმელზე ან აილში კიდებდა (აუცილებლად თავით მალ-  
ლა). სასიძოს ცხვარი სწორად უნდა აექნა, მოეხარშა, გაეტ-  
რუსა თავი და ფეხები. იოდო უნდა შეეხვია მუცლის ქონ-  
ში და აილის საპატიო ადგილზე დაეწვა. ხორცს სასიძო ალა-  
გებდა ხის თეფშებზე და უმასპინძლდებოდა დამსწრეთ.  
თვითონ სასიძო თავის დამზადებულ საჭმელს არ ჰკამდა.

საპატარძლოს დედა უმასპინძლდებოდა სტუმრებს. სა-  
სიძოს მთავრდებოდა კათხა ქონს, სასიძო ქონს ცეცხლში  
ასხამდა. ამ წეს-ჩვეულებასთანაა დაკავშირებული ცრურ-  
წმენა: თუ ალი მალლა ავარდება და დიდხანს იკაშკაშებს,

\* ქსოვილი.

\*\* წვივი, კანკი.



ახალი ოჯახი კარგად იცხოვრებს; თუ ალი პატარა იქნა და არ იკაშკაშა, ახლადდაქორწინებულებს არცთუ ისე ბედნიერ ცხოვრებას უწინასწარმეტყველებდნენ (ალის სიდიდე დამოკიდებული იყო ცხიმის რაოდენობაზე ბულიონში: თუ წყალი კარბობდა, ბუნებრივია, ალი პატარა იქნებოდა). კათხას სასიძო ილლიაში ამოიღებდა. საპატარძლოს დედა სასიძოს ახურავდა ახალ ქუდს, შემოარტყამდა ახალ ქამარს, ქურჭს (აუცილებლად ბატკნის ტყავისას), მაგრამ არავითარ შემთხვევაში არ ჩუქნიდა ფეხსაცმელს.

მაჰანკლების ამავე მოსვლაზე საპატარძლოს დედა იღებდა ემჩეკ კარგიშ, სუსტ ემჩეკ ან ემჩეკტინგ სული — „მკერდის რძისათვის“ ჩვეულებრივად ფაშატ ცხენს. საპატარძლოს დედას უფლება ჰქონდა თვითონ ამოერჩია ცხენი რემიდან. ამ წეს-ჩვეულებას ჰქვია კისტინ სუდინ იანდირიჰ ტურგანი — „(ქალიშვილის მიერ შეკმული) (მკერდის) რძის ანაზღაურება“.

მესუთე მოსვლისას მაჰანკლები დათქვამდნენ ქორწილის დროს.

მეექვსე და ბოლო მოსვლას ერქვა ოს აჩარ — „პირის გახსნა“. ამჯერად მაჰანკლები და საპატარძლოს მშობლები მოილაპარაკებდნენ კალიმის რაოდენობაზე.

ამის შემდეგ სასიძოს ნათესავეები ქორწილისთვის ემზადებიან. არაკას ხარშვაში მთელი ნათესაობა იღებს მონაწილეობას. საპატარძლოს ნათესავეები ქორწილამდე ამზადებენ მზითევს: ლოგინს, ტანსაცმელს, ქურჭელს, ავეჯეულობას, საეკლესიო ნივთებს, უკერავდნენ ჩეგედეკს — ზედა ტანსაცმელს გათხოვილი ქალისათვის.

ქორწილამდე რამოდენიმე, ერთი ოთხი დღით ადრე იგებოდა ახალი საქორწილო აილი. აილის მშენებლობაში შეეძლოთ მონაწილეობა მიეღოთ სასიძოს მშობლებს. ახალ აილს აშენებდა სამი გვარეულობის კაცი. სასურველი იყო, მშენებლობაში მონაწილეობა მიეღო დედის მხრიდან ბიძას, აგრეთვე სასიძოს დისშვილს. ნათესავეებს მოჰქონდათ თითო ხარისა. აილი მამის აილის გვერდით შენდებოდა.

ძირითად ხარისებს ან აილის ჩონჩხს აგროვებდნენ ბუდუნ ულესლა — უცოლო კაცები (უმანკოები), რომლებსაც

კიდევ ბაშ აირილბაგან ულუსს ეძახიან, ე. ი. „თმებგაუყოფელ ხალხს“. ახალი აილის საკვამურში მტირალა არყის ტოტებს დებდენ, ზამთარში — წიწვისას.

ახალ აილში ინთებოდა „სამი ქვის“ ცეცხლი. უფრო გვიან დაიწყეს რკინის სამფეხა ზედადგარის დადგმა, რომელზედაც თუჯის ქვაბი იყო შემოღმძული. ზედადგარი და ქვაბი სასიძოს მამის აილიდან მოჰქონდა.

ახალ აილში პირველ ცეცხლს ტალკვესით ანთებდა სასიძოს ბიძა (ან მისი აილიდან მოჰქონდათ გაღვივებული ნაკვერჩხლები). იყო ისეთი შემთხვევებიც, როცა სასიძოს ბიძა და საპატარძლოს ბიძა ეჯიბრებოდნენ ერთმანეთს: რომელიც უფრო მალე გააჩაღებდა ტალკვესით ცეცხლს, ის იღებდა საქორწინო აილში პირველი ცეცხლის დამნთების უფლებას.

საქორწილო საცხოვრებლის აშენების შემდეგ ხარშავდნენ კოჩოს — ხორცის სუფი შვრიითურთ, აჰმევედნენ ხალხს, ასმევედნენ არაკას. ახალგაზრდები მართავდნენ თამაშებს. ულაგანელი ტელენგიტები ამ დღესასწაულს ეძახდნენ — „ახალი საცხოვრებლის დღესასწაულს“. უსტ-კანელი ალთაელები „ახალი აილის დღესასწაულს“ — ონგუდაელი ალთაელები „პატარა ქორწილს“, „აილის დღესასწაული“, „აილთან (ახალ) დაკავშირებული თამაშები“.

ქორწილის წინადლით სასიძოს ნათესავეები ხოცავდნენ ცხვრებს, ხარშავდნენ ხორცს, ჰკრიდნენ ნაჭრებად და ალაგებდნენ არყის ხის ფიცარნაგზე, აგრეთვე ამზადებდნენ სხვადასხვა სანოვაგეს. ამ დღეს ინიშნებოდა მერიქიფეები, მეჭინბეები, მზარეულები. ქორწილის ჩატარების ხელმძღვანელად ადრევე არჩეული ბაშიჩი — „ხელმძღვანელი“, უფრო ხშირად ეს იყო ხოლმე სასიძოს ბიძა დედის მხრიდან.

ქორწილის ადგილიდან ერთი-ორი კილომეტრის დაშორებით ხვდებოდნენ ერთმანეთს სასიძოს და საპატარძლოს ნათესავეები. საპატარძლოს ნათესავეებს შორის იყო დედა რომელსაც მოჰქონდა ცხვრის ხორცი. იმ ადგილის ახლოს, სადაც ქორწილი უნდა ეოფილიყო, ჩარჭობილი იყო ძელი. რომელზეც ფრიალებდა თეთრი ნაჭერი. როგორც კი მეორე

მხრიდან გამოჩნდებოდნენ საპატარძლოს ნათესავეები, სასიძოს ნათესავეები ცხენების ჭენებით მიიწევდნენ ძელისაკენ. საერთოდ, უფრო ხშირად საპატარძლოს ნათესავეები მისაწყობდნენ ხოლმე ძელთან მისვლას. მისულები ძელს შემოუვლიდნენ გარშემო რამდენიმეჯერ. სასიძოს ნათესავეები „ჩეგენს“ (შედედებულ რძეს) აპყურებდნენ მათ. საპატარძლოს ნათესავეები ამოგლეჯდნენ მიწიდან ძელს და მანამდე სასიძოს ნათესავეებისგან გამოსასყიდ არაკას არ მიიღებდნენ, მანამდე ძელს ადგილზე არ ჩაასობდნენ.

ამ შეხვედრის დროს სასიძოს ნათესავეები უმასპინძლებოდნენ საპატარძლოს ნათესავეებს არაკათი, მოსწევდნენ ჩიბუხებს და ცვლიდნენ მას, ამის შემდეგ ყველანი მიდიოდნენ ქორწილში.

ონგუდაელი და უსტ-კანელი ალთაელები ასევე ხედილობდნენ საპატარძლოს ნათესავეებს ქორწილის ადგილიდან ერთი-ორი კილომეტრის დაშორებით. სასიძოს ნათესაობა სტუმრებს ეგებებოდა მოხარული ხორციით. შეხვედრის ადგილზე ორივე მხარე სვამდა არაკას. სასიძოს ერთ-ერთი ნათესავი უცბად დაავლებდა ხელს ხორციით სავსე თეფშს და ქორწილის ადგილისკენ მიჰქროდა ცხენით. ყველანი დაედევნებოდნენ მას. მხედარი, რომელიც დაეწეოდა თეფშიანს, საჩუქრად მიიღებდა არაკას. ამ სპორტულ თამაშს ერქვა „თეფში ბლააჟარი“ (თეფშის წართმევა). საპატარძლოს ნათესავეები, მივიდოდნენ თუ არა ქორწილის ადგილზე, სამჯერ მძის მიმართულებით შემოუვლიდნენ საქორწინო აილს და ცხენსაბამს.

საქორწილო ღვინის დაწყების წინ ქალიშვილებისა და ქალების ჯგუფი მიემართებოდა საპატარძლოს მოსაყვანად. საპატარძლო სასიძოს უფროსი ძმის აილში იმყოფებოდა. მისი მეგობრები და ნათესავეები მოსულებს არ უშვებდნენ აილში — მოითხოვდნენ გამოსასყიდს. საერთოდ, მოსულები ყველანაირად ცდილობდნენ საპატარძლოს მეგობრებისა და ნათესავეების გული მოელობოთ, უმღეროდნენ საქებარ სიმღერებს, ასრულებდნენ ყველა მათ მოთხოვნას. მოსულებს გამოცდაც ელოდათ. საჭირო იყო დამალული საპატარძლოს პოვნა. ზოგ შემთხვევაში სხვა ქალიშვილებთან ერთად მა-

საც გადააფარებდნენ რამეს (ქურქს, ქსოვილს და ა. შ.). თუ მოსულები ვერ გამოიცინობდნენ პატარძალს, მათგან მოითხოვდნენ გამოსასყიდს (ჩვეულებრივად, არაკას). აილის პატრონები სტუმრებს უმასპინძლებოდნენ ყველაფრით, რაც კი ჰქონდათ.

ამის შემდეგ პატარძალს შესვამდნენ ცხენზე. ორივე მხრიდან ცხენებზე მჯდომ სიძის დისშვილებს პატარძლის წინ ეკავათ თეთრი ნაჭრის ფარდა. ის შეეკერილი იყო საპატარძლოს მიერ ან სასიძოს ნათესავი ქალებისაგან, რომლებსაც ბედნიერი ოჯახი ჰქონდათ. არყის ჯოხები, რომელზეც ფარდა იყო დამაგრებული, იმ ადგილმდებარეობის აღმოსავლეთ ნაწილში იყო მოჭრილი. ფარდის გარეცხვა არ შეიძლებოდა, რადგან ამით შეიძლებოდა სასიძოს ჯანმრთელობა შერყეულიყო.

საერთოდ, პატარძალს აცილებდა ბედნიერი ქალებისა და ქალიშვილების ჯგუფი. გზადაგზა ისინი გარშემო უვლიდნენ სასიძოს უფროსი ძმების აილს ან სასიძოს მამის ძმების აილებს. პატარძალი და მისი თანმხლები პირნი ახალ აილთან მისვლისას სამჯერ შემოუვლიდნენ მას. ერთ ქალს აღვირით მიჰყავდა პატარძლის ცხენი. დამსწრენი პატარძალს ბიშტაკის\* ნაჭრებს და ბოორსოკს\*\* ესროდნენ. ამის შემდეგ პატარძალი ცხენიდან ჩამოჰყავდათ და აილში შეჰყავდათ.

პატარძლის ნათესავებს მოჰქონდათ ქორწილში პატარძლის ტანსაცმელი, ლოგინები. ჩვეულებისამებრ, პატარძლის დისშვილი იცვამდა პატარძლის ტანსაცმელს და სასიძოს ნათესავებზე სათითაოდ „ჰყიდდა“ ტანსაცმელს: ქურქს, ფეხსაცმელს, ჩეგედეკს, ქუდს. ცალკე თავშალში ახვევდა საფასურს, რომელსაც „სასყიდლად“ იღებდა. ამ დისშვილს უმასპინძლებოდნენ რძით, ჩეგენით. პატარძლის ლოგინი ცალკე „იყიდებოდა“ სასიძოს ნათესავებზე.

პატარძალს აცმევდნენ საქალო ტანსაცმელს და სიძესთან ერთად სვამდნენ იატაკზე გაშლილ თეთრ ქეჩაზე. ორი ქა-

\* ყველი.

\*\* ქონში მოხარშული ცომის ბურთულები.

ლი: ერთი — საქმროს რძალი, მეორე — სარძლოს რძალი (რომლებიც ბედნიერ ქორწინებაში იმყოფებოდნენ)—უშლიდნენ საპატარძლოს ნაწნავს, ხსნიდნენ სამკაულებს, რძით ან რძიანი წყლით დასველებულ თმას უვარცხნიდნენ და ორ ნაწნავად (როგორც ქალს შეჭფერის) უწნავდნენ. თავზე ახურავდნენ კურაან ბორუკს — ქალის ქუდს და უმღეროდნენ. ქალიშვილის ნაწნავებიდან ახსნილ სამკაულებს: მძივებს, ვერცხლის ფულებს, ზონრებს — ბავშვებს ურიგებდნენ.

თუ ნაწნავის დაწნას საქმროს რძალი უფრო ადრე დაამთავრებდა, ეს ნიშნავდა, რომ ახლადშექმნილ ოჯახში ქმარი იუფროსებდა; თუ სარძლოს რძალი, მაშინ ოჯახში ქალი იბატონებდა.

ქალებს, რომლებიც პატარძალს თმებს უწნავდნენ, და იმათ, ვისაც ფარდა ეჭირათ, უმასპინძლდებოდნენ ხორცის ყველაზე კარგი ნაჭრებით, რძით, არაკათი.

ნაწნავების დაწნის შემდეგ პატარძალთან მიჰქონდათ პატარძლის თეფში, სიძე ჰკრიდა ხორცს და პატარძალთან ერთად ჭამდა. ამის შემდეგ შუაღმოსოლზე სამ ადგილას დებდა ქონის ნაჭრებს, პატარძალთან ერთად ასხამდა ცეცხლში ქონს და სამჭერ (მზის მიმართულებით) უვლიდა გარშემო ცეცხლს.

პატარძალს რომ ნაწნავებს დაუწნავდნენ, ფარდის ნაპირს ახდიდნენ ისე, რომ პატარძლის სახის დანახვა ყველას შეძლებოდა. ფარდის ახდის უფლება ჰქონდა ბიძას, დისშვილს, მამას, სიძის უფროს ძმას. ფარდის ანდა შეიძლებოდა ხელით, მათრახის ტარით, თოფის კონდახით. ჩაპტის ტომის ალთაელები ფარდას მხოლოდ თოფით ხდიდნენ. ულაგანელ ტელენგიტებში იმას, ვინც ფარდას ხდიდა, სიძისთვის თოფი უნდა ეჩუქებინა.

ამის შემდეგ ტარდებოდა კეთილმოსურნეობა, ქორწილის ხელმძღვანელი რიგ-რიგობით იძახებდა საპატიო სტუმრების სახელებს, რომლებიც ახალგაზრდებს კეთილ სურვილებს უსურვებდა.

ჩვეულებრივ, ქორწილი, რომელიც იწყებოდა პატარძლის მოსვლით საქორწინო სუფრაზე, იმართებოდა დღის მეორე ნახევარში. ნაწნავების დაწნის წეს-ჩვეულების შესრულე-

ბის შემდეგ იწყებოდა სურუმი (სტუმრების გამასპინძლება). მთავარ კერძად დღესასწაულზე იყო მოხარშული ხორცი. სტუმრებს უმასპინძლებიან ბიშტაკით, კურუტით — მუავე ყველით, არაყანით, — ნადუღარი რძიდან მოხდილი კაიმაკით, მოდალული ქერისაგან ტალკანით, არაკათი და კუმისით.

ჩუელი ტელენგიტების ქორწილში პატარძალი სიძის დედას ჩუქნიდა ქურქს და მიართმევდა თეფშს, აგრეთვე, ხუთეკვს მეტრ ქსოვილს. ულაგანელ ტელენგიტებში პატარძალს საქმროს დედისათვის ვედროთი რძე მიჰქონდა.

სურუმის დროს საქმროს უფროს დას ან საქმროს რომელიმე უახლოეს უფროს ნათესავს ახალგაზრდები მიჰყავდა უფროსი ნათესავების — მამაკაცების აილში, რომლებთან შეხვედრებსაც შემდგომში რძალი სულ უნდა გაურბოდეს (ქმრის უფროს ძმებსა და მამას).

იწყებოდა თამაშობები, რომელთაგან ზოგი რელიგიური წეს-ჩვეულებებიდან გამომდინარეობდა, ზოგი კი უბრალოდ საზეიმო თამაშობებს წარმოადგენდა. ძალზე საინტერესოა რელიგიური წეს-ჩვეულება „ფაშატისა და ულაყის თამაში“. შუაცეცხლის გარშემო დარბოდა ქალი, რომელსაც ჭიხვინითა და ეროტიკული მოძრაობებით მისდევდნენ კაცები. ქალი შეიძლება ყოფილიყო სიძის რძალი, ხოლო ულაყს წარმოადგენდა სიძის დისშვილი. ფაშატები შეიძლება, აგრეთვე, ყოფილიყვნენ პატარძლის ნაწნავების დამწნელები. ულაყები და ფაშატები შეიძლება ყოფილიყვნენ ორი წყვილი, ერთი წყვილი, ან ფაშატი შეიძლება ერთი ყოფილიყო, ულაყი კი ორი ან სამი.

ქორწილში იმართებოდა „შეჯიბრი სირბილში“, კიდაობა, თამაშები „საყურის დამალვა“, „ხელების გახსნა“, „ბეჭის წართმევა“ და სხვ. წრეში მდგარნი ხელისეულ გადახვეულები, ტანის რწევით მღეროდნენ. თამაშობებში გამარჯვებულნი არაკათი სავსე ტაშაურით ან ბაღდადით ჭილდოვდებოდნენ. ჭირითში გამარჯვებულ ცხენსაც კისერზე ბაღდადს შემოახვევდნენ.

სალამოს ახალგაზრდა ქალს სტუმრებისათვის თავისი მოდულებული ჩაი უნდა დაეღვეინებინა. ამ გამასპინძლე-

ბას ასე ჰქვია: „პატარძლის ჩაი“. შეშა, რომლის ცეცხლზეც ჩაი უნდა მოედუღებინა პატარძალს, ახალგაზრდა ქმარს უნდა დაეჩეხა. ეს იყო თავისებური რიტუალი, თუ როგორ იყვნენ მზად ახალგაზრდები დამოუკიდებელი ცხოვრებისათვის. როცა პატარძალი ქვაბს დგამდა ცეცხლზე, უყურებდნენ ქვაბი სწორად თუ იდგა, ეს იმას ნიშნავდა რომ ახლად-შეუღლებულებს ბედნიერი ცხოვრება ექნებოდათ.

სიძის ნათესავეები ცდილობდნენ, რაც შეიძლება უკეთესი პატივი ეცათ ქორწილში მოსული რძლის ნათესავეებისთვის. რძლის ნათესავეებისთვის ყველაზე დიდ სირცხვილად ითვლებოდა ქორწილში ისე დათრობა, რომ დაეხურათ მათთვის ქეჩა ან შეეხვიათ მასში.

ახალგაზრდებს სიდედრები აწვევდნენ დასაძინებლად, ლოგინი იშლებოდა მიწის იატაკზე.

ქორწილის ადგილიდან სიძის ნათესავეები მიდიოდნენ მის მშობლებთან. მიჰქონდათ ბელკენჩეკი ან უჩა, აგრეთვე არაკა. ბელკენჩეკი გაცილებით გვიან გაჩნდა. ადრეულ პერიოდში ქორწილში იკვლებოდა ცხენები. ცხენის უკანა ნაწილს ჰქვია უჩა. მიღებული იყო ქორწილის დღეს რძლის მშობლებისათვის მიერთმიათ უჩა. უფრო გვიან პერიოდში ქორწილში დაიწყეს ცხვრების დაკვლა. ცხვრის უკანა ნაწილს ბელკენჩეკი ჰქვია. ბელკენჩეკზე საკმაოდ ბევრი ნათესავი იკრიბებოდა, ხოლო ერთი ცხვრის ბელკენჩეკით ყველას ვერ დააკმაყოფილებდნენ, რამდენიმე, ორი-სამი ცხვრის ბელკენჩეკი მიჰქონდათ. ბელკენჩეკი ან უჩა მიჰქონდათ ნახევრად მოხარშული. რძლის მშობლების აილში სტუმრებს სწორედ უნდა აეფეშხეავენიათ, მოეხარშათ, დაეღებინათ გარკვეული წესის მიხედვით და მიერთმიათ მათთვის, რომლებიც ქორწილში არ იყვნენ წასულები.

ქორწილის მეორე დღეს ალთაი-კიეები ეძახოდნენ „ქორწილში დაკლული საქონლის თავების ხარშვას“, „თავის დღესასწაულს“, „თავისთვალების გამოხვრას“, „თავის შექმას“, „ორწლიან თავს“. ამ დღეს იხარშებოდა მორჩენილი ხორცი, თავები, უმასპინძლებოდნენ სტუმრებს, იწვევდნენ რძლის მშობლებს, რომლებსაც ქორწილში არ მიუღიათ მონაწილეობა.

უსტ-კანელი ალთაელები ქორწილის მეორე დღეს „ლოგინის ალაგებას“, „ფარდის ჩამოხსნას“ ეძახდნენ. ფარდას ჩამოხსნიდნენ არყის ჯოხებიდან და მუდმივ ადგილსამყოფელში — ახალშეუღლებულთა საწოლის წინ მიუჩენდნენ ბინას. ამის გაკეთება შეეძლო „ადამიანს, რომელსაც თმა შუაზე არა ჰქონდა გაყოფილი“, ე. ი. ქალიშვილს.

ჩუელი ტელენგიტები ქორწილის მეორე დღეს „დირეს გასისხლიანებას“ ეძახდნენ. ახალგაზრდა ქმარი ახალი აილის შესასვლელთან კლავდა ცხვარს. ეს სიმბოლურად ნიშნავდა ახლადდაქორწინებულთა უზრუნველყოფილ მომავალს. ქორწილის მესამე დღეს „ფარდის ჩამოხსნა“ ერქვა. ამ დღეს ანგრევდნენ ალანჩიკ აილს — საქორწინო საცხოვრებელს და სხვა ადგილას აშენებდნენ მუდმივ აილს.

პატარძლის მშობლებთან მეორე ქორწილს, თუკი ის ტარდებოდა, „საჩუქრის დაღება“ ან „საპასუხო მასპინძლობა“ ერქვა.

ერთი წლის შემდეგ ახალგაზრდები მიდიოდნენ რძლის მშობლებთან სახლში. მათთან მიჰქონდათ დაკლული ცხვარი, ჩაი, ქსოვილის ნაჭერი, არაკა, ამის გარდა, „საყელოიანი ტანსაცმელი“. რძალი თავის დედას, ხოლო სიძე — სიმამრს მიართმევდა არაკას. ამ ჩამოსვლაზე რძალი თავის სახლში იღებდა ყველა იმ მზითევს, რომელიც მისთვის იყო გამიზნული, მაგრამ რალაც მიზეზის გამო ნათესავების მიერ ქორწინების დღეს არ იყო მოტანილი. ამის შემდეგ ახალგაზრდებს შეეძლოთ პატარძლის მშობლებთან ყოფნა, როცა კი ამას მოისურვებდნენ.

როგორც ვალოდიამ თქვა, დილით თოვლის ნასახი არ იყო. მოწმენდილი ცა მზის სინათლით გაჩირადდებულებიყო. საძილე ტომრებიდან ამომძვრალეები კარვიდან გავედით. ვალოდიას უკვე ღურბინდი მოემარჯვებინა და რიგ-რიგობით ზვერაგდა მთებს. დანარჩენები მდინარეზე ვაპირებდით დაქაბანად ჩასვლას, რომ ვალოდიამ ხელით გვანიშნა, გაჩერდითო. წელში მოხრილი კოლია ფრთხილად მოვიდა მასთან. სერზე მიუთითა და ჩვენც იქით დავიწყეთ ყურება. ოცდაათიოდე ტექე ნელ-ნელა ჩამოდიოდა ტაფობში საბალახოდ. რამდენადაც შეიძლებოდა, ფრთხილი მოძრაობით ავიღეთ



თოფები და ჩაცუქულები ველოდით მის განკარგულებას, ვალოდიამ აცალა არვეს ტაფობში ჩამოსვლა და, როცა ტეკებმა სრულიად მშვიდად დაიწყეს ბალახობა, ხოხვით მდინარის კალაპოტისკენ დაიძრა. ჩვენც მივყევით. მდინარის აქეთა ნაპირს, საითაც უფრო დაბალი იყო და კიდევ უფრო დაბლდებოდა, რაც უფრო ვუახლოვდებოდით მდინარეს. ამიტომ ჩვენ საკმაოდ ახლოს შეგვეძლო მივპარვოდით ჯოგს. დაახლოებით ასორმოცდაათ მეტრზე მივეპარეთ, მეტი არც იყო საჭირო. ცოტა ხანს შევიცადეთ, აჩქარებული სუნთქვა რომ დავიოკეთ, მაშინდა, გავხედეთ ჯოგს. მასპინძლებმა მე და რეზოს გადმოგვხედეს, ჩვენ კი ერთმანეთს გადავუჩუჩულეთ თუ ვინ რომელს ვესროდით. თითქმის ერთდროულად იქეჩა ორმა თოფმა, შემდეგ კი დამფრთხალი ჯოგიც აირია და თოფის ქუხილიც. გაქცეულებს სამი ტეკე ჩამორჩა სამუდამოდ — ორი თხა და ერთი ახალგაზრდა ვაცი, ჩამოვართრიეთ, გავატყავეთ, ავფეშხვეთ და მერელა ჩავედით მდინარეზე დასაბანად. რეზო სალუქვაძემ ნაპირზე დგომას რატომღაც მდინარეში მოზრდილ ქვაზე გადახტომა ამჯობინა და ვიდრე მე შევაჩერებდი, კინალამ იბანავა. სარკესავით მოპრიალებულ ქვაზე ფეხი აუსხლტა და სასწაულად გადარჩენილმა მხოლოდ ცალი ფეხი დაისველა ყინულივით ცივ წყალში. სოსოიამ სიცილი დააყარა — მაი რა მოგივიდა რეზო ბიძია, გადახტომა მასე კი არ უნდა, აი ასეო — და წამის მესამედში წყლიდან სოსოიას ხელებილა ჩანდა, რომელშიც კინოაპარატი ჩაებლუჯა. ისევ რეზო ბიძიამ უშველა, იმან ამოათრია და გააქანა კარვისკენ, სადაც იმ წუთში სველი ტანსაცმელი გააძრეს, არყით დაზილეს და მშრალ ტანსაცმელში ჩაათბუნეს.

საუზმის შემდეგ მე, ვალოდია და კოლია მეზობელ ხეობას ავუყევით. სადამომდე ვიარეთ. ვერაფერი დავლანდეთ, ეტყობა ამდენ სროლას ნადირი დაეფრთხო. ვალოდიამ რამდენიმე ოქროს ფესვი იპოვნა სხვადასხვა ადგილას, სათუთად შემოუთხარა ძირები, გაასუფთავა, ჩააწყო ჩანთაში და უკან დავბრუნდით ბინაში, სადაც გემრიელი ვახშამი და კოლია ჩიერჩიეკერის საინტერესო მოთხრობა გველოდა.

ალთაურ ტრადიციულ სამშობიარო წესჩვეულებებში შემდეგი საკითხების გამოყოფა შეიძლება: სახელის დარქმევა, ძეობა; კიპლარის მიბრუნება მოყოლილი ნივთებით, რომლითაც მშობიარე სარგებლობდა მშობიარობის დროს, ახლადშობილისათვის აუცილებელი საჩუქრები და პირველი თმის შექრა.

აილში, სადაც ბავშვი დაიბადებოდა, მიუღებელი იყო ხელცარიელი შესვლა. მეზობლებსა და ნათესაებს მშობიარისათვის მოჰქონდათ ძირითადად რძის სურსათი; ახალი ყველი, არაქანი, კარაქი. ყოველივე ეს განპირობებული იყო ურთიერთდახმარების გრძნობით, რომელიც ჩვეულებად ჰქონდა მომთაბარე ხალხს.

მეზობლებს და ნათესაებს უნდოდათ შეეხედათ ყოველ ახლადდაბადებულისთვის, მშობიარესთან მოსულებს აუცილებლად რაიმე უნდა ეჩუქებინათ ბავშვისთვის ან ჩამოეკიდათ აკვანზე; მხოლოდ ამის შემდეგ შეეძლოთ შეეხედათ ახალშობილისათვის.

ამ წეს-ჩვეულებებში გამოიხატა მესაქონლეთა ცხოვრების დამახასიათებელი წესები. ნათესაებსა და მეზობლებს მოჰქონდათ ბავშვის სახვევები, ბატკნისა და ციკნის ტყავები (ბავშვის სახვევებად გამოსაყენებლად). ბავშვს მუცელზე კიპის დასათბუნებლად ადებდნენ ბატკნის ტყავს. ფეხებს ციკანის ღინღში ან თხის მატყლში უხვევდნენ. სისუფთავისთვის ღინღსა და შალს რეცხდნენ შრატში, ავლებდნენ წყალში, აშრობდნენ ცეცხლზე. მუშამბის ნაცვლად ბავშვს ქვეშ უგებდნენ განსაკუთრებული სახეობის გამხმარ წვრილ ისლს, ან ბადანის ფოთლებს.

ახლადშობილ ბიჭს ჩუქნიდნენ მათრახს, დანას, ტყვიებს, თოფს, აღვირს, უნაგირს, ფულს; გოგოს — საყურეებს, ბეჭდებს, ნიქარებს, ლილებს, მძივებს, კურკელს.

ახლადშობილისთვის რაიმეს ჩუქებას თან უძლოდა კეთილსურვილები, თვით საჩუქარს კი ყოველთვის განსაკუთრებული მნიშვნელობა ჰქონდა. კოვხს თუ ჩუქნიდნენ, ეს იმას ნიშნავდა, რომ ბავშვს ყოველთვის კარგი მადა ჰქონოდა, რომ ყვარებოდა გემრიელი ჭამა, რომ მის სახლში ყო-

ველთვის ყოფილიყო საკმელი, ტყვიას — იმისთვის, რომ ბიჭი მარჯვე მსროლელი გამოსულიყო და ა. შ.

საერთოდ ალთაელები დიდ მრავალრიცხოვან ძეობებს აწყობდნენ ხოლმე.

მაგრამ მათ ყოველთვის ახსოვდათ, რომ მთავარი მარტო ოჯახთან, საზოგადოებასთან დაახლოება როდი იყო, აუცილებელი იყო, განსაკუთრებული ურთიერთობის დამყარება ისეთ ადამიანებთან, რომლებიც ბავშვს დაეხმარებოდნენ არა მარტო პირველ ხანებში, არამედ მთელი სიცოცხლის მანძილზე.

სანამ მშობიარე ქალი მომაგრდებოდა, ბავშვს ბებიაქალი უვლიდა. ის მშობიარეს ჩუქნიდა ბავშვის სახვევებს, ქეჩის საბანს და სხვა საჭირო ნივთებს. ბებიაქალს მშობიარის მიღების შემდეგ აბანინებდნენ ხელებს, ჩუქნიდნენ თეთრ ქსოვილს, შარვალს, ცხვრის ტყავებს. ძეობის დროს პატივისცემის ნიშნად ბებიაქალის წინ დებდნენ ცხვრის მკერდს ან ბელკენჩეკს.

როცა ბავშვი წამოიზრდებოდა, ის აუცილებლად უნდა სწვეოდა კინ-ენეს, მისი მოსვლის დღისთვის ბებიაქალი უკერავდა ქურქს. ბებიაქალი ჩუქნიდა ბავშვს ცხვარს ან ბატკანს.

მაქანკლები გარიგების დროს მარტო საპატარძლოს მშობლებთან კი არ მიდიოდნენ, არამედ საპატარძლოს კინ-ენესთანაც. ამ შემთხვევაში ბებიაქალი წინასწარ მოლაპარაკებულ კალიმს მოითხოვდა საპატარძლოში.

განსაკუთრებული ურთიერთობა მყარდებოდა აგრეთვე ბავშვსა და მისთვის სახელის დამრკმევს შორის. ადამიანს, რომელმაც ბავშვს სახელი დაარქვა, ძეობაზე აუცილებლად ცხვრის თავს მიართმევდნენ, იმას კი თავისწილად რაიმე უნდა ეჩუქებინა ბავშვისთვის. სახელის დამრკმევს შემდეგ მისთვის ტანსაცმელი უნდა შეეკერა.

ცნობილია, რომ განსაკუთრებული ურთიერთობა არსებობდა ბიძა დისშვილს შორის. ბუნებრივია, რომ ამ წეს-ჩვეულებებშიც თავისი ადგილი დაიკავეს ამ ურთიერთობებმა: ახლადდაბადებულს უმრავლეს შემთხვევაში სახელს არკმევ-

და ბიძა, (დედის მხრიდან). ის მონაწილეობდა ბავშვის თმის პირველი შეჭრის დროს.

უფროსების უმცროსებისადმი მეურვეობა, უმცროსებისაგან უფროსებისადმი დიდი მოკრძალება და პატივისცემა, — ურთიერთდახმარება ბავშვსა და კინ-ენეს შორის, ბავშვსა და იმ ადამიანს შორის, ვინც სახელი დაარქვა, ბავშვსა და ბიძას შორის, ბავშვსა და ნათლიმამას ან ნათლიდედას შორის — მონათლულ ალთაელებს შორის ურთიერთისადმი დიდ ვალდებულებად ითვლება მთელი ცხოვრების მანძილზე.

ახლადდაბადებულს სახელს ოჯახის უფროსი არქმევდა, უმრავლეს შემთხვევაში იმის სახელს, ვინც პირველი შემოვიდოდა იურტაში ბავშვის დაბადების შემდეგ. ხშირ შემთხვევაში ბავშვს სახელს სტუმარი, ნათესავი ან მეზობელი ურჩევდა.

ბავშვის სახელს დიდი აზრობრივი და სიმბოლური მნიშვნელობა ეძლეოდა — „სახელს ძალიან დიდი აზრი აქვს“, ამიტომ ახალშობილისთვის სახელის დარქმევის უფლების მოპოვება დიდ პატივად ითვლებოდა. ამ უფლების მოპოვება გამოიხატებოდა გარკვეული სიმბოლური მოქმედებით. ასე, მაგალითად, თუ ბავშვის მშობლები ნათლობის წვეულების დროს მათ მიერ არჩეული სტუმრის წინ დებდნენ მისკენ შებრუნებულ მოხარულ ცხვრის თავს, ეს ნიშნავდა, რომ სტუმარს უნდა დაერქმია ბავშვისთვის სახელი.

ის, ვინც ბავშვს არქმევდა სახელს, მას აუცილებლად რალაცას აჩუქებდა, ვთქვათ, თავისი ტანსაცმელიდან ღილს ჩუქნიდა. ამავე დროს, ის, ვის სახელსაც არქმევდნენ ახალშობილს, აუცილებლად რალაცას ჩუქნიდა ბავშვის დედას, თუნდაც, ათი-ოციოდე კაპიკის საფასურისას, მაგრამ მაინც ჩუქნიდა, რადგან ისინი, ვინც თავისი სახელით აჯილდოებენ ახლადშობილებს, ჩქარობენ ეს მნიშვნელოვანი მომენტი აღნიშნონ რალაც საჩუქრით.

ალთაური საკუთარი სახელები სხვადასხვა ნივთებიდან არის წარმომდგარი. მაგალითად, „მულტიკ“ — თოფი, „სარი-ბაშ“ — ყვითელი თავი. მკვლევარი ლ. ე. კარენოვსკი წერდა: „...ერთი, მაგალითად, წინადადებას გვაძლევს ბიჭუნას დეარქვათ „ტაშ“ (ქვა), მეორე — „აჩკა“ (ფული), მესამე — „ჩალკან“ (საკვები თალგამი). ალთაელებს დაკა-

ნონებული სახელები (სახელთა კრებული) არ ჰქონდათ, ფაქტიურად სახელად შეიძლებოდა ნებისმიერი სიტყვა გამხდარიყო.

გარკვეული სხვაობა მამაკაცისა და ქალის სახელებს შორის ალთაიში არ შეიმჩნეოდა. თუმცა, თუ საკუთარი სახელების უმრავლესობა შეიძლებოდა როგორც მამაკაცის, ისე ქალისთვის დაგერქვათ, ზოგი სახელი, მაგალითად, სახელები ტემირ — რკინა, ანბაი — მონადირე, შეიძლებოდა მხოლოდ ბიჭებისთვის დაერქმიათ, ხოლო სახელები სირგა — საყურე, იინელიკ — სანემსე, ჩეჩეკ — ყვავილი — მხოლოდ გოგონებისთვის.

XIX საუკუნეში, ქრისტიანობის მიღებასთან და ალთაიში რუს გლეხთა დასახლებასთან დაკავშირებით, მთიან ალთაიში ალთაური სახელები ახალი სახელებით შეივსო. მათ დაიწყეს თავიანთი შეილებსთვის რუსული სახელების დარქმევა ფონეტიკურად შეცვლილი ფორმით. მაგალითად, რუსული არხიზ ისმოდა როგორც არტიპ, ალექსეი — ელექსეი, ნიკოლაი — მიკლაი და ა. შ. სახელებად იყენებდნენ აგრეთვე ცალკეულ რუსულ სიტყვებს: კარმან, (карман) სობკა. (собака), სელემერ (землемер), სტაკან, იამშიკ.



აღმოსავლეთიდან დასავლეთით უნდა მოვექცეთ — ელიგულის მწვერვალს. ამისათვის კი საჭიროა ჭერ ქვევით ხეობაში ჩავიდეთ და მერე დასავლეთისკენ მწვერვალიდან ხეობაში ჩამოტოტილი რამდენიმე ძნელად სასიარულო სერი გადავჭრათ. გზა ცხენებისთვის ძნელად სავალია და ხშირად გვიხდება ჩამოქვეითება, გარდა ამისა, აღმართი სირბილით უნდა აიარო, რომ უკან მომავალი ცხენი ზურგში არ დაგეჯახოს და ან შენ არ გადაგადოს ხევში, ან თვითონ არ დაიჩენოს. საკმაოდ დავიდალეთ და გავწვალდით.

— რეზოია, ძამა! — მეძახის რეზო სალუქვაძე.

— რა იყო?

— კი მარა, ჩვენ დაკარგვა გვაკლდა ვითომ, სად მივყავართ, თუ იცი, ამ შობელძაღლს, ამას?

ვალოდის ვუთარგმნი. კოლია და ის გულიანად იცინიან და გვაიმედებენ, მალე მივალთო.

რეზოს, თურმე, როგორც მერე გამოირკვა, სხვა რამეც აწუხებდა. როგორც კი ჭალიანში სწორ ბილიკზე გავდიოდით, ვალოდია ამოპკრავდა თავის ცხენს წკებლას და ისიც ჩორთით იწყებდა სვლას, მეწინავე როგორც კი გადადიოდა ჩორთზე, ჩვენი ცხენებიც აპყვებოდნენ ხოლმე. რეზო, რომელიც ომის შემდეგ აღარ მჯდარა ცხენზე, საშინლად შეწუხდა. უნაგირზე ხან რა დაათინა, ხან რა, მაგრამ არაფერი ეშველა, და აი, ერთხელაც, როცა ვალოდამ ცხენი ჩორთზე გადაიყვანა, ველარ მოითმინა.

— რეზოია, ამ მამაძაღლს თუ საჯდომი არა აქვს, რაზე ჯდანა, და თუ აქვს, აღარ ეტკინა ნეტავი? — წამოიძახა გამწარებულმა სალუქვაძემ და ახლა მე ამიტყდა ისტერიული სიცილი.

არც აქ გაგვიმართლა. ვერცერთი ვაცი ვერ დავლანდეთ. თითქოს ჯიბრზე სულ თხები გვხვდებოდნენ და ისიც ძალიან ახლო მანძილზე ისე, რომ თავისუფლად შეგვეძლო დაგვეხოცა, მაგრამ არ გვინდოდა, მარტო ვაცი გვაინტერესებდა ულამაზესი რქების გამო, ისინი კი ვერ იქნა და ვერ მოვიხელთეთ სათოფეზე.

\* ისევ შუაღამოს ვუზივართ გარშემო და კოლია აღჩუბავს ვუსმენთ.

გაუნათლავი ალთაელები თვლიდნენ, რომ სიკვდილი იმ დროს მოდის, როცა ბოროტ სულს მიაქვს ადამიანის სული, ამიტომ სიკვდილი საოცარ შიშს იწვევდა გარშემო მყოფთათვის. ახლობელი ნათესავები უხმოდ გოდებდნენ, და თუ ტიროდნენ კიდევ, ჩუმად, მოთქმის გარეშე. ხმამაღლა ტირილი არ შეიძლებოდა, „ეშმას რომ არ გაეხარა“. აილში, სადაც მიცვალებული იწვა, არ შეიძლებოდა ემხიარულათ, ეხმაურათ. აკრძალული იყო: მიცვალებულის სახელის ხსენება, ხის მოჭრა ღამით, მიწის თხრა და მიწაზე ხაზვა, ღამით კარის გაღება და აილიდან რძის გამოტანა. თუ მეზობელ აილში იყო მიცვალებული, არ შეიძლებოდა ღამე ტანსაცმლის გარეშე დატოვება. ბავშვებს საღამოობით ეკრძალებოდათ მიწაზე დაჯდომა, ჯგუფებად შეკრება.

ფეხმძიმე ქალებს ეკრძალებოდათ ორმოცი დღის განმავლობაში იქ შესვლა, სადაც ადამიანი გარდაიცვალა. აღნიშნული აღკვეთის დარღვევისათვის მას ექნებოდა ხანგრძლივი, მტკივნეული ან უღლეური მშობიარობა. თუ ფეხმძიმე ქალისათვის უკიდურეს საჭიროებას წარმოადგენდა იმ აილში შესვლა, სადაც მიცვალებული იყო, მაშინ მას ტანსაცმლის შიგნით ტიტველ სხეულზე უნდა შემოეკრა ცხენის მოსართავი.

ბავშვებს ნება არ ჰქონდათ ექცირათ მიცვალებულისთვის: აილში, სადაც მიცვალებული ესვენა, მკაცრად იყო აკრძალული შეეყვანათ ბავშვები, რომლებსაც ჯერ ენა არ ჰქონდათ ადგმული, რადგან „მათ არ გააჩნდათ სული“. აილში, სადაც მიცვალებული ესვენა, ეკრძალებოდათ შესვლა ჩვილბავშვიან ქალებს, ავადმყოფებს, ნერვიულებს, ადვილად აღმზნებ ადამიანებს, გულზიზღებს, მშიშრებს, აგრეთვე „სუფთა ძვლის“ ადამიანებს, ე. ი. ისეთებს, რომლებიც მოხვედრილები იყვნენ მეხქვეშ. მათი რწმენით მკვდრის ანუ უწმინდურის ნახვით მათი ტანი დაიფარებოდა იარებით.

მიცვალებულის ახლობელი ნათესავები ერთი წლის განმავლობაში არ დადიოდნენ სანადიროდ, არ სვამდნენ სამკურნალო წყლებს, არ აწყობდნენ ქორწილებს.

მიცვალებულს განბანდნენ და აცმევდნენ ტანსაცმელს: მოხუცი და ავადმყოფი ადამიანები წინასწარ ემზადებოდნენ სიკვდილის შესახვედრად. თვითონ იკერავდნენ სიკვდილის დროს ჩასაცმელ ტანსაცმელს, ან წინასწარ უბარებდნენ თავისიანებს, თუ რა ჩაეცვათ. მიცვალებული ქალის და კაცის ტანსაცმელი, თავისი დანიშნულების გარდა, არაფრით განსხვავდებოდა ჩვეულებრივისაგან.

ნათესავები გულდასმით ათვალეირებდნენ მიცვალებულს: სადმე თითებში, ფრჩხილებში, წამწამებში ხომ არ შერჩა ბეწვი. თუ პოულობდნენ ბეწვს, მაშინვე აცლიდნენ, რადგან ალთაელების წარმოდგენით, მიცვალებულს შეეძლო წაელო იმ ადამიანის ან ცხოველის სული, რომლის ბეწვიც შეიძლება ეს ყოფილიყო.

მიცვალებულს ხელებს ტანის სიგრძივ ულაგებდნენ, თვალებს უხუჭავდნენ. ხანდახან ფეხებსაც უკრავდნენ. არსებობდა ცრურწმენა: თუ მიცვალებულის ფეხებიდან მოხსნილი

ბორკილით ფეხებს გაუკრავდით ადამიანს, რომელსაც მოუსვენარი სიმთვრალე ჰქონდა, ეს ადამიანი უთუოდ თვანიერა გახდებოდა.

მიცვალებულისათვის არ შეიძლებოდა დაგეხურათ ქუდი და ჩაგეცმიათ ბეწვეულისა და მხეცების თათებისაგან შეკერილი ფეხსაცმელი. „იმ ქვეყანაში“ ეს ტანსაცმელი მიცვალებულს არ დაამაგრდებოდა. ძვირფას და იშვიათ ნივთებს, მაგალითად, აბრეშუმისას, მიცვალებულს არ ატანდნენ.

არ ატანდნენ მჭრელ ნივთებს: დანას, ნაჯახს, მაკრატელს; ზოგჯერ მათ წინასწარ ამტვრევდნენ. სხვანაირადაც იქცეოდნენ: ქარქაში რჩებოდა მთელი, მაგრამ მასში ხის დანას დებდნენ. მიცვალებულს არ ატანდნენ თოფს, მას უტოვებდნენ, როგორც წესი, უმცროს ძმას ან სხვა ახლობელ ნათესავს.

ცოლ-ქმრიდან რომელიმეს სიკვდილის შემთხვევაში საწოლიდან ფარდის ერთ ნახევარს ხსნიდნენ და მიცვალებულთან დებდნენ. ცოლის სიკვდილის შემთხვევაში ხსნიდნენ ფარდის იმ ნაწილს, რომელიც მას ფარავდა და ცოლ-ქმრის სარეცელის სასთუმალს, ხოლო ქმრის სიკვდილისას — ფარდის იმ ნაწილს, რომლითაც დაფარული იყო სარეცელის მეორე ნახევარი.

მიცვალებულთან დებდნენ ყველაფერს, რაც კი საჭირო იყო „იმ ქვეყანაში“. მამაკაცს სასთუმალთან დასაფლავებისას უდებდნენ უნაგირს (უზანგებმოკრილს), ლოგინის მაგივრად — საოფლეს. მიცვალებულ ქალს ატანდნენ ჩაიდანს, ჩამჩას, კათხას, ღილებს, ძაფს, სათითურს, ჩიბუხს, უნაგირს, აღვირს.

პატარ-პატარა პარკებში იყო ჩალაგებული ცოტ-ცოტა სხვადასხვა სახის პროდუქტი და მიკერებული ჰქონდა მიცვალებულს ტანსაცმელზე, რათა სულისთვის მძიმე არ ყოფილიყო ტვირთი. ზოგჯერ მიცვალებული სიცოცხლის დროს არჩევდა ნივთებს, რომლებიც მისთვის უნდა გაეტანებინათ.

დასაფლავებაში ექვსი-შვიდი ადამიანი მონაწილეობდა. ბავშვებს, ფეხმძიმე ქალებს, ნერვიულ ადამიანებს, აგრეთვე ახალგაზრდებს, ისევ, როგორც მიცვალებულის ცოლს, ეკრძალებოდათ დასაფლავებაში მონაწილეობის მიღება. ქალები



ახლობელ ნათესავს რომ აცილებდნენ უკანასკნელ გზაზე, კაცებისაგან განცალკევებით მიყვებოდნენ. სამგლოვიარო პროცესიას გზაში შეეძლო სამჯერ შეესვენა: აილიდან გამოსვლისას, შუა გზაზე და დაკრძალვის ადგილზე მისვლამდე.

ალთაელებს დასაფლავების მრავალნაირი წესი ჰქონდათ:

„ქვის ყრილი“. მიცვალებულს ახვევდნენ ქეჩაში, დებდნენ მიწაზე და ქვებს შემოულაგებდნენ.

„სარდაფი“. აღნიშნავდნენ ორმოს კონტურებსა და ზომებს, დაახლოებით 50 სმ სიღრმის ორმოს ამოთხრიდნენ, ორმოს ნაპირებზე შემოაყოლებდნენ გარანდულ ხეს, ხის ქერქს ან ბელტებს. ალთაელები ასეთ სამარხს „კიყინან კაბაისი“ — „ადამიანის აკვანს“ ეძახდნენ. ორმოს ძირში ქეჩას ან ჩულს აგდებდნენ, აწვენდნენ მიცვალებულს ზედ, აფარებდნენ ქეჩას და აყრიდნენ მიწას. ადრე, თურმე ნიჩაბს, რომლითაც საფლავს თხრიდნენ, საფლავზევე ტოვებდნენ. მაწყარილს ზემოთ დგამდნენ პატარა ხის ძელურს. ოთხი მორის სიმაღლეზე, ორფერდა სახურავით.

„წვრილი ხარიხა“. თხრიდნენ საშუალო სიმაღლის ორმოს, მიცვალებულს ახვევდნენ ქეჩაში ან დებდნენ ქეჩის საწოლზე და ზევიდანაც ქეჩას ახურავდნენ. ორმოს ზემოდან ხურავდნენ წვრილი ხარიხებით, რომლებიც მიცვალებულის აილიდან იყო წამოღებული. ხარიხების ზემოდან შლიდნენ ქეჩას. მიწას და ქვას არ აყრიდნენ. ზემოდან მხოლოდ იმ ქვებს აყრიდნენ, რომლებიც სამარის გათხრის დროს შეხვდებოდათ. ხანდახან ხარიხებზე ქეჩის მაგივრად რომელიმე მის ტანსაცმელს შლიდნენ. საფლავის ქვის მაგივრად მიცვალებულს ფეხებთან არჭობდნენ ბოძს, რომელზეც ზოგჯერ კიდებდნენ არაკათი სავსე ტაყუურს.

თუ დასაფლავებისას კლავდნენ მიცვალებულის ცხენს. მაშინ ნაკლავს დებდნენ პატრონის საფლავის გვერდით, მიცვალებულს ხელში უდებდნენ ცხენის აღვირს ან ფაფარს. ზოგჯერ ცხენის ნაკლავზეც დგამდნენ ძელურს. თუ ცხენს არ კლავდნენ, მაშინ ცხენს ცოტაოდენ ფაფარს მოჭრიდნენ და დაადებდნენ ქეჩაზე. ადრე დასაფლავებებზე შესწავლილი ოჯახები კლავდნენ განსვენებულის ცხენს. ქეჩაზე, რომელიც ხარიხებზე იყო გადაფარებული, დებდნენ არაკათი სავსე ტა-

ეუურს, აწყობდნენ საკმელს, ჩაის, ზოგჯერ დგამდნენ ძე-  
ლურსაც.

ჩვეულებად ჰქონდათ გვამის დაწვაც. ასეთ დროს ფერფლს  
ახვევდნენ ქეჩაში და ხის ტოტზე ჩამოკიდებდნენ ხოლმე.

თავისებურ საარკოფაგებშიც ასაფლავებდნენ: მოჭრიდნენ  
ადაშიანის სიგრძის რბილწიწვიანას მორს. შემდეგ თანაბრად.  
სიგრძეზე გაჭრიდნენ შუაზე, ორივე ნახევარს ამოუღებდნენ  
გულს. ქეჩაში გახვეულ მიცვალებულს ერთ ნახევარში ჩააწ-  
ვენდნენ, მეორეს ზემოდან დაახურავდნენ, დაამაგრებდნენ,  
ჩაუშვებდნენ საფლავში და მიაყრიდნენ მიწას.

სხვანაირადაც ასაფლავებდნენ: მაგალითად, ქეჩაში გახ-  
ვეული მიცვალებული შეიძლება წაქცეული ხის ფულტროში,  
კლდის ნაპრალში ან დიდ ლოდებს შორის დაემარხათ. ხან-  
დახან მიცვალებულს ისე ტოვებდნენ ხის ქვეშ, თითქოს დამ-  
ჯდარიყო.

ჩვეულებრივად მიცვალებულს თავით დასავლეთისკენ აწ-  
ვენდნენ. დასაფლავების დროს ცდილობდნენ ხის ქვეშ დაე-  
მარხათ.

ცხედრის გამოსვენების შემდეგ, აილის შესასვლელის წინ  
აწყობდნენ კედარის ტოტებს. სასაფლაოდან დაბრუნებული  
სამგლოვიარო პროცესიის მონაწილენი იბანდნენ ხელს, წვაე-  
დნენ სურნელოვან ღვინას, აბოლებულ ტოტს სახის გარშემო  
იტარებდნენ და იწმინდებოდნენ მისი ბოლით. მიცვალებულის  
აილის კარზე სამი დღით აყუდებდნენ ნაჯახს, ხერხს, დანას,  
თოფს, რათა გზა გადაეღობათ ბოროტი სულებისთვის. ცხენს,  
რომლითაც ცხედარი წაიღეს დასამარხად, უშვებდნენ ჯოგში  
და ერთი-ორი თვე არ ამუშავებდნენ.

დაკრძალვის დღეს იმართებოდა სადილი, ხოლო ქელე-  
ხი — მესამე, მეშვიდე, მეორმოცე დღეს და ერთი წლის შემ-  
დეგ. ცრურწმენის მიხედვით, მესამე დღეს სული ბრუნდებოდა  
თავის აილში და ეძებდა იმას, რაც დაავიწყდათ გაეტანებინათ  
მიცვალებულისათვის.

მეშვიდე დღეს მიცვალებული თითქოს პარველად შეიც-  
ნობდა, რომ მკვდარი იყო. ჩიტის გამოსახულებით ჯდებოდა  
ბალახზე და ხედავდა, რომ მისი სიმძიმის ქვეშ ბალახი არ  
იღუნება.

მეშვიდე დღეს საფლავის მახლობლად ანთებდნენ კოცონს, მიცვალებულის სული უნდა გამოჩენილიყო კოცონის ალში. „კოსპოკჩი“ — ნათელმხილველი თითქოს ხედავდა მიცვალებულის სულს, აღწერდა მის მოქმედებას, მის ტანსაცმელს.

ჭირის სუფრას ესწრებოდა კამი. კამის გაკეთება იყო სულის საბოლოო განთავისუფლება ხორცისაგან. აქვე, დასაფლავების ადგილზე მკითხაობდნენ. დამსწრენი უკიდებდნენ ჩიბუხებს. თუ ჩიბუხები სწრაფად ღვივდებოდა, მაშასადამე, ადამიანი სხვა ქვეყანაში იოლად წავიდოდა, და, თუ ჩიბუხები ძნელად ღვივდებოდა, თვლიდნენ, რომ ადამიანი სხვა ქვეყანაში უხალისოდ მიდიოდა.

მიცვალებულის დარჩენილ ტანსაცმელს სახელის ხსენებით, ყრიდნენ ცეცხლში. წვავდნენ სხვა ნივთებსაც. ნათესავებს მოჰქონდათ ცოტა-ცოტა სურსათი და ყრიდნენ ცეცხლში. მიიჩნევდნენ, რომ დაწერს გზით ეს ნივთები და პროდუქტები გადავიდოდნენ იმ ქვეყანაში, სადაც მიცვალებული მათ გამოიყენებდა.

ცეცხლის მახლობლად მიწაში ამოთხრიდნენ პატარა ორმოს, რომელსაც მიწის თასს ეძახდნენ და მასში დებდნენ ცოტა-ცოტა სხვადასხვა სახის საკმელს, შიგვე ფერთხავდნენ დატენილ ჩიბუხებს, რათა ყოველივე ეს მიცვალებულის სულთან მისულიყო. თუ ქალი იყო მიცვალებული, მის საფლავზე დებდნენ ცხვრის მკერდის ან უკანა ნაწილის ნაჭერს, რათა მიცვალებული ქალის სულს სხვა ქვეყანაში საშუალება ჰქონოდა მიცვალებული ნათესავების აილებში ძღვენით შესულიყო. მიცვალებული კაცის საფლავზე დებდნენ ცხვრის მოხარშულ თავს ან ცხენის ნეკნებს.

თუ მეშვიდე დღეს ცხენს არ კლავდნენ, მაშინ ან ფაფარს შეაჭრიდნენ, ან — ძუას და დაწვავდნენ, რომ იმ ქვეყნად მიცვალებულს ცხენი ჰყოლოდა. იყო ასეთი რწმენაც: თუ ცხენის ნაკლავს სწრაფად შექამდნენ მხეცები, ფრინველები, — ეს კარგს მოასწავებდა.

თუ მიცვალებული მარტოხელა იყო, მეშვიდე დღეს მის აილს წვავდნენ. თუ მიცვალებულს რჩებოდა ოჯახი, მაშინ აილი შეიძლება სხვაგან გადაეტანათ. გარდაცვალების მეორე მოცე დღეს მიცვალებულის სული, ალთაელთა რწმენის თა-

ნახპად, გადადიოდა ქვესკნელის ქვეყანაში — ერლიკაში. ამ ქელესში იკვლებოდა ცხვარი, სისხლსა და ნაწლავების შიგთავსს მიწაში ფლავდნენ. ნაკლავს მილიანად ხარშავდნენ. მზის ჩასვლისთანავე სალამოს თასში დებდნენ ხორცს და ისროდნენ დასავლეთით. ამ დროს არავის არ უნდა სძინებოდა. მიცვალებულს „უმასპინძლებოდნენ“ თუთუნით. ხდებოდა, რომ ცხენს სწორედ ორმოცზე კლავდნენ, ლაგამს საფლავის სვეტზე კიდებდნენ.

საფლავზე თითით ჩვენება არ შეიძლებოდა, არც პირდაპირ მიცვალებულზე ლაპარაკი შეიძლებოდა, იყენებდნენ აღწერილობით სიტყვას „ოლ კიეი“ — ის ადამიანი.

უკანასკნელად მიცვალებულის სულს წლისთავზე „აჭმევდნენ“. ამის შემდეგ, სწვავდნენ დარჩენილ ტანსაცმელს.

იმ ალთაელთა შორის, რომლებსაც ქრისტიანობა ჰქონდათ მიღებული, ყველაფერი ქრისტიანული წესისამებრ ხდებოდა.

\* \* \*

თავქვე მივყვებით ხეობას. ჩვენგან მარცხნივ გასიპული კლდეებია, ალაგ-ალაგ ნაშვავები რომ ჩაუდის ნაკეცებში. საშინელ დაღლას ვგრძნობ და სადავემიშვებულ ცხენზე კი არა ვზოვარ, უფრო ნივთივით ვდევარ. ედიგოლის მთის მარჯვენა ჭიუხებში ბლოტიალისაგან ფეხები და ხელები მიბეჭუს. თავი ჩაქინდრული მაქვს და აღარც კი მახსოვს, ვფიქრობ თუ არა რამეს. უცბად კოლიას ხმა მომესმა, რაღაცას მეძახდა. ერთბაშად ვერ გამოვერკვეი. მის ხმას ვალოდიას ხმაც შეუერთდა, მაგრამ სანამ მე გამოვერკვეოდი და შექმნილ სიტუაციას შევაფასებდი, უკვე გავარდა ვალოდიას ავტომატი. ცხენიდან გადმოვხტი, კარაბინი მოვიმარჯვე და იქით დავიწყე ყურება, საითაც ცალ მუხლზე დაიოქილ ვალოდიას ჰქონდა მიშვერილი თოფი. ვიწრო ნაშვავის შუაწელზე უკანა ფეხებზე ჩაკეცილი ტეკე წამოდგა და წინ დაიძრა. ისევ გავარდა ვალოდიას ავტომატი, ტყვიამ ტეკეს ფეხებთან გაიწივლა, — ესროლე, რას უყურებო, ისე შემომბლავლა კოლიამ, კინალამ დაუმიზნებლად გამივარდა თოფი. რამდენიმე ნაბი-

ჯით წინ წავიწიე, დავიჩოქე და ვესროლე... ისევ ვესროლე არაფერი გეტყინოთ, ტეკემ ნაშეავი გადაიარა და კლდეებზე შევიდა. ვალოდია მძინარე გატოპა და კვალში ჩაუდგა. მე მძინარეს თავქვე დავუყევი, მერე მარცხნივ შევტრიალდი და იმ მხარეს მოვექეცი, სადაც წესით უნდა გამოსულიყო დაქრილი ნადირი. ისევ გაისმა ვალოდიას ავტომატის ხმა და ჩემთვის დახურულ გასიპული კლდის დერეფნიდან გამოვიდა ვაცი. ეტყობა, მეორე ტყვიაც უკანა ფეხში ჰქონდა მოხვედრილი. მარჯვენა უკანა ფეხს ველარ დგამდა და მიათრევდა. შეჩერდა. ვესროლე და თვალნათლივ დავინახე როგორ ამტვრია ტყვიამ მის ფეხებს ქვემოთ ტინი. ახლად მოვედი გონს, რომ კორასთვის ხელი არ მიხლია. ტეკე, კი ჩემგან დაახლოებით ორას — ორასორმოცდაათ მეტრზე იყო. მე სანამ კორას ავწევდი და ნიშანში ამოვიღებდი, ტეკემ რამდენიმე ნაბიჯი გაიარა და უფრო ფართო ლავგარდანზე შედგა. ილიაში დავუმიზნე და ვესროლე. ტეკე მარცხენა მხრით სიპკედელს მიაწყდა, მაგრამ არ წაქცეულა. ცეცხლი მომეკიდა — ბრუციანად, დეგენერატად მოვნათლე თავი და ისევ ამოვიღე მიზანში, ახლა მის მხრებს ზემოთ ავამტვრიე ტყვიით ტინი. მთლად გადავირიე, ბოლო ვახნა მივეცი პირში და ის იყო, უნდა მესროლნა, რომ გავარდა ვალოდიას ავტომატი. ნადირმა წინა ფეხებზე ჩაიჩოქა. უკანა მარჯვენა ფეხი მოტეხილი ეკიდა, ხოლო რადგან უკანა მარცხენა ფეხი გაჭიმული ედგა, კლდეზე გადმოაქანა. ერთხელ რალაცა სასწაულით შეიკავა თავი, მაგრამ მეორე გადმოქანებაზე, ჯერ უკანა ნაწილი მოწყდა ფლატეს, მერე კი მთელი ტანი და ჰაერში რამდენიმე ბრუნის შემდეგ რიყეში მოადინა ზღართან. ვარდნის დროს მისი გრძელი, ბოლოებში მოღუნული რქები ხმლებივით კვეთდნენ ჰაერს. მივვარდი. ოცდაერთი კორძი დავთვალე რქებზე. უზარმაზარი ვაცია. ჩემს ნასროლ ტყვიას მხრების თავში ტყავსა და ძვლებს შორის გაევლო, რაც, რა თქმა უნდა, ვერაფერს დააკლებდა მას. ვალოდიამ სწრაფად გაფატრა ნადირი, მუცელში ჩაგუბებული ცხელი სისხლი ტოლჩით ამოიღო ჩვეულებისამებრ მადიანად დალია...

...წინ, ისევ ვალოდია მიაჩქჩაქებს ცხენს. მე და რეზო სალუქვაძე კვალში მივყევებით. ჩემი ცხენი თოფის ხმას არაა შეჩვეული და ამიტომ ცხენდაცხენ სროლაზე ფიქრიც არ შეიძლება. თორემ თვითონაც გადაიჩეხება დაფეთებული და მხედარსაც თან გადაიყოლებს. აქ სულ საზაფხულო საძოვრებია, ზევით დავტოვეთ კლდოვანი მთები. სერის შუაწელს მიჰყვებიან ჩვენი ცხენები. საცაა ბინას მივალწევთ. ქვემოთ დამშრალი რუა, მარცხნივ — საკმაოდ ბალახიანი მალლობი.

ვალოდიას ცხენის წინ წითელი ფერის ულამაზესი მელა წამოხტა და მარცხნივ დაეშვა.

— რევაზ ვასილიჩ, — გადმომძახა ვალოდიამ და თან საჩვენებელი თითით მიმანიშნებდა ფერდობისაკენ. ცხენი შევაჩერე და რამდენადაც შეიძლებოდა, სწრაფად გადმოვხტი. მელა გაიქცა და ჩაცუცქდა. მე სანამ თოფი გადმოვიღე და გავმართე, მელა ბალახებში გაუჩინარდა. არც კი მახსოვს, რეზო სალუქვაძე მარწმუნებს, თითქოს მითქვამს — უკ, რა ლამაზი მელაა, ბაბოს როგორ გავახარებ-მეთქი (ბაბო ჩემი მეუღლეა).

ამის გაგონება აკლდა, ენამწარე რეზო სალუქვაძეს?

— მელას რომ იგი ცოდნოდა, რა კარგი ქალისათვის გინდოდა ძღვნად მისი ტყავი, ან თვითონ გაიძრობდა, ანდა, ძამა, აუცილებლად გაჩერდებოდა და დაგიძახებდა, მესროლო, მაგრამ არ იცოდა იმ დაღუპულმა და ამიტომ გაშპა ასე.

კიდევ კარგი, ვერაფერი შვილი პუშკინი მყავს რუსულში, თორემ მთლად გამამასხრებდა მასპინძელთან.

მეორე დღეს უთენია ავდექით და კოშ-აგაჩისაკენ ავიღეთ გეზი.

სოსოია გზადაგზა წარამარა ხან ფოტოაპარატს გვიმარჯვებდა და ხან — კინოაპარატს. უღელტეხილზე თოვლში ძალზე გაუჭირდათ ცხენებს, მაგრამ ყველაფერი მშიდლობით დამთავრდა. გვიან ღამით შევედით კოშ-აგაჩში, სადაც უკვე გვილოდნენ, ორთქლის აბანო გაეხურებინათ და ვახშამიც კარგი მოემზადებინათ...

ვალერი ჩაპტინოვის წყალობით მონღოლეთში მივდივართ. საზღვარზე, საბაჟო პუნქტთან გვეგებებიან სასაზღვრო რაიონის აიმაკის პირველი მდივანი და სხვა ხელმძღვანელი ამხანაგები. თბილი მისალმების შემდეგ ისევე მანქანებში ვსხდებით და ქვეყნის სიღრმისაკენ მივემართებით. ჯერ კიდევ ჩანს მდინარეთა ნაპირებზე ბუჩქნარები და ხეები, როგორც კი მდინარეს ვცილდებით, იწყება ხრიოკი ველები, რომელთა შორისაც ალაგ-ალაგ კლდოვანი გორები თითქოს უხილავ, უხეირო მხატვრის ხელს თეატრალურ დეკორაციასავით წამოუდგამთ. ერთ-ერთ მათგანთან გავჩერდით, ექვთიმე იურიკს ვთხოვე სურათი გადაეღო აი. ასე, უადგილო ადგილას ამოზრდილი, თუმცა, ამოზრდილი კი არა, თითქოს მიწაზე ფუძის გარეშე მდგარი კლდოვანი გორისათვის, რომელიც ისეა სააბაზნანო ღრუბელივით დაშაშრული და გამოფიტული, გეგონება, ხელს დავავლებ და ჰაერში ავისეროო. თვალსაწიერზე არაფერი ჩანს, და, ალბათ, ქარმა თუ წვიმამ, ყინვამ თუ სიციხემ ასე გამოფიტეს ეს მარტოგორა. მიექრივართ ცნობილ მშვიერ ველზე, რომელიც ათასი სხვადასხვა მიმართულების სამანქანო გზებით არის დაქსელილი. არავითარი საგზაო ნიშნები, არავითარი წარწერები, გაოცებულნი ვართ როგორ იკვლევენ გზას მძღოლები ამ ველზე, სადაც ძალზე დაბალი, ერთავად მომწვანო-მოყანგისფრო ბალახისა და ერთნაირი ზომის, დაახლოებით მუშტისსხელა ქვების მეტი არაფერი ჩანს.

დაახლოებით ორასი კილომეტრის შემდეგ გამოჩნდა საკმაოდ დიდი ტბა, ნაპირებზეც დაბალი ბუჩქნარია, რომელიც მერე და მერე ტყედ იქცა. ერთ ტბას მეორე მოჰყვება, მარჯვნივ პატარა დასახლება ჩამოვიტოვეთ. ტბები სავსეა გარეული იხვით, სტუმრები ავწრიალდით, მაგრამ მასპინძლები არავითარ ყურადღებას არ აქცევენ იხვებს და ჩვენც მორიდებით ვდუმვართ. ბოლოს შევედივართ ერთ წალკოტში, სადაც ორი მდინარის შესაყარია. მანქანებს აჩერებენ. გადმოვდივართ, კარვებს ვშლით, ბარგს ვალაგებთ. პირდაპირ კინალაჟ ფები დავადგი კურდღელს, რომელიც გაიქცა და სულ ათიოდე ნაბიჯზე არხეინად დასკუპდა. მანქანიდან თოფი გადმოვიღე, კურდღლის საფანტით დატენილი ვაზნება ამოვალაგე და კორუმისაკენ გავიარე. სულ ნახევარ საათში, სანამ მასპინძლე-

ბი სიცილს დამაყრიდნენ, სამი კურდღელი მოვკალი, ისინი კურდღელს. ფრინველს და საერთოდ წვრილმან ნადირს ალ-თაელების მსგავსად არ ესვრიან. მეც, რალა თქმა უნდა, უხერხულობაში ჩავარდნილი გავჩერდი.

ამ ჯიშის კურდღელს იქ ქვის კურდღელს ეძახიან, საკმაოდ პატარაა და იქაური ქვისა თუ ტინის ფერისაა, ასე, რომ თუ ქვიან ადგილას იმალება, ძალზე ძნელი დასანახია.

მეთევზეებმა ბადეები მოამზადეს და მდინარისაკენ გავწიეთ. ერთხანს ვუყურე, მაგრამ, როცა დაახლოებით ერთ საათში ასიოდე კილოგრამამდე კაპოეტი და „ოსმანი“ ამოყარეს წყლიდან, ინტერესი დამეკარგა, კარვისაკენ გამოვწიე და გაშლილ საძილე ტომარაზე წამოვწექი...

აჰა, ესეც მონღოლეთი, ქვეყნიერებაზე ბატონობას რომ აპირებდა. საოცარია, დრო, ხალხი, ქვეყნიერება, ყველაფერი როგორ იცვლება, იბადება, ვითარდება, კვდება, ისევ იბადება და...

აქ, მდინარე ონონის ნაპირზე, 1206 წელს მოწვეულმა არისტოკრატთა ყრილობამ — ყურულთაიმ, ნოინი თემუჩინი მონღოლთა უზენაეს მბრძანებლად აირჩია. ამან დასაბამი მისცა მონღოლეთის ველებში მცხოვრები მრავალი ტომის ერთ სახელმწიფოდ გაერთიანებას.

ლამის მთელი ევროპის ცაზე სისხლიანი წვიმების ღრუბელი შედედდა.

1219 წელს მონღოლთა 150 ათასიანი არმია ჩინგიზ-ხანის მეთაურობით შეიჭრა შუა აზიაში, ხოლო 1221 წელს მას შუა აზია უკვე დაპყრობილი ჰქონდა. შიშით შეპყრობილი მუჰამედ ხორეზმ-შაჰი შეუჩერებლად გარბოდა.

უზენაესმა მბრძანებელმა ჩინგიზ-ხანმა მუჰამედ ხორეზმ-შაჰს 30 ათასიანი ლაშქარი დაადევნა თავისი საუკეთესო სარდლების ჯებე და სუბუდაის მეთაურობით. კასპიის ზღვის ერთ-ერთ უსახელო კუნძულზე დალია სული სირცხვილნაქამმა ხორეზმ-შაჰმა. აქედან მონღოლებმა სამხედრო მოქმედება გადაიტანეს ახლანდელი ავღანეთის ტერიტორიაზე, სადაც ხორეზმ-შაჰის შვილი ჯალალ-ედ-დინი განაგრძობდა მათ წინააღმდეგ ბრძოლას. ჯალალ-ედ-დინმა ფარვანის ველზე, ფანჯშირ-ს ხეობაში (ეხლანდელი ავღანეთის ტერიტორიაზე ქაბუ-



ლის ჩრდილოეთით) დაამარცხა ჩინგიზ-ხანის 30-ათასიანი ლაშქარი, ერთ-ერთი საუკეთესო სარდალი შიქი-ყუთუყუ რომ მეთაურობდა. გამძვინვარებულმა ჩინგიზ-ხანმა მას მდინარე ინდამდე სდია და საბოლოოდ დამარცხებული ჯალალ-ედ-დინი ქურთებმა მოკლეს მთებში.

ჩინგიზ-ხანის ძირითადი არმია მონღოლეთში დაბრუნდა, ხოლო ჯებეს და სუბუდაის 30-ათასიანი არმია ჩრდილოეთ ირანის გავლით ამიერკავკასიაში შეიჭრა. კასპიის ზღვის სანაპიროს გავლით დალაშქრეს აღანები და გავიდნენ პოლოვეციის ველებზე. 1223 წელს დაამარცხეს რუს-პოლოცკელთა გაერთიანებული არმია და მდინარე დნეპრამდე სდიეს მათ. ეს იყო მონღოლი ცხენოსანი არმიის ღრმა რეიდი, რომლითაც მომზადდა მომავალი დიდი ლაშქრობა დასავლეთში.

გარკვევით მესმის არაბი ისტორიკოსის იბნ-ალ-ასირის ხმა „...ადამის დროიდან დღემდე ქვეყნიერებას არ განუცდია ასეთი უბედურება. თათრები არავის არ ინდობდნენ. ისინი ხოცავდნენ ქალებს, მამაკაცებსა და ბავშვებს, სოლო ფეხმძიმე ქალებს მუცელს უფატრავდნენ“.

და გადმოთელეს მანამდე გაუგონარი ყვილით მთელი აღმოსავლეთი კუნთმაგარი, ხშირბეწვა, დაბალი ცხენებით, რომლებსთვისაც სულ ერთი იყო სილიანი ველება, ნახევრადუდაბნო თუ მთაგორიანი ადგილები, სიცხე თუ სიცივე. ეს ნაცრისფერი თუ წაბლა ცხენები თანაბრად გამოიყენებოდა საჯდომად, სასაპალნედ თუ შესაბმელად, სასორცედ თუ სარძევედ.

„შემოვიდნენ ქართლს, თრიალეთს, სომხითს, ჯავახეთს, სამცხეს, შავშითს, კლარჯეთს, ტაოს, კოლას, არტაანს, ანისს და მოეფინენ მსგავსად მკალთა ოხვრებად და ხოცად, და არსად იყო ლხინება, უწყალოდ მოისრვოდა ყოველი ესე ქვეყანა“.

არბევდნენ ქართლს, სამცხეს, ჯავახეთს, ტრაპიზონამდე; კახეთს, ჰერეთს, რანს, შარვანს — დარუბანდამდე.

მონღოლებს აუწერიათ ყველაფერი (ადამიანები, პირუტყვი, ხეები, მიწა, ყანა, ვენახი, ბაღი, ბოსტანი, სათევზაო ადგილები, მდინარეები, ტბები, ზღვები და სხვა.), რასაც კი შემოსავლის მოცემა შეეძლო, რაკი მათ ლაშქარში წასაყვანი

მამაკაცები აინტერესებდათ, ამიტომ დავთარში შეუტანიათ 15-დან 60-წლამდე ასაკის მამაკაცები.

გადასახადი დაადეს ყველას და ყველაფერს: სოფლის მეურნეობას, ვაჭრებს, ხელოსნებს, მეთევზეებს, მაღაროში მომუშავეთ, მიწის ნაყოფს, ვაჭრობას და ა. შ.

საქართველომ რა იცოდა, რომ ჩინგის ხანის სარდლობის, მისი მომდევნო ხანებისა და სარდლების შემოსევები და სისასტიკე კეთილშობილური რამ იქნებოდა მათთვის, ვინც გათურქებული მონღოლური ტომის ნაშვირის, ბრძოლაში დახეობრებული თემურის გაუგონარ სისასტიკეებს მოესწრებოდა.

რვაჯერ შემოესია თემურ-ლენგი (ყოფილი თემური) საქართველოს. ქართველ ერს პირწმინდა განადგურებას უქადდა. კაცთმოძულე ხეიბარს, შიშით უნდოდა დაემორჩილებინა კაცთა მოდგმა. სისტონში ციხის კედელს ჩააყოლა ხელფეხგაქრული ორიათასი კაცი; ისპაჰანში უმოწყალოდ გაელიტა დიდი და პატარა და გორაკები აღმართა 70-ათასი მოჭრილი თავისაგან; ინდოეთში სრულიად უმიზეზოდ, ცოლ-შვილის თვალწინ დახოცა 100 ათასი ტყვე; სიფაში ცოცხლად დამარხა 4 ათასი სომეხი მოქალაქე. საქართველოში არღვევდნენ ეკლესიებსა და მონასტრებს, წვადნენ საცხოვრებელ სახლებს და დამხმარე ნაგებობებს, უმოწყალოდ ავლებდნენ მუსრს მოსახლეობას, ნაცარტუტად აქციეს ყველაფერი, სადაც კი ფეხი დაადგეს. თემურმა თავის ჯარს სივრცე დაუნაწილა და დაავალა ზედ ყოველივე არსებული მოესპოთ. ძირში კაფავდნენ ზვარ-ვენახებს, თუთისა და ნიგვზის ხეებს. დამწიფებულ ბალ-ვენახებში ცხენების რემებს აძოვებდნენ.

„ქართველებს თავი მაღალ მთებსა და გამაგრებული მღვიმე-ქვაბებისათვის შეეფარებინათ და ძნელად მისადგომ ადგილებში თავშესაფრები და სიმაგრეები აეგოთ თავდაცვის მიზნით. ომში გამოცდილი მეომრები და სახელოვანი ბაჰადორები სიმნისა და მამაცობის ზღვარს გადადიოდნენ, ზანდუკებში სხდებოდნენ, ზანდუკებს თოკით დაბლა უშვებდნენ და გამოქვაბულებს რომ გაუსწორდებოდნენ. ისრით, ხმლითა და შუბებით ებრძოდნენ შიგ გამაგრებულ ურწმუნოებს, ცეცხლმოკიდებულ ნავთიან ქოთნებს ესროდნენ და უწვავდნენ ხის ნაგებობებს; ურწმუნოებიც თავგანწირვით იბრძოდ-

ნენ სიკვდილის შიშით“. არ ტოვებდნენ კეთილ ნაშენის ნიშან-წყალს. ველური სისასტიკით ანგრევდნენ საკულტო ნაგებობებსა და ციხე-კოშკებს. წვავდნენ და ანადგურებდნენ საცხოვრებელ სახლებსა და დამხმარე შენობებს, კაფავდნენ, ჭერქს აცლიდნენ და ძირიანად თხრიდნენ ნაყოფიერ ხეებსა და ზვარ-ვენასებს, ოთხფეხს, აძოვებდნენ და ანადგურებდნენ მოწეულ ყანებს, უმოწყალოდ ჟღეტდნენ ხალხს.

მტრის მიზანი იყო საქართველოს მთელი მოსახლეობის გათათრება ან პირწმინდად მისი განადგურება. აი სომეხი მეისტორიე თომა ძეწოფელი როგორ აღწერს ქართველი ტყვეების გადარეკვას: „ყოველ ხუთ მეომარს 20 ტყვე მიჰყავდა. მრავალი მათგანი გზაზე კვდებოდა, ხოლო თემურ ლენგის მეომრები წაქცეულებს ქვით უჭეჭყავდნენ თავს, რათა ცოცხალი არ დარჩენილიყვნენ“... ვაი-ვაგლახი გაისმოდა ქრისტიანთა ტომთა ზედა, ვხედავდით ტყვევნას და შველა კი ვერ შეგვეძლო“.

ოფლში გაწუწულს გამომეღვიძა. კარავში არავინ იყო. გარეთ მხიარული სიცილი და საუბარი ისმოდა. ნელ-ნელა მოვუყარე თავი აზრს. გავიხსენე სად და რისთვის ვიყავი.

გარეთ ცეცხლის პირას სუფრა იშლებოდა. ირგვლივ გემრიელი კერძების მადისაღმძვრელი სურნელება ტრიალებდა. ჭერ შემომძახეს, მაგრამ პასუხი რომ არ გავეცი, ჩვენი ერთ-ერთი მასპინძელი, აიმაკის მდივანი და ვალერი შემოვიდნენ კარავში. მეგობრული შეძახილებითა და ქილიკით წამომადგეს საძილე ტომრიდან. ჭერ კიდევ ვერ მიმელო სტუმრისთვის შესაფერი სახე და მოზვერავით ვიბღვირებოდი. მდინარეზე ჩავედი, პირი დავიბანე, თავს ძალა დავატანე და გაშლილ სუფრასთან, კუნძზე ჩამოვჯექი. მხიარულ პურობას აიმაკის მდივანი სუბუდაი ხელმძღვანელობდა. რა სადღეგრძელოები არ შეისვა: გაცნობისა და დაახლოებისა, შემდგომი ძმობისა და მეგობრობისა, იმ გრძნობისა, რომელიც მოგვანატრებდა ერთმანეთს და წაგვიყვანდა ერთმანეთის სანახავად, და, ვინ მოთვლს, კიდევ რა არა. მე კი ვიჯექი ჭერ ისევ გაოგნებული და აღარ მახსოვს უკვე მერამდენედ ვკითხულობდი ჩვენი თამადის სახელს. მასპინძელს არ შეუუმჩნევია ჩემი გულმავიწყობის გამო ნაწყენობა, პირიქით ცოტა არ იყოს, გაკვირვებული მომაჩირო-

და. ბოლოს რომ ვკითხე, რა გქვიათ-მეთქი, დამარცვლით მიპასუხა სუ-ბუ-დაი-ო. ჩემმა მეგობარმა ვალერიმ კი ვერ მოითმინა და საყვედურით წამჩურჩულა: კი, მაგრამ რა დაგემართა, მაგაზე ძნელად გამოსათქმელ სახელებს იმახსოვრებ და ახლა რაღა დაგემართა, რა ღმერთი გიწყურებო. არაფერი-მეთქი, აბა, რა უნდა მეთქვა. რა იცოდა ვალერიმ, რა ღმერთი მიწყურებოდა.

იქ ყოფნის სამი დღის განმავლობაში ყურადღება და სითბო არ მოგვკლებია, საზღვრამდეც გამოგვაცილეს. რაღა თქმა უნდა, იქაც დავილოცეთ. ბედნიერება ვუსურვებთ ერთმანეთს წამსვლელ-დამრჩომმა.

— მშვიდობით, მონღოლეთო, მშვიდობით, სუბუდაი. — ვეუბნები ტანმორჩილ სუბუდაის, რომელიც ბედნიერი დიმილით შემომყურებს სახეში.

მოსკოვის დროით სამი, ხოლო იქაური დროით დილის შვიდი საათია. ბარნაულის აეროპორტში ჯდება ჩვენი თვითმფრინავი. მშვენიერი ამინდია. ორ მანქანაში ვანაწილებთ ჩვენს ბარგს და გეზს მთიან ალთაისკენ ვიღებთ. ჩასულთაგან მთიან ალთაიში პირველად მხოლოდ ჩემი ცოლის ძმა ბესიკ მიქელაძეა და რაღა თქმა უნდა მას ყველაფერი აინტერესებს. თუმცა, რაღა ბესიკს, ჩვენ თვითონ ბარნაულიდან მთიან ალთაიში მუდამ თვითმფრინავით მივდიოდით და ამიტომ აქედან ქალაქ გორნო-ალთაისკამდე ბარე ორასორმოცდაათი კილომეტრი ჩვენთვისაც უცნობი და საინტერესოა.

ხილით გადავდივართ მდინარე ობს. მარცხნივ და მარჯვნივ გვრჩება დასახლებული ადგილები. აი, მარცხნივ ნოვოსიბირსკის ავტოსტრადაა, ჩვენ მარცხნივ მივქრევართ.

სოფელი პოლკოვნიკოვო, ჩვენი №2 კოსმონავტისა და ჩემი კეთილი მეგობრის გერმანე სტეფანეს ძე ტიტოვის სამშობლო სოფელია.

დიახ, ალთაის მხარის კოსიხეს რაიონის სოფელ ვერხნე ჟილინოში 1935 წელს სოფლის მასწავლებლის სტეფანე ტიტოვის ოჯახში დაიბადა მომავალი კოსმონავტი. 1943 წელს კოლმეურნეობა „მაისკოე უტროსთან“ არსებულ დაწყებით

სკოლაში დაიწყო სწავლა, სადაც დედამისი, ალექსანდრა მიხეილის ასული, შეიღებითურთ, ომის დაწყების შემდეგ გადავიდა თავისი მამის ოჯახში საცხოვრებლად.

1950 წელს დაამთავრა კოსიხეს რაიონის სოფელ პოლკოვნიკოვოს შეიღწლიანი სკოლა, რომელშიც მამამისი ასწავლიდა რუსულ ენასა და ლიტერატურას, ხოლო შემდეგ ამავე რაიონის ნალობიხინის სკოლა.

თვალწარმტაცია ალთაის მხარის პირველქმნილი სილამაზე, სადაც გერმანე დაიბადა. გაუვალი ტყეები, წყალუხვი მდინარეები, ნაკადულები, ტბები, უკიდვგანო ნაირბალახმოკიდებული ველები, თვალუწვდენელი ხოდაბუნები...

ალთაის მთიან რაიონებში არის ყველაფერი, რაც კი დასახელებულია მენდელეევის პერიოდულ სისტემაში... ერთი სიტყვით, იშვიათი მხარეა. მაგრამ მარტო მისი ბუნება როდია ლამაზი. მხარის დიდებული ისტორია ინახავს რუსული მიწის ურიცხვ პატრიოტთა სახელებს. ალბათ, ბევრს არც კი ესსომება, რომ პირველი ორთქლის ძრავა ალთაიშია გამოგონებული ივანე პოლზუნოვის მიერ. აქვე შრომობდა XVIII საუკუნის გამოჩენილი ჰიდროტექნიკოსი კოზმა ფროლოვი და, ვინ მოთვლის ამ კუთხის სხვა სახელოვან შვილთა სახელებს...

ოქტომბრის რევოლუციის შემდეგ, ახალგაზრდა საბჭოების ქვეყნის დასაცავად აღსდგა მთელი ალთაის გლეხობა. სამოქალაქო ომის დროს დიდებით შე-მოსნენ ექვთიმე მამონტოვის პარტიზანული არმიის მეომრები, ალთაელი ჩაპაევი — პეტრე სუხოვი, კოლიადოს და შევჩენკოს რაზმის წევრები, რომლებიც დაუნდობლად ანადგურებდნენ გენერალ ანენკოვის და ადმირალ კოლჩაკის რჩეულ ნაწილებს. აქა-იქ იქმნებოდა კომუნები. მათ შორის ბოლო ადგილზე როდია იყო სოფელ ვერხნე ყილინოს კომუნა „მაისკოე უტრო“.

ამ კომუნის შემქმნელთა შორის იყვნენ პავლე ივანეს ძე ტიტოვი და მიხეილ ალექსის ძე ნოსოვი — მომავალი კოსმონავტის პაპები. აქ ახალი ცხოვრების კარიბჭეზე შეხვდნენ ერთმანეთს მათი შვილები — სტეფან ტიტოვი და ალექსანდრა ნოსოვა.

მომავალი კოსმონავტის მამა აქედან წავიდა ფრონტზე. აი, როგორ დაამახსოვრდა გერმანს ეს წუთები.

„მეხსიერებაში ჩარჩა გვიანი ღამე. მამა ფრონტზე მიდიოდა. მძიმედ ტოვებდა იგი სახლს. იმ დღეს დედა გათენებამდე ადგა და გაუჩერებლად საქმიანობდა, ცდილობდა რაღაც ეკეთებინა.

მამა ღინჯად და საქმიანად ემზადებოდა.

— აბა, დედი, დროა...

— ნუ ჩქარობ, — უთხრა გამოსათხოვრად ჩამოსულმა პაპა მიხაილომ.

...მხრებზე შემოიგდო შინაური საქმელით გატენილი ჩანთა მამამ და კარისკენ წავიდა. გულის ცემა შემიჩერდა. ნუ-თუ, აი, ასე წავა?

— აბა, დავსხდეთ წასვლის წინ... — ძლივს ამოთქვა ცრემლიანმა დედამ.

ყველანი ჩუმად, რუსული ადათ-წესის მიხედვით, დავსხედით. გავიდა ერთი-ორი წამი. მამა უცებ წამოდგა.

— შვილო! — დაიძახა.

მივედი.

— აი, ასე, — მშვიდად, თითქოს რაღაც ჩვეულებრივ ყოველდღიურ საქმეზე ფიქრობდა, ასე ჩაილაპარაკა მამამ, — ომში მივდივარ, ბიჭო...

მამას ავხედე. სუფთად გაპარსული, ტანადი, წელში გამართული, ოდნავ ნაღვლიანად მიყურებდა.

— მისმინე, დედას მიეხმარე, ერთი სიტყვით, ოჯახში დარჩი კაცად, გაიგე?

მე თავი დავუქნიე. გავიგე. თუმცა, მაშინ მხოლოდ ერთი რამ გავიგე — მამა მიდის. და მიდის დიდი ხნით, დიდ საშიშროებასთან შესახვედრად.

ნაზად დამადო თმაზე ხელი, სიყვარულით ამიჩეჩა თმები, მერე მშვიდად გადააბიჯა ზღურბლს და გავიდა.

სახლი უცბად დაცარიელდა. სწორედ მაშინ იგრძნო ბავშვმა მთელი გულით, თუ რას ნიშნავდა მისთვის მამა. ოჯახი ბაბუა მიხაილ ნოსოვთან გადავიდა კოლმეურნეობა „მაისკოე უტრაში“.

მიხეილ ალექსის ძე უკვე თითქმის სამოცდაათი წლისა

იყო. მაგრამ მოხუცი ასაკთან შედარებით ძალზე მოძრავი კაცი გახლდათ კოლმეურნეობაში მუშაობას არ ანებებდა თავს. საყვარელი ქალიშვილის, საშას, შვილიშვილ გერმანისა და ჯერ კიდევ სულ ერთ ციკქნა შვილიშვილ ზემფირას მასთან გადასვლამ უზომოდ გაახარა. მისი პატარა ხის სახლი, ბაღჩა, მარტივი სამეურნეო ნაგებობებით და პატარა ბოსტანი ერთბაშად გამოცოცხლდა.

პაპას და შვილიშვილს შორის მაშინვე საქმიანი მამაკაცური ურთიერთობა დამყარდა. მოძრავ და ცნობისმოყვარე ბიჭუნაში მიხეილ ალექსის ძე რაღაც თავისას ნოსოვებისას ხედავდა და ამით ძალზე ამაყობდა.

ცხოვრებისეული გამოცდილებით დაბრძენებულ ნოსოვს თანასოფლელებში ჭკვიანი კაცის სახელი ჰქონდა გავარდნილი.

ნოსოვებთან გერმანმა დაამთავრა პაპის ოთხწლიანი „უნივერსიტეტი“. უპირველესად, ბიჭუნამ ისწავლა შრომის პატივისცემა. მიხვდა, რომ თავიდათავი შრომია. ადვილ დავალებებს გერმანი მუდამ დიდის კმაყოფილებით ასრულებდა, ახსოვდა რა მამის დანაბარები: „...მეხმარე საოჯახო საქმეში, კაცად დარჩი ოჯახში“.

ყველაზე სასიხარულო ბიჭისათვის ის დღეები იყო, როცა პაპას საკოლმეურნეო ფერმაში მიყავდა, ან როცა მინდვრებში მაზიდათი რამე მიჰქონდათ. პაპა გადასცემდა ხოლმე შვილიშვილს სადავეს და ეტყოდა:

— ნუ გააწვალე, ცხენი ჭკვიანი ცხოველია, დანარჩენი თვითონ იცის.

მაგრამ მალე მეურნეობაში ცხენები აღარ დარჩა. მაშინ მიხეილ ალექსანდრეს ძე ნოსოვმა დაიწყო ახალგაზრდა ხარებისა და ძროხების შებმა მაზიდაში.

იგონებს რა ამ წლებს, გერმან ტიტოვი ჰყვება, შიდასაკოლმეურნეო გზებზე ძროხის ნელ სიარულს პაპა როგორ უვსებდა სწავლით... ხან მარტივ არითმეტიკულ ამოცანებს ეკითხებოდა, ხან მეხსიერების შესამოწმებლად დაწვრილებით ეკითხებოდა, თუ რა ნახა კოლმეურნეობის ეზოში, ანდა, ეტყოდა რაიმე ნართაულ სიტყვას და მაშინვე შეეკითხებოდა, რა აზრი იყო შიგ ჩაქსოვილი.

1943 წელს გერმანე შეიყვანეს იმ სკოლის პირველ კლასში, რომელიც კომუნარების მიერ იყო აშენებული და რომელშიც თავის დროზე გერმანეს მშობლები სწავლობდნენ.

დედის და პაპის მცდელობით მომავალი კოსმონავტი კარგად მომზადებული აღმოჩნდა სკოლისათვის. მაგრამ პაპის „უნივერსიტეტი“ მეცადინეობა არ წყდებოდა. მიხეილ ალექსის ძე ბევრს კითხულობდა, მარქსის „კაპიტალიც“ კი დაძლია, და ერთხელ, როცა გერმანმა აიღო სქელი ტომი იმისათვის, რომ დაწებებული სათამაშოსთვის წნეხსავით დაედო ზემოდან, პაპა აღშფოთდა:

— დადე ადგილზე. შენ, ყმაწვილო, ამ წიგნს ნუ ეხუმრები. ეს ზღაპრები და იგავეები როდია. ეს, ძამია, კარლ მარქსის თხზულებაა, კაცობრიობის გონებისა და გამოცდილების კაპიტალია.

სწორედ უფროსი ნოსოვისაგან გაიგო ბიჭუნამ, თუ როგორ იბრძოდნენ თანასოფლელები კოლჩაკის, მდიდრების წინააღმდეგ, როგორ შეიქმნა კომუნა „მაისკოე უტრო“.

— წავალ, მამას მივეხმარები! — ერთხელ რაღაც არაბავშვურად უთხრა დედას გერმანმა.

— მეც სიამოვნებით წავიდოდი, მოხუცი რომ არ ვიყო, ფეხები აღარ მემორჩილება, — მხარი დაუჭირა შვილიშვილს პაპა მიხეილმა და განაგრძო ბიჭუნას ნაბდის ჩექმის დაკერება, — ხოლო საინტერესოა, როგორ მიეხმარები მამას? ფაფას თუ მოუხარშავ... მაგალითად, თუ შეძლებ ჩექმის დაკერებას?

— ვერა, — ჩაიდუღუნა გერმანმა.

— ჰოდა, ჯარისკაცი კი, როგორც წესი, ხელმარჯვეა, ყველაფერი თვითონ უნდა იცოდეს — ტყვიამფრქვევიდან და ქვემეხიდან სროლა, ტანკის ტარება. და, უნდა თუ არა, ფაფის მოხარშვაც და ჩექმის დაკერებაც.

ალექსანდრა მიხეილის ასულმა გაიღიმა, ბავშვი გულთან მიიხუტა და წყნარად უთხრა:

— პაპა მართალია. შენი საქმე ჯერ სწავლაა. მამაშენმა სოფელში პირველმა ისწავლა ტრაქტორის მართვა. ომშიც საქვსთანაა.



პაპამ დააკერა ქეჩის ჩექმა და ლუმელთან მჯდომ შვილიშვილს დაუღო წინ.

— ჩაიცვი. სამშობლოს დაცვა წმინდათაწმინდა საქმეა. ჩვენ ბურჟუებს გამოვგლიჯეთ იგი, მამაშენი ფაშისტებისგან იცავს მას. შეიძლება კიდევ გამოჩნდნენ სხვისი სიმდიდრის მოყვარულნი. გაიზრდები და წახვალ ისევე, როგორც სხვები, საბჭოთა სამშობლოს დასაცავად.

სამუდამოდ ჩარჩა გულში ბიჭუნას პაპის სიტყვები. შემდგომში შეუყვარდა წიგნები და რალაცნაირად ისე მოხდა, რომ პირველი მოთხრობების კითხვა მფრინავებზე დაიწყო.

1945 წელს ომგადახდილი სტეფანე ტიტოვი დაბრუნდა სახლში და ჩქარა გადაიყვანა ოჯახი ისევ სოფელ პოლკოვნიკოვოში, თვითონ კი მასწავლებლის პროფესიას მიუბრუნდა.

გერმანეს ცხოვრებაში დადგა ყრმობის წლები, როცა ადამიანში ყალიბდება მისი ძირითადი თვისებები. და ამ დროს ძნელია გაზვიადება მამის როლისა, — მამა პედაგოგი ამ სიტყვის საუკეთესო და მაღალი მნიშვნელობით, და არა მარტო სკოლაში, არამედ სახლშიც.

განსაკუთრებულად და მრავალმხრივ დაჯილდოებულ ადამიანს — სტეფანე პავლეს ძე ტიტოვს განგებისგან არაჩვეულებრივი მუსიკალური ნიჭიც დაჰყვა. გლეხის შვილი კომუნა „მაისკოე უტროდან“ ოცდათიან წლებში წავიდა მოსკოვში და ჩაირიცხა მოსკოვის კონსერვატორიაში, კლასში, რომელსაც გამოჩენილი კომპოზიტორი რ. გლიერი ხელმძღვანელობდა. მაგრამ ბედმა სხვანაირად იწვინა... სტეფანს მამა მოუყვდა და ის იძულებული გახდა დაბრუნებულიყო მშობლიურ სოფელ პოლკოვნიკოვოში. აქედან იწყება მისი განმანათლებლური მოღვაწეობა, რომელმაც ღირსეული კვალი დატოვა მრავალ ასეულ ადამიანში. აი, რას მოგვითხრობს თავის დღიურში მსოფლიოში ნომერ ორი კოსმონავტი მამაზე:

„ლატაკი გლეხის შვილი — მამაჩემი — საბჭოთა ხელისუფლების დროს გახდა პედაგოგი. ასწავლიდა ენასა და ლიტერატურას, გვარიანად ხატავდა, უყვარდა მუსიკა, უკრავდა ვიოლინოზე. ის იყო ჩვენი სოფლის მასწავლებლებისა და კოლმეურნეების დრამატული წრეების ორგანიზატორი... თვითონ მიკეთებდა სათამაშოებს, მეხმარებოდა მარტივი ბიჭური პრობ-

ლემების გარკვევაში, მოთმინებით და დაუინებით ზრდიდა ჩემში ადამიანების, ოჯახის, ამხანაგების, შრომის პატივისცემას. დღემდე მგონია, რომ რაც კი არის ჩემში კარგი, მამისგანაა.

მამა ბავშვობიდანვე ავტორიტეტულ და საყვარელ ადამიანად რჩება ჩემთვის. როცა გავიზარდე, გავიგე, თუ საიდან ჰქონდა მამას ასეთი ერთგულება მშობლიური მხარისადმი, ბავშვთა სულის, მათი თანაგრძნობის და დარდის ფაქიზი გაგება. ის აქვე აღიზარდა... თავის მამასთან — ჩემს პაპასთან ერთად არაერთი ქოხი ააშენა სოფელში. ისეთივე მერხზე წაიკითხა დედა-ენა, როგორზეც ჩვენ ვსწავლობდით.

ფრონტიდან გამოგზავნილ ერთ-ერთ წერილში მამა წერდა:

«С каким бы радостным томлением  
К земле бы грудью я припал,  
С каким бы трепетным волнением  
Знакомым полем прошагал...»

...მამა მე თანატოლსავეთ მექცეოდა. საუბარი სკოლას ენებოდა თუ კლუბში მომავალ ლექციას, ყოველთვის ისე ლაპარაკობდა, თითქოს მეც ვიღებდი მონაწილეობას „უფროსების საქმეში“. ძალზე მიყვარდა ეს საღამოები, მიუხედავად იმისა, რომ ყველაფერს ვერ ვიგებდი მშობლების ლაპარაკიდან. მაგრამ იმის შეგრძნება, რომ მე ოჯახის სრულუფლებიანი წევრი ვარ, სიამაყის და, რაც მთავარია, პასუხისმგებლობის გრძნობით მავსებდა“.

კოსმოსში გაფრენის წინ გერმანს გაახსენდა სიტყვები, ცოტა ხნის წინ მიღებული მამის წერილიდან „...Я не хочу строить догадки о том, что у тебя затевается. Но если едут к нам люди, вероятно, дело серьезное. Каким бы оно там ни было малое или большое, — сделай его, сын, с толком, как подобает делать всякое дело, к которому ты приставлен. Сил у тебя должно хватить, по моим расчетам, уменьем ты позапасся, разумеется, а средствами народ обеспечит. Покажи, что порода наша может послужить общему делу в меру своих сил и возможностей“.

ბარნაულიდან დაახლოებით მეასე კილომეტრზე არის ძველი ქალაქი ბიისკი, რომლის რვა კილომეტრით დაბლა უერთდება ყაღნი მდინარე ბიას და წარმოიშობა მდინარე ობი. შაბათია და არცაა გასაკვირი, რომ მდინარის სანაპიროზე, პატარ-პატარა კუნძულებსა და ნაევებზე მეთევზეები ჩანან. ბიისკს გავცდით, მაგრამ ჭერ ისევ ალთაის მხარის ტერიტორიაზე ვიმყოფებით. ბოლო სოფლამდე არ ვიყავით მისული, რომ მანქანები გზიდან უხვევენ და შესანიშნავ არყის ტყეში ვჩერდებით.

— აბა, აქ კი წავისაუზმოთ. ჩვენგან სულ სამ-ოთხ კილომეტრზეა სოფელი სროსტკი — ვასილი შუკშინის ადგილის დედა. აი, მას ამ ტყეებში, ამ წარმტაც ბუნებაში უყვარდა ხეტიალი.

მასპინძლებმა ცეცხლი სწრაფად გააჩაღეს. სახელდახელოდ დათლილ შამფურებზე, ზოგზე — მოზრდილი ქვებით წამოღებული თევზები, ზოგზე კი მწვადები აასხეს. ალთაური ბალზამით დავილოცეთ, ცხელი ჩაიც დავაყოლეთ და გზა განვაგრძეთ. სროსტკიში რომ შევედით, ბესიკმა ხეწუნა დაგვიწყო, ვასილის სახლ-მუზეუმი დამათვალეიერებინეთო, მაგრამ მასპინძლებმა უთხრეს, ეგ ამბავი უკან დაბრუნებისასაა გამიზნული, ახლა კი მაიმაში გველოდებიან და დროზე უნდა ავიდეთო.

აქ, ამ პატარა ლამაზ სოფელში, რომელიც განლაგებულია ალთაის მხარის ბარისა და მთიანი ალთაის საზღვრების ველზე, რომელსაც თავისუფლების ველი ეწოდება, დაიბადა და გაიზარდა ვასილი შუკშინი. გასაოცრად ნიჭიერი, მრავალმხრივი და მრავალმადლცხებული კაცი — მსახიობი, პროზაიკოსი, კინოსცენარისტი, რეჟისორი..., აქ, ომის წლებში, უმამოდ დაამთავრა შვიდი კლასი. ნაადრევი დამოუკიდებლობა, სხვადასხვა სამუშაო სხვადასხვა ქალაქში — ზეინკალი, მღებავის შეგირდი, მტვირთავი. ჭარში გაწვევა და სამსახური ფლოტში. ოთხი წელი ის საბრძოლო ნაღმოსნის მეზღვაური რადისტია.

დემობილიზაციის შემდეგ ბრუნდება მშობლიურ ალთაიში, ექსტერნად აბარებს გამოცდებს სიმწიფის ატესტატზე, მასწავლებლობს სკოლაში — ასწავლის რუსულ ენას, ლიტერატურას, ისტორიას.

1954 წელს ერთბაშად ყველაფერს თავს ანებებს და მიდის მოსკოვში სასწავლებლად. სწავლობს ბრწყინვალედ მიხეილ რომთან სარეჟისორო ფაკულტეტზე კინემატოგრაფისტთა სრულიად საკავშირო სახელმწიფო ინსტიტუტში. აქვე აღმოაჩნდა მსახიობის ნიჭი.

აქ, ამ მიწას და ამ ხალხს იყო მიჯაჭვული ის, და ვერც წარმოედგინა უმათოდ ცხოვრება. აქ ძერწავდა, თუმცა არა, კი არ ძერწავდა, უბრალოდ, ქაღალდზე გადაჰქონდა ანდა თვითონ ანსახიერებდა იმ სოფლელი ბიჭების სახეებს, რომლებიც აქ, მის გარშემო ცხოვრობდნენ და სწავლობდნენ, შრომობდნენ და წარმოაჩენდნენ თავიანთ თავს ცხოვრების სარკეში.

კინოტიტრებში, ჟურნალ-გაზეთების გვერდებზე სულ უფრო ხშირად გვხვდება მისი სახელი. მასზე დაიწყეს ლაპარაკი. კინოსა და ლიტერატურაში მოვიდა ბრწყინვალე ტალანტი თავისი თემითა და თავისი გმირით.

1963 წელს ეკრანებზე გამოვიდა მისი პირველი რეჟისორული ნამუშევარი (თვითონვეა სცენარის ავტორი) „ცხოვრობს ასეთი ბიჭი“,

ორი წლის შემდეგ თავისი მოთხრობების „სტეპკა“, „გველის შხამი“, „იგნატა ჩამოვიდას“ მიხედვით გადაიღო ფილმი „თქვენი ვაჟიშვილი და ძმა“. ამავე პერიოდში, მრავალრიცხოვანი საჟურნალო პუბლიკაციების გარდა, გამოიცა მოთხრობების კრებული „სოფლის მცხოვრებნი“ და პირველი რომანი „ლუბავინები“.

დღე და ღამეს ასწორებს, თავაუღებლივ მუშაობს რუსეთის ისტორიის შესასწავლად და წერს კინოსცენარს „მოვედი, რათა მოგცეთ თავისუფლება“ სტენკა რაზინის ცხოვრებაზე, მაგრამ ფილმს გადალება არ ეწერა. ხოლო დაგროვილმა უამრავმა მასალამ საშუალება მისცა ავტორს შეექმნა რომანი „სტენკა რაზინი“. მას მოჰყვა მოთხრობების წიგნი „იქით, შორს“, „თანამემამულენი“. თავისივე მოთხრობების მიხედვით იღებს ფილმს „უცნაური ადამიანი“.

ვ. შუკშინს ისევ აღელვებს „...ეს მდგომარეობა სულისა, რომელშიც დღეს ჩვენი რუსი ადამიანი, გლეხი ცხოვრობს“.

ადამიანის ღირსებებს, ჰეშმარიტსა და მოჩვენებითს, ინ-

ტელიგენტობას ნამდვილსა და შეთხზულს, შინაგან ღირსებებსა და მამამებლობას, — აი, რას წააწყდა მოთხრობებისა და ფილმის გმირი.

„წითელი ძახელი“ სწორი გზიდან აცდენილი ადამიანის საშინელი ცხოვრებაა, ცხოვრება, რომელიც გამრუდდა, სიცრუის არაბუნებრივი კანონებით მიმდინარეობს — აღარ სწორდება, ხელახლა ველარ გაივლი. და კიდევ წინააღმდეგობის მეორე მხარე: კარგ, კეთილ ადამიანად დაბადებული, წვალეობით აღსდგება თავისი ცხოვრების ბოროტი, სასტიკი არსის წინააღმდეგ; მშრომელი ხალხის შვილი ეწევა პარაზიტულ ცხოვრებას.

აქ შუკშინი ახალ სიღრმეებში ჩადიოდა, ოცნებობდა აეხსნა არსი ქვეყნიერების, თავისი დროისა. სამწუხაროდ, ნაადრევმა სიკვდილმა უამრავის გაკეთების საშუალება წაართვა მას.

ადრეც გაგახსენეთ, მაიმა ალთაის ავტონომიური ოლქის კარიბჭეზე პირველი რაიონული ცენტრია. აქედან მარცხნივ სულ ხუთიოდე კილომეტრზე მდებარეობს ოლქის დედაქალაქი გორნო-ალთაისკი, ყოფილი იიროთ-ტური, პირდაპირ კი მდინარე ყადნის სანაპიროთი ცნობილი ჩუის ტრაქტით სულ ზევით მიიწევს მონღოლეთამდე. მაგრამ ამჯერად ამ გზის გავლა აღარ მოგვიხდა მანქანით. მაიმაში წავისაუზმეთ და აეროპორტისკენ ავიღეთ გეზი. კარგახანს მოგვიხდა იქ ყოფნა, ბოლოს, როცა დაგვარწმუნეს, რომ მთები საშინელი ნისლით იყო დაბურული და ჩვენი ვერტმფრენი დაღამდე ვერ გაფრინდებოდა, გორნი-ალთაისკის სასტუმროში წამოგვიყვანეს.

ღილით ისევ მივადექით აეროპორტს. ამჯერად გაგვიმართლა, ჩავლაგდით და გეზი მთებისკენ ავიღეთ. სემენის უღელტეხილზე, ონგუდაის რაიონის ცენტრის მახლობლად დაეშვა ვერტმფრენი, სადაც იქაური რაიონის პირველი მდივანი ანატოლი ჩიჩინოვი, სარაიონთაშორისო მონადირეთმცოდნე ვიქტორ კაიშინი და ამავე რაიონის დამზადების კანტორის უფროსი მიხეილ ბიშტაკოვი შემოგვიერთდნენ. ნახევარი საათის ფრენის შემდეგ დავეშვიტეთ სუმულტის ხეობაში, სადაც მონადირის პატარა სახლი და ხორცის შესაბოლო ქოხი დგას. ეს

კი სიახლე იყო ჩემთვის, რადგან ამდენი ხანია ალთაიში დაედევარ სანადიროდ და მონადირის სახლი არსად მინახავს. ამიტომ სულ კარავში ან ღია ცის ქვეშ გვიხდებოდა ყოფნა. თუმცა, ერთგან — კადრილის ხეობის სათავეშიც ვნახეთ პაწაწინა, მორებით შეკრული სახლი ბეწვეულზე მონადირისა, სადაც გაჭირვებით ორ ადამიანს შეეძლო ღამის გათევა. სამაგიეროდ, იქ ერთ პატარა გადახურულში უზარმაზარი ქვა იყო ამოთლილი, რომელშიც თავისუფლად შეეძლო კაცს ჩამჯდარიყო და ებანავა. იქვე, ზედადგარის გვერდზე, დაახლოებით ორმოცდაათ ლიტრიანი ქვაბი იყო დაპირქვეავებული. ზამთრობით სარეწად წამოსულ მონადირეს ამგვარად, მოეწყო თავისი აბაზანა. ქოხის კედლები აჭრელებული იყო ათასი ჯურის ყურნალ-გაზეთებიდან ამოკრილი ფურცლებით, რომლებიდანაც სცენისა თუ ეკრანის ცნობილი მსახიობების, სახელმძღვანელო მცენიერებისა თუ შრომის გმირების, საქვეყნოდ ცნობილი სპორტსმენებისა თუ პოლიტიკოსების სახეები იცქირებოდნენ.

დავდივართ და კიდევ ერთხელ ვეძლევი გაოცებას აქაური გაუგონარი სილამაზის გამო. ალთაიში, ხანმოკლეობის მიუხედავად, ზაფხული ძალზე ინტენსიურია. არსად არ შემხვედრია ასეთი მძაფრი მცენარეული, ყვავილთა ასეთი გასაოცარი მრავალფეროვნება და სიუხვე, როგორც აქაა. ადამიანი იფიქრებს, რომ ბუნება ჩქარობს ორ-სამ თვეში გაჩვენოს ყოველივე, რისი უნარიც აქვს. უხვად მოუბნევია ირგვლივ ფორმისა და ფერების გასაოცარი სიმდიდრე, რომელიც წლის სხვა დროში თეთრი და ცივი საფარველით არის დაფარული.

ეგერები არ დაგვხვდნენ, არ ჩამოსულან, რამაც ცოტა ხასიათი გაგვიფუჭა. ქოხზე მიჭედებულ ლურსმნებზე ტყვიით გახვრეტილი შოტლანდიური ვისკის „მოქეიფე ჯოს“ ბოთლები ეკიდა. ხეობის მღუმარებას მხოლოდ მდინარის შხუილი და ყორნების ყეფა არღვევდა.

მთელი მთიანი ალთაი ბუნებრივი ნაკრძალია. ამიტომაც გვიკვირს, რომ არც კაკბები ჩანან და არც გნოლის გუნდები.

— რეზოია, ძამა, ნაკრძალი იმიტომ ხომ არ ჰქვია ამ ადგილს, რომ გვეკრძალება რაიმეს მოკვლა, — მეუბნება ენამ-

წარე რეზო სალუქვაძე, როცა კოგრიტებით ხეობის ყველა კალთა და მწვერვალი გადავხზრიკეთ და ვერაფერი დავინახეთ.

მონადირის სახლის წიგნაკში სამი ოც-ოც ბოთლიანი მუყაოს ცარიელი ყუთი დაგვხვდა, სწორედ იმ ვისკის ნამყოფები რომლის ტყვიით გახვრეტილი ბოთლები აქა-იქ ეკიდა ლურსმნებზე.

— აქ, ნადირობის გარდა, მიზანში სასროლეთი გაუმართიათ და, აბა, რომელი ნადირი გაჩერდებოდა, — თავისთვის ჩაილაპარაკა ბესიკმა. ანატოლი ჩიჩინოვი და სარაიონთაშორისო მონადირეთმცოდნე ვიქტორ კაიშინი დუმან. შემდეგ წამოწითლებული ანატოლი მაინც ეკითხება კაიშინს:

— ვინ ოხრები იყვნენ ნეტავ აქა, ან შენ სად იყავი?

ანატოლი შეეცადა გუნება გამოეკეთებინა ჩვენთვის. ნუ მოიწყენთ, აქ ჩვენი წილიც დარჩებოდა რამეო. ბესიკი და ვიქტორი მდინარეზე ჩავიდნენ ანკესებით. რეზო სალუქვაძემ სადილის კეთება დაიწყო. ამ დროს ჩვენი ეგერებიც მოვიდნენ ცხენებით.

— ხეობის დასაწყისში ორი მარალის თავმოქრილი ღეში ვნახეთ. არ გვესიამოვნა. ნამუსგარეცხილ ადამიანებს რქების გულისთვის ორი უზარმაზარი მარალი მოეკლათ, მაგრამ, თურმე, ჯერ სად ვიყავით. შემდეგ დღეებში, ამათ გარდა, ცხრა მარალი ვნახეთ მოკლული და ასე მიტოვებული. ზოგს მხოლოდ თავი ჰქონდა მოქრილი, ზოგს ერთი ბარკალი, დანარჩენი ხორცი კი ოხრად იყო მიტოვებული. აი, რა მოუმიქმედებიათ გათავხედებულ ბრაკონიერებს.

გუნებაწამხდარს გამახსენდა ჩვენი მთამსვლელისა და მონადირის, ვაჟა გიგაშვილის სიტყვები წიგნიდან „ნადირობა ჩონ-ტაში“.

„მივიხედ-მოვიხედე. ფართო მრგვალქვაბულში ვიყავი, მდინარე აქ სვლას ანელებდა, სითბო იდგა და სიწყნარე. გარშემო დაყუდებულიყვნენ ქვიშის ფერი, გვერდებაბურცული, გლუვი კლდეები. რიყის კიდეზე, ხმელეკლიან ბალახში დავინახე რამდენიმე დამპალი თავის ქალა, გრძელი დახეთქილი რქებით. ნელა გავეყვი ქვევით და თანდათან გამოჩნდა მთელი ქვაბულის მოყვანილობა: მოყვითალო გლუვი კლდეები

ორივე მხრიდან ერთდებოდნენ და იკვრებოდნენ ზედ მდინარის კალაპოტზე. მათ ძირში დახორავებულ ლოდებში იწურებოდა და იკარგებოდა მაი-ბულაკის მთელი წყალი. გარშემო კი რიყეზე, ლოდებში, გამხმარი, ეკლიანი ბალახით დაფარულ თიხნარზე, შლამში ჩარჩენილი, ქვებში გაჩხერილი, ყველგან ეყარა დამტვრეული, დროისაგან დახეთქილი და დაშლილი ტეკების რქები და თავის ქალები. ზოგ ქალას ზედ შერჩენოდა დამპალი და დამსკდარი რქის ნახეთქები, ზოგს გასცლოდა და რქის შიდა ძვლის ამარა დარჩენილიყო. ეს იყო „ტეკების ტომარა“, „ტეკების სასაფლაო“ — რისკელდის მიერ ამას წინათ აღწერილი.

მძიმე სანახავი იყო ეს ბარბაროსული ნამუსრევი“.

ტეკების ამ ტომარა-სასაფლაოს ბასმაჩები იყენებდნენ, თურმე. აქ იმარაგებდნენ ხორცს გასაჭირში ჩავარდნილი ბანდიტები. მაგრამ ეს სულ სხვა ამბავი იყო: ქვევით ბრძოლებში დამარცხებული და დედაწულიანად ამ მიუვალ ადგილებში ამოსული მხეცადქცეულ ბასმაჩების ბანდებს არსებობის სხვა წყარო არ გააჩნდათ და ამიტომ მონადირის ეტიკეტსა და ფლორისა თუ ფაუნის მოვლას ვინდა დაგიდევდა. აქ, ალთაიში, რალა მოხდა, შიოდათ და ხორცი არსებობისათვის სჭირდებოდათ ბრაკონიერებს? არა.

პირველ დღეს ქოხიდან სულ ორასი მეტრის დაშორებით შველი წამოგვიხტა და ტყიანს მისცა თავი. მოულოდნელობისგან დაბნეულმა მე და ტოლიამ თითო ვესროლეთ, მაგრამ, როგორც ჩანს, დაგვიანებით და ორივემ ავაცილეთ. ხელმოცარვის დაჯერება არ მინდოდა. სირბილით მივედი იმ ადგილზე, სადაც შველს ვესროლეთ, მაგრამ სანუგეშო ვერაფერი ვნახე, პირიქით, კვალს ისეთი კამარა ეტყობოდა, რომ ჩემს გასროლას მთლად გადაურევია ნადირი.

დავითარსეთ, ტოლია და მე ერთმანეთს ვედარ ვუყურებთ. სხვები ჩუმად არიან. რეზო სალუქვაძე ჭერჭერობით



ზრდილობისთვის იკავებს თავს, თორემ, სახეზე ისეთი დამცინავი ღიმილი დასთამაშებს, რომ საცაა რალაც გესლიანს გვეტყვის. ჰოდა, მის ამ თავშეკავებას და იქ ყოფნას ყველაფერი სჯობს და მეც ცხენს მოვაჯექი და ხეობას ავუყევი თოვლიანი მწვერვალებისაკენ...

ტოლია, ცოტა არ იყოს, ალთაელისთვის უჩვეულოდ ზორბა, მაღალი და მხარბეჭიანია, კეთილი ჰროდა თვალებიდან ჰკუა და სიკეთე გამოსჰვივის. ჩვენ ჯერ კიდევ შარშან გავიცანით ერთმანეთი, როცა ტეკებზე სანადიროდ ვიყავით ჩასული. გვარი რომ მითხრა, ყურს არ დაეუჯერე და გავეხუმრე, რუსეთში ასეთი გვარი არ მსმენია და წარმოშობით ჩიჩინაძე ხარ, ალბათ, ბაბუაშენი ან კიდევ უფრო ადრეული კანონსგამოქცეული შენი წინაპარი შეეფარა-მეთქი აქაურობას. ჯერ გულიანად იცინა, მერე ეშმაკურად მოხტუა თვალები და მიპასუხა: იქნებ, პირიქით მოხდა და საქართველოში გადახვეწილი ჩიჩინოვები გახდნენ ჩიჩინაძეებიო. დაგემგობრდით და გამოთხოვებისას შესანიშნავი საძალე ტომარაც ვაჩუქე. მან მაშინვე გამაკვირვა თავისი ფინიკური ძალითა და გამძლეობით. დღის განმავლობაში მისი გაჩერება არ იყო. უთენია უკვე სამხირზე იყო გასული ჰოგრიტითურთ, და, როგორც კი დალანდაედა ტეკების ჯოგს, მაშინვე მისივე შემუშავებული გეგმით ვიწყებდით მათ შემოვლას.

ვიქტორიც მაშინ გავიცანი. ეს ტანმორჩილი, გამსდარი ბიჭი საოცრად მოძრავი და ენერგიულია. შესანიშნავად ისვრის. რალაც ფილმიც გადაუღიათ ბრაკონიერებზე და სხვადასხვა ძნელი მდგომარეობიდან სროლისათვის ბრაკონიერ „შკვლელად“ ეს მიუწვევიათ. გაუმართლებია რეჟისორის იმედები. არ ვიცი, ამან იმოქმედა თუ ადრეც ასეთი იყო, ცოტა ტრაბახაა და ამით უფუჭებს ადამიანს მასზე შექმნილ შთაბეჭდილებას. სხვა მხრივ, გონებაგანსნილი, გულკეთილი და ენამოსწრებული ადამიანია.

სულ სხვა შესახედაობისაა მიშა-ონგუდაის დამზადების კანტორის უფროსი, საშუალოზე დაბალი, ჩადგმულ-ჩატყვიებული, ყველაფერზე იცინის. ხორცის თითოკილოიან ნაჭრებს ისე იღებს ქვაბიდან და აქრობს ხახაში, თითქოს მზესუმზირა იყოს, — პური რად მინდა, როცა ხორციანო. ექვსნი ვიყავით. ჩაი მოვადუღეთ ვედროში. დალიეთ და დამიტოვეთო, გვითხრა. ჩვენ, ხუთმა, დიდი-დიდი, თუნუქის შვიდი-რვა ტოლჩა თუ დავლიეთ და როცა დაინახა, რომ მეტი აღარ გვინდოდა, ვედრო გვერდზე მიიდგა და შეუდგა თავის საყვარელ საქმეს. სულ რაღაც ნახევარ საათში ვედრო დაცალა, მაგრამ ამას ისეთი ხმაურით, ხენეშით და ბოყინით აკეთებდა, რომ დამსწრესთვის ძნელი გასაძლები იყო. ჩასულები იდიოტის გამომეტყველებით ვუყურებდით ერთმანეთს, ის კი სიცილით კვდებოდა. — ეს რაა, მთელ ვედროსაც დავცლიო. ჩაის ასეთ სიყვარულს კი შევურიგდით, მაგრამ, როცა ცეცხლივით აჯიკისკენ გააქანა კოვზი და პირთამდე სავსე ხახაში გადაუშვა, მაშინ სულ გამოვშტერდით. რამდენიმე წამში მან ქოთქოთი დაიწყო — უბოლოდ ვიწვი, უბოლოდ ვიწვიო, წარამარა იძახდა და სიცილს განაგრძობდა: ამაღამ რანაირი ყინვაც არ უნდა იყოს, არ შემცივდებაო.

— ამ შობელძაღლს პირში და გულმუცელში, ალბათ, ხარის ტყავი აქვს გამოკრული, — ჩაიდუღუნა რეზომ.

მიშასი ერთი რამ მოგვწონდა ყველას: სრულებით არ სვამდა არაყს. ადამიანს რაც ასულელებს, ის რა შესაყვარებელიაო. სამაგიეროდ, ფანერის ფიცარგადაფარებულ ვედროდან, რომელშიც წყალი გვედგა და ზედ სუფთა ჩამჩა გვედო, რომ ვედროდან იმით ამოღებული წყალი ტოლჩაში გადმოგვესხა დასალევად, ჩამჩითვე მოიყუდებდა, დალევდა და შიგ რაც ჩარჩებოდა, ისევ ვედროში ჩააბრუნებდა. ჭერ იყო და, ახლად მოტანილი წყალი მის თვალწინ გადავაქციეთ და ხელახლა მოვიტანეთ. ამით რომ ვერაფერს გავხდით, მერე

ბირდაპირ ვუთხარით, ასეთი რამ აღარ გაეკეთებინა. მაგრამ, შენც არ მომიკვდე, არცა სწყენია და არც უღალატნია თავისი ჩვევისათვის. ამიტომ წარამარა წყლის ზიდვაში ვიყავით. საკმლის ქვაბს არ ვაკარებდით, საკმლის გამკეთებელი და გამნაწილებელი ყველა იქ მყოფზე ასაკით უფროსი რეზო სალუქვაძე იყო და მისი „ბრძანებით“ სხვას არავის ჰქონდა ქვაბთან მიკარების უფლება.

სუმულტის ხეობაში ცეცხლის ახლოს თექალთოზე წამოწოლილი მიშა საოცარ ამბავს გვიყვება...

შარშან გაზაფხულზე არგუთის ხეობაში ვიყავით სანადიროდ. ერთ ადგილას პატარა ჩანჩქერი გადმოდის კლდიდან. გადმოსული წყალი ერთი მეტრონახევარი სიგრძის ღარად-ქცეულ ტინს მიჰყვება დაბლა. სწორედ ამ წყაროს ვუახლოვდებოდით მე და ჩემი ორი მეგობარი, რომ რაღაც საექვო ხმაური მოგვესმა. უფრო ფრთხილად დავიწყეთ მოძრაობა. წვრილ-ტყიანიდან ფრთხილად გავიხედე და საოცარი სურათი წარმომდგა თვალწინ: ერთ უზარმაზარ, ცისფერ თოშად ქცეულ, გაყინულ წყალსა და ტინის ღარზე გადამჭდარ ძუ დათვის ერთი ბელი გულზე მიეხუტებინა, მეორე ზურგზე შემოჯდომოდა და ისე დაცურავდნენ თავქვე. სასრიალოს ბოლოში მალაყი გადაიარეს და ერთმანეთში აირივნენ. თამაშითა და ერთმანეთთან ბლაძუნით ისევ ავიდნენ წყაროს თავში და ისევ დასრულდნენ. მართლაც საოცარი სურათი იყო: დედა დათვი და ბელები ერთმანეთს ეფერებოდნენ, ეთამაშებოდნენ, მხარულობდნენ. ახლაც ასე მგონია, ერთმანეთს რაღაცას ელაპარაკებოდნენ და იცინოდნენ კიდევ. განებივრებული ოხავრები ხან ქეჩოზე შემოასხდებოდნენ დედას, ხან ყურზე დაეკიდებოდნენ ხოლმე კბილებით. სიცილი რომ შემეკავებინა, ისე ვიკბინე ტუჩზე, კინაღამ სისხლი დავიდინე.

ტემირსა და კოლიას ვანიშნე, არ ესროლათ. დავიწყეთ ამ

იშვიათი საციროკო სანახაობის ყურება. კარგახნის შემდეგ ძუ დათვს თითქოს მოსწყინდა თამაში, ცდილობდა ბელების მოცილებას, მაგრამ ონავრები მოსვენებას არ აძლევდნენ და ისიც უკვე ხალისდაკარგული განაგრძობდა თამაშს.

მოულოდნელად ჩვენის მხრიდან დაუბერა ნიავმა და წამში ყველაფერი შეიცვალა. დათვმა ერთბაშად მოიწყვიტა მკერდზე ატორლიალებული ბელი, ჩვენსკენ გამოიხედა, მძლავრად შეისუნთქა ჰაერი, უკანა თათებზე აღიმართა და, აქამდე საოცრად მხიარულმა და ერთის შეხედვით უწყინარმა, ისეთი შემზარავი ღრიალი ამოუშვა ხახიდან, რომ სისხლი გაგვეყინა ძარღვებში. ჰოდა, აი, ასეთი ღრიალით დაიძრა ჩვენსკენ. დაიძრა და იგრიალა კიდევ ტემირის თოფმა. დათვმა მარჯვენა წინა თათი ძალუმად აიქნია ჰაერში და ნელ-ნელა ჩაიკეცა. ხახაში სიმშრალე ვიგრძენი, ნერწყვი ველარ გადავცლაპე, გულში თითქოს რაღაც ჩამწყდა. იმ წუთში ჩვენსკენ ღრიალით მომავალს კი არა, ბელებთან მოთამაშეს, უწყინარსა და მხიარულს ვხედავდი მას. ამიტომ იყო, რომ ეს გასროლა მეხის დაცემას ჰგავდა, საწყენსა და გულსატკენს, მაგრამ საყვედური მეგობრის მიმართ არ მეთქმოდა. ტემირი გამოცდილი მონადირეა და კარგად იცოდა, რომ იმ დროს ან ჩვენ უნდა ვყოფილიყავით, ან დათვი.

ბელები სადღაც გაუჩინარდნენ. თოფები იქვე მივაყუდეთ ხეზე. ზურგჩანთები მოვიხსენით, შევშილიფდით და ტყავებს შევეუდექით. რამდენიმე წუთის შემდეგ ტემირმა თავის გაქნევით გამახედა გვერდზე. ქონდარა არყის ბუჩქებთან ბელები წამოსკუბებულებიყვნენ და საცოდავად გვიყურებდნენ. მე თვითონ არც კი მახსოვს, რამდენი დათვი მყავს მოკლული, მაგრამ იმ დღეს რა მემართებოდა, ვერ გამეგო... ცრემლის უზარმაზარი გორგალი ყელში მქონდა გაჩრილი და ვერაფერს ვუხერხებდი. ტყავებს თავი მივანებე და თავი რომ არ გამეცა, რაღაცის ყვირილით გავეკიდე ბელებს. ისინი უც-

ბად გაუჩინარდნენ, მე კი იმ ჯაგნარში შევეჯლაგუნდი, პირ-  
ქვე დავემხე და ლაზათიანად ავზლუქუნდი. რაც უფრო მეტს  
ვცდილობდი შემეკავებინა თავი, ამხანაგებს რომ არ შეეტ-  
ყოთ ჩემი სისუსტე, მით უფრო მიჭირდა ამის გაკეთება. ბო-  
ლოს რის ვაი-ვაგლახით შევიმშრალე თვალები და გამოვედი  
ჯაგნარიდან. არავის არაფერი უთქვამს. მე კი სახეს ვარიდებ-  
დი მათ.

ცოტა ხნის შემდეგ ისევ გამოძვრნენ საიდანღაც ბელე-  
ბი და ისევ ისე საცოდავად წამოსკუპდნენ შორიასლოს. ვერც  
შეძახილებითა და ვერც ხელების ქნევით ველარ ვიშორებ-  
დით მათ. ერთადერთი, თუ წავიდოდით მათკენ, გარბოდნენ,  
თუ არადა, საოცარი სევდიანი თვალებით იყურებოდნენ ჩვენ-  
სკენ. ბოლოს, მოთმინებიდან გამოსულმა ტემირმა წამოა-  
ვლო კოლიას თოფს ხელი. მე ადგილზე გავშეშდი, ხმა ჩამი-  
ვარდა, იმან კი — მე თქვენი პატრონი დედა, მეც ხომ ადა-  
მიანი ვარო, — ეს სიტყვები ცრემლნარევი ხმით ამოიხრია-  
ლა, დაუმიზნა და სანამ რამეს მოვისახზრებდი, „გეკომ“ გაიტ-  
კაცუნა.

ერთმა ბელმა გამეტებით შემოირტყა თავში თათები და  
დალუპულ დედას რომ ეკადრებოდა, ისეთი ბლავილით და-  
გორდა თავქვე. მეორეც, რაღა თქმა უნდა, დაგვიანებულ მო-  
წარესავით გაჰყვა თან.

ტემირმა თოფი განზე მიაგდო და სანამ მე და იქვე ჩა-  
ცუცქული კოლია ლანძღვა-გინებით დავესხმოდით თავს,  
ბურტყუნით წარმოთქვა: „როდემდე უნდა გაეწყალებინათ  
გული?! ყურში ვესროლე, აქაურობას რომ გასცლოდნენ.

— ნეტავ, თუ ესმოდათ ბელებს, რაც მოხდა? — იკითხა  
ბესიკმა.

— აბა, რა ვიცი, ტიროდნენ კია და, — უპასუხა მიშამ.

— „გეკოს“ ტყვიით ყური წაგიგლეჯია და იტირებდა, აბა,  
რას იზამდა, ძამია, — დამცინავი ღიმილით ჩაილაპარაკა რე-  
ზომ.

— არა, არა, მანამდეც ტიროდნენ. ეგეც ხომ არ მომჩვენებია. ისხდნენ და ცრემლიანი თვალებით გვიცქეროდნენ, გინდა დაიჭერეთ, გინდა არა. ეგეც არ იყოს, ჩვენ ხომ აგვატირეს. — რალაც უხერხულად, სიცრუეზე წასწრებულ ბავშვით ჩაილაპარაკა მიშამ და ცრემლებით სავსე თვალები მუშტებით ამოიწმინდა.

ხეობიდან კარგა ხანს ისმოდა დაობლებული ბელების ბლავილი.

იმ საღამოს ფეხბედნიერმა ვიქტორმა მოინადირა ერთი მარალი. რეზო სალუქვაძე ვახშმის მზადებაშია. ზოგი შეშას ეზიდება, ზოგი წყალს. ჩვენმა „შეფშარეულმა“, პირველ რიგში, ჭიგრის ყაურმა ჩაადგა, მიშა კი გადაყრილ ნაწლავებში ფათურობს, რალაცას ეძებს. ბოლოს, სწორი ნაწლავი გამოარჩია, შიგნით პატარა კაუჭიანი გრძელი ჯოხი გაუყარა, მდინარესთან ჩავიდა და ნაწლავი ნელ-ნელა გადმოაბრუნა, ამის შემდეგ ჯოხი გადააგდო, თვითონ ნაწლავი კი ცივი წყლით გარეცხა და ასე „გასუფთავებული“ ისევ გათლილ შამფურზე სიგრძივ წამოაგო, მარილი წააყარა და ცეცხლზე შემოდო შესაწვავად. გარშემო, მოგეხსენებათ, როგორი „სასიამოვნო“ სუნი დატრიალდებოდა. ჩვენ გაკვირვებულნი ვუყურებდით. მიშამ როგორც კი გადაწყვიტა, რომ ეს არნახული მწვადი მზად იყო, მხიარული სიცილით მიგვიპატოეა, — აბა, გასინჯეთ, როგორი დელიკატესიაო. მე რალაც მოვიმიზეზე და ქოხისაკენ წავედი, ის კი წარამარა აქებდა თავის ნახელავს და ვერ გაეგო, ასეთ გემრიელ კერძზე რატომ ვამბობდით უარს...

მე, ტოლია და მიშა სიმულტის ხეობის ზემო მწვერვალზე აგვიყვანა. დათქმულ დროს სპეციალურად მოსულმა ვერტმფრენმა. იქ დათვზე უნდა გვენადირა, მაგრამ გაუთვალისწინებელი წვიმა გვიფუჭებს ხასიათს და არ გვიტოვებს წარმატების იმედს. მთებზე სქელი ღრუბლები დაცურავენ, ხან

ყველაფერი უჩინარდება ჩვენს ქვევით, ხან კი ძლივს გამოჩნდება მთის პატარა ნაგლეჯი. მინის საწმენდები გამალებით მუშაობენ, მაგრამ ძლივ-ძლივობით ასრულებენ მოვალეობას. ბარე ორჯერ, სამჯერ შემოიარეს მფრინავებმა ის ადგილები, სადაც უნდა დაესვათ ვერტმფრენი, მაგრამ რამდენჯერაც დააპირეს დასმა, იმდენჯერ ისე ჩამოიქუფრა იქაურობა, რომ აღარაფერი ჩანდა. ბოლოს, როგორც იქნა, ოსტატობამ თავისი გაიტანა და ჩვენი კალია ხტუნვა-ხტუნვით დასკუპდა ჩვენთვის ყველაზე ხელსაყრელ ადგილზე.

ის იყო, მთის თავზე, ქოჩორივით პატარა კედარნარი რომ ჰქონდა, გავშალეთ კარავი და წვრილი, გულისგამაწვრილებელი წვიმა კოკისპირულმა თავსხმამ შეცვალა. ღამე ისეთი ალიაქოთი ასტეხა განგებამ, კარავი ღამის თავზე დაგვახია. ერთმანეთში იყო არეული კივილი, მოთქმა, კვნესა და ქვითინი. ერთხანს მიჩუმდებოდა ირგვლივ ყოველივე, დამძიმებული ქუთუთოებიც დაიხუჭებოდნენ და ახლა მთის ქვედა, ტყიან კალთებიდან ატყდებოდა ფარ-ხმალთა, ბექთარ-ჩაჩქანთა ჭახანი და ზრიალი, დაფეთებულ ცხენთა ჭიხინსა და დაჭრილთა ოხვრა-კვნესას ხანდახან გადარეული ხარხარიც მოჰყვებოდა ხოლმე.

სამი დღელამის განმავლობაში სულ ერთხელ გადაიღო წვიმამ ორიოდე საათით.

ამხელა ხეობის ყველა მთის იალალზე ვიყავით. არცერთი მზის გული არ გამოგვიტოვებია გაუხილავი, მაგრამ, მიუხედავად იმისა, რომ კვალით, ნაწოლებითა და ნეხვით საესე იყო იქაურობა, ვერცერთ დათვის ვერ დავკარით თვალი.

ტანსაცმლის შრობასა და ცვლას ვერ აუდიოდით. ბოლოს მოგვაკითხა ვერტმფრენმა და ძირითად ბანაკში ჩამოგვსხა ხეობაში.

ვიქტორი ბესიკის მოკლულ ირმის ხორცს ბოლავდა და თან ასწავლიდა ამ საქმეს. რეზო სადილის კეთებით იყო გარ-

თული. შარშანდელთან განსხვავებით ბესიკი მამალი ინდაურივით იყო გაფხორილი და კითხვა — რომელმა მოკლა ირემიო — არც კი გვაცალა, ისე გვიპასუხა ირონიული ღიმილით — რეზომ მოკლა, აბა სხვა ვინ შეძლებდა ამასო.

— ერთი ამას დამიხედეთ, ძლივს იცნო ირემი და ძლივს მოახერხა სროლა და არ გაიკრიფა ენად ყაზილარი? შეუბრაუნა რეზომ.

ამ ქილიკის მიზეზი კი უბრალო რამ იყო: შარშან ამავე ხეობაში დარჩნენ ისინი. ბესიკი პირველად იყო მსხვილ ნადირზე სანადიროდ, და ტყვიის თოფი არც არასოდეს ჰკავებია ხელში. ეხლა, როცა უკითხავთ რომელი თოფი გირჩევნია, რომელით ინადირებო, ოპტიკურსამიზნიანი სანადირო კარაბინი ურჩევია. ჰოდა, კაცი, რომელიც ათი სროლით ათ მწყერს ან ხოხობს კლავს, რის მოწმეც მე თვითონ ვარ, აქ დაიბნა და სასაცილო მდგომარეობაში ჩავარდა. სამზირებიდან უკან ბრუნდებოდნენ ის და რეზო, სადგომს უახლოვდებოდნენ თურმე, რომ შვიდიოდე წლის მობალახე ფურიემს წაადგნენ ოცდაათიოდე ნაბიჯზე. რეზოს საფანტის თოფი წაეღო, იქნებ კაკბები დავხოცოო, ბესიკს კი თავისი ამორჩეული ოპტიკურსამიზნიანი სანადირო კარაბინი. ჯერ ისე დაბნეულა ირმის დანახვისას, რომ რეზოსთვის უკითხავს — რა არისო. რეზოს უნიშნებია — ესროლეო, ბესიკს ისევ უკითხავს, მაშინ რეზომ უყვირა თურმე, რა არის და ცხენია, მაგრამ ესროლეო. ირემს მათთვის შეუხედავს და ფოთლების ქამა გაუგრძელებია. ბესიკს ოპტიკურ სამიზნეში ვერაფერი ვერ დაუნახავს, და ვერც დაინახავდა ასე ახლო, ოპტიკური სამიზნის გარეშე ჩვეულებრივ, სამიზნედან უნდა დაემიზნებინა, მაგრამ ეს ვეღარ მოუხერხებია და როცა რეზოს დაუღრიალა — ესროლე რას უყურებო, ისე ალალებდად გამოუკრავს სასხლეტისთვის თითი. ირემს რამოდენიმე ნაბიჯი გადაუდგამს და ისევ შეჩერებულა. ბესიკს მეორე უსვრია, ისევ ისე დაუმიზნებლად. ირემი წასულა.



მთიდან დაბრუნებულებს ბესიკი საცოდავი სანახავი დაგვხვდა. ხმას არ იღებდა, ოხუნჯობაზე არც კი იღიმებოდა და ღამეც თითქმის არ ეძინა.

რეზო, რა თქმა უნდა, ხმას არ იღებდა, მაგრამ განა იმიტომ, რომ ეცოდებოდა ბესიკი, არა, ცოტა არ იყოს, ეშინოდა, უზრდელად არაფერი ეპასუხა მისთვის. მაგრამ ეს მოთმინება როგორც იქნა მეორე დღემდე ეყო სალუქვაძეს, მეორე დღეს კი, იცოცხლე, აიშვა ენა.

— რაიანო? შემეკითხა, ძამა. რაი უნდა ყოფილიყო, ნეტავი, რა ეგულებოდა, ცხენები ჩვენ არ გვეყავდა (ეგერები ჯერ არ იყვნენ ამოსულები) და ძროხები. სხვა რა უნდა ყოფილიყო ამ დასაკარგავში, ნეტავი. ახლა სროლა, სროლას არ იკითხავთ, ძამა? ე, რაცხა ლექსი რომაა ძამიშენი და სათვალე, ხან ერთი თვალით გაიხედა, ხან მეორით და, რომ ველარ მოირგო ის ოხერი, დაუმიზნებლად არჩია სროლა და იმიტომ მოახვედრა პირდაპირ შუბლში. არა, არა, ისიც რომ სულ გარეცხილი და უნამუსო გამოდგა, ყურიც არ გააპარტყუნა, არც აჩქარდა, ალბათ იცოდა, რა მონადირეც გახლდათ შენი სიკეთისა და მელიის არ იყოს. მეც გადმომწვდა, ენადქვეული სალუქვაძე...

— ჰო, ჰო, შენ მყავხარ, ბიჭო, ვილქელმ ტელი რაღა. შენი სალაპარაკო გავხდი სროლაში. — უპასუხა წამოქარხლებულმა ბესიკმა.

— გაჩერდი, გაჩერდი, ნუ წეიკიდე, ბიძია, თავზე ცეცხლი. განახეთ, რა შვილი მსროლელებიც ხართ.

ჩვენდა სამწუხაროდ, იმ დროს რეზო იყო მართალი და მე და ბესიკმა ისევ გაცლა ვამჯობინეთ.

...დიდხანს ველოდი ამ დღეს. და აი, ბოლოს და ბოლოს დადგა.. მივიღე უფლება თოვლის ჭაქზე ნად. რობისა.

მარტია. ვიცი, რომ მთიან ალთაიში ცივა, მაგრამ ამას ვინ დაგიდევს. ორ ღღეში მოვემზადე და უკვე ადგილზე ვარ.

კოშ-აგაჩში ჩასულს, ვალოდია ციგანკოვი დარიგებას მძღლევს. მიყვება ჭიქის ჩვევებზე, მოქმედებაზე, ადგილებზე, სადაც მას უფრო მეტად უყვარს ყოფნა, მის დაუნდობლობასა და სივერაგებზე.

ვატყობ, ვალოდია და ჩემი მეგობარი, კოშ-აგაჩის რაიკომის პირველი მდივანი ვალერი ჩაპტინოვი, ძალიან ღელავენ, თაფიდან ისიც კი ითქვა, რომ ჩემი უშიშროებისათვის მე და ვალოდიას ერთად — წყვილად გვევლო, მაგრამ მე კატეგორიულად უარვყავი ეს აზრი, რაზეც ძლივს დავითანხმე ისინი.

მეორე ღღეს უთენია გაცედით მანქანით იმ ადგილისკენ, სადაც გველოდებოდა ცხენები, რომლებსაც არგუთის ხეობის გარკვეულ მონაკვეთამდე უნდა მივეყვანეთ, შემდეგ კი მთიანი ალთაის ამ ყველაზე ძნელად სასიარულო ხეობაში ჯერ ცხენით, ხოლო შემდეგ ფეხით უნდა გვევლო.

აქ გადის ყაღის და ჩუის მთავარი უღელტეხილები, რომლებიც ორიათასი მეტრის სიღრმის ნაპრალით არის შუაზე გაჩეხილი და მის ძირში ღრიალით მიედინება არგუთი. გასიპული კლდეების ციცაბო ფლატე ვარდება ხეობის ვიწრო ღრმულში, მეორე ნაპირზე კიდევ უფრო ციცაბო და მაღალი კლდეებია აზიდული. მოწითალო ტონების მქონე გიგანტური კლდოვანი ფლატეებისგან შექმნილი პირქუში ხეობა ჭა უძირო უფსკრულში მოღრიალე არგუთი შეაძრწუნებს ადამიანს.

ვიწრო ხეობა შემოზღუდულია მთებით. მთის გადმოკიდებული კალთები თავდაღმა იჩეხებიან მდინარისკენ. თოვლი ხეობაში სრულიად არაა ახლა, მხოლოდ არგუთს არ გაუტყვრია ბოლომდე თავისი ყინულის სამოსი. ციცაბო კლდეზე ვიწრო ლავგარდნად მიკრული ბილიკი სულ უფრო მაღლა-მაღლა მიცოცავს. მარჯვენა უზანგის ფოლადი ხანდახან

ნაპერწყლებს ყრის კლდის ხორკლიან კედელზე, მარცხენა ფეხი უძირო ფრიალოზე ჰკიდია...

ცივა. მზის გულზე ალაგ-ალაგ გამდნარია ყინვა და მიწას ოხშივარი ასდის. არგუთის ხეობაში ამ დროს, თურმე, უფრო ცივა. ცივა, მე კი მცხელა, იმიტომ, რომ, ჯერ ერთი, საკმაოდ დამრეც აღმართს მივყვები, აგერ უკვე საათია, ფეხით და, მეორეც, იმიტომ, რომ თოვლის ჭიქს ხუმრობა არ უყვარს, მცირეოდენ შეცდომას არ გაპატიებს. ეს თითქმის ვეფხის ტოლი მტაცებელი ძლიერი, ძალზე სწრაფი და დაუნდობელია. როგორც კატათა ოჯახის ყველა წარმომადგენელი, ისიც მარტში მძუვნაობს და ამ დროს იწყებს აქტიურ ხეტიალს, კნავილს: ამიტომ სწორედ ამ დროს ავლენს ყველაზე უფრო თავის ადგილსამყოფელს და მონადირისათვის ამ პერიოდშია ყველაზე ხელსაყრელი მასზე ნადირობა. თუმცა, ხელსაყრელის რა მოგახსენოთ, სწორედ ამ დროსაა ჯიქი ყველაზე მეტად გაღიზიანებული და საშიში. ის, ჩასაფრებული, ხშირად ესხმის თავს მონადირეს ან საქონელს, ამიტომაც საჭირო უკიდურესი სიფრთხილე და მზადყოფნა, — ყოველ წუთს შეუძლია რაღაც მოულოდნელობა მოგიტანოს.

ყინულით მოპრიანებულ მდინარის კლდოვან ნაპირებს ზათქითა და ზრიალით ეხეთქება ქაფადქცეული, რძისფერი არგუთი. სმენადქცეული აქეთ-იქით ვიმზირები. უკვე ყურს-შეჩვეულ წყლის ხმაურში უნდა გამოვარჩიო უმნიშვნელო ჩქამიც კი.

ოდნავ წინწახრილი მოზომილად ვდგამ ნაბიჯებს. ხელში, ფეხზე შემდგარი კარაბინი მიკირავს. ვჩერდები, ოხშივარი ამდის. ვგრძნობ, ოფლში ვარ გახვითქული. მარცხენა ხელით საკინძქეს ვიხსნი. არაფერი მესმის, მაგრამ რაღაც წინათ-გრძნობა მკარანახობს, რომ მარტო არ ვარ. სადღაც, სულ ახლოს, ვიღაც არის ჩემს გარდა. თოფი ისევ მზად მაქვს, ლითონის ცივ სასხლეტზე ლამის თითი მიმეყინოს, მაგრამ ხელ-

თათმანს მაინც არ ვიცვამ, ხელთათმანში ისე ვერ ვგრძნობ თოფს, როგორც საჭიროა, მითუმეტეს, მის სასხლეტს. თოფი ფრთხილად გადამაქვს მარცხენა ხელში, მარჯვენას ვიორთქლავ და ცოტა ხნით თბილი ქურქის ჯიბეში ვიყოფ. დამთბა, სისხლმა ნორმალურად დაიწყო მოძრაობა, სამაგიეროდ, ტანზე უცბად შემაშრა ოფლი და შემცივდა. ისევ წინ დავიძარი, ვიცი, რომ ამ დროს ხეობის მეორე ნაპირს ვალოდია ციგანკოვი, გამოცდილი და გამბედავი მონადირე მოჰყვება. „ახლა ის ჩემზე უფრო ფიქრობს, ვიდრე თავის თავზე“, — გამიელვა თავში და უცბად ულარი<sup>1</sup> აფრინდა ხმაურით. მოულოდნელობისაგან სისხლი გამეყინა ძარღვებში, კინალამ სასხლეტს გამოვკარი თითი. მერე ისევ დამცხა, გაღიმება მინდოდა, მაგრამ შევატყე თავს, რომ ვერ შევძელი. მარცხენა ხელით ცხვრის ქუდი მოვიხადე და გაოფლილი შუბლი მოვიწმინდე, მარჯვენაში კონდახის ყელში ჩაბლუჯული, სასროლად გამზადებული კარაბინი მიჭირავს და ისევ აღმართს მივყვები.

— კაცის ხასიათი ნადირობის დროს ყალიბდები, — მახსენდება მამაჩემის სიტყვები და ცოტა ვმხნევდები, თითქოს, ის იყოს ჩემს გვერდით, ის, უნაკლო მსროლელი და ბრწყინვალე მონადირე...

თოთხმეტი წლისა ვიყავი, როცა მამამ და ჩემმა სიძემ, ვახტანგ შავგულიძემ, ყვარლის მთებში მიმატოვეს მარტო. დამიბარეს, პატარა დაბალგორს ამოივლი და მწყემსების ნაბინავართან დაგხვდებითო. საშინელმა სეტყვამ და ღვართქათმა მომისწრო გზაში. იალალზე ხეც კი არ იყო, რომ შევფარებოდი. საჩხეხევით ოდნავ გადმოზნექილ კლდეს შევაფარე თავი. ძაფი რა არის, ძაფი არ მქონდა მშრალი. ტანზე გავიხადე. გავწურე ტანსაცმელი, არაფერმა მიშველა. ასანთი არ აღმომაჩნდა, რომ ცეცხლი დამენთო. როგორც იყო, ღვარ-

---

<sup>1</sup> ელარი — შურთხი (მთის ინდაური) ჩვენებური შურთხისგან განსხვავებით უფრო მოზრდილია და ფერადი ბუმბული აქვს.

ცოფმა გადაიღო, მაგრამ ისე ბნელოდა, რომ იმ ვიწროებში სიარული აღარ შეიძლებოდა. რამდენჯერმე გავძახე სიბნელეს, ერთხელ თოფიც დავცალე, მაგრამ, ექოს გარდა, არავის უპასუხია არც ერთზე და არც მეორეზე. მთელი ღამე ვარჯიშში გავათენე. იმავე ხევის გადაღმა სულ ასორმოცდაათ-ორას მეტრზე ყოფილან ჩემგან ორივენი, მაგრამ არ მიპასუხეს, გამომცადეს, ავიტრუებდი თუ არა გულს ნადირობაზე. ვახტანგმა მშრალი წინდები და საცვლები მომცა, ნაბაღში გავეხვიე. ტანსაცმელი ცეცხლზე გააშრეს და თუნუქის ტოლჩით ჩაიცკი მომიღულეს...

არა, არ მეჩვენება, ნამდვილად ვგრძნობ, ვილაც მიყურებს, ხელმარცხნივ აღმართულ პატარა კლდოვან უნაგირს ავაყოლე თვალი, თოფიც იქით მაქვს ლულით მიშვერილი, მარცხენა ხელში ისევ ცხვრის ბეწვის ქუდი მიჭირავს. წყვილი ჭროლა თვალი ნაპერწკალს აელვებს. ნახტომისთვის გამზადებული ლამაზ ფერებად აჭრელებული დაკუნთული ტანი ორი მეტრის სიგრძეზეა დაძაგრული. მისი თავის მარცხნივ, ქვემოთ პატარა მოედანია. ფიქრის დრო აღარაა, მაგრამ თოფის ორივე ხელში გამართვას ვერ მოვასწრებ. გონება ავტომატურად მუშაობს, და, როცა დავინახე, რომ უკანა ფეხებზე ოდნავ წამოიწია, ჩემი ბეწვის ქუდი, წელან რომ შევნიშნე, იმ პატარა მოედნისკენ გაფრინდა, თითქმის ჰაერშივე შეცვალა მიმართულება გამოფრენილმა ცისარტყელამ და ერთდროულად დაეშვნენ მოედანზე. შემობრუნება აღარ ვაცალე, სულ რაღაც ოციოდე მეტრი იქნებოდა ჩვენს შორის, იქეჭა თოფმა...

ნელ-ნელა დავეშვი მზისგან გამდნარ გათოშილ მიწაზე. ოფლში ვარ გაწუწული. მცხელა. საკინძეს კიდეე უფრო ვიხსენი. თოფი მუხლებზე მიდევს. საფეთქლებში ჩაქუჩებს მცე-

მეც, გული ნელ-ნელა ნორმალურ რიტმს უბრუნდება. სიხარულისაგან მინდა ვიყვირო, მაგრამ სისუსტე არ მძლევს საშუალებას.

ახლანა გავიხედე იქით.

გაქიმულ ცისარტყელას მზით გაბრწყინებული ბეწვის ქუდი ბურთივით გაეჩარა პირში.

რედაქტორი ე. მოისწრაფიშვილი  
მხატვარი ლ. ღუნღუა  
მხატვრული რედაქტორი თ. შარიფაშვილი  
ტექნიკური რედაქტორი ვ. ხუციშვილი  
კორექტორი ლ. არეშიძე  
გამომშვები ა. ხააკაძე

ავტორის პორტრეტი გარეკანის მეოთხე  
გვერდზე ეკუთვნის კ. იგნატოვს

ს. ბ. № 6446

გადაეცა წარმოებას 18.08.88. ხელმოწერილია დასაბუქდად 27.12.88.  
უე 02179. საბუქდი ქალაქი № 1. 84×108<sup>1</sup>/<sub>32</sub>. გარნიტური ვენა.  
ბუქდვა მაღალი. პირობითი ნაბუქდი თაბახი 13,02+ ჩაკრა 0,84. პირ.  
საღ.-გატ. 13,44. სააღრ.-საგამომც. თაბახი 12,07.

ტირაჟი 40.000. შუკვ. № 1717.

ფასი 1 მან. 20 კაპ.

გამომცემლობა „საბჭოთა საქართველო“  
თბილისი, მარჯანიშვილის 5.

საქართველოს სსრ გამომცემლობათა, პოლიგრაფიისა და წიგნის  
ვაჭრობის საქმეთა სახელმწიფო კომიტეტის თბილისის ი. ჭავჭავაძის  
სახ. წიგნის ფაბრიკა, მეგობრობის გამზირი № 7.

Тбилисская книжная фабрика им. И. Чавчавадзе Государст-  
венного комитета Грузинской ССР по делам издательств, по-  
лиграфии и книжной торговли, пр. Дружбы № 7.